

গুরনো সেই দিনের কথা

সঞ্জীব চট্টোপাধ্যায়

মডার্ন কলাম

১০/২এ, টেমার লেন, কলকাতা-৭০০ ০০৯

□ প্রথম প্রকাশ : শ্রাবণ ১৩৭১ / জুলাই ১৯৬৪

□ প্রকাশিকা : লতিকা সাহা । মডার্ন কলাম

১০/২ এ, টেমার লেন কলকাতা-৭০০০০৯

□ মুদ্রাকর : নিমাই চন্দ্র ঘোষ । দি রঘুনাথ প্রিন্টার্স

৪ ১ ই বিডন রো, কলকাতা-৭০০০০৬

□ প্রচ্ছদ : সূত্রত চৌধুরী

ଶ୍ରୀ ପଦ୍ମଜ ଦତ୍ତ

ଅକାଭାଜନେଷୁ

এই লেখকের অন্যান্য বই :

ছাগল

বামুনের গল্প

এক ছুই

এবাস্

কেবলই ছায়া

শ্বেত পাথরের টেবিল

পায়রা

শোফা কাম বেড

শাখা প্রশাখা

দিন আনি দিন খাই

লোটাকবল

শেষ কৃত্তা

সঙ্গীত চট্টোপাধ্যায়ের সব বই দে বুক ঠোর-এ পাওয়া যায় ।

পুরনো সেই দিনের কথা

কাল ঊনবিংশ শতাব্দীতে পা রেখেছে। কলকাতার রাস্তায় গ্যাসের আলো। বাবুদের বাড়িতে বাড়িতে ঝাড়লঠন। অঙ্ককার অঙ্ককার রাস্তায় ফিটন। ঘোড়ার পা ঠোকার শব্দ। শবযাত্রীদের হরিধ্বনি। জলস্রাব থেকে উপচে পড়া বান্ধিজীর ঘুঙুরের শব্দ। আতর, বেলফুলের গন্ধ। হুগলী নদী থেকে ভেসে আসা ক্লাস্ত স্টিমারের মধ্যরাতের ঘরে ফেরার গম্ভীর ভোঁ। গঙ্গাযাত্রীর ঘরে মুম্বু প্রাণ শতাব্দীর মৃত্যু দেখছে। ইংরেজ সেটলমেন্টে গ্রামপেনের ফোয়ারা। গেলাসে গেলাসে ঠোকাঠুকি। দিস ওয়ান টু ফেরারী কালকুস্তা দিস টু ফেমিন এণ্ড পেসটিলেন্স। দিস ওয়ান টু ম্যালেরিয়া এণ্ড কাল আ-জার দিস ওয়ান টু থাগস, দিস ওয়ান টু আওয়ার প্রাণ্ডার এণ্ড-রে এ-প। ইউ নচ গার্লস কাম হিয়ার কিস মাই নেটিভ ফেরারি। পাণ্ডুর হয়ে আসছে রাতের আলো। মধ্যরাতের ঘরে ফেরা মাতাল লুটোনো কোঁচা সামলে পায়ে পায়ে বাড়ি ফিরছে—বিধুমুখী, ও মাই বিধুমুখী। ল্যাম্পপোস্টকে বলছে—কি দেখছিস মাইরি লম্বু, নেশা করেছি বেশ করেছি, বাপের পয়সায় করেছি, পহা আছে পহা খরচের জন্তে তোর কি রে শালা। আমার বিধুমুখী।

বিছানায় উলখুস করলেন নীলমণি। ঘুম আসছে না। পশ্চিমের খোলা জানালা দিয়ে গঙ্গার হাওয়া আসছে। মধ্যরাতের রাস্তায় খালি শালপাতার ঠোঙা উড়ে যাচ্ছে শব্দ করে। দু-একটা কুকুর ডাকছে দূরে। পাশ ফিরে ঘুমোচ্ছে হীরামণি, তাঁর স্ত্রী। হীরা ঘুমোলে নাকি, হীরা। ঘুমে অটচতগ্র। ঘুমোক ঘুমোক, সারাদিন কাজের শেষ নেই। ঠাকুরবাড়ির কাজ, অত অতিথি সেবা। আস্তে হাত রাখলেন স্ত্রীর গায়ে—হীরা। বাইরে মাকরাতের মাতাল জড়ানো গলায় চিংকার করে উঠল—জয় নীলমণি মল্লিক কি জয়। ভূমি মাইরি গ্রেট ম্যান। আমার টাকা আছে মাল খাচ্ছি তোমার টাকা আছে ধন্য করছো, অতিথি সেবা করছ। লোকে তোমায় মনে রাখবে মাইরি।

—মামলাভেদে চড়লে খুচ। তুমি অন্য। নাভ নাভ নাভ নাভ ভোবাম না।
আর একবার জয় বলি বাবা। তুমি ধার্মিক মানুষ।

নীলমণি বললেন—শুনছো হীরা মাতালের কথা। জয় জগন্নাথ। নীলমণি জানলার দিকে মুগ করে শুলেন। তারা-ভরা আকাশের পর্দা খোলা জানলায়। ধূপের গন্ধ থির থির করছে সারা ঘরে। কালো চকচকে বর্মাকাঠের শুল্ক আরাম কেদারা জানলার পাশে। নীলমণি অনেকক্ষণ তাকিয়ে থাকলেন কেদারার দিকে। অন্ধকাব ক্রমশ তরল হয়ে আসছে। ওই কেদারাটায় বসে আকাশ দেখতেন পিতা গঙ্গাবিষ্ণু। ওঃ সে কতকাল আগে! গত শতাব্দীতে। শেষ বসে গেছেন ১৭৮৮ সালে। বাবার কথা মনেই পড়ে না, আমি তখন শিশু। হীরা তুমি আমার সব দিলে কেবল একটি সন্তান দিতে পারলে না। কেন পারলে না হীরা। মৃত্যুর পায়ের শব্দ শুনতে পাচ্ছি। দরজার বাইরে অপেক্ষা করে আছে। যাব গো যাব। আর কয়েকটা দিন সময় দাও। আমার কে রইল বল। হাবার একটা ব্যবস্থা কর। হে জগন্নাথ। জয় জগন্নাথ। ঘুম আসছে যেন। জয় নীলমণি মল্লিকের জয়। হীরা জাগলে।

নীলমণির পিতা গঙ্গাবিষ্ণু মারা গেলেন ১৭৮৮ সালের ৭ই ফেব্রুয়ারী। নীলমণি তখন শিশু। শিশুপুত্র, স্ত্রী, বিষয়-সম্পত্তির সমস্ত ভার দিয়ে গেলেন ভাই রামকিষণ মল্লিককে। কারা এই মল্লিক। এঁদের অনন্ত ঐশ্বৰ্যের উৎসটাই বা কি! হাজার বছরের ইতিহাসের পাতা উলটাতে হবে। সারা ভারতের অধিকাংশ মানুষ তখন দণ্ডক-বণ্ডলুপারী সংসারত্যাগী সেই বাঙাল ছেলের উদ্দেশ্যে ঠেলে দিচ্ছে হৃদয়ের আবেগ—বুদ্ধ স্মরণং গচ্ছামি, সত্যং স্মরণম্ গচ্ছামি, ধর্ম্যং স্মরণং গচ্ছামি। বৌদ্ধ ধর্মের প্রাবনে আসমুদ হীমাচল প্রাবিত। বাংলাদেশের সিংহাসনে তখন পাল রাজারা। এঁরা ছিলেন বৌদ্ধ। সনাতন হিন্দু-ধর্মের ভিত কাঁপিয়ে দিলেন। পালরাজাদের সিংহাসন থেকে ঝেলে দিলেন মহারাজ আদিশ্বর। আদিশ্বর ছিলেন হিন্দু। সনাতন হিন্দু ধর্মের সঙ্গে তলোয়ারের ধার যুক্ত করে তিনি বাংলাদেশে বৌদ্ধধর্মকে ঠেকিয়ে রাখলেন।

সেই সময়কার রামগড়, জয়পুর থেকে ৫০ ক্রোশ উত্তর-পশ্চিমে অযোধ্যা প্রদেশের বৈষ্ণু অধ্যুষিত অঞ্চল। বৌদ্ধধর্মের প্রভাব এড়াতে তীর্থযাত্রীর ছদ্মবেশে সেখান থেকে পালিয়ে এলেন সনক আচা, সঙ্গে ষষ্ঠ্যুদ্ভদ্রদাতা গুরু ও কুল-পুরোহিত সারস্বত ব্রাহ্মণ জ্ঞানচন্দ্র মিশ্র, কিছু আত্মীয়স্বজন ও বহু অস্ত্রধারী সৈন্য। কোথায় আশ্রয় নেবেন! খুঁজে পেলেন সুরক্ষিত হিন্দু-

ধর্মাকল—মহারাজা আদিশূরের রাজধানী। ৮৫৭ শকে তাঁর দলবল চলে এল বিক্রমপুরে।

সনকের বাবার নাম ছিল কুশল আঢ্য। রামগড়ে তাঁর অর্থের, বিস্তের, প্রভাবের সীমা ছিল না। ভদ্রলোকের তিন ছেলে—বড় সনক, সোনা ও রূপোর ব্যবসায়ী, সেই কারণে ‘সুবর্ণ বাণিক’, মেজ সনাতন, মণি-মাণিক্যের ব্যবসায়ী, সেই কারণে ‘মণি বাণিক’, ছোট সনকের কারবার গন্ধদ্রব্য নিয়ে, কপূর, মশলা, সেই কারণে ‘গন্ধবাণিক’। বাংলাদেশে এই তিন বাণিক শ্রেণীর এঁরাই আদিপুরুষ। এই সনক আঢ্য পুরাণেও একটি স্থান করে নিয়েছেন :

যা পদ্মগন্ধাঙ্গী সুবর্ণাবর্ণা, বরাটিকাশ্চে সনকশ্চ যন্তৌ।

জয়াপতী বৈশুকুলোহি জাতৌ, শ্রীমাধবে কৃষ্ণকূলে যথাস্তৌ।

বরাটিকা হলেন সনক আঢ্যের স্ত্রী। পদ্মগন্ধা সুবর্ণাবর্ণা বরাটিকা এবং সনক জগতে বৈশুকুলের এই দম্পতি, কৃষ্ণকূলে দ্রাব্যমাধব মদ্যু।

রামগড় থেকে সনকের সঙ্গে এসেছিলেন ঘোষ ঘর প্রধান বৈশ্য এবং অল্পগত তিরিশ ঘর অপ্রধান বৈশ্য। এঁরাই বাংলাদেশকে দিয়েছেন :

দে (পরে দেমল্লিক), দত্ত, চন্দ্র, আঢ্য, শীল (পরে শীল-মল্লিক), সিংহ, ধর, বড়াল, পাল, নাথ, মল্লিক, নন্দী, বর্ধন, দাস, লাহা, সেন।

সনক আঢ্য শুধু বাণিক ছিলেন না, ছিলেন ধার্মিক, দানশীল, গম্ভীর বেদজ্ঞ। রাজা আদিশূর খুশী হলেন। রাজা বললেন, ব্রহ্মপুত্র ও মেঘনা নদীর মাঝখানে আপনাদের আশ্রম একটি গ্রাম দান করছি। সনক শুরু করলেন, সোনা, রূপো এবং মূল্যবান বস্ত্রের ব্যবসা। তাঁর সপ্তভিদ্দা চলল, ব্রহ্মে, আর্যাবানে, অগ্ন্যাত্র দেশে। অখ্যাত জনপদ হল সুখ্যাত জমজমাট বাণিজ্য কেন্দ্র। রাজা আদিশূর সম্মান জানালেন তাম্রফলকে :

সুর্ণ বাণিজ্য করিত্তাদিত্তস্থিত বিশাংময়া।

সুবর্ণবাণিজ্যাপ্য দণ্ডা সম্মান বর্দ্ধয়ে ॥

সম্রাজ্যকারী বৈশ্যদের সম্মানার্থে, যারা সুবর্ণব্যবসায়ে দিকপাল, আমি তাদের সুবর্ণবাণিক আখ্যা দিলাম। সেই থেকে গ্রামের নাম হল সুবর্ণগ্রাম, সোনারগাঁ। সেই গ্রাম এখনো আছে, সমৃদ্ধি নেই, আছে ধ্বংসাবশেষ, আছে দীর্ঘ অতীতের স্মৃতি।

সুবর্ণগ্রামকে শাসন করে দিলেন রাজা বল্লাল সেন। অথচ বল্লাল সেন ছিলেন রাজাদের মধ্যে অসাধারণ। তবে রাজাদের যা স্বভাব, প্রতিভাবান হলেই একটু খামখেয়ালী মত হবেন। রাজা বিজয় সেনের বেশী বয়সের

সন্ধান। বুদ্ধশ্রু তরুণী ভাধার পুত্র। রাজা যখন প্রমোদ ভ্রমণে ব্রহ্মপুত্রের ধারে ছাউনী ফেলেছেন সেই সময় বঙ্গালের জন্ম। জন্মেই রাজা। সুয়োরণীর ছেলের ভাগ্যে চিরকাল যা হয়। তবে আত্মরে ছেলে বলেই বথে যাওয়া ছেলে নয়। বঙ্গাল ছিলেন ক্ষত্রিয়ের ক্ষত্রিয়। দিগ্বিজয়ী বীর। সুপণ্ডিত সুবসিক কবি, বিজ্ঞানী জ্যোতির্বিদ। যিনি দানসাগর, অদ্ভুত সাগরের মত গ্রন্থের রচয়িতা, তাঁর মানসিকতা অসুমান করে নিতে অসুবিধে হবার কথা নয়। প্রথম জীবনে বৈদিক। পবিত্র বয়সে শাক্ততান্ত্রিক। তন্ত্রের জগ্গে রাজ্য ত্যাগ করে ভৈরবী নিয়ে নির্জন বাস। ঐতিহাসিক বলেছেন, ‘বঙ্গাল সেন গোড় ইতিহাসের শ্রেষ্ঠতম নরপতি। ‘ব্রাহ্মণ্য ও ক্ষাত্রধর্মের এমত অপূর্ব সমাবেশ আর কারো মধ্যে দেখা যায়নি। তাঁর প্রবর্তিত শাক্তসাধনা গোড়বজ্রের সমাজজীবনকে আজও প্রাণবন্ত করে রেখেছে।’

সেই বঙ্গালের সঙ্গেই ভুল বোঝাবুঝি হয়ে গেল সনক আচ্যের উত্তরপুরুষ বঙ্গভানন্দের। মণিপুর অভিযানের সময় বঙ্গালকে বঙ্গভ টাকা ধার দিয়েছিলেন। সেই ধার শোধের ব্যাপারে ছুজনের গৌলমাল হয়ে গেল। রাজা বললেন দেখাচ্ছি মজা। প্রথমে কেড়ে নিলেন পবিত্র যজ্ঞোপবীত। উচ্চবর্ণের সন্মান কেড়ে নিয়ে রাজা তাঁদের সমাজে হেয় করার চেষ্টা করলেন। অতই সহজ! পৈতে গেছে যাক, পৈতের বদলে গলায় পরব সোনার চেন। সেই থেকে স্ববর্ণবণিক সমাজে চালু হয় গলায় সোনার চেন পরার প্রথা। অর্থ উপার্জন আর টাকা লেনদেনের মূলঘাটি যারা দখল করে বসে আছেন তাঁদের সামাজিক সন্মান আর পতিপত্তি কি অত সহজে হরণ করা যায়। কোষাগারের মালিক আমরা, তুমি রাজা ফতোয়া জারি করে কি করবে আমাদের। টাকা লেনদেনের সঙ্গে যুক্ত হল ধর্মমতের ঠোকাঠুকি। স্ববর্ণ-বণিকরা বৌদ্ধধর্মে বিশ্বাসী, রাজা বঙ্গাল শাক্ততান্ত্রিক। যতই অর্থের জোর থাক, রাজার সঙ্গে যুক্ত করে রাজ্যে বাস করা যায় না। গোড় ছেড়ে দলে দলে বণিকরা চলে এলেন, মুর্শিদাবাদ, বীরভূম, বর্ধমান, স্ববর্ণরেখার তীরে মেদিনীপুর অঞ্চলে বিশেষত তান্ত্রলিপ্তে সবশেষে হুগলীর বিখ্যাত বাণিজ্য কেন্দ্র সপ্তগ্রামে।’

এই সব দেশ ছাড়া, সাহসী বণিকরাই বোড়শ, সপ্তদশ ও অষ্টাদশ শতকের অর্থনীতি ও সংস্কৃতির ধারক ও বাহক হয়ে উঠলেন। বোড়শ শতকে এঁদের বাণিজ্যের অংশীদার হলেন হুগলীর পতঙ্গীজরা। সপ্তদশ ও অষ্টাদশ শতকে হুঁচুড়ার ওলন্দাজ, চন্দননগরের ফরাসী, কলকাতার ইংরেজরা। এই মেলা-মেশার ফলে শুধু অর্থ নয়, সাংস্কৃতিক ভাব বিনিময় সম্ভব হল। সমাজে

মহিলাদের সম্মান দেবার ইওরোপীয় আদর্শ এঁরাই প্রথম আঙ্গুল করলেন।

কলকাতা তখনও ছিল। কলকাতা পুরাণেও ছিল। সতীপীঠ, তন্ত্রপীঠ। দক্ষিণেশ্বর থেকে বেহুলা পর্যন্ত ত্রিকোণাকৃতি ভূভাগ। রাজা বল্লাল সেন তান্ত্রিকরা যাতে অন্তের সংস্পর্শ পরিহার করে নিজ বিশ্বাস অনুযায়ী ধর্মকর্ম চালিয়ে যেতে পারে সেই উদ্দেশ্যে উত্তরে দক্ষিণেশ্বর থেকে দক্ষিণে বঙ্গোপসাগর পর্যন্ত বিস্তৃত এক ত্রিকোণাকৃতি ভূভাগ তাদের জন্য সংরক্ষিত করেন। কালীঘাট ছিল এই কালিকাক্ষেত্রের নাভিকেন্দ্র :

পশ্চিমে সরস্বতী সীমা পূর্বে কালিন্দীকা মাতা।

১

একবিংশতি যোজনৈশ্চ মিতো কিলকিলাভিবঃ ॥

[তন্ত্র]

এই তন্ত্রপীঠেই পড়ল স্নেহ স্পর্শ। ১৬৯০ সাল। চার্নকসাহেব এসে নামলেন সূতাহুটিতে। জন্ম নিল আর এক কলকাতা। আজকের কলকাতা—সিটি অফ প্যালেস এণ্ড স্নামস, পভাটি এণ্ড অ্যাকুয়েল। তখনকার গোবিন্দপুর। মানী-জানী-গুণী, অর্থবান মাহুষের সম্পন্ন জনপদ। যশোহরের রাজা প্রতাপাদিত্যের অমাত্যেরা প্রতিষ্ঠা করেছেন গোবিন্দজীর মন্দির। কলকাতার চোরবাগানের মল্লিকদের পূর্বপুরুষ জয়রাম মল্লিক কিসের টানে চার্নকের আগেই সপ্তগ্রাম ছেড়ে চলে এসেছিলেন কলকাতায়। ১৭৫৭ সালে ইংরেজরা ঠিক করলেন একটা দুর্গ বানাবেন গোবিন্দপুরে—ফোর্ট উইলিয়াম। জয়রামের গোবিন্দপুরের আদি বসতবাটা পড়ে গেল ফোর্টের এলাকার মধ্যে। ইংরেজ পরিবর্তে উত্তর কলকাতার পাথুরিয়াঘাটায় তাঁকে এক খণ্ড জমি দিলেন। বিখ্যাত ঠাকুর পরিবারও এই একই অঞ্চলে জমি পেলেন। মল্লিকরা পাকাপাকিভাবে বসলেন, তাঁদের রাজ্যপাট বিস্তার করলেন।

মল্লিক পরিবারের গোত্রপটে জয়রাম হলেন পঞ্চদশ পুরুষ। এঁরা আদতে ছিলেন শীল। প্রথমপুরুষ যতদূর জানা যায় মধু শীল। ত্রয়োদশ পুরুষে এসে যাদব শীল এবং তাঁর ছ'ভাই মুসলমান শালকদের কাছ থেকে মল্লিক উপাধি পেলেন। পারস্য ভাষায় মল্লিক শব্দের অর্থ—রাজা অথবা আমির।

জয়রাম থেকে নীলমণি চারপুরুষের ব্যবধান। অর্থাৎ জয়রাম হলেন নীলমণির ঠাকুরদার ঠাকুরদা। নীলমণির পিতা গজাবিষ্ণু তাঁদের পারিবারিক ব্যবসাকে বাড়াতে বাড়াতে কোটিপতি হয়েছিলেন। সুদে টাকা খাটিয়েছেন। তখন তো এখনকার মত ব্যাংক ছিল না। মল্লিকরাই ছিলেন তখনকার ইম্পিরিয়াল ব্যাংক। সারা ভারতে বাণিজ্য করেছেন। উত্তর-পশ্চিম ভারত

ছিল তাঁদের ব্যবসার মূল ঘাঁটি। ভারতের বাইরেও তাঁরা ব্যবসা করেছেন—
চীন, সিঙ্গাপুর, দক্ষিণ-পূর্ব এশিয়ার বিভিন্ন দেশের সঙ্গে ব্যবসায়িক লেনদেন।

টাকা যেমন রাজস্বের করেছেন দুহাতে তেমনি খরচও করেছেন সংকাজে
—দেব সেবায়, অতিথি সংকারে, দরিদ্রনারায়ণ সেবায়। বদান্ততা মিশে
গেছে এঁদের রক্ত কণিকায়। দান ছাড়া এঁরা থাকতে পারেন না।
বল্লাল সেনের দেশের মানুষ তো দানসাগরই হবেন। বল্লাল তাঁর ‘দানসাগরে’
লিখেছিলেন না?

অনিত্য জীবনং যস্মাদ্ বহু চাতীৰ চকলম্ ।

কেশেধি গৃহীতঃ সন্ মুত্যাপা দানমাচরেৎ ॥

মৃত্যু মানুষের ঝুঁটি ধরে টানছে, জীবনের কি দাম আছে রে বাটা? ধন তোর
আজ আছে, কাল থাকবে কিনা কেউ জানে না—তবে? যা পারিস সংপাড়ে
দান করে যা।’

কিংধনেন কবিস্যাস্তি দেহিনো ভজুবাশ্রয়াঃ ।

যদর্থং ধনমিচ্ছন্তি তচ্ছরীরমশাশতম্ ॥

তোমার শরীর তো আশ্রয় আছে কাল নেই। মৃত্যু এসে ডাং ডেংয়ে
নিয়ে যাবে। তবে হতভাগা টাকা টাকা করে মরছ কেন?

গঙ্গাবিষ্ণু ছিলেন রাজা বল্লালের সেকেন্ড এডিশন। দাতব্য চিকিৎসালয়
খুলে, অভিজ্ঞ ভিষকদের দিয়ে ওষুধ তৈরি করে দুস্থ রোগীদের সেবার ব্যবস্থা
করে দিলেন। খুলে দিলেন দানছত্র। আমি গঙ্গাবিষ্ণু যখন বেঁচে আছি
তোমরা কেন অভুক্ত থাকবে। ১৭৭০ সালের দুর্ভিক্ষের সময় ত্রাণকেন্দ্র খুলে
প্রসীড়িত মানুষের সেবার কাজে নামলেন। ধর্মে আর কর্মে, সেবায় আর
পরিবর্তে, অর্থে আর বদান্ততায় গঙ্গাবিষ্ণু ছিলেন এক অসাধারণ ব্যক্তিত্ব।
নীলমণি তো তাঁরই ছেলে।

গঙ্গাবিষ্ণু ছিলেন দু-ভাই। ভাইয়ের নাম রামকিষণ। রামকিষণের
তিন ছেলের নাম বৈষ্ণব, সনাতন, আনন্দিলাল। আনন্দি অল্পবয়সেই মারা
গিয়েছিলেন। গঙ্গাবিষ্ণু মৃত্যুর সময় একটি উইল করে সমস্ত সম্পত্তি ভাই
রামকিষণকে দিয়ে গেলেন। বলে গেলেন বিধবা স্ত্রী আর শিশু নীলমণিকে
দেখার কথা। রামকিষণ তাঁর দায়িত্ব যথাযথভাবে পালন করেছিলেন। তিনি
গঙ্গাবিষ্ণুর পর আরো কুড়ি বছর জীবিত ছিলেন। যৌথ সম্পদ ও সম্পত্তি
বাড়িয়েছিলেন। নিজের ছেলেরদের সঙ্গে ভ্রাতৃপুত্র নীলমণিকে মানুষ
করেছিলেন, সাবালক করেছিলেন। মৃত্যুর আগে একটা উইল করে ছেলে

আর নীলমণি প্রত্যেককে বিষয়সম্পত্তি সমানভাবে ভাগ করে দিয়ে গেলেন।

(২)

এত ভোরেই তুমি গাড়ি বের করতে বলেছো? গঙ্গান্নানে যাবে বুঝি?

উদাস চোখে নীলমণি স্ত্রীর দিকে তাড়ালেন। তিরিশ বছরের জীবনসার্থী। হুংখ স্বথের অংশীদার। জীবনে হুংখ আর পেলেন কোথায়? শুধুই তো স্বথ। কে বলেছিলেন, জীবনের পথ কুসুমাস্তীর্ণ নয়। এই তো আমি নীলমণি ওই তো আমার স্ত্রী হীরামণি, কিসের হুংখ। অর্থ, বিত্ত, সম্পত্তি, যশ, খ্যাতি, সুনাম। জীবন যেন ভোরের স্নিগ্ধ হাওয়া পূর্ণ চাঁদের স্নিগ্ধ আলো।

না গো চান করতে যাবো না। শরীরটার তেমন জুত নেই। যাবো চোরবাগানে। মন্দিরের কাজ প্রায় শেষ হয়ে এসেছে। যাবার আগে ঠাকুরকে প্রতিষ্ঠা করে যেতে হবে তো!

তোমার আজকাল এক কথা—যাবার আগে, যাবার আগে। তোমাকে এত তাড়াতাড়ি যেতে দিচ্ছে কে? তুমি গেলে তোমার কাজ করবে কে? তোমার অতিথিশালা, পুরীর যাত্রীনিবাস, তোমার গঙ্গার ঘাট, প্রাণের দায়ে দেউলে মানুষ তুমি গেলে কার কাছে ছুটে আসবে! কে চালাবে তোমার দাতব্য চিকিৎসালয়? কে বসবে তোমার আখড়াই গানের আসরে? যাব বললেই যাওয়া, তাই না?

টানা বারান্দায় নীলমণি ধীর পায়ে খানিক ঘুরে এলেন। স্ত্রীর মুখের দিকে তাকিয়ে বললেন—তুমি দেখবে। তুমি কি যে সে মেয়ে? আমি তো যৌথ পরিবারের আইরে তোমার জন্তে আলাদা কিছু করে যেতে পারলুম না। ওই চোরবাগানের জগন্নাথ দেবের মন্দিরটা রইল, আর রইল অতিথি ভবন। একটা কথা তোমাকে বলে রাখি হীরা, সময়ে অসময়ে এ বাড়িতেই যেই আত্মক, অভুক্ত যেন ফিরে না যায়। রোজ অতিথি সংকারের যে ব্যবস্থা আছে তাও যেন বন্ধ না হয়। জেনে রাখবে নীলমণি হল-ফ্রেণ্ড অফ দি পুওর। এটা আমার গর্বের কথা নয়, প্রাণের কথা, ঈশ্বরের আদেশ।

সবাই বলছে মন্দিরটা নাকি বিলিতি ডিজাইনে হচ্ছে।

বিলিতি কি গো? ওটা আমার একটা খেয়াল বলতে পার, আমি গীর্জার ডিজাইনে ইচ্ছে করেই মন্দিরটা করছি—জান'তুমি যিনি গড, তিনি আত্মা, তিনিই ভগবান—সব সমান। গোঁড়ারাই কেবল ভগবানের জাত আলাদা

করেছে। মন্দিরের চূড়োটা গীর্জার মত, ভেতরে শ্রী জগন্নাথ। বলুক না, লোকে বলুক, নীলমণির খেয়াল।

হীরামণি চলে যাচ্ছিলেন। সকালের সময় বড় সংক্ষিপ্ত। যদিও মল্লিক বাড়ির সময়ের মাপ সাধারণ মাপের চেয়ে দীর্ঘ। চারটের সময় বিপ্রহর। সন্ধ্যা ঘোষিত হয় রাত্রির মধ্যযামে। প্রতিদিন শ' পাঁচেক অতিথি সেবার থিচুড়ি চেপেছে পাকশালের বিশাল উলুনে কড়া না বলে কলড্রুন বলাই ভাল। নীলমণি বললেন—শোনো।

হীরামণি যেতে যেতে ফিরে এলেন।

আমি ওই ব্যাপারটা একরকম ঠিকই করে ফেললুম, বুঝেছো?

কোন ব্যাপার। নীলমণির তো অনেক ব্যাপার। পুরীর গৌরবারশাহী, হরচণ্ডীশাহীর আগুনে বহু পরিবারের ঘর পুড়ে গেছে। বর্ষা আসার আগেই নীলমণি নতুন করে ঘর তৈরি করিয়ে দিচ্ছেন। সেবার পুরীর অথরনালায় বিশাল এক তীর্থধাত্রীর দলকে দেখেছিলেন সেতু পার হতে পারছে না। টোল দেবার মত অর্থের অভাবে। ভক্তপ্রাণ নীলমণি এগিয়ে গেলেন সেতুরক্ষীদের কাছে। কত টাকা লাগবে ভাই?

অনেক টাকা মশাই।

আমি এঁদের যাওয়া আর আসা, দুটোর পরিমাণই জানতে চাই।

সেতো আরো অনেক টাকা। একটু যেন তাচ্ছিল্যের ভাব কর্তৃপক্ষের উদ্ভরে।

আমি কলকাতার নীলমণি মল্লিক। আমার কাছে পুরো টাকাটা নগদে নেই, আপনাদের কালেকটর সাহেবকে বলুন আমার ভাই বাবু বৈষ্ণবদাস মল্লিকের নামে পুরো টাকাটার একটা ড্রাক্ট লিখে দিচ্ছি, টাকাটার আদায় আপনারা কলকাতা থেকে অবশ্যই পেয়ে যাবেন।

কালেকটর সাহেব দকতর ছেড়ে দৌড়ে এলেন, কে এই 'বড়মানুষ' যার এত বড় দরাজ দিল, হাজার মানুষের আর্থিক বোঝা একার কাঁধে তুলে নিতে চাইছেন।

তুমি কি করে বুঝবে সাহেব! তোমাদের সবটাই তো কার্য্যকারণের নিয়ন্ত্রণে বাঁধা ছকে চলে। আমি যে জগন্নাথের সেবক। এতগুলো ভক্ত-প্রাণের বেদনায় মন্দিরের দেবতা যে টলে উঠেছেন!

বাবু, ~~মন্দির~~ বিদেশী হলেও, ক্যান আওয়ারস্ট্যাণ্ড ইণ্ডিয় ফাইনেস্ট অফ সেকিমেণ্টস্‌ টাকা তোমাকে দিতে হবে না। আই অ্যালাউ অল অফ

দেম টু গো এণ্ড উইথ দেম গোল্জ দি টোল ফর এভার। এই মাহুঘটির জন্তে আজ থেকে টোল উঠে গেল। বল, 'জয় নীলমণি মল্লিকের জয়'।

তোমার কোন ব্যাপারটা বুঝবো বল? দাঁতনে জগন্নাথ দেবের মন্দিরে লাখ লাখ টাকা খরচ করে নাটমন্দির তৈরি করিয়ে দিচ্ছ, সেই ব্যাপারটা? নাকি স্ট্র্যাণ্ড রোডে গঙ্গার ধারে স্নানযাত্রীদের জন্তে যে ঘাট বানাচ্ছে সেইটা? নাকি আজ রাত্রিরে নিধুবাবুদের ফুল আখড়াইয়ের আসর বসবে, চলবে সারা রাত, সেই কথা বলতে চাইছ? হীরামণি প্রশ্ন ভরা মুখে স্বামীর দিকে তাকিয়ে রইলেন।

সেই ব্যাপারটা গো, বুঝতে পারছো না? তোমার ছেলে। আমাদের একটা ছেলে চাই না! কে ওয়ারিশ হবে আমাদের এত বড় বিষয় সম্পত্তির। কে করবে আমার মুখাণ্ডি?

তুমি আজকাল কেবল মৃত্যুর কথা বল কেন গো! স্বার্থপরব মত আমাকে একলা ফেলে চলে যেতে চাও বুঝি!

আহা মৃত্যুর কথা কি বলা যায় কিছ। কখন এসে বলবে—চলে যায় নীলমণি। ব্যবস্থা তো একটা করা চাই? উকিল মশাইকে আইন মোতাবেক কাগজপত্র তৈরি করতে বলেছি। দত্ত বাড়ির সর্বস্বত্বশ্রয়যুক্ত ওই ছেলেটিকেই আমরা দত্তক নোবো। কচি শিশু, কিন্তু ভাবটা দেখেছো এখন থেকেই যেন রাজা হবার জন্তেই জন্মেছে, কপালে রাজতিলক নিয়ে। রাজেন্দ্রই আমাদের ছেলে হবে। কি তোমার মত আছে তো!

তোমার মতই আমার মত। যা করছো ঠিক করছো। প্রভুর ইচ্ছে। এই আমি সার বুঝছি। হীরামণি মুচকি হেসে চলে গেলেন।

পাথুরিয়াঘাটার রাস্তা দিয়ে ফিটন চলেছে। তেজীয়াস সাদা ঘোড়া। আসনে বসে আছেন মাহুঘের মনের রাজা বাবু নীলমণি মল্লিক। যেই দেখছে হাত তুলে নমস্কার করছে। তুমি যে রাজার রাজা।

(৩)

শ্রীপঞ্চমী।

বাইরের ঘরের ভিড়ানে বসে দুই ভাই নীলমণি আর বৈষ্ণব দাস।

সাজানো গোছানো সব ঠিক আছে তো? নাচঘরে লাল কার্পেট পড়েছে তো? ঝাড়গুলো সময়ে ঠিক জলবে তো? আতরওয়ালা এসেছিল? ফুল এসেছে তো? সারা বাড়িটা ঝকঝক করছে তো। দেউড়ীতে কে থাকছে

দাদা? খানা, পিনা ঠিক থাকছে তো? মল্লিকবাড়ির শ্রীপঙ্কমীর উৎসব।
যে সে ব্যাপার নয়। কে কে আসছেন দাদা?

স্বপ্নীম কোর্টের জজ সাহেবরা আসছেন। আসছেন লাটবাহাদুর, উচ্চপদস্থ
সরকারী কর্মচারীরা, আসছেন সারা কলকাতার গণ্যমান্য়রা।

সারা রাত ধরে গাইফেল হবে মল্লিকবাড়ির হলঘরে। বড় বড় গাইয়েরা
আসছেন। জোর কমপিটিশান হবে। শ্রেষ্ঠ গাইয়ে পাবেন প্রচুর পুরস্কার।
নাচ হবে। বেনারস থেকে আসছেন ভারত বিখ্যাত দুই নর্তকী—নিকি আর
আসরুন।

সন্ধ্যার অন্ধকার নামলেই ঘরে ঘরে জলে উঠবে ঝাড লণ্ঠন। কুঁচো কুঁচো
আলো ছিটকে পড়বে পুরু কার্পেটের ওপর স্থন্দরী নারীর হাসির মত। দামী
আতর ফিস ফিস করে ছিটকে আসবে আতরদান থেকে। বসরাই গোলাপ
লাল নেশা ছড়াতে থাকবে। একে একে ফিটন এসে ঢুকবে দেউড়িতে।
লালটকটকে সাহেব মেমের ছড়াছড়ি—হোয়ার ইজ নীলমণি। আ হিয়ার হি
কামস্ আওয়াব মোস্টে মডেস্ট এণ্ড অ্যাকমপ্লিশড ফ্রেণ্ড। কট করে খোলা
হবে প্রথম শ্রামপেনের বোতল। ফোয়ারার মত আকাশের দিকে ছিটকে
উঠবে ফেনা। সাহেবরা হৈ হৈ করে উঠবেন—মেলিব্রেট শ্রীপঙ্কমী। লেডি
গভার্ণার চিকের আড়ালে মেয়েদের কাছে গিয়ে পান চাইবেন—রূপোর তবক
মোড়া, কোথায় খয়ের দেওয়া, ছাঁচিপান, গোলাপী আতরের গন্ধ, বেনারসী
স্থতির ছিটে দেওয়া। আস্তে আস্তে রাতের নেশা হবে। পাহাড়ী স্বর্ণার
মত নিকি-আসরুনের পা থেকে ঝরে পড়বে নাচের তাল।

শ্রীপঙ্কমীর মত রথযাত্রাও মল্লিকবাড়ির একটি প্রাচীন উৎসব। প্রাচীন
উৎসব হোলি। ঘরের মেঝেতে পায়ের পাতা ডুবে যায় এত ফাগ। ওস্তাদ
গাইছেন, হোলি খেলত নন্দকুমার। কুমারের র'য়ে সোম। তবলচী চাপড়
মাংছেন মেঝেতে। রঙীন ফাগ উডছে রঙীন মেজাজের মত। উৎসব মুখর
মল্লিক বাড়িতে সন্ধ্যার আসরে বড় মাহুঘের ভিড়। সকালে অতিথি ভবনে
আর্তসেবা। নালমণির অফুরন্ত তহবিল কল্যাণায়ত্নের জন্তে উন্মুক্ত, উন্মুক্ত
ঋণদায়গ্রস্তের জন্তে, উন্মুক্ত দেবসেবায়, মন্দির নির্মাণে। তাইতো নীলমণি
মল্লিক সুবর্ণবণিক সমাজের দলপতি।

শরীর কিন্তু ভাঙছে, বড় দ্রুত ভাঙছে। চোরবাগানে গীর্জার ঢঙে
জগন্নাথ দেবের মন্দির তৈরি হয়েছে। মাতুলালয় থেকে জগন্নাথজীকে এনে
প্রতিষ্ঠা করেছেন। অতিথি ভবন নির্মাণ করেছেন আয়নিক ঢঙে। জ্বী

হীরামণিকে নিয়ে সকালে চলে আসেন। বাড়ি ফেরেন সূর্য যখন প্রায় পশ্চিমে ঢলে পড়েছে। শরীরের ওপর এক ধরনের অত্যাচারই চলেছে, বছরের পর বছর। উন্মুক্ত বারান্দায় ডেকচেয়ারে বসে দেখছেন রাজেন্দ্র খেলা করছে লনে। রক্তের যোগ না থাকলেও তোমাকে নিয়ে এসেছি তোমার পেডিগ্রি দেখে। তাছাড়া পরিবেশ। মল্লিকবাড়ির কয়েক শো বছরের ঐতিহ্যের হাঁচে ঢালাই হবে তোমার চরিত্র। তুমি হবে লাইক ফাদার লাইক সান।

হেমন্তকাল। হেমন্ত কেন হবে, শরৎই তো। ওই তো শেষ বেলার সোনালী মেঘ ফুলে উঠেছে পূর্ব আকাশে। পুজো আসছে। শিউলি ফুলে গাছ সাদা হয়ে থাকে ভোবের দিকে। কিন্তু শীত শীত করছে কেন? শীত আসতে তো অনেক দেরী। নীলমণি ঘরে গিয়ে চাদর টেনে শুলেন। হীরামণি এখন অন্তঃপুরে। জ্বর আসছে। আজ আর ঠাকুরঘরে যেতে পারবো কি? সন্ধ্যার শাঁখ বাজছে। বাড়ি উড়ছে অস্ত সূর্যের আকাশে।

খবর ছড়িয়ে পড়ল সারা কলকাতায়, নীলমণি মল্লিক গুরুতর অসুস্থ। যে সব পরিবার মাসোহারা পেতেন তাঁদের মুখ শুকোলো। বিপদের দিনে দলপতি নীলমণি যাদের পাশে গিয়ে দাঁড়াতেন তাঁরা অসহায় বোধ করলেন। বাংলার সংগীত জগৎ একজন প্রকৃত পৃষ্ঠপোষক হারাবার সম্ভাবনায় স্তব্ধ হয়ে পড়লেন। সারাদিন উৎসুক মানুষের ভিড়, রাস্তায়, প্রাঙ্গণে, সিঁড়িতে।

আজ কত তারিখ হীরামণি? নীলমণি ফিস ফিস করে জিজ্ঞেস করলেন, হীরামণি মুখটা কানের কাছে নামিয়ে এনে ধীরে ধীরে বললেন, দোসরা সেপ্টেম্বর। কত সাল গো? এই ১৮২১ সাল তবে প্রস্তুত হও। ওই দেখ সূর্য ডুবছে, আমাদের যে এবার যেতে হবে।

হীরামণি চোখ মুছলেন। এতকালের জীবনসঙ্গীকে বিদায় দিতে হবে। এই নাকি নিষ্ঠুর পৃথিবীর নিয়ম? কেউ আগে যায়, কেউ যায় পরে।

ওদের ডাকো, আমি প্রস্তুত।

গৃহভৃত্যদের ডাকা হল। নীলমণি চেয়ারে বসে বললেন, নিয়ে চল ঠাকুরবাড়িতে।

শেষ প্রার্থনা জানালেন, শেষ অর্ঘ্য নিবেদন করলেন ঠাকুরের পায়ে। আদেশ করলেন, চেয়ার ওঠা, নিয়ে চল গঙ্গার ঘাটে, পতিতোদ্ধারিণী গঙ্গে। চিংপুরের রাস্তা দিয়ে চলেছেন গঙ্গাযাত্রী নীলমণি। সঙ্গে ছ বাগ রূপোর টাকা। যাবার পথে চুপাশের মানুষকে হুহাতে বিলিয়ে যাচ্ছেন। পাতাপাত বিচার করছেন না।

বাহক বাহিত হয়ে, হু'হাতে অর্থ বিলোতে বিলোতে নীলমণি এলেন জাহ্নবী তীরে। ঝুলির সমস্ত অর্থ বিলিয়ে দিলেন আর্তদের। আর নেই। চোখের সামনে কলক্লাবিনী গঙ্গা। ওই তো দিনের শেষে, ঘুমে'র দেশে, ঘোমটা পরা ওই ছায়া। কাজ ভাঙানো গান গেয়ে চলেছে। তোমাদের চোখে জল কেন? প্রিয়জনদের দিকে তাকিয়ে নীলমণি বললেন চোখ মোছো।' তোমরা আমাকে চোখের জলে বিদায় দেবে কেন? আমাকে হাসিমুখে যেতে দাও। ওই দেখো অনন্তের পথ চলে গেছে। আমাকে তোমরা দুর্বল করে দিও না। প্রত্যেকের হাত ধরে বললেন, কোনো অত্নায় করে থাকলে ক্ষমা কোরো ভাই। আর তো তোমাদের সঙ্গে দেখা হবে না।

২রা সেপ্টেম্বর, ১৮২১, মাত্র ৪৬ বছর বয়সে, দানবন্ধু নীলমণি মল্লিক সজ্ঞানে ভগবানের নাম স্মরণ করতে করতে, মহালোকে যাত্রা করলেন। রাজেন্দ্রের বয়স তখন মাত্র তিন। যোগ্য স্বামীর যোগ্য সহধর্মিণী হীরামণি, নীলমণির রেখে যাওয়া সমস্ত দায়িত্ব কাঁধে তুলে নিলেন। যেমন চলছিল তেমনি চলবে বরং আরো ভাল চলবে।

(৪)

পৈতৃক সম্পত্তি হুভাগ হবার কথা। হাফ গঙ্গাবিষ্ণু হাফ রামকিষণ। গঙ্গাবিষ্ণুর সেই অর্ধেকের অংশীদার হবার কথা নীলমণির। গঙ্গাবিষ্ণু কোনো উইলে নাবালক নীলমণিকে কোনো সম্পত্তি দিয়ে যাননি। তার দিয়েছিলেন রামকিষণকে। রামকিষণের তিন ছেলের মধ্যে দুই ছেলে জীবিত ছিলেন। তাঁরা নীলমণিকে বললেন, তোমার তো একজন মাত্র দত্তক সন্তান, আমরা দুজন। সম্পত্তি তিন ভাগ হলে ক্ষতি কি? নীলমণি হেসে বলেছিলেন, তাই তো হবে ভাই। সেটাই তো স্বাভাবিক। মৃত্যুর সময় নীলমণি তাঁর একের তিন অংশ শিশু রাজেন্দ্রকে উইল করে দিয়ে গেলেন। সর্ভ রইল রাজেন্দ্রকে নাবালক না হওয়া পর্যন্ত মার কথা অল্পসারে চলতে হবে।

নীলমণির মৃত্যুর পর বিষয় সম্পত্তি নিয়ে মল্লিকদের মত অটুট বোধ পরিবায়ণে একটু অশান্তির মত হয়ে গেল। নীলমণির দুই ভাইয়ের নাম— বৈষ্ণবদাস আর সনাতন। সনাতন মারা যাবার সময় তাঁর ভাগের সম্পত্তি বৈষ্ণবদাসকে দিয়েছিলেন, সঙ্গে ছিল গুরু দায়িত্ব—দুই মেয়েকে মানুষ করা, বিয়ে দেওয়া, বিধবা স্ত্রীর দেখাশোনা করা।

সেই বিধবা স্ত্রী বিজ্ঞামণি এতদিনে তেড়েফুঁড়ে উঠলেন। নীলমণির

মৃত্যুর বছর না ঘুরতেই স্ত্রীম কোর্টে ঠুকে দিলেন মামলা। আমার সম্পত্তি আমাকে দাও, পার্টিশানও চাই। রাজেন্দ্র এবং মা হীরামণি বিষয় ভাগের পক্ষপাতী ছিলেন না। মৌখ পরিবারের অটুট বন্ধনে থাকায় আপত্তি কি? রাজেন্দ্র ঠুকে দিলেন। পান্টা কেম। চার বছর চলল আইনের লড়াই। স্ত্রীমকোর্ট রায় দিলেন, সনাতন উইল করে গেছেন বৈষ্ণবের নামে। বৈষ্ণবই মালিক! তবে হ্যাঁ, নীলমণি মল্লিকের অংশের সঙ্গে পার্টিশানটা হয়ে যাক। হীরামণি চার বছরের ছেলে রাজেন্দ্রের হাত ধরে পাথুরেঘাটার বাড়ি ছেড়ে চলে এলেন চোরবাগানে নীলমণির তৈরি করে যাওয়া জগন্নাথদেবের মন্দির সংলগ্ন অতিথি ভবনে।

হীরামণি প্রথমেই রাজেন্দ্রের মানুষ হবার ব্যবস্থা পাকা করলেন। স্ত্রীমকোর্টকে জানালেন একজন ভাল অভিভাবক চাই। অভিভাবক হয়ে এলেন প্রখ্যাত ব্যারিস্টার স্যার জেমস উইয়ের হগ, পরে যিনি ব্যারনেট হয়েছিলেন, হয়েছিলেন রেজিষ্ট্রার। এই ভদ্রলোক রাজেন্দ্রের ভেতর থেকে রাজবাহাদুর রাজেন্দ্রকে বের করে এনেছিলেন।

এদিকে স্বামীর দানধ্যান, বদাগততা শুধু বজায় নয়, বাড়িতে গিয়ে হীরামণির হিমসিম অবস্থা। পুরোটাই তো অর্থের খেলা। এস্টেট থেকে অর্থবরাদ্দ সীমিত। আত্মীয়স্বজনদের বাধা। শত্রুতা। এমন কি জীবন-হানির ভয়। তবু তিনি চালিয়ে গেলেন হাসিমুখে। ছেলে বড় হয়ে দেখুক, কোন আদর্শের পথিক হবে তার ভবিষ্যৎ জীবন। কোর্ট অফ ওয়ার্ড নাই-বা টাকা দিল। নিজের সম্পত্তি বন্ধক রেখে, বিক্রি করে তিনি নিত্য অতিথিসেবা, দুস্থকে দান, বিছা শিক্ষার জগ্রে অর্থ সাহায্য, আশ্রিতদের অনেকের জন্তে কোঠা বাড়ির ব্যবস্থা করা, কোনো কাজই বাকি রাখলেন না। স্বামীর কালের গর্বকে প্রবাহিত রাখলেন। নীলমণি মল্লিকের মৃত্যুর বিশ বছর পরেও সাধারণ মানুষ দল বেঁধে বাড়ির সামনে এসে হৈকে যেতো—জয় নীলমণি মল্লিকের জয়।

ওয়েলার ঘোড়ায় টানা লাল আর হলদে রঙের ভিকটোরিয়া গাড়ি এসে দাঁড়াল, চোরবাগানের মল্লিকবাড়ির সদর দরজায়। নেমে এলেন হগসাহেব; হাতে একটা তারের খাঁচা। খাঁচায় এদেশে বিরল দুটো বিদেশী পাখি। হোয়ারার ইজ মাই সান রাজেন্দ্র। টোমার জন্ত দুটো পাখি আনিয়েছে। কিপ দেম। টেম দেম। ফিড দেম। অ্যাকোয়্যার এ টেস্ট ফর দি অ্যাচারাল লাইফ, মাই বয়। ইউ মাস্ট বি ভেরি গ্রেট। গ্রেটার অ্যান ইগর

ফাদার, ইওর গ্র্যাণ্ডফাদার। ইউ মার্ট কার্ড এ নেম ফর ইওর ফ্যামিলি।

ইতিহাস, পুরাতত্ত্ব, চারুকলা, কারুকলা, প্রকৃতি বিজ্ঞান, বিদেশী ভাষা, বিদেশী রুচি, জীবনের যা কিছু সুন্দর, সবকিছু দিয়ে কিশোর রাজেন্দ্রকে সাজিয়ে দিলেন সার জে ডবলু হগ। ক্ষুদ্র রাজেন্দ্রর মনে বৃহৎকে মুক্ত করে দিলেন। নাল্লে স্থখমস্ত। অল্পে তুমি সুখী হবার ছেলে নও। তুমি বৃহত্তের জন্তে বৃহত্তর, মহানের জন্তে মহত্তর। হগসাহেব রাজেন্দ্রকে ভতি করে দিলেন হিন্দু কলেজে। রাজভাষা তো শিখবেই, ডোন্ট নেগলেট বেঙ্গলী মাই বয়। দেশ-বিদেশের বই পড়। পৃথিবীটাকে জানো। ওয়ার্ল্ড'ইজ এ বিউটিফুল প্রেস। এর ফ্লোরা, ফনচ, জীবজগৎ। রোম, গ্রীস, ইতালি, ভাস্কর্য, স্থাপত্য, লালতকলা, সব তোমাকে জানতে হবে। বি এ কালচারড ম্যান। বি এ নোবল ম্যান।

রাজেন্দ্র তাই হলেন। সংস্কার ছিল ভাল তার উপর পড়ল ট্রেনিং। রুচির ঐশ্বর্য ফুটে উঠল। তৈরি হল মন আর মেজাজ। চোরবাগানের মল্লিকবাড়ির অতিথি ভবনের দালানে বসে হগসাহেব জাপানী পায়রার লম্বা লেজের পালক ছাঁটছিলেন কাঁচি দিয়ে। রাজেন্দ্র এলেন। ষোল বছরের স্বাস্থ্যবান যুবক। আংকল আই হাভ এ প্ল্যান। আই ওয়াণ্ট টু কনস্ট্রাক্ট এ প্যালেস, এ মার্বেল প্যালেস। যার স্থাপত্যে থাকবে ইতালির মেজাজ, যার মেঝেতে পাতা থাকবে পৃথিবীর শ্রেষ্ঠতম শ্বেতপাথরের ঐশ্বর্য। যার ঘরে ঘরে বুলবে আশ্চর্য্য সব ঝাড়লগুন। যার সবুজ লনে থাকবে অসাধারণ সব ভাস্কর্য। পুরো প্রাসাদটা হবে একটা মিউজিয়াম। একপাশে থাকবে চিড়িয়াখানা। কলকাতার প্রথম জু হবে আমার বাড়িতে।

ছাটস এ ভেরি গুড আইডিয়া মাই সান। ইমপ্রিমেন্টে ইট। আমি তোমাকে সাহায্য করব উইথ মাইট এণ্ড মেন। রাজেন্দ্রর মা হারামণি মারা গেছেন। রাজার বয়স তখন মাত্র এগারো। এগারো থেকে ষোল এই পাঁচ বছরে নিঃসঙ্গ কিশোর মনে, চরিত্রে আরো দৃঢ় হয়েছেন। আরো স্বাবলম্বী হয়েছেন। সংস্কৃত শিখেছেন, শিখেছেন পারসী আর ইংরেজী। পঁচিশ বিঘা জমির ওপর ভিত পড়ল। শ্রেষ্ঠ স্থপতিদের নিয়ে এলেন হগসাহেব, নিয়ে এলেন ভাল ভাল দেশ-বিদেশের কারিগর। সব মিলিয়ে সংখ্যা দাঁড়াল পাঁচ হাজার। ইতালি এবং ইংল্যান্ড থেকে এসেছেন বড় কারিগর। চোরবাগানে তাঁরু পড়েছে। হৈ হৈ ব্যাপার। মল্লিকদের বাড়ি তৈরি হচ্ছে। নীলমণি মল্লিকের ছেলে রাজেন মল্লিক দেখিয়ে দেবে এইবার। সাহেব মিস্ত্রীদের সেরা কাজ।

হগসাহেব টেবিলে আকিটেকট প্ল্যানটা মেলে ধরলেন। পাশে রাজেন্দ্র।
কাম মাই মান। দেখ কি জিনিস হচ্ছে। দিস ইজ নর্থ। উত্তরে থাকছে
ভেলভেট গ্রীন লন। লনে থাকছে বিশাল ফোয়ারা। ফোয়ারার ভাস্কর্য
তুলে ধরবে ঋতুচক্রের আবর্তন—সাইকল অফ সিজন্স। রাতে আলোকিত।
এটা হবে ফরাসী ধরনের কাজ। এই দিকেই থাকছে জলাশয়। এখানে থাকছে
ইতালিয় ঢঙের একটি ফোয়ারা, ফোয়ারায় থাকছে ট্রিটনস এবং মারমেডস।
থাকছে একজোড়া ফিংকস্। জাপানী একটি মন্দিরের প্রতিরূপ। আর থাকছে
একজোড়া জাপানী ভাস। পশ্চিমের লনে থাকছে আর একটি ফোয়ারা,
চারিদিকে থাকছে নেপচুনের মূর্তি। রাজা পরে এই লনে বসিয়েছিলেন—
গডেস অফ ফরচুন, ভাগোর দেবীকে, গৌতম বুদ্ধ, দশ থেকে ত্রয়োদশ শতকের
দশটি প্রাচীন ভাস্কর্য, মার্কিবি, ভেনাস, একটি মেয়ে মা ও শিশু, চারটি জাতির
মুখ, বেড ইণ্ডিয়ান, নিগ্রো, মঙ্গোল, ককেসিয়ান, একটি ইংরেজ গুরু। গুরুর
মূর্তির মালিক ছিলেন—স্যার এলিজা ইমপে, বাংলার প্রথম প্রধান
বিচারপতি।

আচ্ছা এইবার এসো বাড়িতে। এই হল তোমার বড় বড় থামওয়াল
বারান্দা। বারান্দা দিয়ে ঢুকছো রিসেপশান হলে, রিসেপশান হল থেকে
আসছো মার্বেল চেম্বারে, সেখান থেকে যাচ্ছো বিলিয়ার্ড চেম্বারে। এই দেখ
বাড়ির ভেতরের পশপ্ত প্রাদ্রণ, প্রাদ্রণের একপাশে প্রধান উপাসনা কক্ষ।
এইবার দক্ষিণেব সিঁড়ি দিয়ে উঠছো দোতলায়, প্রথমঘর, বারান্দা, চারদিকেই
বারান্দা, এঁইটা হবে দরবার হল। নাচে কোর্টইয়ার্ড ছাড়া চারটে ঘর,
দোতলায় ছটা ঘর। বাইবের কাজ হবে গ্রীক বা করিনথিয়ান স্টাইলে,
ভেতবে থাকবে ক্ল্যাসিক্যাল আর্চ, ডোরিক আর রোমান স্থাপত্য।

হুগলী ডকে জাহাজ ভিড়েছে। দেশ-বিদেশের মূল্যবান মার্বেল এসেছে
রাজেনবাবুর বাড়িব জলে। বিয়ানবই রকমের মার্বেল বসবে, মেঝেতে,
দেয়ালে, টেবিলটপে, মূর্তির বেদীতে। ক্লিয়ারিং এজেন্টের হাতে শিপিং লিস্ট।
রাজেন্দ্র একবার চোখ বোলালেন, পাশে দাঁড়িয়ে বিদেশী স্থপতি।
সিঁড়াতো ওবো, বড় দুলভ পাথর, সারা ত্বকে ছড়িয়ে আছে সোনালী রেখা,
আসছে ইতালি থেকে রাশিয়ার উরাল থেকে আসছে—ধূসর রংএর পাথর।
উরালের তেরো মাইল দূরের আর একটি অঞ্চল থেকে আসছে—বুরানো মার্বেল,
প্রায় স্বচ্ছ, ঈষৎ গোলাপী, অলংকার তৈরির কাজে লাগে। রোম থেকে

আসছে বাঘছাল মার্বল, ঠিক যেন বাঘের গায়ের রঙ। ইংল্যাণ্ড আর ইতালি থেকে আসছে অনিকস, আসছে অ্যালাবাস্টার।

পাঁচ হাজার কর্মী পাঁচ বছরে তৈরী করে দিল চোরবাগানের মল্লিক-প্রাসাদ মার্বল প্যালেস, পাথরের কাব্য, ওরিয়েন্টাল স্থাপত্যের অনন্তসাধারণ নিদর্শন। ষোল বছরের যুবক তখন একুশ বছরে পা রেখেছেন। ব্যক্তিত্ব তখন পরিপূর্ণ। কলকাতার সুধীসমাজে রাজেন্দ্র মল্লিক তখন মানী মানুষ। মার্বল প্যালেসে তখন একাধারে ষাটঘর, চিড়িয়াখানা, জ্ঞানপীঠ, মিলনতীর্থ। প্রাচ্য আর পাশ্চাত্যের ভাবের মিলন কেন্দ্র। ফরাসী দেশের বিখ্যাত আর্টডিলার মিরি যরিনড্রিকের কাছ থেকে ক্যাটালগ এসেছে, ইতালি মিদিচি ভেনাসের কাছ থেকে এল। সারা বিশ্বের বিখ্যাত কারুব্যবসায়ীরা এগিয়ে এলেন রাজেনবাবুর মিউজিয়াম সাজিয়ে দিতে। মল্লিকমশাই জানতেন শিল্পের হুনিয়ায় দুর্লভ বস্তু কি কি! কার কৌলীজ্ঞ কত ওপরে!

বাগানের নাম রাখলেন নীলমণি নিকেতন। পিতার স্মৃতিমাথান সবুজ শিশির-ভেজা মাঠ, দুর্লভ গাছ, ফোয়ারা, জলাশয়। অবাক দর্শক এ কোথায় এলেন! জলে গা ভাসিয়ে আছে চীনের মাণ্ডারিন হাঁস, ঘুরে বেড়াচ্ছে অস্ট্রিচ এমু। আর কয়েক পা এগোলেই নীল আকাশ ছোঁয়া শুভু। ছায়া দোলা বারান্দা, ইংরেজ বলবেন কুল কলোনেড। থমকে আছে মধ্যযুগ। ভাইকিং নাইট হাত বাড়িয়ে আলো দেখাচ্ছে অতিথিকে। বলছে চলে এস, আরো বিস্ময় তোমার জন্তে অপেক্ষা করছে অন্তঃপুরে। গোল্ড ভিহ্ন মার্বলের ওপর আলতো পা রেখে উঠে এস ওপরে। সিন্ধু বসনা ডেনাস, সাইক জ্ঞানী মিনার্ভা, সোফোক্লিস, ট্রাজিক মিউজ, ডেমোসথেনিস, এথেনা, হারানো সময়ের গর্ব নিয়ে দাঁড়িয়ে আছে। চলে এস রিসেপশান হলে।

মাথা ভুলে সিলিংয়ের দিকে তাকাও। সারি সারি ঝুলছে ভেনিসের ঝাড় লর্ডন। আলোর সঙ্গে অল্প একটু অন্ধকার মিশিয়ে তরল আলোকে একটু ঘন করা হয়েছে। দৃষ্টি কেড়ে নিচ্ছে স্নাইডিয়ান ডেনাস। পৃথিবীর কোন আর্ট গ্যালারীতে এই ডেনাস তার উল্লস সৌন্দর্যের জন্তে স্থান পায়নি। রাজেন্দ্র স্থান দিয়ে ছিলেন, ‘আর্ট ফর আর্টস সেকের’ জন্তে। আর একটি ভাস্কর্য দেখ, ডেনাস আর কিউপিড উঠে আসছে সাগর থেকে, দেখ মেডিচি ডেনাস, জানলার কাছে ভেনিসের শিল্পীদের হাতের এচিং, ঋতুচক্রের আবর্তন। মাথার ওপর ঝুলছে বেলজিয়ামের ঝাড়। ছত্রপা তেতাল্লিশটি শিল্প নিদর্শন অভ্যর্থনা কক্ষে স্বাগতম জানাচ্ছে।

এইবার চলে এস রেড-ভাইনড মার্বেল চেম্বারে। পাথরের মেঝেতে প্রকৃতির নিজের হাতের কাজ, লাল শিরা-উপশিরা ছড়িয়ে আছে এ দেয়াল থেকে ও দেয়ালে। প্রথমেই নজরে পড়বেন মহারাণী ভিক্টোরিয়া, কাঠের কাজ। রাণীর করোনেশানের সময় ইংরেজশিল্প তৈরি করেছিলেন। রাজেন্দ্র হাতছাড়া হতে দিলেন না। এর কোনো দ্বিতীয় নেই। এই ঘরেই আছে তাং আর হান ডাইনাস্টির জোড়া জোড়া ফুলদানী। চীনের সবচেয়ে বড় একটি ফুলদানী এই ঘরেই আছে। ভারতের আব কোথাও এতবড় ফুলদানী নেই। এই কক্ষে প্রদর্শিত বস্তুর সংখ্যা বারোটি।

বিলিয়ার্ড ঘরের দেয়ালে ঝুলছে ফরাসী স্কুলের আটটি ছবি। এছাড়া আছে মার্বেল, ব্রোঞ্জ ও পোর্সিলেনের তিরিশটি প্রদর্শনী। চিপেনডেলের ডিজাইনে দেয়াল জোড়া বিশাল আয়নায় সমগ্র ঘরটি ধরা আছে। ১৭০০ সালের ঠাকুর্দা-ঘড়ি গত আড়াইশো বছর ধরে সমানে গম্ভীর স্বরে সময় ঘোষণা করে চলেছে।

বিলিয়ার্ড ঘর ছেড়ে ভেতরের উঠোনে একটু থমকে দাঁড়াই। দরজার পাশে দেয়ালে ঘেঁসে মার্বেলের বসার আসন। পাথরে পাথর মেলানো কাজ। উঠোনটি এমন কায়দায় বসানো, যেখানেই দাঁড়ানো যাক সবদিক দেখা যাবে। দোতলার অলিন্দ থেকে উঠোনটি পরিপূর্ণ দৃশ্যমান। এক মাথায় প্রার্থনা-কক্ষ। চাতালের ওপর সিংহাসন। মেঝেতে পাথর বসাবার ডিজাইন রাজার নিজের করা। ভাস্কর্যে কোরিনথিয়ান ও ডোরিক ডিজাইনের মিশ্রণ ঘর ফলে চার্চ অভ্যন্তরের সাদৃশ্য এসেছে। সিলিং আর দেয়ালে ওয়াল্ডিও টংয়ের কাজ। নেভি ব্লু রঙে স্নিগ্ধ। ফরাসী বাড়ি পদ্মফুল হয়ে ঝুলছে। একজোড়া ফরাসী পরী হাওয়ায় ভাসছে। বারোটি শিল্পকীর্তি প্রার্থনা কক্ষের পবিত্রতার সঙ্গে জড়িয়ে আছে। সূর্যদেবতা অ্যাপোলো একদিকে, অন্তরিক্তে শিকারী ডায়না। কিউপিড আসছে আলো হাতে। প্রাকণের সর্বত্র মার্বেল আর ব্রোঞ্জ মূর্তির ছড়াছড়ি। এইখানেই আছেন ওয়ারেন হেস্টিংস, মোজেল, সোফোরিস। ঊনত্রিশটি শিল্পবস্তু বছরের পর বছর পরস্পর ভাববিনিময় করে চলেছে।

এরপর দক্ষিণে সিঁড়ি বেয়ে ওপরে ওঠা যেতে পারে। উঠতে উঠতে ছবি দেখি। ইউরোপের শিল্পীদের মাস্টারপিস। ইতালি, ফ্রান্স, ব্রিটেন, ডাচ, বেলজিয়াম, চীন, ভারত। সব মিলিয়ে বর্তমান সংখ্যা ৩৮। প্রতি খামে খামে দাঁড়িয়ে আছে ব্রোঞ্জমূর্তি। উপরে উঠতে উঠতে চোখে পড়বে এইরকম ২১টি নিদর্শন। চোখে পড়বে রাজা রাজেন্দ্র স্কলিকের জীবনের সঙ্গে জড়িত

বিশিষ্ট কিছু মানুষের ছবি, লর্ড ভারবি, পশুপক্ষির ব্যাপারে যার সঙ্গে ঘনিষ্ঠতা হয়েছিল, তার জে ডবল্যু হগ রাজার জীবনশিল্পী। ডবল্যু ডবল্যু হাটার দিনশাওয়াচা, চিংহিং-এর আঁকা রাজার পোর্ট্রেট।

দোতলায় উঠে প্রথমেই যেতে পারি রুবেনস চেম্বারে। এই ঘরেই আছে রুবেনের আঁকা দুটি বিশাল ছবি, বিখ্যাত ছবি, ব্যাটল অফ অ্যামাজন, ম্যারেজ অফ সেন্ট ক্যাথারিন। কপি নয় অরিজিনাল। মোট ২৭টি ছবি আছে এই ঘরে। ব্রিটিশ, ইতালির, ফরাসী, স্প্যানিশ, বেলজিয়ান, ফ্রেমিশ শিল্পীদের ছবি। এই ঘরেই আছে রাফেল আর টিশিয়ানের ছবি। ২৫টি মার্গল, ব্রোঞ্জ ও পোসিলেনের নিদর্শন আছে।

দক্ষিণের বারান্দায় আছে ২৬টি প্রদর্শনী, পশ্চিমের বারান্দায় আছে ৩১টি, উত্তরের বারান্দায় ২০টি প্রদর্শনী। এরপর দরবার হল। দেয়ালে আছে ৫৪ খানা ছবি। মার্গল, ব্রোঞ্জ আর পোসিলেন মিলিয়ে ১৪টি প্রদর্শনী। ইংলিশম্যান লিখলেন—চোর বাগানের মল্লিক প্যালেস যেন—বালিংটন হাউস অফ ক্যালকাটা। বালিংটন ব্যাপারটা কি? লণ্ডনের বালিংটনে আছে রয়াল আকাদেমী অফ আর্টস।

হগসাহেব দুটো পাখি দিয়েছিলেন—রাজেন্দ্র মার্বেল প্যালেসে বসানো পক্ষী নিলয়। দেশ বিদেশের পাখি দাঁড়ে বসে সারাদিন কপচাচ্ছে। একপাশে বসে আছে পাখির রাজা, স্বর্গের পাখি বার্ডস অফ প্যারাডাইস, ইদানীং বিরল। পৃথিবীর বিভিন্ন প্রান্তের চিড়িয়াখানার মালিকদের সঙ্গে রাজার যোগাযোগ। এদেশের পশুপক্ষী ওদেশে, ওদেশের এদেশে। এই রসের দুই রসিক তার বিশিষ্ট স্বল্পদ—নবাব ওয়াজিদ, আলি শাহ, লর্ড ডাবি। পশুপক্ষীর ব্যাপারটাকে তিনি গবেষণার পর্যায়ে নিয়ে গিয়েছিলেন। বিভিন্ন দেশের জীব বিভিন্ন আবহাওয়ার সঙ্গে কিভাবে মানিয়ে নিতে পারে শুরু হল বিশ্ব জুড়ে সেই গবেষণা। রাজেনবাবু হলেন উৎসাহী গবেষকদের অন্ততম। তাঁরই উৎসাহে হিমালয়ের ফেজাট গেল বিদেশে থাকা বন্দী হয়ে। অস্ট্রিচ এল মার্বেল প্যালেসের মাঠে। কলকাতার আজকের চিড়িয়াখানা তাঁরই উৎসাহে বদান্ততায় স্থাপিত। চিড়িয়াখানার গেট দিয়ে ঢুবলে সামনেই ‘মল্লিকস হাউস,’ ১৮৭০ সালে গ্রিন্স অফ ওয়েলসকে এইখানে সম্বর্ধনা জানানো হয়েছিল। এই ‘মল্লিকস হাউস’ রাজা রাজেন্দ্র মল্লিকের কাছে যথার্থভাৱে অস্ত্রতম প্রাচীন পশুশালায় ঋণের নীরব স্বীকৃতি। উত্তর ভারতের পশুশালাও এমনি আর একজন মানুষের কাছে ঋণী—নবাব ওয়াজেদ আলি। লন্ডো

ছেড়ে সিপাহী বিদ্রোহের সময় চলে এসেছিলেন মেটেবুজ্জে। রাজার বিশিষ্ট বন্ধু ছিলেন, প্রাণের টানে বাঁধা ছিলেন একই বিষয়ে। লণ্ডনের জুলজিক্যাল সোসাইটি ১৮৫৭ সালে উপহার দিলেন মেডাল। ১৮৬৩ সালে মেলবোর্ন থেকে স্বীকৃতি হল—অ্যাক্রাইমেটাইজেশান সোসাইটি অফ ডিকটোরিয়ার অবৈতনিক সদস্য হলেন। ওই বছরই লণ্ডন জুলজিক্যাল সোসাইটির সদস্য হলেন, পেলেন ডিপ্লোমা। বেলজিয়ামের রয়্যাল জুলজিক্যাল সোসাইটি অফ এণ্টওয়ার্প তাঁর সাহচর্যে স্বীকৃতিতে কৃতজ্ঞতার চিঠি পাঠালেন।

পারিবারিক রেকর্ডে রাজার জীবনের কয়েকটি ঘটনা আগুৱলাইন করা আছে। সুবর্ণ বণিক সমাজের বিশিষ্ট একটি প্রথা কর্ণভেদ। কর্ণভেদ না হলে বিয়ের পিঁড়িতে বসা হবে না। হীরামণির জীবকালেই রাজার কর্ণভেদ হয়েছিল, তারিখ ১৫ই মার্চ ১৮২৩ সাল। কত বছর আগের কথা। অল্পুঠানের দিন রাতে দেশী-বিদেশী অতিথির সামনে ‘নাচ’ পরিবেশন করেছিলেন বিখ্যাত নর্তকী যুগল—নিকি-আমরুন। ১৮২৩ সালেই রাজা রামমোহন রায়ের বাগানবাড়িতে নিকির নাচ দেখে ফ্যানি পার্ক তাঁর ড্র্যাডালাগে লিখেছিলেন—নিকি—দি ক্যাটালানি অফ দি ইস্ট।

আর একটি তারিখ ১৮২২ সাল। হীরামণির শ্রাদ্ধের দিন। এস্টেট শ্রাদ্ধের খরচ অল্পমোদন করেছিলেন, হুঁলক্ষ টাকা। কলকাতা কেন্ গ্রাম গ্রামান্তর থেকে শ্রাদ্ধ বিদায়ের আশায় হাতে হারিকেন নিয়ে লাখ চারেক ঠেলাক এসেছিলেন চোরবাগানে। চার লক্ষ লোকের চাপে দক্ষয়জ্ঞ। গেট ভেঙে পড়ল। আশপাশের দোকান লুট হয়ে গেল। ১৮৩০ সালের ইণ্ডিয়া গেজেটে ঘটনার বিবরণ আছে—নেটিভস গো বার্গার্ক। আর একটি তারিখ ১৮৩০ সাল। রাজার বিবাহ। বিয়ে করলেন তখনকার দিনের কলকাতার রথসচাইলড সেভেন ট্যাক্সের রূপলাল মল্লিকের মেয়েকে। বিয়েতে তখনকার দিনেই খরচ হল ৫০ হাজার টাকা।

ইংরেজের দালালী করে তখনকার দিনে অনেকেই রায়বাহাদুর হতেন। রাজেন্দ্র, রায়বাহাদুর হয়েছিলেন—দিলবাহাদুর বলে।

কলকাতার তৎকালীন কমিশনার অফ পুলিশ এম হগ বাংলার গভার্নারকে লিখছেন :

এই সেই রায় রাজেন্দ্র মল্লিক যিনি প্রাতদিন শ-পাঁচেক, সমস্ত সময় হাজার মানুষকে অন্ন বিতরণ করে জলম্পর্শ করেন। ১৮৬৫ সালের ডার্জিলিং গ্রামের মানুষ এখন হা অন্ন হা অন্ন করে শহরের পথেঘাটে কুহুর বেড়ালেহ

মত মরতে লাগল, রাজেনবাবু সঙ্গে সঙ্গে জ্ঞানকাঁখে নেমে পড়লেন। তাঁর চেষ্ঠাতেই বহু প্রতিষ্ঠান গড়ে উঠল। মানুষ দুমুঠো খেতে পেল। একজি-কিউটিভ যেমিন রিলিফ কমিটি যখন সিদ্ধান্ত নিলেন শহরকে মহামারীর হাত থেকে রক্ষার জন্তে কলকাতার পথেঘাটে পড়ে থাকা প্রপীড়িত মানুষকে অন্নছত্র বন্ধ করে, চিংপুর ক্যাম্পে সরিয়ে নিতে হবে, রাজেনবাবু এগিয়ে এলেন। বললেন ঠিক আছে অন্নছত্র বন্ধ করে দিচ্ছি। বদলে এদের খাওয়ানোর জন্তে কমিটির হাতে প্রতিদিন ১০০টা করে টাকা দেবো। রাজেনবাবুর চেষ্ঠাতেই মানুষও বাঁচল, কলকাতাও বাঁচল।

দুর্গতদের চিকিৎসার জন্তে রাজেনবাবু কলুটোলায় তাঁর সত্ত্ব নিমিত্ত দুটি বড় গোড়াউন ছেড়ে ছিলেন। যা ভাড়া দিলে প্রত্যেকটা থেকে মাসে ১৬০০ টাকা ভাড়া পেতেন। টিভোলি গার্ডেনের বাড়ি আর জমিও এই একই উদ্দেশ্যে ছেড়ে দিলেন।

জ্ঞানকাঁখ বন্ধ হবার পর দুর্গতরা কলকাতা ছেড়ে চলে গেলেও তিন হাজার অনাথ শিশু পড়ে থাকবে। রাজা বললেন অনাথ আশ্রমের জন্তে মাসে মাসে একশো টাকা চাঁদা দোবো। এমন একটি মানুষ যিনি সারা দেশের দায়িত্ব নিজের কাঁধে তুলে নিতে পারেন, যিনি দুঃসময়ে মানুষের পাশে এসে দাঁড়াতে পারেন তিনি সম্মানীয়। তাঁর সম্মানের স্বীকৃতি চাই।

১৮৭৭ সালের পয়লা জাহুয়ারী কলকাতায় দরবার হল। মহারাজী ভিকটোরিয়া ভারত সম্রাজ্ঞী হলেন। রাজেন্দ্র পেলেন সম্মানসূচক খেতাব—‘রায়বাহাদুর’। পরের বছরই ভাইসরয় লিটন সাহেব তুলে দিলেন তাঁর হাতে সনদ এবং খিলাত নামের আগে পরিয়ে দিলেন ‘রাজা বাহাদুর’ খেতাব। খিলাত হল একটি হীরা বসানো আঙটি।

ইণ্ডিয়ান গেজেট কবি ওয়ার্ডস ওয়ার্থের লাইন উদ্ধৃত করলেন :

টু টু দি কিণ্ড পয়ন্ট অফ হেভন এণ্ড আর্থ। বললেন—এ পার-ফেক্ট ম্যান নোবল প্রাণ্ড।

রাজা বাহাদুর খেতাব দিয়ে ইংরেজ কিন্তু তাঁর স্বকীয়তা, বিশিষ্টতা, চারিত্রিক দৃঢ়তা হরণ করে বশব্দ বাঙালী বড়লোক তৈরি করতে পারেন নি। তাঁর তেজস্বীতার কথা ইংরেজ সেদিনই জেনে ছিলেন, যেদিন রাজ খেতাবহীন রাজেন্দ্র হাইকোর্টের প্রধান বিচারপতি স্যার বার্নস পিককের বিরুদ্ধে কলম ধরেছিলেন। পিকক সাহেব চরিত্রহীনতার অপরাধে মাইকেল মধুসূদন

দস্তকে বার থেকে বহিষ্কৃত করে দিয়েছিলেন। রাজা রাজেন্দ্র কথো দাঁড়ালেন। জনমত তৈরি করলেন। প্রিন্স গোলাম মহম্মদ, জৈশ্বরচন্দ্র বিজ্ঞানাগর, মনমোহন ঘোষ, প্রসন্নকুমার সর্বাধিকারী, রাজেন্দ্রলাল মিত্র, টেকচাঁদ ঠাকুর, রমানাথ ঠাকুর আর রাজেন্দ্র মল্লিক, মাইকেলের পক্ষ নিয়ে জয়েন্ট পিটিশান ছাড়লেন, লিখলেন—এ জেন্টলম্যান অফ গুড এণ্ড রেসপেকটেবল ক্যারেকটার এণ্ড এবিলিটি। শ্রার পিককের ভীমরতি হয়েছে। পিকক স্বর স্বর করে আদেশ প্রত্যাহার করলেন। মাইকেল ফিরে গেলেন বারে।

১৮৫৬ সালে পরিবারের এক পূর্বপুরুষের সমাজ সংস্কারের বিরোধিতা করার প্রায়শ্চিত্ত করলেন। পিতৃব্য বৈষ্ণবদাস রাজা রামমোহনের সতীদাহের বিরোধিতা করেছিলেন। রাজেন্দ্র বিজ্ঞানাগরের-উইডো রিম্যারেজ এ্যাক্ট সমর্থন করে পাশ করিয়ে দিলেন। রাজেন্দ্র মল্লিক তখন শুধু শ্বেতপাথর প্রাসাদের ধনী নন, সমাজ সংস্কারক, সুপণ্ডিত সুসংস্কৃত স্বদেশী মানুষ। টিভোলী পার্কে তাঁরই বাড়িতে দাদাভাই নরোজি দ্বিতীয় কংগ্রেস ডাকলেন। ক্যালকাটা গেজেটের ১৮৬৭ সালের ২৩শে জুন সংখ্যায় প্রকাশিত হল রাজেন্দ্র প্রশস্তি—মিউনিসিপেন্স অফ রাজেন্দ্র মল্লিক।

লর্ড নর্থব্রুক ছিলেন রাজার বন্ধু। ১৮৭৫ সালে তাঁকে সরকারের ফিনান্স ও লাইব্রেরী সাব কমিটির সভ্য করে নিলেন। এর আগেই লর্ড মেও তাঁকে ভারতীয় ষাট বছরের অগ্রতম অছি করে নিয়েছিলেন। ষাট বছরে রাজেন্দ্রবাবুর অনেক দান আছে। রাজা বাহাদুর হবার পর বিশেষ অধিকার বলে আর্মস অ্যাক্ট বহিষ্কৃত আরো বন্দুক গোলাগুলি রাখার অমুমতি পেলেন। গড়ে উঠল পারিবারিক অস্ত্রশালা। অনারারি প্রেসিডেন্সি ম্যাজিস্ট্রেট হলেন। ব্রিটিশ ইণ্ডিয়ান এ্যাসোসিয়েশনের বিশেষ সভ্য হলেন। কলকাতা করপোরেশনকে জমি ছেড়ে দিলেন রাস্তা করার জন্তে, আজকের রাজা রাজেন্দ্র মল্লিক স্ট্রীট। ডেজু আর ম্যালেরিয়ার সঙ্গে লড়াই করার জন্তে ডাক্তারদের সমবেত করলেন।

এদিকে শিক্ষায়, দীক্ষায়, সংগীতে, সংস্কৃতিতে, শিল্পবস্তুতে, পরিবারের সভ্য সংখ্যায় মল্লিকবাড়ি ক্রমশ জমজমাট হয়ে উঠেছে। একে একে বংশধররা আসছেন—দেবেন্দ্র, মহেন্দ্র, ষোগেন্দ্র, গিরীন্দ্র, স্বরেন্দ্র, মনীন্দ্র। রাজা ভেবেছিলেন ছ ছেলে, পরিবাপ্ত কীতি রেখে একদিন চলে যেতে পারবেন। কিন্তু মৃত্যু তার আগেই পাখা মুড়ে নামল। ষোগেন্দ্র শৈশবেই চলে গেল, গিরীন্দ্র স্বরেন্দ্র তারাও চলে গেল। পারিবারিক আদর্শ আর কালচারের স্বার্থে মহেন্দ্রকে

ত্যাগপুত্র করলেন। মহেন্দ্রের বংশধররা আজ অবলুপ্ত, বড় দেবেজ মেধা পেলেন, পিতার সমস্ত গুণ পেলেন, পেলেন না যোগমুক্ত শরীর।

(৬)

আটমুষ্টি বছর বয়স হল। সময় তো আর ছেড়ে কথা বলবে না। ভোগেই থাকো আর ত্যাগেই থাকো, কীর্তিমান হও কি কীর্তিনাশা হও, সময়ের কর্কশ হাত অনবরতই ক্ষয়ের হাত বুলিয়ে চলেছে। টাইম ইউ ওল্ড জিপসি ম্যান। তোমরা আমাকে এই ঘরে রাখো। ছানালটা খুলে দাও, চোখের সামনে থাক আমার মন্দির যেখানে আছেন আমার জগৎপ্রভু জগন্নাথ। তোমরা যাও, কর্তব্যের সংসার, কর্মের জংসার তোমাদের ডাকছে। আমাকে একপাশে পড়ে থাকতে দাও। কর্ম আমাকে ত্যাগ করেছে। শরীর দিয়েছে নোটিশ। পা দুটো ফুলে উঠেছে। উঠতে পারি না। চলতে পারি না। তোমরা চালিয়ে যাও। এক রাজেন্দ্র যাবে আর এক রাজেন্দ্র আসবে এই তো জগতের নিয়ম। আমি গভীর রাতে শুনতে পাই, আমার পাইপিং প্যান, রিসেপশান হলে তার বাঁশি বাজাচ্ছে। বড় করুণ স্বর। পৃথিবীর হৃদয় থেকে ওই স্বর আসছে—দুঃখ, বেদনা, বিচ্ছেদ, ভালবাসা, প্রেম, দয়া, নিষ্ঠুরতা, বঞ্চনা সব একপাত্রে ঢেলে নির্ধাস তৈরি করেছে ঈশ্বর। তাই পাত্র ভরে পান করে আমরা নেশায় ঢলে পড়েছি। এই হাসছি, এই কাঁদছি। আমার আমার বলে চিংকার করছি। জোড়াসাঁকোর আর এক কীর্তিমান কবি এই কথাই লিখলেন :

আছে দুঃখ আছে মৃত্যু বিরহ দহন লাগে

তরঙ্গ মিলায়ে যায় তরঙ্গ উঠে

কুসুম ঝরিয়া যায় কুসুম ফোটে।

ব্রিটিশ ইণ্ডিয়ান অ্যাসোসিয়েশানের সভাপতি রাজা রাজেন্দ্রলাল মিত্র বাহাদুর এল. এল. ডি. সি. আই. ই শোক প্রস্তাবে বললেন—

I can not on the present occasion forget another name. It is that of Rajah Rajendro Mullick Bahadur, who died only the other day (14-4-47). A more accomplished and finished gentleman you could not find in Calcutta. His liberality was princely, and in losing him the citizens of Calcutta have lost a most benevolent worthy member of society. The poor of Calutta have lost a father.

হিরেনবাবু বললেন—জুতোটা খুলে আস্থন। এই মার্বেলের মেঝে জুতো সহ করতে পারে না। সারা বাড়িতে পিয়ানোর স্বর ছড়িয়ে পড়ছে। কে বাজাচ্ছেন হিরেনবাবু? আমার বাবা। এই সেই ঘর যে ঘরে নিকি আর আসফন একদিন নাচতো। সেদিন রবিশঙ্কর বাজিয়ে গেলেন। আস্থন এই হুইসপারিং চেয়ারে বসি। মল্লিকবাড়ির বর্তমান বংশধরকে হঠাৎ প্রণয় করলুম—এই সব ছেড়ে যেতে আপনার কষ্ট হবে না? কবি হিরেন্দ্র মল্লিক একটু হাসলেন। জীবন সবে ভরা যৌবনে টলটল করছে। এখনই এ প্রণয় কেন? শ্রীওলিয়্যারের দিকে তাকিয়ে বললেন—একটুও না—মরণের তুচ্ছ মম শ্রাম সমান।



‘আমি তাকে ভালবাসি
জানি আমার এ প্রেম
কোন দিন পূর্ণ হবে না
কারণ একদিন তিলে তিলে
আমি মৃত্যুকে বরণ করে নেব
আমার হত্যাকারী সেই ‘ক্যাডমিয়াম’
সে আমাকে দেবে না সময়
তার কি এসে যায়, যদিও
আমি তাকে সুগভীর ‘ভালবাসি’

কবিতাটি পাঠ শেষ করে, চোখ ভুলে তাকালেন পার্লামেন্টের জনৈক প্রবীণ সদস্য। সভা তখন স্তব্ধ। চোখের কোণে হয়ত অনেকেরই জল চিক চিক করছে। প্রধানমন্ত্রী ‘এই সাকুসাতো’ উঠে দাঁড়ালেন। চোখের কোণের জল-বিন্দু একটি ছুটি ফোঁটায় গাল বেয়ে বেয়ে নামছে। রুদ্ধ কণ্ঠে তিনি সভার সদস্যদের জানানলেন—‘তাকাকোর পিতা মাতাকে আমি জানাতে চাই, আমার সরকার এমন ব্যবস্থা গ্রহণ করবেন যাতে ভবিষ্যতে জাপানে ঠিক এমনি ঘটনা যেন আর না ঘটে।’ একটি সাদা সিল্কের রুমালে চোখ মুছলেন প্রধানমন্ত্রী সাতো। পার্লামেন্ট ভবনের বাইরের শিল্পসমৃদ্ধ জাপানের রাজপথ তখন অতি ব্যস্ত। মানুষের স্থপ-দুঃখের পবন রাখার মত অবসর নেই মানুষের জীবনে। ব্যস্ত পৃথিবীতে তাকাকোর করুণ কাহিনী হারিয়ে যাবে। পার্লামেন্টের স্তব্ধ হলঘরে একটি সাময়িক শোকের ছায়া, আকাশের বুকে একখণ্ড কালো মেঘের মত, এক পশলা বৃষ্টি নামিয়েই সরে যাবে।

রূপের জগৎ জাপানের পার্কে পার্কে তখন চেরী ফুল আগুন ছড়াচ্ছে। ক্রাইসেন্থিয়ামের সমারোহে মানুষ মুগ্ধ। কে তাকাকো? কিসেরই বা কবিতা? কারই বা ভালবাসা? কিসের জন্তু এই চোখের জল। প্রধানমন্ত্রী সাতোর প্রতিজ্ঞা। কেই বা মাথা ঘামাচ্ছে। সকলেই ব্যস্ত। নিশান গাড়ী ছুটিয়ে চলেছেন ব্যস্ত শিল্পপতি। একটি তরুণ আর তরুণী পার্কের নিভুতে নিজেদের খুবই কাছাকাছি। বিদেশী ট্যুরিস্ট ছবি তোলায় ব্যস্ত।

জাপানের এই অতি চেনা জগৎ, এর আকর্ষণ কাটিয়ে তাকাকো নামের একটি সুন্দরী তরুণী অকালে বিদায় নিয়েছে। তার বাবার চোখে জল, মা প্রায় পাগল। এমন সুন্দর মেয়ে, তাঁদের এমন কর্তব্যপরায়ণ বুদ্ধিমান মেয়ে কেন হঠাৎ আত্মহত্যা করল। কে জবাব দেবে? তাকাকোই হয়ত পারত এর জবাব দিতে কিন্তু সে তো বহু দূরে, জগৎ পারাবারের ওপারে। রঙীন কিমোনো ছড়ানো তার সুন্দর দেহ এখন কাঠের কফীনে, পৃথিবীর অন্ধকার হীম শীতল গহ্বরে।

অথচ এই সেদিন ব্যাগ নাচাতে নাচাতে একটি সুন্দর রঙীন প্রজাপতির মত তাকাকো সকলকে সুপ্রভাত জানিয়ে, সকলের শুভেচ্ছা নিয়ে, তার প্রথম কাজে যোগ দিতে গিয়েছিল। তার মুখে চোখে আত্মপ্রত্যয়ের ভাব, স্বাবলম্বনের আনন্দ। তার ব্যাগের মধ্যে সেই নিয়োগ পত্র, সেখানে স্পষ্ট করে লেখা আছে—ইউ হাভ বিন এপারেন্টেড...ইত্যাদি। টোকিয়ার কাছে গুমাতে একটি দস্তা-গালানোর কারখানায় সে চাকরী পেয়েছে। চারিদিকে দস্তার পাত থাক থাক মাজানো। অসংখ্য মেয়ের ভীড়ে তাকাকো হারিয়ে গেল। কাজ আর কাজ। স্বেন্টারে ধাতুর পাত তরল হয়ে যাচ্ছে। সমস্ত আবর্জনা একদিকে বেরিয়ে যাচ্ছে, অত্রদিকে শতকরা একশোভাগ ধাতুর পাত জমা হচ্ছে। গাড়ীতে ধাতুর পাত বোঝাই হচ্ছে। এই দুর্লভ ধাতু এইবার চলে যাবে কলে কারখানায়, জাহাজে চেপে বিদেশে, ভারতবর্ষে। তাকাকো কবিতা লিখতে ভালবাসে। এই কারখানায় ঘামে আর পরিশ্রমে যে কবিতা লেখা হচ্ছে তা হল জীবনের কবিতা, জীবিকার কবিতা, মানুষের বেঁচে থাকার জীবন্ত কবিতা। কাজের শেষে, কারখানায় ছুটির বাঁশী বাজলে, ঝাঁক ঝাঁক প্রজাপতির মত, স্কার্ট পরা এইসব মেয়ের দল যখন রাস্তায় নেমে আসে, বাসস্ট্যাণ্ডে ভীড় করে তখন হয়ত সে দৃশ্য দেখে নেহাত অকবিও কাব্য রসিক হয়ে উঠবেন।

পৃথিবীর অন্যতম ধনী দেশ জাপান, এশিয়ার আমেরিকা। সেখানে প্রতিটি মানুষের জীবনে এসেছে স্বাচ্ছন্দ্য আর প্রাচুর্য। প্রাণচঞ্চল, কর্মচঞ্চল এই দেশ। ঝকঝকে গাড়ী। বাগান ঘেরা, বর্ণা বর্ণা ছবির মত বাড়ি। টেলিভিশন। ভোগের সামগ্রীর ছড়াছড়ি। সারাদিন স্বেন্টারের লাল আঙনে চোখ ঝলসেছে, লাল আপেলের মত গাল বেয়ে ফোঁটা ফোঁটা ঘাম ঝরেছে। কিন্তু স্নিগ্ধ রাতের চন্দ্রাতাপের তলায়, আলোক উজ্জল জাপানের আর এক চেহারা। ঝকঝকে রাস্তায় ভ্রমণার্থীর দল। রেস্টোরঁয় নাচ গান

আর হাল্কাড়। বাড়িতে বাড়িতে টি, ডি। এই সময়টুকুই তাকাকোর নিজের। এই সময় সে কবিতা লেখে। সে পড়ে, গান গায়। মাঝে মাঝে বাতের আকাশের দিকে তাকিয়ে সে উদাস হয়ে যেতে চায়। তার লেখার খাতায় বারে বারে একটি লাইন লেখা হয়—আমি তাকে ভালবাসি। কে সেই মানুষ। না একি তার জীবনকে ভালবাসা। ‘ভালবাসি, ভালবাসি, এই সুরে কাছে দূরে বাজায় বাঁশী।’

১২৫২ সালে তাকাকোর চাকরী জীবনের শুরু। ১২৬১ সালে তাকাকো চাকরী পেল তোহো জিকু কোম্পানীতে। এবারের কাজ হল ক্যাডমিয়ামের বাট থেকে চেকে চেকে ক্যাডমিয়াম বের করা। সোনালী ধাতু। যার আন্তরগে সামান্য লোহার পাত হয়ে উঠে স্বর্ণ স্তম্বর। সারাদিন ধরে তাকাকো এক একটি বাট থেকে ক্যাডমিয়াম চেকে চেকে জমা করে। সেই একঘেঁয়ে ক্লাস্তিকর কাজের শেষে যখন ছুটি মেলে তখন তাকাকোর অন্য জীবন শুরু হয়। সে জীবনে আশা আকাঙ্ক্ষা আছে, কল্পনার পাখা মেলে ভাবের রাজ্যে উড়ে চলা। তখন সে সম্পূর্ণ স্বাধীন, ব্লাহীন, প্রাণ চঞ্চল। কিন্তু কয়েকদিনে তার একি হয়েছে? অসহ্য ক্লাস্তিতে যেন শরীর ভেঙে আসছে। মাথা টিপ টিপ করছে, চোখ খুলতে পারছে না। গা শুলোচ্ছে। কেন সে ঘরের কোণে মাথায় হাত রেখে বসে আছে। টেবলে বই খোলা। সাদা খাতায় সে একটিও লাইন পাততে পারেনি। এমন নিষ্ফল্য বন্ধ্যা সন্ধ্যা কি তার জীবনে আর এসেছে।

ডাক্তারবাবু প্রবীণ। সব শুনলেন। এমন স্তম্বর ফুটফুটে মেয়ে। কিন্তু কথা বলতে বলতে কেমন যেন উদাসীন হয়ে যাচ্ছে, যেন কোন রাজ্যে চলে যাচ্ছে। পরীক্ষা করলেন। ধীরে ধীরে খুঁটিয়ে খুঁটিয়ে। ব্লাড প্রেসার? না নর্মাল। চোখের কোন গোলযোগ? না চোখ তো ঠিক আছে। বদহজম, ইনডাইজেস্টান ফ্র্যাটুলেন্স? হতে পারে। কিষা অস্ত্র কিছু? এই বয়সের মেয়ে, বলা যায় না কোন বয়স ফ্রেন্ডের সঙ্গে কোন দুর্বল মুহুর্তে, কোন নিবীড় দৈহিক সম্পর্কের অনিবার্য পরিণতি নয় তো! ‘হা মা, তুমি কি কোন’—তাকাকো চমকে উঠলো। না না সে রকম কোন সম্ভাবনাই নেই। আমি এখনও কুমারী। প্রবীণ বৈজ্ঞানিক চিন্তায় ডুবে গেলেন। ভেষজ বিজ্ঞানের মহাসমুদ্রে ডুবুরীর মত গুপ্তের মণি মুক্তো হাতে উঠে এলেন। তাহলে তুমি কিছু এ্যান্টিসিড খাও, একটা দুটো ভিটামিন পিলস। আর পরিভ্রমের তুলনায় পুষ্টি হচ্ছে না তোমার। তুমি শোবার আগে এককাপ মল্ট এ্যান্ডাইজট মেশানো দুধ খাও।

তাকাকো বেরিয়ে এল রাস্তায়, হাতে প্রেসক্রিপশান। উদিত সূর্যের দেশ জাপানের আকাশে তখন সূর্য অস্ত যেতে বসেছে। চেয়ে গাছের পাতায় পাতায় সেই অস্তমিত সূর্যের লালের স্পর্শ লেগেছে। পৃথিবী এত সুন্দর কিন্তু তাকাকোর কাছে সব কিছুই এখন বিষণ্ণ, অর্থহীন। তার পৃথিবীর রঙ ক্রমশই পান্টাচ্ছে।

তাকাকোর মা অধীর উদ্বিগ্ন হয়ে জিজ্ঞাস করলেন—‘ডাক্তারবাবু কি বলেন?’ তাকাকোর সংক্ষিপ্ত উত্তর—‘মাথা আর মুণ্ড’। মার মনে আঘাত লাগল, তিনি যে উদ্বিগ্ন—‘বল না কি বলেন।’ তাকাকো যেন ক্ষেপে গেল—‘আমাকে বিরক্ত কোরোনা, বিরক্ত কোরোনা’। সত্যিই সে যেন উন্মাদ হয়ে গেছে, হঠাৎ সে চীৎকার করে উঠল—টেবিলের উপর থেকে টেবল ল্যাম্পটা তুলে নিয়ে ছুঁড়ে মারল সামনের দেয়ালে। প্রেসক্রিপশানের কাগজটা টুকরো টুকরো করে ছিঁড়ে ফেলে দিলো। আছড়ে পড়ল বিছানার উপর। সে কঁাদতে লাগল ফুলে ফুলে।

সমস্ত বাড়ীতে বিষাদের ছায়া নামল। হে ঈশ্বর, তুমি এ কি করলে। তাকাকোর মা সেদিন সারারাত বুদ্ধের সামনে নতজান্ন হয়ে মেয়ের আরোগ্য প্রার্থনা করলেন। মেয়ে সেই যে বিছানায় আছড়ে পড়েছে তাকে আর কিছুতেই ওঠানো গেল না। খাবার ঘরে, খাবার ঠাণ্ডা হয়ে গেল, বাতিদানে, বাতি নিভু নিভু হয়ে এল। তাকাকোর অশান্ত মনকে শান্ত করা গেল না। কি যে তার হয়েছে, কি যে তার বেদনা। কেউ জানতে পারল না। অব্যক্ত সব কিছুই কেমন যেন বিস্ময়কর।^{*} কি হয়েছে তাকাকোর! সে কি প্রেমে ব্যর্থ হয়েছে! না কি কর্মস্থলে কোন আশা ভঙ্গের কারণ ঘটেছে। কিন্তু মাহুঘের জীবনে সাফল্য, অসাফল্য, জয় পরাজয়, সুখ অথবা দুঃখ চাকার মত ঘুরে ঘুরে আসে। এই তো জগৎ। হতাশায় এমন উন্মাদ হয়ে যাবার মানে কি। কে বোঝাবে তাকে? কে একটু সাহায্য দেবে! পৃথিবীতে মার চেয়ে ঘনিষ্ঠ অন্তরঙ্গ কে আছে। সেই মাকেই যখন সহ্য করতে পারছে না সে, তখন অস্তু বন্ধু বান্ধব, আত্মীয়স্বজনের তো কোন কথাই চলে না। ভোর হচ্ছে ধীরে ধীরে। দূরে মাউন্ট ফুজি আকাশের গায়ে ঝাপসা হয়ে আছে। ঘন নীল আকাশের গায়ে ছেঁড়া ছেঁড়া মেঘ সূর্যের রঙ চুরি করে লাল হয়েছে। বাগানের ঘাসে শিশিরের বিন্দু রাতের কোন গভীর বেদনার যেন নিরব সাক্ষী। ‘তাকাকো’ ‘তাকাকো’, কোন সাড়া নেই। ঘরের দরজা ভেজানো। মা খাবার ডাকলেন, ‘তাকাকো!’ চারিদিকে ঝলমলে সূর্য। কাল সারারাত

মেয়ে অভুক্ত। এবার সে উঠুক। মুখ ধুয়ে সে কিছু খেয়ে নিক। একে শরৎ খারাপ, না খেলে আরো খারাপ হবে। ‘তাকাকো ওঠো তুমি, আর কতক্ষণ ঘুমোবে?’ যখন কিছুতেই সাড়া পাওয়া গেল না তখন দরজা ঠেলে ঘরে ঢুকে পড়লেন। কিন্তু একি। ঘর খালি। বিছানায় কেউ নেই। বিছানার উপর পড়ে আছে তাকাকোর রাতের পোষাক। এই ভোরে, রাত শেষ হতে না হতেই সে কোথায় গেল। কোথায়ই বা যেতে পারে।

স্বামীকে বললেন—‘আমার বাপু ভাল মনে হচ্ছে না, তুমি একবার দেখো। মেয়েটা এই সাত সকালে কিছু না বলেই কোথায় চলে গেল। তাকাকোর বাবা প্রোট যোশিয়ো, চিন্তিত হলেন। পাইপ টানতে ভুলে গেলেন। নিবে গেল পাইপ। সেই নিভন্ত পাইপ দাঁতে চেপে ধরেই বাগানে ছাঁবার পায়চারি করলেন। বৃদ্ধ যোশিয়ো বেরিয়ে পড়লেন মেয়ের খোঁজে। সম্ভব অসম্ভব সব জায়গাতেই খোঁজ করলেন। না কোথাও নেহ সে। সে অফিসে যায়নি। সে লাইব্রেরীতে যায়নি। বন্ধু বান্ধব আত্মীয়-স্বজন কেউ বলতে পারল না তাকাকো কোথায়। ক্রান্ত যোশিয়ো বাড়ি ফিরলেন। এর মধ্যে নিশ্চয়ই সে ফিরেছে। হয়ত বাড়ি ফিরে দেখবেন সেই চির পরিচিত দৃশ্য। তার লেখার টেবিলে বসে তাকাকো একমনে লিখেছে।

ফেরেনি, এখনও ফেরেনি তাহলে। যোশিয়ো ক্রান্তিতে ভেঙে পড়লেন। মেয়েকে বড় ভালবাসতেন। সেই ছোট্ট শিশু তাকাকো। এক মাথা ঝাঁকড়া চুল। চক্চকে দুটো চোখ। যেন একটা ডল পুতুল। সারাদিন তার বক-বকানিতে বাড়ি মুখর হয়ে থাকত। শূন্য ঘরে যোশিয়ো মাথায় হাত রেখে অন্ধকারেই বসে রইলেন। বাইরে করিডরে ঘড়ি টিক টিক করছে। সময় যেন একটি হাই-হিল জুতো পরা মেয়ের মত অনবরত পায়চারি করছে। রাত তখন কটা হবে তিনটে। দরজার ঘণ্টা বেজে উঠলো। ঐ, ঐ এসেছে তাকাকো। যোশিয়ো তাড়াতাড়ি দরজা খুলে দিলেন। বলতে যাচ্ছিলেন—‘এতক্ষণ কোথায় ছিলি মা?’ কিন্তু এ কে! চমকে উঠলেন যোশিয়ো। পুরো ইউনিফর্ম পরা একজন পুলিশ অফিসার।

‘সেই ছুটন্ত ড়েন। টোকিও স্টেশন থেকে ছেড়ে হু-হু শব্দে চলেছে উত্তর মুখে। টোলগ্রাফ পোষ্টগুলো উন্টো দিকে দৌড়োচ্ছে। শহর গ্রাম, গ্রাম শহর। জানালায় টেলিভিশন ছবির মত আসছে যাচ্ছে। মেয়েটির চোখে মুখে কেমন যেন উদাস দৃষ্টি। সে যেন এলগতে নেই। দাঁড়িয়েছিল দরজার সামনে। হাওয়ার তার স্কার্ট উড়ছে, চুল উড়ছে। আমরা ভাবতেও পারিনি যে এমন

ঘটনাও ঘটতে পারে। হঠাৎ সে লাফিয়ে পড়ল, সেই প্রচণ্ড গতিশীল ট্রেন থেকে। তারপর তারপর...

যোশিয়ো চোখ ঢাকলেন আতঙ্কে। একি শুনছেন তিনি। একি দেখছেন চোখের সামনে! ছিন্ন ভিন্ন খেঁতলানো ক্ষত বিক্ষত এই দেহ তারই প্রিয় কন্যা তাকাকোর, সেই ছোট্ট তাকাকো। সেই কত স্বপ্ন, কত স্মৃতি, যেন অনেক অনেক চরিত্র, যেন অপস্ফয়মান হাজার হাজার পায়ের শব্দ। তারপর অন্ধকার। শোক যেন পাথর হয়ে গেছে। শব্দধারে তাকাকো এখন ঐ অন্ধকার মাটির তলায় কবরের নিশ্চিন্ত নিদ্রায়। সমস্ত বেদনা আর যন্ত্রণার কি সহজ পরিণতি। আত্মহত্যা? কেন এই আত্ম হনন?

প্রতিবেশীরা এলেন সমবেদনা জানাতে। তাঁরা দূর থেকে যেমন দেখেছেন, বিভ্রান্ত, উদ্ভ্রান্ত তাকাকো। সিদ্ধান্ত তাদের সোজা রাস্তায় চলেছে। মেয়ে তো পাগল হয়ে গিয়েছিল ভাই। কোন উন্মাদ আশ্রমেই রাখা উচিত ছিল। কিংবা আঁহা কাকে ভালবেসেছিল, মন দিয়েছিল না জেনে শুনে, আর তারই তো এই পরিণতি। প্রতিবেশীদের সমবেদনা নানা ভাষায় নানা ধারায় প্রবাহিত। সময় সমস্ত বেদনার উপর একদিন শান্তির প্রলেপ বুলিয়ে দিয়ে যায়। তাকাকোর বাবা কিন্তু শান্তি পেলেন না। তাকে খুঁজে বের করতেই হবে এই মৃত্যুর রহস্য।

তাকাকোর সমস্ত পাণ্ডুলিপি উন্টে-পান্টে লাইনে লাইনে পড়তে শুরু করলেন। হঠাৎ একদিন একটি নোটবুকে আবিষ্কার করলেন কয়েকটি লাইন—

‘আমার মনে হচ্ছে তাল তাল লোহা আর বালি যেন আমার সারা গা বেয়ে উঠছে। তাকাকো লিখেছে—ক্যাডমিয়াম টাঁছার কাজ নেবার আগে পর্যন্ত কখনও এরকম অল্পভূতি আমার হয়নি।

কি করণ বিবৃতি? বোঝা গেল, কোন এক রাতে লেখা এই কয়েকটি লাইন থেকে বোঝা গেল—হত্যাকারী কে? হত্যাকারী সেই স্বর্ণময় ধাতু ক্যাডমিয়াম। বিশেষজ্ঞরা বললেন—তাকাকো নিশ্চয়ই অত্যন্ত বেশী মাত্রায় ক্যাডমিয়াম গুড়ো গুঁকে ফেলেছে। তারা বললেন কবর থেকে বের করা হোক তাকাকোর দেহ। পোস্টমর্টেম করে দেখা হোক মৃত্যুর প্রকৃত কারণ কি?

তাকাকোর বাবা সাংবাদিকদের বললেন—‘সেদিন আমার জীবনে আমি সবচেয়ে বড় সমস্যার সম্মুখীন হয়েছিলাম—জানতাম ক্যাডমিয়ামই হয়ত

মৃত্যুর কারণ, কিন্তু কি সাংঘাতিক কথা, নিজের মেয়েকে কবর থেকে খুঁড়ে তোলা ?

সমাহিত করার ১৫ মাস পরে এই বছরের শুরুতে তাকাকোর কবর খুলে, তার গলিত-বিকৃত দেহকে পোষ্টমর্টেম-এর টেবিলে শোয়ানো হলো। একদল ডাক্তার তার কিডনী পরীক্ষা করে দেখলেন। সাংঘাতিক ব্যাপার—তার কিডনী থেকে ২২, ৪০০ ভাগ ক্যাডমিয়াম গুঁড়ো বেরোলো। একজন সাধারণ সমবয়সী জাপানীর মৃত্যুশয্যে যত ভাগ আছে তার চেয়ে অন্তত ১০ গুণ বেশী। ওকায়ামা বিশ্ববিদ্যালয়ের অধ্যাপক জান কোবায়ামা বললেন—‘তাকাকোর মৃত্যুশয্যে ক্যাডমিয়ামের পরিমাণ বোধহয় বিশ্ব রেকর্ড সৃষ্টি করেছে। এর আগে এত ক্যাডমিয়াম কারুর কিডনী থেকে বোধকরি আর পাওয়া যায়নি।’

এই ক্যাডমিয়াম মাহুষের স্নায়ুতে এক অস্বাভাবিক প্রতিক্রিয়ার সৃষ্টি করে। দেহের হাড়ের কাঠামোকে হর্বল করে দেয়। এই মারাত্মক ক্যাডমিয়াম অতিদ্রুত তাকাকোর স্নায়ুতন্ত্রকে ছিন্ন ভিন্ন করেছে ধারাল ছুরির মতো, তার হাড়ের সমস্ত মজ্জা শোষণ করে নিয়েছে। সেই অদৃশ্য হত্যাকারী তার নিষ্ঠুর হাতে একটি কুসুম-সুন্দর মেয়ের জীবনকে সংক্ষিপ্ত করেছে। অসহ্য যন্ত্রণায় সে ছটফট করেছে। তার মনে হয়েছে তাল তাল লোহা আর রাশি রাশি বালি সারা গায়ে কঁকড়া-বিছের মতো ঘুরে ঘুরে বেড়াচ্ছে। তার স্মৃতি আচ্ছন্ন হয়েছে, তার চিন্তা শক্তি ক্রমশঃ ধোঁয়াটে হয়েছে। তারপর একদিন অতর্কিতে সে লাফিয়ে পড়েছে ছুটন্ত ট্রেন থেকে। পৃথিবীর মাটিতে সে যন্ত্রণা জুড়োতে চেয়েছে। এখন যেন চোখ বুজলে স্পষ্ট মনে হয়, তার সেই ভাসা ভাসা চোখ আর পুতুলের মতো মুখ। চোখের কোণ বেয়ে মুক্তোর বিন্দুর মতো জল নামছে, সে লিখছে তার নিজেরই সমাধি ফলক—

‘আমার এ প্রেম জানি
পূর্ণ হবে না কোনদিন
আমি জানি একদিন
বরে যাবো নিকিত
এ মৃত্যু আমার হবে,
তাবই হাতে দেই স্বর্ণ ধাতু
ক্যাডমিয়াম ক্যাডমিয়াম’



কি তোমার নাম ?

আজ্ঞে জাঁহাপনা অধীনের নাম ওস্তাদ ঈশা মহম্মদ ।

মাকের কাছ থেকে লাল বসরাই গোলাপটি বা দিকে হেলিয়ে ফটকের পাত্র থেকে একটি বরফ শীতল কাবুলী আঙুর মুখে আলগোছে ফেলে সম্রাট বললেন—

বাঃ বেশ তোমার নাম, ওস্তাদ ঈশা মহম্মদ ।

ঈশা আর একবার কুনিশ করে বলল—আমার সৌভাগ্য জাঁহাপনা, আমার নাম ভারত ঈশরের পছন্দ হয়েছে ।

সকালের ঝিলমিলে সোনা রোদ জাফরীর জালির ফাঁক দিয়ে মোগল সম্রাটের পায়ের কাছে লুটিয়ে পড়েছে । সম্রাট সাজাহান দূর আকাশে চোখ রেখে নাকের কাছে অগ্ন্যম্নস্ক গোলাপ ফুলটি নাচাতে নাচাতে আপন মনেই বললেন—পারস্য, পারস্য, সুন্দর তোমার দেশ ওস্তাদ, কি কি যেন বললে সেই শহরটির নাম—শিরাজ । তুমি শিল্পী, তোমার দেশ শিল্পের দেশ । সম্রাট হঠাৎ সোজা হয়ে বসে বললেন—অনেকটা যেন বাদশাহী ফরমান জারি করলেন—

ঈশা মহম্মদ তুমি আজ থেকে নিযুক্ত হলে মোগল বাদশাহর স্থপতি । সুদূর পারস্যে বসে তুমি যে বিদ্যা শিখেছ তাই দিয়ে তুমি আমার সাম্রাজ্যকে তিল তিল করে সাজিয়ে তুলবে । আমি যখন এক রণক্ষেত্র থেকে আর এক রণক্ষেত্রে খোলা তলোয়ার হাতে বোড়া ছোটাতে ছোটাতে ক্লান্ত হয়ে পড়ব তখন ছুটে আসব তোমার নিজের হাতে সাজানো আমার সুন্দর রাজধানীতে । ঈশা মহম্মদ, জীবন তো পদ্মপাতার জলের মতোই চির-চকল কিন্তু তার কীতি, তার কীতি অবিনশ্বর । সম্রাটের কণা অলিন্দ থেকে অলিন্দে প্রতিধ্বনিত হলো কীতি, কীতি । প্রাসাদের ছাদ থেকে এক ঝাঁক সাদা, কালো পায়রা নীল আকাশে পাখা মেলে উড়ে গেল । সোনা রোদে মাগুষের মনের অনংখ্য আশার মতো তারা যেন চিকমিক করছে ।

সম্রাট তখন যেন গভীর ধ্যানে । মুখে কোন কথা নেই । গোলাপের

একটি দুটি পাপড়ি ঝরে পড়েছে তাঁর রেশমের পোষাকের উপর। প্রবীণ শিল্পী ঈশা বুঝেছে সম্রাট তার চেয়েও বড় শিল্পী। ভবিষ্যতের পরিকল্পনা সমস্ত সৌন্দর্য, সমস্ত খুঁটিনাটি নিয়ে তাঁর মস্তিষ্কের কোষে কোষে ফুটে উঠছে। ঐ দুটি গভীর চোখে তিনি যে ভারত গড়তে চান সেই ভারতের ছবি যেন ভাসছে। ঈশা মনে মনে সম্রাটের পায়ে মাথা ঠেকালো। সেও শিল্পী, সে জানে মহৎ যা কিছু তা প্রথমে কল্পনাতেই ফুলের মতো পাপড়ি মেলে।

ঈশার ঘোর কেটে গেল। কে যেন তার কানের কাছে সসম্মুখে জানালো—চলুন আপনাকে আপনার স্থপতিশালায় নিয়ে যাই। তারপর ফিস ফিস করে বলল—সম্রাট এখন অগ্র জগতে, সম্রাটের এখন নামাজের সময়।

আপনার স্থপতি নাম?

আমি, আমি আশাদ খাঁ। আমি সম্রাটের অন্তঃপুরের রক্ষক।

ঈশা মহম্মদ সেই সুন্দর যুবকের কথায় সৌন্দর্যে মুগ্ধ হল। রাজরক্ত যার সর্ব অঙ্গে প্রবাহিত তারই তো চেহারা এই।

সবুজ ঘাসে ঢাকা বিশাল চত্বর পেরিয়ে তারা দু'জনে চলেছে হাতি দরওয়াজার পাশে সম্রাটের পুরোনো গ্রন্থাগারের দিকে। ঠিক হয়েছে এই গ্রন্থাগারই হবে ঈশার বাসগৃহ, ঈশার স্থপতিশালা। যেতে যেতে ঈশা একবার পেছন ফিরে তাকালেন। ঐ দূরে শ্বেত পাথরের স্ট্যাচু, কোন নিপুণ ভাস্করের তৈরি।

দিন যায় দিন আসে। ওস্তাদ ঈশার বাটালি কাজ করে চলেছে এক খণ্ড জয়পুর মার্বেলের উপর। ওস্তাদ একটি জালি তৈরির কাজে হাত দিয়েছেন ক'দিন হলো। আজ শেষ হবে তাঁর কাজ। দিনের পর দিন অক্লান্ত পরিশ্রমে তিনি পাথরের বুকে ফুল, পাতা আর কুঁড়ির আর একটি হরিণ শিশুর রূপকে জীবন্ত করে তুলেছেন। তাঁর প্রতিভার স্পর্শে, নিরস পাথরও যেন কথা বলতে চাইছে। আর একটু পরেই এই জালিটি তিনি উপহার দেবেন সম্রাটকে।

মিনারে তখন সানাই বাজছে প্রভাতী সুরে। দূরে একদল ঘোড়সওয়ার নানা কায়দায় ঘোড়া ছোটাচ্ছে। দিল্লীর খুলো ঘোড়ার পায়ে পায়ে একটি পর্দা তৈরি করেছে। ঘোড়সওয়াররা কখন স্পষ্ট কখনও অস্পষ্ট। মনটা আজ খুলী খুলী। অনেক খেটে কাজটি আজ সমাপ্ত হয়েছে। ক'দিন যেন ডুবে গিয়েছিলেন কাজের সমুদ্রে। মনে হলো অনেকদিন পরে বাইরের জগৎ দেখছেন, তাই কি এত ভাল লাগছে চারিদিক? বিশাল তোরণের ভল

দিয়ে জৈশা মহম্মদ রাজ দরবারে প্রবেশ করলেন। নকিব হৈকে ঘোষণা করল—ওস্তাদ জৈশা মহম্মদ। একটি ছুটি তিনটি সিঁড়ি ভেঙ্গে ভেঙ্গে জৈশা হাজির হলেন, সত্ৰাটের সিংহাসনের সামনে। কুনিশ করে ধীরে ধীরে বললেন—
জাহাঙ্গানা আমার প্রথম কাজটি আপনার কাছে নিবেদন করার অহুমতি দিন।

সত্ৰাট যুঁহু হেসে জানালেন—আমি উদগ্রীব, কোথায় তোমার সেই জিনিষ জৈশা।

সত্ৰাটের অহুমতি পেলেই এসে যাবে।

চারজন খোজা ধরাধরি করে নিয়ে এল সেই অসাধারণ জালি। সামান্য একটি পাথরের টুকরো শিল্পীর ছেঁগি আর বাটালির স্পর্শে একি অসাধারণ রূপময় হয়ে উঠেছে। সত্ৰাট একবার দেখলেন, দু'বার দেখলেন। সিংহাসন থেকে উঠে দাঁড়িয়ে জৈশাকে জড়িয়ে ধরলেন।

আজ্ঞা তোমায় দীর্ঘজীবী করুন। এই জালি লাগানো হবে আমার মহিষীর মহলে। সেখানে আমার মমতাজ—সত্ৰাট থেমে গেলেন। মমতাজ মহলের কথায় তার কণ্ঠ আবেগরুদ্ধ হয়ে যায়।

জৈশা আত্মমি মাথা নীচু করে এই সন্মান গ্রহণ করলেন। এর থেকে বড় সন্মান আর কি আছে! প্রধানী মহিষীকে যে শিল্প-বর্ষ উপহার দেওয়া যায় নিশ্চয়ই গুণ বিচারে সত্ৰাট তাকে শ্রেষ্ঠ মনে করেছেন।

আশাদ খাঁ সেই জালি নিয়ে চললেন জেনানা মহলে। খোজাদের হুকুম দিলেন লাগাও। জেনানা মহলের সুন্দরী মহিলারা ভিড় করে দাঁড়ালেন চারপাশে। সুন্দরীরাই জানে সৌন্দর্যের কদর। জেনানা মহল যেন ইজের ইজ্রপুরী। পৃথিবীর শ্রেষ্ঠ জিনিষে সুসজ্জিত। সত্ৰাট যখন যেখানে গেছেন যখন যা শ্রেষ্ঠ উপহার পেয়েছেন তাই দিয়ে সাজিয়েছেন এই মহল। এ যে তাঁর মমতাজ মহল। যেদিকেই চোখ ফেরাও দেখ সত্ৰাটের মনের অহুরাগে সুন্দর এর প্রতিটি অংশ।

এদিকে আশাদ খাঁ-এর অবস্থা অতিশোচনীয়। একে দিল্লী গরম। তার আবার সুন্দরী মহিলাদের শরীরের গরম। চারিদিক থেকে তার চাপে আসছে। অমন অসাধারণ একটি কারুকার্য দেখার জন্তে কে না ব্যস্ত হবে। সত্ৰাটের নিজের পছন্দ করা জিনিষ। শিল্পী এদের মন হরণ করেছেন। দেহের কথা ভুলিয়ে দেহবোধ শূন্য করেছেন। আশাদ খাঁ-এর কিন্তু অন্য চিন্তা, তিনি ঐ জালি দেখছেন না, তিনি ঐ সুন্দরীদের অন্য কাউকে দেখছেন না, দেখছেন এক দৃষ্টিতে একটি মাত্র মেয়েকে, তার নাম নাসীম।

নাসীম মানে মলয় সমীর। নাসীম মানে সঞ্চারিণী পল্লবিনী লভেব। নাসীম সম্পর্কে তাঁর বোন। আশাদ আজ কতদিন ধরে চেষ্টা করছেন তার মন ভেজাবার। তুমি একটু কাছে এস, একটু হাস, দেখ আমাকে, দেখা আমার শরীরেও রাজরক্ত আছে। আমিও কিছু কম সুন্দর নই। কিন্তু কই নাসীমের মন ভেজে কই! সে যেন আশাদকে দেখেও দেখে না, শুধু দূর থেকে তার মনকে পুড়িয়ে দিয়ে যায়।

ঐ তো সেই নাসীম। সকালের ফুলের মত তাজা শিশির ভেজা। নাসীম তন্ময় হয়ে দেখছে। কি অপূর্ব সৃষ্টি। এক একটি চরিত্র ঐ জালির উপর জীবন্ত হয়ে উঠেছে। কে সেই শিল্পী।

আশাদ সাহেব, কার কাজ এটি কে সেই শিল্পী আশাদ?

নাসীম কথা বলছে। যেন বাঁশী বাজছে। আশাদের শরীর কঁপে উঠল। নাসীম তার সঙ্গে কথা বলছে। সে যে কথাই হোক। আশাদ নিজেকে সামলে নিল।

সে ঘেঁই হোক না নাসীম, তাতে তোমার কি। শিল্পীর নাম ওস্তাদ ঈশা মহম্মদ। সম্রাট তাকে নিয়ে এসেছেন দূর পারস্য থেকে।

কেমন তাকে দেখতে আশাদ?

এ-প্রশ্নের কি উত্তর দেবেন আশাদ খাঁ। নাসীম কি শিল্পীর কাজে এতই মুগ্ধ যে তার নাড়ী নক্ষত্র সবই জানতে হবে। আশাদ কি তার কাছে কিছুই নয়।

অতি সাধারণ লোক সে নাসীম। দেখতেও এমন কিছু সুন্দর নয়। তাছাড়া তার বয়স হয়েছে নাসীম। কি হবে তার কথা ভেবে। তার চেয়ে এসো আমরা নিজেদের কথা বলি।

কিন্তু কোথায় কি! নাসীম দাঁড়িয়ে রইল সেই জালির সামনে। তার চোখে পলক পড়ছে না। তার হৃদয়ের কোষে কোষে যেন কিসের জোয়ার। আবেগের জোয়ার, অহুভূতির জোয়ার। কোথায় কোন সুদূর সৌন্দর্যের অনন্ত আলোকিত লোকে তার মন তখন একটা রঙীন পাখীর মতো উড়ছে। কখন তার পাণ থেকে সকলে চলে গেছে সে টের পায়নি, এমন কি আশাদও নিঃশব্দে সরে পড়েছে, কারণ স্বয়ং বেগম সাহেবা মমতাজ মহল এসে দাঁড়িয়েছেন সম্রাটের পাঠানো উপহারের সামনে।

খুব ধীর মুহূর্ত গলায় ডাকলেন—নাসীম।

উঃ, বেগম সাহেবা আপনি?

তোমার ভাল লেগেছে নাসীম ।

অসম্ভব ভাল লেগেছে মহারানী । আমি সেই ডাক্তরকে চিনিনা, আমি তাঁকে কখনও দেখিনি, কিন্তু যিনি এমন সৌন্দর্য সৃষ্টি করতে পারেন, আমি তাকে ভালবাসি ।

সেদিন রাতে পৃথিবী তখন স্ন্যুস্তির কোলে । এক আকাশ তারা ঝুঁকে আছে প্রাসাদের উপরে । ছায়া পথ চলে গেছে দূব থেকে দূরে । সম্রাটের জেনানা মহল থেকে বোরখা ঢাকা একটি মূর্তি থাম আর কার্নিসের ছায়ার সঙ্গে ছায়ার মতো মিশে বেরিয়ে এল । দ্রুত পায়ে চন্দ্রালোকিত প্রাঙ্গন পেরিয়ে বাগানের মধ্যে দিয়ে চলে গেল হাতিদরওয়াজার পাশে পুরোনো গ্রন্থাগারের দিকে । ছায়ামূর্তি এসে দাঁড়ালো ওস্তাদ ঈশা মহম্মদের জানালার পাশে । জাফরীর জালির কারুকার্য ভিতরের আলোয় লুটিয়ে পড়েছে সবুজ মাঠের উপর । পৃথিবী ঘুমিয়েছে, কিন্তু শিল্পীর চোখে ঘুম নেই । তাঁর যন্ত্র কাজ করে চলেছে পাথরের গায়ে । এই তো সেই শিল্পী, বোরখার জালি ঢাকা খুলে নাসীম তাকিয়ে রইল লম্বা একটি মাছ, না যৌবন চলে গেছে, আশাদ ঠিকই বলেছিল । কিন্তু কি সুন্দর গম্ভীর সোম্য মুখের চেহারা । টুক টুক করে দরজায় টোকা পড়ল । ঘরের ভেতর শিল্পী চমকে উঠলেন । কে এল এত রাতে ! কে আসতে পারে ! কলম নামিয়ে রেখে তাড়াতাড়ি দরজা খুলেই চমকে উঠলেন—ফিস ফিস করে বললেন—কে হতে পারে ।

তাড়াতাড়ি ভেতরে যেতে দিন আমাকে না হলে কেউ দেখে ফেলবে । নাসীম চাপা গলায় বলল ।

ঈশা তাড়াতাড়ি সরে দাঁড়ালো । ঘরে ঢুকে নাসীম বোরখার আড়াল থেকে এক দৃষ্টিতে তাকিয়ে রইল ।

কে আপনি, এত রাতে আমার এখানে, কি কারণে ?

আমি, আমি মহারানীর সেবিকা । কথা আটকে যাচ্ছে নাসীমের গলায় ।

কিন্তু এখানে কেন ? এখানে তো আসা আপনার উচিত হয়নি ।

তাইতো লুকিয়ে এসেছি ।

কি সুরেলা বাঁশীর মতো কণ্ঠস্বর । যদিও বোরখার আড়ালে মুখ ঢাকা, কিন্তু শিল্পী ঈশা এক কথায় বুঝেছেন মেয়েটি অসাধারণ সুন্দরী ।

আজ যে জালিটি আপনি পাঠিয়েছিলেন, সম্রাট সেটি আমাদের জেনানা মহলে লাগিয়ে দিয়েছেন । আমি জানতে এসেছি, শিল্পীকে জানাতে এসেছি

এমন অসাধারণ কাজ আমি আগে আর কখনও দেখিনি। আমরা প্রকৃতই মুগ্ধ। আপনার মতো যশস্বী শিল্পীর পায়ের ধুলো নিতে এসেছি।

ঈশা কি বলবে বুঝতে পারল না, তারপর একটু ভেবে আবেশ ক্লম্ব গলায় বললেন—দিদিমণি, আপনাদের ভাল লেগেছে, আমার জীবন আত্মস্বার্থকতায় ভরপুর হলো।

নাসীম মুখ নীচু করে জানালো—আমি নিজের মুখে আপনাকে আমার মনের কথা জানাব বলেই এই রাতে চুপি চুপি এসেছি।

কিন্তু এই গভীর রাতে একেবারে একলা। আপনার ভয় কয়ল না?

ভয়! আমার মনের প্রবল ইচ্ছা সমস্ত ভয়কে জয় করেছে। সে কথা থাক প্রভু, আমি যখন সাহসে পাখা মেলে আসতে পেরেছি আপনি কি আপনার আর কিছু কাজ আমাকে দেখাবেন না?

রাজা, মহারাজা, সম্রাট, প্রেক্ষী অনেকেই ঈশার কাজ দেখতে চেয়েছেন, কিন্তু গভীর রাতে এমন মধুর গুণগ্রাহী তিনি আগে কখনও পাননি। শিল্পীর সজ্জা বড় কোমল, সেখানে যে একটু স্পর্শ দিতে পেরেছে সেই স্তন্যপাত্রে পাবে জলতরঙ্গ। এক মুহূর্তে ঈশা আর নাসীমের মাঝে সব ব্যবধানের পর্দা খুলে গেল। দুটি মন দুটি রাত জাগা পাখীর মতো তখন মুখোমুখি। বাইরে চন্দ্রালোকিত নির্জন প্রান্তরে হাওয়ায় পায়চারি, আকাশে অগণিত গ্রহ, উপগ্রহ, আর একঘর অল্পভূতির গলাজলে দাঁড়িয়ে দুটি প্রাণী শ্রেষ্ঠ শিল্পী আর শ্রেষ্ঠ গুণগ্রাহী। প্রেমের মুকুলটি যেন ঠিক তখনই খুলে গেল। সময়ের হিসেব কে রাখে? প্রাসাদের ঘড়ি ঘরে ঢং ঢং করে দুটো বাজল।

ওস্তাদ আমি তবে যাই এখন।

চলুন, আমি আপনাকে পৌছে দিই।

হয়ত আবার দেখা হবে।

আমি তো পথ চেয়েই থাকব, কিন্তু প্রাসাদের প্রহরা পেরিয়ে কেমন করে আপনি আসবেন। না না, আপনি আমার জন্তে কোন ঝুঁকি নেবেন না এই রাত, এই একটি রাত শুধু জীবনে থাক অমর হয়ে।

আমি কি আর জেনানা মহলে গিয়ে আপনাকে দর্শন করতে পারব?

না, তাহলে আমার ধড় থেকে মুণ্ড আলাদা হয়ে যাবে।

এই তো আমি বোরখা খুলছি, আপনি দেখুন।

ওস্তাদ ঈশা স্তম্ভিত। সৌন্দর্যের অপর নাম কি নাসীম। রাজা তোমার অক্লপণ হাতে কি তুমি তোমার সৌন্দর্যের ভাণ্ডার এই মেয়েটিকে দিয়েছ।

এ যেন এক শুভদৃষ্টি। দু'জনে দু'জনের দিকে তাকিয়ে দাঁড়িয়ে রইলেন, ভাষা সেখানে ভাবে ফটিক, অল্পভূতি সেখানে অসংখ্য ফুল। প্রেমের কুঁড়ি যেন দেখতে দেখতে একটি শতদল পদ্ম হয়ে গেল।

শেষ রাতে, অলিম্দের ছায়ায় ছায়ায় ছায়ামূর্তি ফিরে গেল রাজ-উজানের পথে জেনানা মহলে। সিংহ দরজা পেরিয়ে যেমনি নাসীম পা রাখল প্রাসাদে, অঙ্ককার কোণ থেকে বেরিয়ে এল আর একটি মূর্তি, নিঃশব্দ বেড়ালের মতো, প্রতিহিংসায় শক্ত, আশাদ খাঁ—শক্ত হাতে নাসীমকে পেছন থেকে চেপে ধরল।

কোথায় গিয়েছিলে এত রাতে ?

আতঙ্কে নাসীম তখন কঁকড়ে গেছে।

তুমি ভেবেছ, পৃথিবীর সবাই ঘুমিয়ে পড়েছে, তাই না ? কিন্তু না একজন তোমার জন্তে জেগে আছে—সে হল আশাদ খাঁ। যত বোরখাই চাপাও আমি তোমাকে ঠিক চিনে নেব। কেন তুমি ঐশার ঘরে গিয়েছিলে ? বল, বল, কিসের জন্তে তোমার এই দুঃসাহস ?

নাসীমের মুখে কোন কথা নেই। সে ধরা পড়ে গেছে। সে জানে এই লোভী রাজপুরুষটিকে সে একটুও ভালবাসে না। অথচ একটা ছায়ার মতো সে তাকে অনুসরণ করছে। ঘৃণা, অসম্ভব ঘৃণায় সে বাক্যাহারা। আশাদের চোখ জ্বলছে এই অঙ্ককারে সাপের মত। সমস্ত প্রাসাদ নিঝুম নিস্তব্ধ। সন্ধ্যা হয়ত তখন মমতাজ মহলের বৃকে মাথা রেখে শেষ রাতের স্বপ্ন দেখছেন। কেউ জানল না প্রাসাদের আর এক কোণে জীবনের একটি বাস্তব নাটকের অভিনয় হচ্ছে।

তোমার এতটুকু লজ্জা করল না ? তোমার সম্মুখে লাগল না ? তোমার গায়ে নীল রক্ত বইছে, তুমি কিনা সব ভুলে দৌড়ে গেলে ঐ যিশুরিটার কাছে ছি, ছি। আমি যদি এই কথা প্রকাশ করে দিই কি হবে জান, তোমাকে রাণীসাহেবার মহল থেকে দূর করে দেওয়া হবে।

না না তুমি বলবে না। নাসীম আতঙ্কে চিৎকার করে উঠল—বিশ্বাস কর আমার অন্য কোন উদ্দেশ্যই ছিল না। আমি সেই অনবদ্য ভাস্কর্যের সৃষ্টিকর্তা ভাস্করকে কেমন দেখতে তাই দেখতে গিয়েছিলাম। নিছক মেয়েলী খেয়াল।

বেশ তো সেই দেখার বিনিময়ে তুমি কি পেলে ?

নাসীম এবার অঙ্ককারে একটু সূচকি হাসল। মনে মনে বলল, মূর্খ আশাদ তুমি কি বুঝবে।

তাহলে আমি মহারাজীকে কথাটা কাল সকালেই বলি।

না, আশাদ না, ও কাজ করো না।

বেশ, একটি শর্তে আমি রাজি—সে শর্ত হলো, তুমি আমাকে সাক্ষী করবে। কথা দাও, ঐ একটি মাত্র শর্তে আমি আজকের রাতের ঘটনা কাউকে কোনদিন বলব না।

এইবার নাসীম ছিটকে উঠল, লক লক করে উঠল তার ক্ষুরধার জিভ—
যাকে খুশী তুমি বল গে যাও। পৃথিবীতে এমন কোন শক্তি নেই যা আমাকে বাধ্য করাবে তোমাকে বিয়ে করতে। মূর্থ তুমি, তুমি বেহেড। তুমি বেহেড। তুমি একটা পাগল, শয়তান, ছায়া মূর্তি। ছায়া কোণে মিলিয়ে গেল। বিশাল প্রাসাদের বিচিত্র ঘটনার স্রোতে মুহূর্তে মিশে গেল।

সাত-সকালেই মমতাজ মহলের কাছে আশাদ গিয়েছিল নাসীমের বিরুদ্ধে নালিশ জানাতে। কিন্তু বড় বেশী দেবী করে ফেলেছ আশাদ ঠা। বোধহয় শেষ রাতে তুমি ঘুমিয়ে পড়েছিলে। নাসীম কিন্তু সে রাতে ঘুমোতে পারেনি। রাজমহিষী তখন ভোরের আকাশে সূর্যের আলপনা দেখছেন, নাসীম তাঁর পায়ের কাছে কঁেদে পড়ল—

অপরাধ করে ফেলেছি ক্ষমা করুন।

প্রেম কি জিনিষ মমতাজ মহল জানেন। এখন বুকের বাঁ-দিক গরম। এই একটু আগেও সম্রাটের মাথাটি ছিল এই জায়গায়। তিনি নাসীমকে শাসন করলেন।

‘আর এমন মূখ্যামী কখনও করবে না। আমি জানি এ হলো চরম ছেলে-মানুষী। আর কখনও যাবে না ওখানে।

না মহারাজী, আমি কখনও যাবো না, যদিও তার মানে হলো এই যে ওস্তাদকে আমি আর কোনদিন দেখতে পাবো না।

মমতাজ মহলের ঠোঁটের কোণে ক্ষমার হাসি, প্রেমের হাসি—

তুমি দেখা করতে চাও।

মহারাজী আমার হৃদয় যে সে চুরি করে নিয়েছে।

ঠিক আছে, শাস্ত হও। বলা যায় না ভবিষ্যতের গর্ভে কি লেখা আছে।

সেই চন্দ্রালোকিত রাত, সেই হাতি দরওয়াজার পাশে ভাস্করের ঘর। কিন্তু একি আজ এত রোশনাই এত ফুল এত সুরের সমারোহ কেন। সকলেই বলছে মমতাজ মহলের হৃদয়ের কথা। এমন দরানু তাই না এত সুখী, এত সমবেদনা তাই না এত প্রেমিক। আজ যে নাসীমের বিরুদ্ধে। সেই তার

প্রাণের মাহুষ ওস্তাদ ঈশার সঙ্গে। আহা বেচারি আশাদ। প্রাসাদে সবাই খুশী, আশাদ ছাড়া। সে বলেছে এই শেষ নয় আমারও দিন আসবে তখন দেখে নেবো তোমাদের স্বপ্নের সংসার ভাঙে কি না। নাসীমের স্বপ্নের শেষ নেই। মহারাজী সম্রাটের মেজাজ বুঝে অহুমতি আদায় করে এ বিয়ের ব্যবস্থা করেছেন।

স্বামী দম্পতীর জীবনের উপর দিয়ে কয়েকটি বসন্ত চলে গেল। আশাদের বিষাক্ত নিখাস নিশ্ফল হলো। ওস্তাদ ঈশার হাত যেন আরো খুলেছে, নাসীমের প্রেমে সে পৃথিবীর রুক্ষতা ভুলেছে। তার বয়স যেন কমে গেছে। নাসীমকে কোলে টেনে নিয়ে সে বললে—

আমাদের প্রেমকে আমি ইতিহাস করে রেখে যাবো। ভবিষ্যতের মাহুষ দেখবে, অসম্ভব করবে নাসীম আর ঈশার স্বর্গীয় প্রেম।

কি ভাবে করবে তুমি ?

কেন, আমার মনকে তোমার প্রেমের রঙে চুবিয়ে আমার অহুতৃতিকে তোমার মনের স্পর্শে কোমল করে আমি আমার ভাস্কর্যের শ্রেষ্ঠ নিদর্শন একটি স্মারক গড়ে তুলব, যার সামনে দাঁড়িয়ে মাহুষ বলবে প্রেম যুগে যুগে। আমার জীবনের সমস্ত সঞ্চয় ঢেলে দেব সেই খেত পাথরের সৌধে।

শিল্পীর যে কথা সেই কাজ। ঘর ভরে আছে তার ভাস্কর্যে, নাসীমে, নাসীমের শরীরের ঘ্রাণ, চুড়ির রিন ঝিন, তার স্বরেলা গলা, তার স্ননিপুণ গৃহিনীপনা যেন একটি জীবন্ত ভাস্কর্য। আর এদিকে শিল্পী কাগজে নক্সা করে মাটি দিয়ে তৈরি করেছেন একটি নিখুঁত স্মারক সৌধের অনবচ্ছিন্ন মডেল।

নাসীম অবাক। এ যে পাথর কা ফুল। এ যেন পাথরের ভাষা। মাহুষ কি কোনদিন এর চেয়ে ভাল কোন শ্রেষ্ঠ নিদর্শনের কথা ভাবতে পারবে। ঈশার গলা জড়িয়ে নাসীম বলল—এ যেন স্বপ্ন, এ যেন কোন বাস্তব নয়।

ঈশা তার গালে মুখ রেখে বলল—এ তোমার প্রেম, এ আমাদের প্রেমের ভাষা। দু'জনের শরীর মিশে গেল।

সেদিন সকালে দুর্গপ্রাকারে প্রচণ্ড কোলাহল।

দেখ ত নাসীম কি হলো। ঈশার হাতের বস্ত্র তখন একখণ্ড পাথরে বান্ড। বোধহয় নতুন কোন সাম্রাজ্য বিজয়ের খবর এসেছে।

দাঁড়াও দাঁড়াও খবরটা নিয়ে আসি। ঈশা বেরিয়ে গেলেন।

ঈশা কিরে এলেন চোখের কোণে জল—

না পরাজয়ের কোন খবর নয়, তার থেকেও ভীষণ।

কি, হয়েছে কি দৈশা ?

সে খবর তুমি সন্ত করিতে পারবে না নাসীম, তুমি যে বড় কোমল !

সে কি, কি খবর বল শিগ্গীর ?

মনকে শক্ত কর, বল ভেঙে পড়বে না ।

না, না, তুমি শিগ্গীর বল !

আমাদের জীবনের নক্ষত্র, আমাদের কল্যাণময়ী মমতাজ মহল মারা
গেছেন ।

সে কি—উঃ আল্লা !

চোখের সামনে সমস্ত পৃথিবী ঘুबছে, সূর্যের আলো যেন ম্লান হয়ে আসছে ।
পা কাঁপছে, নাসীম, নাসীম দৈশার ব্যাকুল ডাক যেন কোন দূর লোক থেকে
ভেসে আসছে ।

তাহলে সম্রাটের মনের অবস্থা কি ! যার জীবন মানেই মমতাজ । ঐ তো
অবসর একটি মূর্তি ঘোড়ার পিঠে ঢুকছেন দুর্গে । রাজ্য বিজয়ের আনন্দ ম্লান
হয়ে গেছে । মনের মধ্যে ঝোড়ো হাওয়া বইছে—মমতাজ নেই, মমতাজ
আমার জীবন জ্যোতি ।

সম্রাট সাজাহান ঘোষণা করলেন, আমার এই প্রেমকে আমি সমগ্র
জগতের সামনে অমর করে রেখে যেতে চাই । আমি শ্বেতপাথরে এমন এক
সমাধি তৈরি করব যার সমগ্র অবয়বে সাজাহান আর মমতাজের প্রেম অঙ্কন
হয়ে থাকবে । পাঠাও তোমাদের দূত দেশে দেশে, ঘোষণা করে দাও
পূবঙ্গার, সবচেয়ে সেরা নক্সা যে দিতে পারবে সেও অমর হয়ে থাকবে এই নশ্বর
পৃথিবীতে ।

দিগ্বিদিক্ থেকে শ্রেষ্ঠ প্রতিভাধর মাহুঘেরা এলেন মমতাজকে অমর করে
রাখতে কালের কপোলতলে এক বিন্দু নয়নের জলকে ধরে রাখতে । ভূমধ্য থেকে
এলেন সম্রাট খান, তিনি পাথরের উপর হরফ খোদাই করবেন । এলেন সমর
খন্দ থেকে মহম্মদ আরিফ, ইনি পাথরের গায়ে ফুল লতাপাতার কারুকার্য তেলে
দেবেন । শিরাজ থেকে এলেন আমানত খান, ইনি সেই সমাধির অভ্যন্তরে
শব্দের মায়াজাল সৃষ্টি করবেন, একটি শব্দ যেন অসংখ্য অশরীরী মাহুঘের কণ্ঠে
একটা অব্যক্ত বেদনায় পাথরের গায়ে গায়ে প্রতিধ্বনিত হবে হাওয়ার শব্দ ।
শোনায়ে দীর্ঘশ্বাসের মতো । আকবরবাদ থেকে এলেন মহম্মদ হানীফ, ইনি
সমস্ত কাজের সমন্বয় করবেন এবং দৈশা মহম্মদের নির্দেশ সকলের কাছে পৌঁছে
দেবেন ।

ঈশা মহম্মদের প্রতিভার ছায়ায় এসে সবাই মিলেছেন, স্বপতি, ভাস্কর, কারিগর। বিশ হাজার শ্রমিক তাঁবু গেড়েছেন আগ্রার উপকণ্ঠে। সবাই প্রস্তুত। কিন্তু কই নক্সা কোথায়, সমাধির মডেল কই? নাসীম জানালা দিয়ে বাইরে তাকিয়ে থাকে। এত লোক কত লোক। নিজের দুঃখকে সে সকলের মধ্যে হারিয়ে দিতে চায়। আর মাঝে মাঝে ঈশাকে উৎসাহিত করে। সে দেখে স্বামীর চোখে ঘুম নেই, সারারাত কাগজে সে নক্সা পাতে আর ছিঁড়ে ছিঁড়ে ফেলে। নাসীম বুঝতে পারে প্রতিভার কি যন্ত্রণা, এমন একটা কিছু সে সৃষ্টি করতে চাইছে যা হবে অতুলনীয়। এ যেন এক নীরবচ্ছিন্ন গর্তযন্ত্রণা। কিন্তু কেন এই যন্ত্রণা, ঈশা তো একটি মডেল তৈরিই করে রেখেছেন।

কেন তুমি এত উতলা হচ্ছে, ঈশা তুমি তো ঐ মডেলটিই দিয়ে দিতে পার। আমাদের প্রেম, আমাদের মিলন তো সেই মহারাজার দান, তবে তোমার জীবনের শ্রেষ্ঠ শিল্প কর্মটি কেন তুমি তার নামেই উৎসর্গ করছ না?

না নাসীম। তা হয় না। ওটা কেবল আমাদের, আমাদেরই। ওতে অল্প কারুর অধিকার নেই। তুমি আমার কাছে সব চেয়ে নাও, কেবল ঐটি চেও না।

আশাদ খাঁ-এর দৃষ্টে সাত-সকালেই তার গুপ্তচর এসে হাজির।

হজুর আপনার নির্দেশ মতো আমি সব সময় ঈশা মহম্মদকে চোখে চোখে রেখেছি। লোকটি হজুর পাগলের মতো আচরণ করেছে। আঁকছে, ছিঁড়ছে। কিন্তু কি আশ্চর্য জুনেস, একটা ভারী স্বন্দর মডেল তৈরিই আছে। আপনি চোখে না দেখলে বিশ্বাস করবেন না, কি স্বন্দর। মাহমুদ যে এমন স্বর্গীয় জিনিষ তৈরি করতে পারে আমার ধারণা ছিল না।

বুঝেছি। তুমি এখন যাও, আমি দেখছি। নজর রাখ সব সময়, লোকটা শয়তান। আশাদ খাঁ আরশির সামনে দাঁড়িয়ে মাথার ফেজটা ঠিক করে নিল। এইবার দেখব ঈশা মহম্মদ, নাসীম বেগম তোমাদের কে রক্ষা করে? মমতাজ মহলের মৃত আত্মা না স্বয়ং সাজাহানের জন্মদ। সুযোগ আমার হাতের মুঠোয়। প্রতিশোধ, প্রতিশোধ।

কি খবর আশাদ খাঁ। কাজ এগোচ্ছে ঠিক?

জাঁহাঙ্গীরা আরোজনের তো কোন কসর হয়নি, কিন্তু মহারাজ মডেল তো এল না, নক্সা কই?

ঠিক বলেছ আশাদ, অনেক নক্সাই এল কিন্তু মনে ধরছে না কোনটাই।

অথচ যার কাছ থেকে শ্রেষ্ঠ নকশাটি আসবে বলে ভেবেছিলাম তার কাছ থেকে তো কোন খবরই এল না ! কি ব্যাপার বলত আশাদ ?

সে এক রহস্য জাঁহাপনা । যদি সাহস দেন তো বলতে পারি । আমি সেই রহস্য বোধহয় কিছুটা জানতে পেরেছি ।

রহস্য ! এর মধ্যেও রহস্য ।

আজ্ঞে হ্যাঁ জাঁহাপনা । আপনার প্রিয় ভাস্কর, তার সম্বন্ধে কিছু বলার ধৃষ্টতা আমার নেই । তবে অনেকেই সে রহস্য জেনে ফেলেছে ইতিমধ্যে ।

বল শুনি, আমি তো মনে হচ্ছে কিছুই জানি না ।

জাঁহাপনা, ঈশা অনেক আগেই একটি মডেল তৈরি করে ফেলেছে যার কোন তুলনা নেই । সে কেবল সময় নিচ্ছে টাকার লোভে । আপনি যেই পুরস্কারের অঙ্কটি বাড়াবেন সঙ্গে সঙ্গে সে হুড় হুড় করে নকশা, মডেল সব হাজির করবে ।

আমি বিশ্বাস করি না । অসম্ভব, ঈশার মতো নির্লোভ মানুষের পক্ষে এ একেবারে অসম্ভব । তাকে আমি জানি ঈশ্বরের দূত হিসাবে, তুমি তাকে হাজির করলে শয়তানের দোশর করে ।

জাঁহাপনা সকলের মুখের ঐ এক কথা । সকলের ধারণাই পান্টাচ্ছে । যদি অহুমতি করেন একবার জিজ্ঞেস করে দেখতে পারি ।

বেশ, সে অহুমতি দিলাম, তবে তার বেশী কিছু নয় ।

শিল্পীর ঘরে তখন সেই মুহূর্তে এক অপূর্ব দৃশ্য । ঈশার কাঁধে মাথা রেখে নাসীম দাঁড়িয়ে আছে একটা খোদাই করা পাথরের টুকরোর সামনে । এই একটু আগে কাজ শেষ করে ঈশা ডাক দিয়েছেন নাসীমকে । নাসীম তার সবচেয়ে বড় সমঝদার । সে যদি ভাল বলে সকলেই ভাল বলবে । এমন সময় দরজায় ধাক্কার পর ধাক্কা । ভৃত্য দরজা খুলে দিল । সামনেই আশাদ খা ।

ওস্তাদ ঈশা, বুঝতেই পারছ আমি কেন এসেছি । আমি এসেছি সম্রাটের কাছ থেকে । সম্রাটের কানে গেছে তুমি একটি মডেল তৈরি করে রেখেছ । কেবল আরো বেশী টাকার লোভে সেটিকে চেপে রেখেছ আর এই ভাবেই কাজের দেরী করাচ্ছ ।

মিথ্যে কথা কে বলেছে । গুজব ।

ভেবে বলছ ? আমি কিন্তু একলা আসিনি । সম্রাটের সৈন্য বাহিনী বাইরে প্রস্তুত, নির্দেশ পেলেই তোমার ঘরখানা তছাঙ্গী করবে ।

কিশোর জন্যে ! সেই মডেলের জন্যে ! কোন দরকার নেই । মডেল

তো আপনার চোখের সামনেই রয়েছে। কাঠের টেবিলের উপর ছোট মাটির তৈরি মডেলটি হাতে তুলে নিয়ে শিল্পী আশাদ খাঁর সামনে রাখলেন। খাঁ সাহেবের চোখ ঠিকরে গেল।

সম্রাটের কাছে এই মডেল কেন জমা দেওয়া হয়নি ?

এটাতো সম্রাটের জন্যে তৈরী হয়নি খাঁ সাহেব। সম্রাজ্ঞীর মৃত্যুর অনেক আগেই এটি আমি তৈরি করেছি, আমার আর নাসীমের ভালবাসার স্বর্গ, প্রেমের স্মারক।

তার মানে! তুমি সম্রাটকে দেবে দ্বিতীয় শ্রেণীর কাজ, অথবা কিছুই দেবে না আর নিজের জগ্ন রাখবে সবচেয়ে সেরা কাজ। এই তোমার অহুগত্যা। তুমি নিমকহারাম। তুমি সিংহাসনকে অপমান করেছে। এ অপমানের শাস্তি জান।

এ তো কোন অপমান নয়। আপনি এর মর্যাদা দিতে পারবেন না। তবে আমার বিশ্বাস, সম্রাট শুনলে ব্যাপারটা বুঝবেন।

সম্রাট সব শুনেছেন। শুনেই আমাকে পাঠিয়েছেন। মডেলটি অবিলম্বে তুমি আমার হাতে দেবে।

আমি দিতে পারব না।

কি সাহস! তুমি স্বয়ং সম্রাটের আদেশ মানছ না! তুমি বিদ্রোহী।

নাসীম ঈশাকে বোঝাতে চাইল, ঈশা আমার অমরোখ রাখ, তুমি দিয়ে দাও। চাপে পড়ে দিয়ে দেবো, কখনই না।

একবার ভেবে দেখ ঈশা, জীবনের চেয়েও কি মৃত্যু বড়? আমাদের এই জীবন কি সবচেয়ে বড় সৌধ নয়। তবে কেন তুমি মৃত্যুতে অমর হতে চাইছ। ভেবে দেখ ঈশা, আর একবার ভেবে দেখ।

তুমি জান না নাসীম, আত্মসম্মান মৃত্যুর চেয়ে বড়। আমার সম্মান আজ আহত। খাঁ সাহেব আমার শেষ কথা—আমি এই মডেল দেব না।

বেশ তাহলে আমাকে জোর করেই কেড়ে নিতে হবে এবং তোমাকে বিদ্রোহী বলে পাঠাতে হবে কারাগারে।

আমি আপনার কথা বিশ্বাস করি না। যিনি জগতের রক্ষাকর্তা সেই ঐশ্বর্য সম্রাট সাজাহান কখনও এ কাজ করতে পারেন না। নাসীম চিৎকার করে উঠল।

একটি শাস্ত স্থির গলা পেছনে দরজার সামনে থেকে বললেন—নাসীম তুমি ঠিকই বলেছ।

ও—ও সম্রাট আপনি। নাসীম সম্রাটের পায়ের সামনে নতকান্না হলো।

চোখে তার জল। ঈশা সপত্রমে কুর্নীর করল। আর আশাদ খাঁ চরকি
পাক খেয়ে অভিবাদন জানাল। মুখ তার তখন ফ্যাকাশে, ছাইয়ের মতো সাদা।

ভারত ঈশ্বর সাজাহান স্বয়ং এসেছেন শিল্পীর দরবারে নিজের দরবার ছেড়ে।
তিনি যে ছিলেন স্বয়ং শিল্পী, জীবন শিল্পী। সেই দ্বারপ্রান্তে দাঁড়িয়ে মহামুভব
সম্রাট আদেশ জারি করলেন—আমার যা শোনবার, নিজের কানে শুনলাম।
যাও আশাদ খাঁ তোমার লোক-লস্কর নিয়ে প্রাসাদে ফিরে যাও।

ভিজ়ে বেড়ালের মতো আশাদ খাঁ ফিরে গেল তার প্রতিহিংসার রাজত্বে।
শিল্পীর প্রেমের পূজার দেউলে সে বেমানান। সম্রাট মডেলটি নিজের হাতে
তুলে নিলেন। তার চোখে পলক পড়ছে না। অনেকক্ষণ পরে সম্রাট একটি
দীর্ঘশ্বাস ফেলে বললেন—

ঈশা এর যে কোন তুলনা নেই। আমার মমতাজ মহলের সমাধি যে
এর থেকে অল্প রকম কিছু হতে পারে না। আমি যদি বন্ধু হিসেবে তোমার
কাছ থেকে এটি ভিক্ষে চাই তুমি আমাকে দেবে না ?]

ঈশা আর নাসীম, হু'জনে হু'জনের দিকে একবার তাকালেন। তারপর
ঈশা রুদ্ধ গলায় বলল—

জাহাপনা আমরা হৃদয় দিয়ে আপনাকে খুশী করতে চাই, এ জিনিষ
আপনারই।

ঈশা, শিল্পী ঈশার অল্পভূতি তখন বাঁধ ভেঙেছে, সে বলে চলল—

মহারাজ এই দেখুন আমি দুটি সমাধি তৈরি করেছি। উপরেরটি সম্রাজ্ঞীর
বেদহ সৌন্দর্য। সোনার কিংখাবে এটি ঢাকা, ঐ দেখুন ঝাশর সেই মৃত্যু,
সেই বিচ্ছেদের বেদনাকে প্রকাশ করেছে। বেদনার দীর্ঘশ্বাস রূপ নিয়েছে
এই বিশাল চূড়ায়। সেই দীর্ঘশ্বাস প্রতিধ্বনিত হবে এর দেয়ালে দেয়ালে,
আর ঝাড় লষ্ঠনের বাতিগুলি কেঁপে কেঁপে উঠবে সেই শ্বাসপ্রশ্বাসের হাওয়ায়।

সম্রাট ফিরে গেলেন। শিল্পীর মডেল রূপ নিল তাজমহলে।

সময়ের স্রোত পেরিয়ে আমরা আজ অনেক দূরে চলে এসেছি। ঘটনাটা
এখন ইতিহাস, এই মুহূর্তে এই চাঁদের আলোর রাতে যমুনার বুকে তাজের
প্রতিফলন দেখতে দেখতে যখন সেই প্রেমিক রাজা সাজাহান আর মমতাজ
মহলের কথা ভাববেন তখন সেই নরম অল্পভূতির মুহূর্তে ওস্তাদ ঈশা মহম্মদ
আর নাসীমের জন্তেও হৃদয়ের কোণে একটু একটু জায়গা রাখবেন। তারা
সম্রাট ছিল না তারা শ্রেষ্ঠ ছিল না। তারা ছিল প্রেমিক। তাদের প্রেমে
রূপ নিয়েছিল সম্রাটের প্রেম।



সময়ের স্রোত বেয়ে অনেকটা পিছিয়ে যেতে হবে। বেশ কয়েক শতাব্দী। স্থান, কাল, পাত্র সবই অল্প রকম। প্রায় তিনশো বছর আগেকার ইংলণ্ড। সেই সব রাজকীয় সমারোহ এখনকার পৃথিবীতে হয়ত নিতান্তই বেমানান; কিন্তু তখন এই সব যন্ত্রযুগের সঙ্গীর্ণতার কোন স্থান ছিল না। একদিকে হয়ত মাছুষ না খেয়ে মরছে, দারিদ্রের সে রকম বীভৎস রূপ এখনকার ইংলণ্ডে পাওয়া যাবে না, যেমনটি মার্ক টোয়েন এঁকেছেন তার ‘খ্রিস্ট এণ্ড পপার’ গ্রন্থে (সম্ভ্রতি একটি হিন্দী ছবি এই কাহিনী অবলম্বনে তোলা হয়েছে ‘রাজা ওর রক্ত’)। ভারতবর্ষের কোন কোন অন্ধকার অঞ্চলে হয়ত আছে, দারিদ্রের সেই দাঁতালো চেহারা। অন্যদিকে সে কি রাজকীয় সমারোহ। বাইশ ঘোড়ার লাগো চলছে কোন রাজপুরুষকে বহন করে। ঘোড়ার পিঠে চলেছেন কোন বর্ষাচ্ছাদিত নাইট। যার বেশভূষা, অস্ত্রশস্ত্র কিংবা মস্তক তেজস্বী ঘোড়ার রূপ চোখ ঝলসে দেবে। রাণী চলেছেন সিংহাসনের দিকে। পিছনে প্রায় এক ফার্লং দূরে তার পোষাকের আঁচল ধরে ধরে নিয়ে আসছে একশো সহচরী। এখনকার মিনিমার্কেট পরা রাণী কিংবা ট্রাউজার আর বুশ শার্ট পরা রাজাদের দেখলে সেই যুগের, সেই কেরোসিনের আলো জ্বলা, ঘোড়ায় টানা গাড়ীর যুগের এলাহি দরাজ ব্যাপার কেমন যেন কাহিনীর মতো মনে হতে পারে। কিন্তু ইতিহাসে আমরা সেই সব যুগের স্মৃতি পলির মতো ফেলতে ফেলতে উপরে উঠে এসেছি। এখন হাত বাড়ালেই চাঁদ। পা বাড়ালেই অবশ্য রকেটে গ্রহাস্তরের যাত্রী।

এমনি একটা অতীত দিনের অত্যন্ত প্রণয় মধুর একটি রাজকীয় পরকীয়া প্রেমের কাহিনী খুব খারাপ লাগবে না। প্রেম যুগে যুগে প্রেমই। পরিবেশ হয়ত ভিন্ন। পাত্রদের চালচলন হয়ত আলাদা। এখনকার প্রেম হয়ত সংক্ষিপ্ত কিংবা সঙ্কুচিত। শুরু আর শেষ হয়ত বোঝা যাবে না। মুকুল হয়ত কোটার আগেই ঝরে। ব্যাপারটা যখন কাব্যিক, কাব্য করেই বলতে হয়। কিন্তু এই যে প্রেমের কাহিনী, যার পাত্রপাত্রী হলেন ইংলণ্ডের রাজ-পরিবারের কোন পূর্ব, পূর্ব, পূর্ব পুরুষ আর একজন সামান্ত ইংলণ্ডের

ফলওয়ালী। 'স্থান ইংলণ্ড। কাল সপ্তদশ শতকের শুরু। এই কাহিনী আজও শুধু অমর নয়, ভাগ্য ভাল হলে, ইন্দ্রিয় গ্রাহ জগতের বাইরে যাবার সহজাত প্রবণতা থাকলে, আপনি স্বয়ং ঘটতে দেখবেন। সেই তিনশো বছর আগের পরিবেশেই, আজকের আপনি চোখ বড় বড় করে দেখবেন, সে যুগের অন্তরঙ্গ দৃশ্য। লওনে বসে একটি টেলিফোন নম্বর শুধু ডায়াল করতে হবে—৪২৭০১০১ খরচ করতে হবে মাথা পিছু চার গিনি। আসছি। এসব কথায় পরে আসছি। তার আগে আমরা তিনশো বছর আগেকার ঘটনাটা আর একবার ঝালিয়ে নিই।

কত সাল। ঐ যেমন আমরা বলি, ঠিক ঠিক জানা না থাকলে। ষোলশো সামথিং। লওনের ড্রুরি লেনে থিয়েটারের নাম অনেকই শুনেছেন। পাথর বাঁধানো সেই রাস্তায় বহু মানুষের আনাগোনা। লর্ড, আর্ল, কাউন্ট, কাউন্টেন্স। তখনকার মানুষের অখণ্ড অবসর ছিল। মেজাজ ছিল। সময়ের পিছনে কেউ ধর-ধর করে ছুটত না। বরং সময়ই এদের পিছনে পিছনে ছুটত। সেই সময় একজন লর্ড তো তার এস্টেটে ঘড়ির সময় তিন ঘণ্টা পিছিয়ে দিয়েছিলেন। যুক্তি তাঁর জোরালো। আমি আমার সময়ে চলব। বাইরের ঘড়িতে যখন বেলা ১টা, তার এস্টেটের সমস্ত ঘড়িতে তখন ১০টা বেজে বসে আছে। তার রাজত্বে সময় চলত তার নিয়মে। এখন যেমন আধিমা রেখা পেরোলে ঘড়ির কাঁটা ঘুরিয়ে দিতে হয় ঠিক তেমনি তার এস্টেটে ঢুকলেই ঘড়ির কাঁটা তিন ঘণ্টা পিছিয়ে দিতে হতো। তা সেই ড্রুরি লেনে থিয়েটারের পাশে বসে এক তরুণী কমলা লেবু বিক্রী করছে। তার নামটি ভারি অদ্ভুত—নেল গোয়াইনে। লেবু আর লেবুওয়ালী দুটি বস্তুই দর্শনীয়। মাজিদের লেবু ক্যালিফোর্নিয়ার বীজ শূন্য লেবু কিম্বা স্পেনের রক্ত-বর্ণ লেবু সেই সুন্দরীর হাত থেকে তুলে নিতে কার না ভাল লাগবে। ব্যবসা তার ভালই চলে। কেন চলবে না—সে যে বিক্রী করতে জানে। একটি লেবুর সঙ্গে একটু মিষ্টি হাসি—লেবু আরো মিষ্টি মনে হয়। থিয়েটার পাড়া। আমীর ওমরাহের নিত্য আসা যাওয়া। মঞ্চে যখন লেডি ম্যাকবেথ—ব্লাড ব্লাড বলে দুহাত অনবরত ঘষছেন রক্তের দাগ তুলে ফেলার জন্ত। হ্যামলেট যখন বিধাগ্রস্ত—টুবি অর নট টুবি। ওথেলিয়া যখন ফুলের সাজে মৃত্যুকে জড়িয়ে ধরছে। তখন—নেলের কমলালেবু দাঁতে কাটতে কাটতে থিয়েটারের মধ্যে কোন লর্ড হয়ত তাঁর লেডির কানে কানে বলছেন—হুপার্ব। কিন্তু কে জানত সেই লেবুওয়ালী হঠাৎ ভাগ্যের সিঁড়ি বেয়ে বেয়ে একদিন ঐ মঞ্চে

কোন নাটকের বাণীর ভূমিকায় অভিনয় করতে করতে স্বয়ং ইংলণ্ডে যাবার প্রমোদ সঙ্গিনী, শয্যা সঙ্গিনী, অস্বীকৃত জীবন সঙ্গিনী হবেন। ঘটে, এমন ঘটনাও ঘটে। আজও ঘটে। রূপকথার মতো ঘুঁটে কুড়ুনী শেষে রাজবানী হয়ে যায়।

মেয়েটি দেখতে শুনতে ভাল। চেহারা চটক আছে। গলাটি মিষ্টি। কেমন কায়দা করে খন্দেরকে একটির জায়গায় একশোটি লেবু গছিয়ে দেয়। ‘অভিনয় করবে নাকি ছুঁকরী’—হালকা করে বললেও কথার মধ্যে আন্তরিকতা ছিল। মুখটা ছুঁচমত করে বিচীটি ছুঁড়ে ফেলে দিলেন রাস্তার কোণে। পরিচালক মশাই নতুন নাটক নামাচ্ছেন। নাটক নতুন। নায়িকাও যদি নতুন হয় তো ক্ষতি কি? তালিম দিয়ে তৈরী করে নিতে হবে। নেলের মনে ভয়। অত বড় থিয়েটার। একবার সে দেখেছে। আলো ঝলমলে প্রেক্ষাগৃহে লোকে লোকারণ্য। দূরে ভেলভেটের পর্দা ঝোলানো মঞ্চ। আলো নিভে গেল—মঞ্চ আলোকিত হলো। নায়ক আর নায়িকা মুখোমুখি। পাখী ডাকছে। ঝলমলে সূন্দের পোশাক। জিজ্ঞেস করে জেনেছিল ওদের নাম রোমিও-জুলিয়েট। এদের যিনি সৃষ্টি করেছেন সেই নাট্যকারের নাম যেন কি—মনে পড়েছে শেক্সপিয়ার। ওই অতলোকের সামনে অভিনয়। ভয় করবে না, পা কাঁপবে না, বুক ছুর ছুর করবে না। আর একটি লেবু পরিচালকের হাতে তুলে দিয়ে সে বললে—‘আমি কি পারব’। তুমি—খানিকটা মিষ্টি রস গিলে নিয়ে পরিচালক বললেন—তুমি না পারলে কে পারবে। তোমাকে আমি আজ দেখছি। এই রাস্তায় বসে তুমি যা করছ তা তো ঐ অপেরার চেয়েও শক্ত গো। এ তো সেই ভারতবর্ষে যাকে বলে যাদু। আরো শক্ত জিনিস। চারিদিক খোলা মঞ্চ আর আমরা এই দর্শকরা তোমাকে চারিদিক থেকে ঘিরে রেখেছি। হো হো করে হেসে উঠলেন লর্ড, আর্ল আর কাউন্টের দল। বেড়ে বলেছে ডিরেক্টর ভদ্রলোক। নেলের চেহারাটা একবার চোখ দিয়ে চেটে নিল তারা। মনে মনে উলঙ্গ করে বোধহয় আনন্দ পেল। পরিচালক কিন্তু তখন গভীর ভাবে ভাবছেন—কেমন মানাবে নেলকে নাটকের সেই বিশেষ চরিত্রে।

ঘুচে গেল নেলের কমলালেবু বেচা। পর্দা উঠল মঞ্চ। নেলের জীবনে প্রথম অভিনয়-রজনী। নাট্যকার, পরিচালক উইংসের ফাঁক দিয়ে দেখছেন। বাঃ বাঃ কি অসাধারণ অভিনয় করছে মেয়েটি। চরিত্রটি যেন জীবন্ত হয়ে উঠেছে। দর্শকরা খুশীতে হাত তালি দিয়ে উৎসাহ দিচ্ছে।

একজন লর্ড একটি আঙটি ছুঁড়ে দিলেন। নেলের মুখের মেঝে আপ তুলতে তুলতে পরিচালক বললেন—কি বলেছিলুম তোমাকে। এতদিন লেবু বেচেছ, এবার বেচবে তোমার অল্পভূতি আর, একটু আঙে প্রায় ফিস্ ফিস্ করে বললেন—আর তোমার যৌবন।

রাজ সিংহাসনে তখন দ্বিতীয় চার্লস। সৌখীন কলারসিক মানুষ। ইংলণ্ডের কোন রাজার এমন ঢেউ খেলানো বাবরী ছিল? এমন এক জোড়া খঞ্জন, পাখীর লেজের মতো অসাধারণ গৌরব। রাজা বললেন—ইজ ইট? উত্তর এল—ইয়েস মাই লর্ড, হিজ হাইনেস। অসাধারণ নাটক। অপূর্ব অভিনয়। চলুন আজ রাতেই একবার দেখে আসি। রাজা বললেন—তা মন্দ বল নি। স্পোর্টস, বিগ গেমস, বেকোয়েট তো আছেই একটু কালচার একটু সংস্কৃতিও তো থাকা চাই। আমরা জগৎ শাসন করব, ইন্টেলেক্ট ভোঁতা হলে তো চলবে না।

ডুরি লেন সেদিন আলোয় আলো। থিয়েটার সাজানো হয়েছে ফুলের স্তবকে। রাজা আসছেন। সাজ সাজ রব পড়ে গেছে।

পরিচালক বললেন—দিস্ ইজ এ রেয়ার প্রিভিলেজ মাই ডিয়ার সারস। দেখো আমার মুখ রেখ তোমরা। রাজা এলেন তাঁর সভাসদদের নিয়ে। হাতে একটি লাল গোলাপ। বললেন তাঁর নির্দিষ্ট ভেলভেট মোড়া ‘বক্সে’। প্রেক্ষাগৃহের আলো স্নান হয়ে এল—মঞ্চে পর্দা উঠল। তারপর। তারপর মধ্য রাতে রাজা প্রাসাদে ফিরলেন। মুখে কথা নেই। একবার শুধু প্রশ্ন করেছিলেন—মেয়েটি কে? কোন মেয়েটি? ও হ্যাঁ, ওর নাম নেল গোয়াইনে। নেল। রাজার মনে নেলের মতোই অর্থাৎ যেন একটা পেরেকের মতো নেল গেঁথে গেল। বাকিংহাম প্যালেস তখন স্বয়ংস্তির কোলে। শাস্ত্রীদের পায়চারির শব্দ ছাড়া পৃথিবী নিস্তর। রাজা তখনও বিছানায় যাননি। চুমুকে চুমুকে পান পাজ শেষ হয়ে এসেছে। বাতিদানে বাতি গলে গলে নিঃশেষ হতে চলেছে। রাজার চোখে ভাসছে নেল, কানে ভাসছে তার সুরেলা গলা। নিজেকে কেমন যেন নিঃসঙ্গ মনে হচ্ছে।

প্রথমে নেল বিশ্বাস করেনি। তাই পরিচারিকাকে বার বার জিজ্ঞেস করল—কি বললি, কে এসেছে, রাজা। রাজা দ্বিতীয় চার্লস। নেল ভীষণ বিব্রত বোধ করল। তার এই গরিবখানায় স্বয়ং ইংলণ্ডের। ‘প্রবল প্রতাপ সহেনা ধার’। তাড়াতাড়ি ঘাসের চটিতে পা গলিয়ে সে বেরিয়ে এল তার শোবার ঘর থেকে। কিন্তু একি? রাজা যে একেবারে দরজার সামনে, শুদ্ধ

মুহু হাসছেন। তাকে প্রায় ঠেলে নিয়েই শোবার ঘরে চলে এলেন। ভরাট গলায় বললেন—‘সুন্দরী আমি যে তোমাকে অভিনন্দন জানাতে এসেছি।’ তোমার অপূর্ব অভিনয় বলতে বলতে বসে পড়লেন খাটের একধারে, পালকের লেপটিকে আলতো আলগোছে সরিয়ে বললেন—তোমার অভিনয় আমাকে মুগ্ধ করেছে। এই তার সামান্য পুরস্কার। একটি মুক্তোর মালা দু'আঙুলে ঝুলছে। নেলের চোখ ঝলসে গেল।

এই মালা আমি নিজে হাতে তোমার গলায় পরিয়ে দিতে এসেছি। আমি তোমার গুণমুগ্ধ, আমি তোমার রূপমুগ্ধ। সত্ত্ব ঘুম ভাঙা চোখে নেলের তখনও রাতের ঘোর লেগে আছে। তারপর এই আকস্মিক রাজ অতিথি। অতিথির মতোই অতিথি। কুঁড়ে ঘরে চাঁদের আলো। নেল একটু ভয় পেয়েছে। পেতেই পারে। কিন্তু রাজা তখন নিজের ভাবেই আছেন। নেল তাঁর প্রভা। মুক্তোর মালা না পরিয়ে তিনি তার প্রাণদণ্ডের ব্যবস্থাও তো করতে পারতেন। মঞ্চে তিনি কতটুকু দেখেছেন। নেলের রূপ-যৌবন। ঐ যে শিফনে জড়ানো শরীর। ভোদের ফুলের মতো টাটকা সুন্দর। লম্বা ঘাড়। যাকে কবি বলেছেন মরাল গ্রীবা। দুটো টানা গভীর চোখ, এক মাথা কৌকড়া চুল। দুটি বুক যেন দুটি কমলালেবু। রাজা বোধহয় এই সবই ভাবছিলেন। রাজাও তো মানুষ।

মুক্তোর মালাটি গলায় ঝুলিয়ে দিয়ে রাজা নেলকে টেনে নিলেন গভীর আলিঙ্গনে। নেলের শরীর একটু কাঁপল। কিন্তু কত দীর্ঘ রক্তনী সে এমনি আলিঙ্গন তো কত শত বার পেয়েছে।^১ তারা ছিল নবল রাজা, এক রাতের রাজা। তাই আজ আসল রাজার আলিঙ্গনে সে এত ভীত। এখনও তার সন্দেহ যায়নি। সে স্বপ্ন দেখছে না তো। যে মাছুষটি এখন তাকে বিছানায় ফেলে আদরে আদরে অস্থির করছে সে আসল রাজা তো! না স্বপ্ন! কোন ইচ্ছাপূরণের দেবতা কি তার অনেক রাতের ইচ্ছেকে আজ এমনিভাবেই পূরণ করে দিলেন।

তারপর সেই রূপকথার গল্পের মতোই, ঘুটে কুড়ুনীর রাজপ্রাসাদ হলো। সোনার পালক। হাতি শালে হাতি। ঘোড়া শালে ঘোড়া। দাস, দাসী। জুড়ী, গাড়ী। রাজা একদিন গভীর রাতে, আলগোছে নেলের গরম শরীরটি বুকে তুলে নিয়ে বললেন—আর না। এখানে আর না। আমার তো একটা মান সন্ধান আছে। আমি তোমার জন্তে একটি প্রাসাদ ঠিক করেছি। নেল একটি কাবুলী বেড়ালের মতো গর গর করতে করতে, রাজার অনাবৃত

বুকে মুখ রেখে বলল—কোথায় মহারাজ? সেকি আমার এই ডুরি লেনের স্বর্ণ থেকে অনেক দূরে? রাজা নেলের সোনালী চুলের উপর দিয়ে ছ'বার হাত বুলিয়ে বললেন—না না খুব দূর নয়। জায়গাটার নাম হার্ট ফোর্ডশায়ার। প্রাসাদের নাম তুমি হয়ত শুনে থাকবে 'স্ট্রালিসবেরি হল'। এরপর রাজা যেন কবি হয়ে গেলেন—সে বড় মনোরম জায়গা। কাকচক্ষু দিঘির জলে শাস্ত গাছেব ছায়া। মন্দির দ্বিপ্রহরে ভ্রমরের গুঞ্জন। জানালায় জানালায় অবাধ আকাশের উঁকি। এব মাঝে তুমি আর আমি। আমি আর তুমি।

রাজা দ্বিতীয় চার্লস ইতিহাসে আমুদে রাজা নামে পরিচিত। সে তো বোঝাই যাচ্ছে। একজন রক্ষিতার জন্তে প্রাসাদ তৈরি করলেন, শহর থেকে দূবে। বাকিংহাম প্যালেস না হোক, স্থাপত্যেব একটি অসাধারণ উদাহরণ। বিরাট হলঘর, চারিদিকে ঝাড়লগ্নন ঝুলছে। দামী দামী মেহগনী আর ওক কাঠের ফার্নিচার। পুরু কার্পেট পাতা। বড় বড় ঘর, বিরাট বিরাট খিলান। বিস্তীর্ণ এলাকা জুড়ে নানা কায়দায় তৈরি একটি রহস্যময় প্রাসাদ। সেখানে নেল একমাত্র কর্তা। রাজা কেবল রাতের অতিথি।

প্রেমের অনিবার্ধ পরিণতি সম্ভান। নেল গর্ভবতী হয়েছে। রাজার বীর্ধে তার গর্ভে সম্ভান এসেছে। রাজা চেয়েছিলেন শুধু প্রেম। কেউ জানবে না, প্রজা-সাধারণ টের পাবে না, রাজা শুধু ভ্রমরের মতো নেল নামক এক প্রাফুটিত ফুলের মধু পান করে উড়ে যাবেন। কিন্তু তা তো হয় না। নেল একদিন হঠাৎ ঘোষণা করল, আমি আ হতে চলেছি। রাজাকে মেনে নিতে হলো এই মাতৃষ। যথাসময়ে নেল মা হলেন—একটি ফুট ফুটে রাজকুমার। রাজা চার্লস অকৃতজ্ঞ ছিলেন না—

রাজকুমার বড় হলে, তাঁকে একটি ডিউক বানিয়ে নিলেন—সেন্ট এলবানের ডিউক। স্ট্রালিসবেরি হল থেকে মাত্র মাইল পাঁচেক দূরে ডিউকের রাজত্ব। নেলের শোবার ঘরের জানালায় দাঁড়ালে এলবানের গীর্জার চূড়া দেখা যায়। সব স্নত্থের শেষ আছে। সব ভোগেরই সমাপ্তি আছে। ডুরি লেন থিয়েটারের মঞ্চে নাটকের স্থায়িত্ব যখন কয়েক ঘণ্টা। আসল জীবন রক্তমঞ্চে নাটক হয়ত সেই তুলনায় একটু দীর্ঘস্থায়ী, কিন্তু অনন্তকালের সমুদ্রে জীবনের মুক্তোমালা শুধু সারি সারি বিন্দুর সমষ্টি। শেষ বেলার আলো প্রতিফলিত হচ্ছে আরশিতে। নেল দেখলেন চূলে পাক ধরেছে। স্বক আর আপেলের মতো মসৃণ নয়, কুঁচকেছে জায়গায় জায়গায়। এসবই তো যুত্মার পরোয়ানা।

‘যেতে নাহি দিব’ কিন্তু কে পারে কাকে আটকাতে। রাজা দ্বিতীয় চার্লস আর তাঁর নর্থ সহচরী নেল সময়ের ঘষা কাচের ওপারে চলে গেলেন। বিশ্বভিত্তি, বিশ্বভিত্তি, বিশ্বভিত্তির সেই অনন্ত স্রোতে তাঁরা হারিয়ে গেলেন। ১৬৮৭ সালের এক বিষন্ন সন্ধ্যায়, স্ট্রালিসবেরি হলের এক স্তম্ভজিত কক্ষে তাঁর জীবন দীপ নিভে গেল।

১৬৮৭ সাল। এখন কত সাল ১৯৭১। এই যে শুরুতেই বললেন এখনও নাকি সেইসব ঘটনা দেখা যাবে—নাটকে নয়, ছবিতে নয়, চর্চা চক্ষে। মাত্র একটি ফোন আর চার গিনির ব্যাপাব। ঠিকই বলছি। লগুনে নেমে আপনি গাইড টম করবেটেব খোঁজ কববেন। আর ঐ ফোন নম্বরে একটু কথা বলে নেবেন—ভ্যালিয়েট ক্রমশ লিমিটিডের সঙ্গে। এঁরা শীতকালে আরামদায়ক কোচে কোন এক শনিবাবে আপনাকে হার্টফোর্ডশায়ারে স্ট্রালিসবেরি হলে নিয়ে যাবেন। সেখানে ক্ষুধিত পাষাণের মেহের আলিকে না পেলেও পাবেন একজন অত্যন্ত অতিথিবৎসল ধনী মানুষকে—শ্রীওয়ান্টার গোন্ডস্মিথ, প্রখ্যাত চিত্রশিল্পী, কারুশিল্পের উদ্ধারকর্তা এবং কারু সামগ্রীর বিক্রেতা। সঙ্গে থাকবেন টম করবেট। তিনি বলবেন—হজোব ইয়ে শুভা—না ঠিক ঐ কথা বলবেন না, ফিস ফিস করে বলবেন স্ত্রার দিস্ ইজ ইওর স্ট্রালিসবেরি—এখানে এখন গভীর রাতে ঐ পর্দাঘেরা ঘরে আপনি নেল গোগ্নইনে আর চার্লসের প্রেতাত্মাকে দেখতে পাবেন। শুনবেন পোষাকের খস খস, কাচভাঙা হাসি। তিনশো বছর হতে চলল—এখনও মায়া কাটাতে পাবেন নি। এই প্রাসাদের ইট কাঠ পাথরে তাঁরা জড়িয়ে আছেন। যজ্ঞান্তির মতো হাজার বছর ধরে জরাকে ফাঁকি দেওয়ার কৌশল তাঁদের জানা ছিল না। একটা জীবন বড় সংক্ষিপ্ত স্মরণীয়। তাই কি আত্মা এখনও অতৃপ্ত। তাই কি হাঙ্কা শরীরে স্মরণীয় নেল এখনও সিঁড়ি বেয়ে বেয়ে নেমে আসেন রাজার ঘরে।

গাড়ী অনেক এঁকে বেঁকে আপনাকে পৌছে দেবে এই ঐতিহাসিক বাড়ী কেন প্রাসাদের সিংহ দরজায়। হাসি মুখে প্রাসাদের বর্তমান মালিক গোন্ডস্মিথ সাহেব আপনাকে বেকোয়েট হলে নিয়ে যাবেন। সেখানে সপ্তদশ শতকের সেই অত্যাশ্চর্য টেবিলে আপনাকে শেরী পরিবেশন করা হবে। মোমবাতির আলোতে দেখবেন দেয়ালের গায়ে আপনার ছায়া কাঁপছে। একটু শীত শীত করছে! বাইরে বিরাট জলার উপর শীতের কুয়াশা ঘন হয়ে নেমেছে। দেয়ালে ঝুলছে বর্ষ, অস্ত্রশস্ত্র। বিরাট একটি তৈলচিত্র থেকে রাজা দ্বিতীয় চার্লস, কাহিনীর নায়ক, মনে হচ্ছে এখনি নেমে এসে এক পাত্র শেরী টেনে নেবেন। শেরী আপনাকে একটু উষ্ণ করে তুলবে। গোন্ডস্মিথ সাহেব

কথায় কথায় আপনাকে এই ভৌতিক প্রাসাদের ইতিহাস শুনিয়ে দেবেন। অনেক, অনেক আগে রোমান আমলে এই প্রাসাদের পত্তন হয়। প্রথম বাসিন্দা একজন স্রাকসন ভদ্রলোক নাম আসগর, ঘোড়ার মালিক। কিন্তু নরমান আমলে ‘উইলিয়াম দি কনকারার’ প্রাসাদটি দান করে দিলেন ছায়াগাভিলকে। তারপর সেই চতুর্দশ শতকে মালিকানা বর্তাল স্যালিসবেরির আর্লের উপর। সেই থেকেই এই নাম। এরপর গোল্ডস্মিথ সাহেব আপনাকে একটি আবিষ্কারের কাহিনী শোনাবেন। সে কাহিনী এই শতকের। আশেপাশে কোথায় তিনি ক্রিকেট খেলতে এসেছেন। তার স্ত্রী ঘুরে ঘুরে দেখছেন। ঘুরতে ঘুরতে তিনি জঙ্গলের মধ্যে আবিষ্কার করলেন এই প্রাসাদ যার রঞ্জে রঞ্জে রয়েছে বিশ্ব্বত ইতিহাস। প্রাসাদটি তিনি কিনে ফেললেন। জরাজীর্ণ একটি ইমারতকে তিনি অপরিমিত অধ্যাবসায়ে, পূর্ত বিভাগের সহযোগিতায় একটু একটু গড়ে তুললেন—ঠিক যেমনটি ছিল সেই বিশ্ব্বত শতাব্দীতে। সপ্তদশ শতকের সেই অবহেলিত, বহু স্মৃতি বিজড়িত প্রাসাদ একটি রত্নের মতো বর্তমান শতকে শোভা পাচ্ছে, আমাদের সামনে ধীরে ধীরে খুলে দিচ্ছে ইতিহাসের পাতার পর পাতা।

এরপর টম করবেট আপনাকে দেখাবে একটি ফিল্ম। ইংল্যান্ডের বিভিন্ন জায়গায় ভূত দেখার কাহিনী। ভূত দর্শনের প্রকৃত অভিযান। ইতিমধ্যে রাত গভীর হবে। ছবির ভৌতিক পরিবেশ আপনাকে একটু দুর্বল করবে। পিঠের দিকটা শির শির করবে। বারে বারে ঘাড় ঘোরাতে ইচ্ছে করবে। অবশেষে মোম্বাতির কাঁপা কাঁপা আলোয় আপনি রাতের আহাির শেষ করবেন। আপনাকে পরিবেশন করা হবে—হাম, বিফ, রোস্ট চিকেন আর স্যালাড।

এরপর টম করবেট বাতিদানটি হাতে তুলে নিয়ে সিঁড়ি ভেঙ্গে ভেঙ্গে আপনাকে নিয়ে যাবেন উপরতলার সেই ঘরে—যে ঘরে নেল জীবনের বহু মধুর রাত কাটিয়েছিলেন—নেলের শোবার ঘর। বাতির আলোয় দেখবেন বিরাট একটি খাট একটি সাদা চন্দ্রাতপের তলায়। ঘরের এক কোণে একটি কাচের আলমারিতে সাজানো রয়েছে বিভিন্ন প্রত্নতাত্ত্বিক আবিষ্কার। মাটি খুঁড়ে পাওয়া গেছে বিভিন্ন ঐতিহাসিক নিদর্শন—রোমক মুদ্রা, স্যাক্সন আঙটি, নরমান পাত্র, মধ্যযুগীয় চাবি।

এরপর আপনার ফিরে যাবার পালা। ভাগ্য ভাল হলে, আপনার সেই কোমল অহুহুতি থাকলে আপনি হয়ত সেই ঘরে নেলের উপস্থিতি টের



তুমি কালজয়ী মহামানব। তোমার সুমহান সৃষ্টির মাঝে তুমি চিরভাস্বর।
ষোড়শ শতকেব অঙ্ককার দিকচক্রবালে তুমি ছিলে উষার অরুণাভাস। এভন
নদীর তীরে সেদিন যে সূর্য উদিত হয়েছিল দীর্ঘ চার শতাব্দী পরে আজও তা
মধ্যাগনের দীপ্তিতে দেদীপ্যমান। তোমার প্রশস্তি রচনা করে যুগের কবিরা
ধন্য হয়েছেন। সাহিত্যিকরা সাহিত্যে করেছেন তোমার জয়গান। জীবনীকার
তোমার জীবনের রহস্য আবিষ্কারে আজও তৎপর। রাতের পর রাত বিস্মিত
প্রেক্ষাগৃহের পাদপ্রদীপের সামনে খ্যাতিমান অভিনেতা তোমার অমর চরিত্রে
প্রাণ-ঢালা অভিনয় করে আজও অমরত্বের সন্ধান খোঁজেন। শিল্পী তাঁর
তুলি ও রঙের ষাটুতে তোমার স্মারক চিত্রকল্পনার সার্থক রূপায়ণে আজও
তন্ময়। সমস্ত যুগের কণ্ঠে সেই একই দাবী :

He was not of an age but or all time

He was a man take him for all in all

I shall not look upon, his like again.

শেক্সপীয়র এমনই এক প্রতিভা, যার গোমুখীনিঃসৃত সৃষ্টি-তরঙ্গ সাহিত্য
এবং শিল্পের উষর অববাহিকায় প্রাণের সাড়া তুলে শতাব্দীপায়ে দূর লক্ষ্যে
ধাবিত হয়েছে। কান পাতলে আজও আমরা সেদিনের কোলাহল শুনে
পাই। আমাদের প্রশারিত দৃষ্টির সামনে উন্মোচিত হয় সবুজের বিস্ময়। যে
প্রতিভার ক্ষুদ্র সাহিত্য ও শিল্পের প্রতিটি দীপশিখায় অগ্নিসংযোগ করে সহস্র
প্রদীপের সমারোহ এনেছিল, সেই প্রতিভাকে প্রত্যক্ষ করে কবি বিস্ময়ে
গেয়েছেন :

Others abide our Question—Thou art free !

We ask and ask—Thou smilest and art still.

Out-topping knowledge ! For the loftiest hill.

That to the stars uncrowns his majesty.

Planting his steadfast footsteps in the sea.

Making the heaven of heavens his dwelling place.

শেক্সপীয়র তাঁর সমসাময়িক কালের উপর কি প্রভাব বিস্তার করেছিলেন তার পূর্ণাঙ্গ বিচার হয়ত সম্ভবপর হবে না। প্রতিভাকে সম্যক উপলব্ধি করতে হলে যে প্রস্তুতির প্রয়োজন—সে যুগের তা ছিল না। এক অপ্রস্তুত জাতির সামনে তিনি তাঁর নৈবেদ্য হাজির করেছিলেন, যার বৈচিত্র্যে দিশাহারা হয়ে সে যুগের এক নাট্যকার হঠাৎ বলে ফেলেছিলেন :

“an upstart crow · in his own conceit the only Shakescene in a country”.

কিন্তু দীর্ঘ দুটি শতাব্দীর পারে এসে এক সমবেত্তা প্রস্তুত জাতি যখন তাকিয়ে দেখলেন—তাঁর সৃষ্টির রাজ্য থেকে জীবনের মিছিল বেঁকিয়ে আসছে—যে মিছিলে রাজা, প্রজা, পাগল, সন্ত, ভাঁড়, শয়তান, প্রেমিক, প্রবঞ্চক, জালিয়াত, দানী, রূপণ, এক কথায় সৃষ্টির পূর্ণ সমারোহ—তখন তাঁরা অন্ধায়, বিস্ময়ে উল্লসিত হয়ে উঠলেন হ্যামলেটের মতই চাঁৎকার করে উঠলেন—“হোয়াট এ পিস অফ ওয়ার্ক ইজ মান।” স্বয়ং সৃষ্টিকর্তার দুটি রমিক চোখে তিনি জগৎকে দেখেছিলেন। পক্ষপাতশূন্য সে দৃষ্টির সামনে পাপ-পুণ্যের বিচার ছিল না—কলে তাঁর সৃষ্টির প্রাঙ্গণে এসে দাঁড়িয়েছিল সমগ্র জগৎ—তার রূপ, রস, গন্ধ বর্ণের সমস্ত বৈচিত্র্য নিয়ে।

সাহিত্যিকরা যে পূজার আয়োজন করলেন, শিল্পীরা কেন সেখানে অশাঙেস্ত থাকবেন। অষ্টা শেক্সপীয়র তো শুধু জীবন্ত চরিত্রই সৃষ্টি করেন নি, তিনি অপূর্ব চিত্রলোকের অনন্ত ঐশ্বর্যও রেখে গেছেন উত্তরকালের শিল্পীদের জন্যে। তাঁর সমসাময়িক শিল্পীগোষ্ঠিতে মার্কাস ঘেরায়েটস্, কর্ণেলিয়াস, ও লুকাস ছাড়াই মতো শক্তিশালী ও প্রতিষ্ঠিত চিত্রকর থাকা সত্ত্বেও তাঁরা সে ঐশ্বৰ্যের দিকে পিছনফিরেই ছিলেন। কিন্তু অষ্টাদশ শতক তাঁদের অন্ধ পূর্ব-পুরুষদের উদাসীনতার প্রায়শ্চিত্তে এগিয়ে এলেন। তাঁরা দাবী করলেন—শেক্সপীয়র শুধু নাট্যকার ছিলেন না—তিনি ছিলেন শক্তিশালী শিল্পী। তুলি এবং রঙের আভিকে হয়ত তিনি কিছু নিদর্শন রাখেননি, কিন্তু—“হিজ ওন শিকটোরিয়েল ইমাজিনেশন বিইং সো ইনডেপেন্ডেন্ট গেট এণ্ড ওয়ানডারফুল ছাট হি কুড সাজেস্ট এ শিকচার ওইথ এ ফিফ্টি ম্যাজিক ওয়ার্ডস।”

তাঁদের এ দাবীর দৃঢ়তাতে যুক্তির অভাব নেই। মার্চেন্ট অব ভিনিসের শেষ অঙ্কে শেক্সপীয়র চম্ভালোকিত রাতের বে-অপন্নয় দৃশ্য এঁকেছেন, রঙ ও তুলির আভিকে সে দৃশ্যকে রূপায়িত করার ক্ষমতা খুব কম শিল্পীরই আছে। পোশিয়ার স্বরূপ উজ্জানে নির্জন, নিরুপ রাতে হুই প্রেমিক প্রেমিকা ঘনিষ্ঠ হয়ে

চন্দ্রস্নান করছেন। একজন লোরেন্সো, অন্যজন জেসিকা। লোরেন্সোর মনের
কল্পনার বন্ধ ছায়া থলে গেছে—তিনি বলছেন :

The moon shines bright !

In such a night as this

... ..

Trilus methinks mounted the Trojan walls

And sighed his soul toward the Grecian tents

Where Cressid lay that night

... ..

In such a night

Stood Dido with a willow in her hand

Upon the wild Sea-Banks and waved her love

To come again to Carthage.

শেক্সপীয়র এই নিম্নক চন্দ্রোদ্ভাসিত রাত্রির প্রেক্ষাপটে বহুযুগের ওপাং
থেকে ভেসে আসা প্রেমিক-প্রমিকাদের জীবনের ঘটনাকে প্রতিফলিত
করেছেন। এ রাত শুধু তাঁদেরই জগৎ নির্দিষ্ট। সাধারণ মানুষের কাছে হয়ত
এর কোন আবেদন নেই, কিন্তু কবির কল্পনায় এ রাত দীর্ঘস্থানে ভরা। সে
শিল্পী কোথায়—যিনি এই রাতের বেদনাকে তুলি ও বঙে রূপ দিতে পারেন।
অষ্টাদশ শতকের এক দুঃসাহসী শিল্পী চেষ্টা করেছিলেন এই দৃশ্যটিকে রূপায়িত
করতে। সে শিল্পীর নাম স্যামুয়েল শেলী। তাঁর সেই ছবি কতদূর সার্থক
হয়েছিল তা বিচারের অপেক্ষা রাখে।

১৭৮৭ সালের নভেম্বর মাস। হ্যাম্পস্টেডের এক সুসজ্জিত ঘরে থানাং
টেবল পাতা হয়েছে। বন্ধু ও সহকর্মীদের নিয়ে আহারে বসেছেন ঘোশিয়া
বয়ডেল, অষ্টাদশ শতকের ইংলণ্ডের এক অতি সুপরিচিত ও স্বনামধন্য ব্যক্তি।
একাধারে শিল্পী ও গোদাইকাব। অন্ডারম্যান জন বয়ডেলের ভাইপো।
আহারের ফাঁকে ফাঁকে আলোচনা চলছিল। বিষয়বস্তু সমসাময়িক ইংলণ্ডের
চিত্রকলা। বয়ডেলের অভিযোগ—ইংলণ্ডের শিল্পীরা শুধু প্রতিকৃতিই এঁকে
গেলেন, চিত্রকলার অন্তান্ত বিভাগে তাঁরা কোন অবদানই রাখতে পারলেন
না। ইউরোপীয় কলারসিকদের কাছে তাঁদের এই দুর্বলতা লমালোচনার
বস্তুতে পরিণত হতে চলেছে। হঠাৎ বয়ডেল এক প্রস্তাব করলেন। নভেম্বরের
সেই দ্বিপ্রহরে থানাং টেবলে তিনি যে প্রস্তাব উত্থাপন করলেন, এবং তাঁর

ব্যবসার অংশীদারগণ যে প্রস্তাব সেদিন নিষিদ্ধায় সমর্থন করলেন ইতিহাসে সেই মুহূর্তটি বয়ডেল শেক্সপীয়র গেলারির ভ্রান্ত্য বল চিহ্নিত হয়ে আছে। শেক্সপীয়রের পৃষ্ঠারী ঘোশিরা বয়ডেল নাট্যকারের অমর সৃষ্টির ঐশ্বৰ্য্যে, অদ্ভুত উচ্চাঙ্গের চিত্রসৃষ্টি উপাদানের সন্ধান পেয়েছিলেন। ইংলণ্ডের তদানিস্থান প্রায় সমস্ত ছোট বড় শিল্পীকেই তিনি আহ্বান জানিয়েছিলেন। তাঁদের চোপের সামনে তুলে ধরেছিলেন শেক্সপীয়রের রচনা থেকে দৃশ্যের পর দৃশ্য। শিল্পীগণ মুগ্ধ হয়েছিলেন তাঁদের হাতে ছিল শক্তিশালী তুলি ও রঙের ঐশ্বৰ্য্য; কিন্তু তাঁদের কল্পনা ছিল মুহূমান। শেক্সপীয়রের নাটকে তাঁরা খনির সন্ধান পেলেন। সমগ্র ইংলণ্ডের ঝুঁড়িতে ঝুঁড়িতে শুরু হল শিল্পীদের সাধনা। ১৭৮২ সালের মধ্যেই বহু ছবি আঁকা হয়ে গেল। বয়ডেল পলমলেব কাছে এক চিত্র সংরক্ষণশালা তৈরি করালেন—সেই সমস্ত ছবির প্রদর্শনীর জগৎ। এই বিরাট চিত্রযজ্ঞে বয়ডেল মোট তিন লক্ষ পাউণ্ড অর্থাৎ প্রায় চল্লিশ লক্ষ টাকা ব্যয় করেছিলেন। তাঁর শিল্পী গোষ্ঠীতে স্যার যোশুয়া রেনল্ড, রম্মি, ওপিন্ট, স্মির্কে, নর্থকোট, ফুসেলি, হ্যামিলটন, টেসহাম ও ওয়েস্টাল প্রমুখ যশস্বী শিল্পীরা ছিলেন।

অষ্টাদশ শতকের ইংলণ্ডে শিল্পী জর্জ রম্মি ছিলেন এক উজ্জ্বল জ্যোতিষ্ক। তাঁর চিত্রকলার আলোচনা প্রসঙ্গে সমালোচক মন্তব্য করেছেন :—“দি থার্ড গ্রেট ইংলিশ পোর্ট্রেট পেণ্টার অফ দি এইটিথ সেনচুরি ওয়াজ জর্জ রম্মি। বয়ডেল শেক্সপীয়র গেলারিতে রম্মির যে অবগু ছবিটি স্থান পেয়েছে—তা এককথায় অনন্তসাধারণ এবং সম্পূর্ণ মৌলিক। সেই বিরাট প্রতিভাকে তিনি যে চোখে দেখেছিলেন, ছবিখানি তাইই সার্থক কাব্যিক রূপায়ণ। এই ছবির মাধ্যমে তিনি কবিকে যে শ্রদ্ধাঞ্জলি জানিয়েছেন তা একমাত্র রম্মির মত স্বাধীনচেতা শিল্পীর পক্ষেই সম্ভব। ছবিখানির তিনি নাম রেখেছিলেন—‘শেক্সপীয়র নার্সড বাই ট্রাজেডি এণ্ড কমেডি’। প্রকৃতির পটভূমিকায় একটি ছোট উল্লম্ব শিশুকে ঘিরে দুই সুন্দরী রমণীর লীলা ছবিটির বিষয়বস্তু। এই দুই নারীর একজন হলেন ট্রাজেডি, অপরজন কমেডি, শিশুটি স্বয়ং শেক্সপীয়র। শিশু একটি ফুট বাজাবার চেষ্টা করছে এবং এই দুই নারী তাকে বাজাতে শেখাচ্ছেন। শেক্সপীয়র যেন শৈশব থেকেই ট্রাজেডি এবং কমেডির দ্বারা লালিত পালিত। তাঁর বিয়োগান্ত ও মিলনান্ত নাটকের অভূতনীয় অবদান রম্মির এই কল্পনাকেই সমর্থন করে। শেক্সপীয়র সহজাত প্রতিভা নিয়েই এসেছিলেন, তা না হলে তাঁর সৃষ্টির আবেদন যুগ থেকে

যুগান্তরে প্রসারিত হত কিনা সন্দেহ । মিলটন যেন এই কথাই লিখেছিলেন :—

“আওয়ার সুইটেস্ট শেক্সপীয়র,

ক্যান্সিজ চাইল্ড

জাট ওয়ার্বলস হিজ নেটিভ

উড-নোটস ওয়াইল্ড ।”

যে তাঁর প্রগ্রেস অফ পোয়েসিতে এই কথাই সমর্থন করেছেন—নেচারস্ ডালিং । আর্নল্ড বলেছেন :—সেলফ-স্কলড্, সেলফ-স্ক্যান্ড, সেলফ-অনারড, সেলফ-সিকিওর শেক্সপীয়রের জীবন ও প্রতিভার এই মৌলিক সত্যটিকে রূপায়িত করে রম্মি তাঁর গুনগ্রাহীদের যে ছবিখানি উপহার দিলেন তা শেক্সপীয়র সমালোচনার মূল কথা । এমন চিত্রকলা সমালোচনা—সমালোচনার ইতিহাসে প্রকৃতই বিরল ।

১৬০২ সালে শেক্সপীয়রের দি মেরি ওয়াইল্ডস অফ উইণ্ডসর প্রকাশিত হয় । “এ মোস্ট প্রেজাণ্ট এণ্ড একসেলেণ্ট কনসিটেড কমেডি অফ স্যার জন ফলস্টাফ এণ্ড দি মেরি ওয়াইল্ডস অফ উইণ্ডসর” এই চটুল হাস্যরসাত্মক নাটকটির প্রথম অঙ্কের প্রথম দৃশ্যের একটি নাটকীয় ঘটনা অষ্টাদশ ও উনবিংশ শতকের একাধিক শিল্পীকে চিত্ররচনায় অনুপ্রাণিত করেছে । মিস এ্যাক্স পেজ স্নেগারকে বলেছেন—অনুগ্রহ করে ভেতরে চলুন । খাবার পরিবেশন করা হয়েছে । অন্ত্যান্ত সকলেই আহ্বারে বসেছেন—আপনি কেন বাইরে দাঁড়িয়ে । গ্রাম্য স্নেগার, দ্বিধাগ্রস্ত, হতচকিত । সে সলজ্জভাবে বলেছে—না, না, আমার ক্ষিদে নেই । আপনি বরং আমার ভাই ব্যালোকে দেখুন—তিনি একজন জার্সিস অফ পীস ইত্যাদি । তখন এ্যান পেজ আবার বলেছেন—আপনাকে ভেতরে নিয়ে যেতে বলেছেন—আপনি না গেলে ওঁরা খেতে বসবেন না । স্নেগার বলেছে—সত্যি বলছি, আমি খাব না—ইত্যাদি ।

এ্যান পেজ : উইল ইট প্রিজ ইওর ওয়ারশিপ

টু কাম ইন স্মার ?

স্নেগার : নো, আই থ্যাঙ্ক ইউ,

ফোর স্কদ হার্টিলি :

আই এম ভেরি ওয়েল ।

এক সুন্দরী নারীকে কেন্দ্র করে, এক গ্রাম্য পুরুষের সলজ্জ বিভ্রান্তির মাঝে শেক্সপীয়র যে নাট্যরসের উপাদান খুঁজে পেয়েছিলেন, শিল্পীরা তারই মাঝে পেলেন এক সুন্দর চিত্রের কল্পনা । প্রথম যে শিল্পী চিত্রে এই দৃশ্যটিকে

রূপায়িত করলেন— তাঁর নাম রবার্ট স্মির্কে। তিনি শেক্সপীয়রের ভাবটি ঠিক ঠিক ধরতে পেরেছিলেন বলেই মনে হয়। নাট্যকারের মেজাজের সঙ্গে নিজের মেজাজ এক করতে পেরেছিলেন বলেই, সমালোচকবর্গ বয়ডেল শিল্পীগোষ্ঠীতে স্মির্কের জগ্ন স্বতন্ত্র স্থান চিহ্নিত করেছেন।

স্মির্কেই প্রথম শিল্পী যিনি পরবর্তীকালের অন্যান্য শিল্পীদের দৃষ্টি শেক্সপীয়রের নাটকের এই অপূর্ব মুহূর্তটির দিকে আকৃষ্ট করেন।

উনবিংশ শতকের প্রথম পাদে আর একজন প্রতিভাবান শিল্পী এই মুহূর্তটিকে চিত্রে রূপায়িত করেছিলেন। শিল্পীর নাম রিচার্ড পার্কস বনিংটন, ল্যাণ্ডস্কেপ ও সামুদ্রিক বিষয়বস্তু অবলম্বনে চিত্রশৃষ্টিতে তাঁর সমকক্ষ শিল্পী তদানীন্তন ইংলণ্ডে কেউ ছিলেন না। প্রতিকৃতি অন্বনেও তিনি ছিলেন সমান দক্ষ। চিত্রজগতে রোমাটিক ভাবধারার প্রবর্তনায় তিনি ছিলেন পথিকৃত। বনিংটন স্বভাবতই শেক্সপীয়রের নাটকের এই দৃশ্যটির প্রতি আকৃষ্ট হয়েছিলেন। তিনি অবশ্য স্মির্কের মত বিষয়বস্তু নাটকীয় কোঁতুকবসের ওপর বিশেষ গুরুত্ব আরোপ করেন নি। আলোছায়া ও রঙের খেলায় তাঁর ছবিখানি স্বতন্ত্র হয়ে আছে। বনিংটন ছিলেন রোমাটিক স্বতরাং চিত্রখানি দৃশ্যরচনায় ও পঞ্চদশ শতকের সাজ-সজ্জার সার্থক রূপায়ণে তিনি নাট্যকারের সমসাময়িক কালকে যথাযথভাবে প্রতিফলিত করার চেষ্টা করেছিলেন।

বনিংটনের পর একজন স্বচ চিত্রকর টমাস ডানকান এইসব বিষয়বস্তু অবলম্বনে একখানি ছবি আঁকেছিলেন। শিল্পীর জীবনে সেই ছবিখানিই শ্রেষ্ঠ ছবি হিসাবে স্বীকৃতি পেয়েছিল। স্বটল্যাণ্ডের গ্রাশানাং গেলারিতে ছবিখানি বিশিষ্ট প্রদর্শনী হিসাবে সংরক্ষিত আছে। ডান কানের তুলির সহজ মাধুর্যের তুলনা ছিল না। তাঁর প্রতিটিতেই তিনি অনবচ্ছিন্ন পরিবর্তন, কারুকার্য ও রঙের ঐশ্বর্যের স্বাক্ষর রেখে গেছেন। আলোচ্য চিত্রখানিতে তাঁর এই সমস্ত সহজাত গুণেরই পূর্ণ বিকাশ লক্ষিত হয়। দৃশ্য-সংস্থাপনার স্বকীয়তায় ও জীবনধর্মীতার গুণে ছবিখানি অল্প দুটি ছবির থেকে কিছু স্বতন্ত্র।

স্মার অগাস্টাস ওয়াল ক্যালকট এই একই দৃশ্যকে অল্প এক দৃষ্টিকোণ থেকে দেখেছিলেন। তিনি ছিলেন বিখ্যাত দৃশ্য-শিল্পী। প্রকৃতির উন্মুক্ত সৌন্দর্য ও আলোছায়ার খেলা তাঁকে বিশেষভাবে আকৃষ্ট করত। তাঁর এই ছবিখানির উন্মুক্ততা ও বর্ণবিজ্ঞাসের উজ্জ্বলতা এক বিশিষ্ট স্থান অধিকার করে আছে। মানসচক্ষে তিনি দৃশ্যটিকে গ্রীষ্মের কোন এক রৌদ্রালোকিত স্বপ্রহবে, ষোড়শ শতকের বিরলবসতি ইংলণ্ডের এক স্বরম্য অট্টালিকার

বহিঃপ্রাঙ্গণে ঘটতে দেখেছিলেন। কল্পনার সার্থক রূপায়ণে ছবিখানির মুক্ত-সৌন্দর্য এক আকর্ষণীয় বস্তুতে পরিণত হয়েছে। মিস পেজের চটুল ভঙ্গিতে তাঁর মনের দুরভিসন্ধিবই আভাস ফুটে উঠেছে। গ্রীষ্মের এই মধ্যাহ্নে তিনি স্নেতারকে এক কোঁচকাবহ ঘটনার শিকার করতে চান। স্নেতার এদিকে অত্যন্ত বিধাগ্রস্ত-ভাবে হাতের ছড়ি দিয়ে মাটি কাটছেন। ওয়ালকট ছবিটির মধ্যে এক অপূর্ব নাটকীয় সম্ভাবনাকে স্তব্ধ করে রেখেছেন। সমগ্র মুহূর্তটি যেন একটি নিটোল মুক্তোর মত টলটল করছে।

এজ ইউ লাইক ইট নাটকটিব সৌন্দর্য, সাহিত্যিক, কবি, সমালোচক কাকে না মুগ্ধ করেছে। শিল্পীজগৎও এই প্যাস্টোরাল কমেডিতে স্তম্ভান চিত্র-সম্ভাবনার সন্ধান পেয়েছিলেন। সপ্তদশ শতকের রেনেসাঁস ইংলণ্ডের একটি বিরট পটভূমিকায় শেক্সপীয়ার তাঁর এই নাটকটিকে স্থাপন করেছিলেন।

এই নাটকটির দ্বিতীয় অঙ্কের সপ্তম দৃশ্যে জ্যাক আর্ডেনের জবলে আশ্রয় গ্রহণকারী রাজ্যচ্যুত ডিউকের কাছে জীবন রক্ষমঞ্চে অভিনেতা মাহুয়ের সাতটি অবস্থার বর্ণনা দিচ্ছেন :

অল দি ওয়াল্ড'স এ স্টেজ

এণ্ড অল দি যেন এণ্ড ওযেন

মিয়ারলি প্লেয়ার্স

...

...

...

এট ফার্স্ট দি ইনিফান্ট

লার্স্ট সিন অফ অল.....জাট এণ্ডস

ইন সেকেণ্ড চাইল্ডসনেশ এণ্ড

মিয়ার ওবলিভিয়ান

সানসটিথ, সানসআইজ, সানসটোস্ট,

সানস এভরিথিং।

মাহুয়ের জীবনের এই অবধারিত পরিণতির চিত্ররূপ যে-শিল্পী প্রথম তুলে ধরলেন, তাঁর নাম টমাস স্টেহার্ড। বয়ডেল শিল্পীগোষ্ঠীর অন্ততম সার্থক শিল্পী স্টেহার্ডকে টার্নার 'দি গ্লিয়োভো অফ ইংল্যান্ড' নামে অভিহিত করেছিলেন। সারাজীবনে স্টেহার্ড প্রায় পাঁচ হাজার ছবি আঁকেছিলেন, বেশীরভাগই শেক্সপীয়ারের নাটকের দৃশ্য অবলম্বনে। তিনি ছিলেন অপ্রতিদ্বন্দ্বী শেক্সপীয়ার-শিল্পী। তাঁর সমস্ত ছবিই কল্পনা, উদ্ভাবনশক্তি ও লালিত্যের স্পর্শে রসোত্তীর্ণ তাঁর 'সেভেন এজেন্স' ছবিখানির অনাবিল সৌন্দর্য ও ভাবের গাভীধ আমাদের

গিরোত্তোর কথা স্মরণ করিয়ে দেয়। শেক্সপীয়র বার্থকোর যে-ছবি এঁকেছিলেন, স্টেহার্ডের তুলিতে মানুষের সেই অসহায় পরিণতি মর্মস্পর্শী হয়ে উঠছে।

উইলিয়াম মালরেডি শেক্সপীয়র-বর্ণিত মানুষের এই সাতটি অবস্থার চিত্র একসঙ্গে ফুটিয়ে তুলছিলেন। মালরেডি বোধহয় চিত্রজগতের দূরদিগন্তে প্রি-র‍্যাফাইলাইট আবির্ভাবের সূচনা দেখতে পেয়েছিলেন, তাই ১৩৩৭ সালে আঁকা এই চিত্রে তাঁকে প্রি-র‍্যাফাইলাইট আঁককের আশ্রয় নিতে দেখা যায়। ছবিটির পরিকল্পনায় তিনি অসাধারণ মৌলিকতা ও সার্থক চিত্ররীতির স্বাক্ষর রেখে গেছেন। জ্যাকের দীর্ঘ দার্শনিকতা যেন এককথায় আমাদের চোখের সামনে ভেসে ওঠে।

অষ্টাদশ শতকের শেষ পাদে ইংলণ্ডের কাব্য-জগতে এক বিচিত্র চরিত্রের আবির্ভাব হয়েছিল। সেই বিচিত্র মানুষটির নাম—উইলিয়াম ব্লেক। সমসাময়িক কাল ব্লেককে কবি হিসাবে না চিনলেও, চিত্রকর হিসাবে তাঁর যথেষ্ট প্রসিদ্ধি ছিল। ব্লেক ছিলেন খাঁটি স্মাররিয়ালিস্ট। কেমন করে যেন তাঁর ধারণা হয়েছিল, স্বপ্নরাজ্যই সত্য—দৃশ্য-জগৎ সম্পূর্ণ মিথ্যা। স্বপ্নরাজ্যবিহারী ব্লেকের পাঠাসক্তী ছিল শেক্সপীয়র, মিল্টন ও বাইবেল। ব্লেক তাঁর দর্শন ও কবি-দৃষ্টির সমন্বয়ে শেক্সপীয়রের অলৌকিক ও অবাস্তব জগৎকে চিত্রে রূপায়িত করার হুঁসাহসী পরিকল্পনা গ্রহণ করেছিলেন। শেক্সপীয়র যে-জগৎ শুধু চিন্তাশীল, কল্পনাগ্রবণ পাঠকদের জন্তে সৃষ্টি করেছিলেন, ব্লেক সেই জগতের ঘটনাকেই তাঁর স্মার-রিয়ালিস্ট ভাবনার আলোকে এমন সুন্দর রূপায়িত করেছেন, যার তুলনা শিল্পের ইতিহাসে বিরল। এ মিডসামার নাইটস ড্রিমের চন্দ্রালোকিত রাতের স্পন-র‍াজ্যই ব্লেকের ছবির বিষয়বস্তু। চতুর্থ অঙ্কের প্রথম দৃশ্যের ওবেরন, টিশানিয়া, পাক এবং পরীদের নৃত্য তাঁর চিত্রে রূপায়িত হয়েছে।

স্মার জোশেফ নোয়েল প্যাটনও এই একই দৃশ্য অবলম্বনে চিত্র রচনা করেছেন। তিনি ছবিখানির নাম রেখেছিলেন—দি রেকনসিলিয়েশান অফ ওবেরন এণ্ড টিশানিয়া। প্যাটনকে বলা হয়—মেণ্ডেলঝন অফ পেইনটিং'। তাঁর ছবিখানি থেকে যেন এক অশ্রুতপূর্ব সুর ঝরে পড়ছে। টিশানিয়া যে-সংগীতকে আহ্বান জানিয়েছিলেন—‘মিউজিক, হো! মিউজিক সাচ এজ চার্মেথ স্লিপ,’ সেই সংগীতেরই রেশ যেন ছবিটির অঙ্গ ঘিরে বিরাজ করছে। তাঁর এই গীতিময় রোমাটিকতার সঙ্গে একমাত্র মেণ্ডেলঝনের সংগীতেরই তুলনা চলে।

গোধূলির স্নান আলোর ম্যাকবেথ ও ব্যাঙ্কো পাশাপাশি ঘোড়ায় চেপে

আসছেন—বিরিট উন্মুক্ত প্রান্তরে নেমে আসছে রহস্যময় অন্ধকার। হঠাৎ ব্যাঙ্কো চমকে উঠলেন—‘হোয়াট আর দিজ সো উইদারড্, এণ্ড সো ওয়াইন্ড ইন দেয়ার এটায়ার’, ঝোপ ও আগাছার জঙ্গল থেকে উঠে আসছে তিন বীভৎস মূর্তি। ম্যাকবেথ বলেন, ‘স্পিক, ইফ ইউ ক্যান, হোয়াট ইউ আর ? তখন সেই মূর্তির একজন স্বাগত জানাল—‘অল হেল ম্যাকবেথ। হেল টু দি, থেন অফ গ্রেমিস।’ ঊনবিংশ শতাব্দীর শক্তিশালী ফরাসী শিল্পী জঁ বাপতিস্ত কেমিলে কোরভের চিত্রের বিষয়বস্তু ম্যাকবেথ নাটকের এই রহস্যঘন-মূর্ত্তি। ওয়ালেণ কালেকশানে রক্ষিত তাঁর ‘ম্যাকবেথ এণ্ড দি উইচেস’ চিত্রকল্পনার এক অসাধারণ নিদর্শন। কোবত ছিলেন প্রকৃতির শিল্পী। মধ্যদিনের চড়া আলো তিনি পছন্দ করতেন না। সকাল ও সন্ধ্যায় পৃথিবীর বুক জুড়ে যখন আলো-ছায়ার রহস্য নামত—‘হোয়েন অল নেচার সিন্স ইন টিউন’, সেই মুহূর্তে তিনি রঙ ও তুলি নিয়ে বসতেন। প্রকৃতির এই আবছা, তন্দ্রাচ্ছন্ন, নিঝুম ভাবটি তাঁর চিত্রে যত সার্থকভাবে রূপায়িত হতে দেখা যায়, অল্প কোন শিল্পীর চিত্রে তা অল্পপস্থিত। ভেরমিয়রের অন্ধন-নীতি ও নিজস্ব প্রতিভার সংমিশ্রণে তিনি শেক্সপীয়রের কল্পনাকে যথার্থ রূপায়িত করেছেন। ওয়াল্টার প্যাটার এই ছবিখানি সম্বন্ধে মন্তব্য করেছিলেন : দি ফর্ম এণ্ড ম্যাটার প্রেজেন্ট ওয়ান সিংগল এফেক্ট টু দি ইমাজিনেটিভ রিজন।

জর্জ ক্যাটারমোল ম্যাকবেথ নাটকের বিভিন্ন দৃশ্য অবলম্বনে ছবি এঁকে-ছিলেন। তৃতীয় অঙ্কের প্রথম দৃশ্য অবলম্বনে রচিত—‘ম্যাকবেথ ইনস্ট্রাক্টিং দি মাডারার্স’ এক অনবদ্য সৃষ্টি। চিত্রে প্রতিটি চরিত্রের মনস্তত্ত্ব যথাযথ ফুটে উঠেছে।

ঊনবিংশ শতাব্দীর শেষ পাদের অন্ততম প্রখ্যাত আমেরিকান শিল্পী জন সিন্কার সার্জেণ্ট, লেডি ম্যাকবেথের ষে-ছবি এঁকেছিলেন, শিল্পের ইতিহাসে তা নব্বকালের শ্রেষ্ঠ রচনা হিসাবে স্বীকৃত। সার্জেণ্টকে বলা হয়—‘হাস্টলার’ ইন পেণ্ট। জীবন্ত প্রতিকৃতি অঙ্কনে তাঁর তুল্য শিল্পী ইতিহাসে বিরল। তিনি যেন তাঁর অঙ্কিত চরিত্রগুলির মনের ভাব টেনে বের করে আনতেন। মিঃ ডুলি সার্জেণ্ট সম্বন্ধে এক চমৎকার উক্তি করেছেন : স্ট্যাণ্ড দেয়ার’ হি সেজ ‘হোয়াইল আই টিয়ার দি আগলি ব্লাক হার্ট আউট এভ। ইংলণ্ডের রাজমঞ্চে সেই সময় লেডি ম্যাকবেথরূপী হুসারী অভিনেত্রী মিস এলেন টেরী রাতের পর রাত অমর নাট্যকারের এই অসাধারণ চরিত্রটি জীবন্ত করে তুলছিলেন। সার্জেণ্ট জানতেন—মেহপট সনে নট সকলি হারায়। গতিশীল

তুলির টানে এলেন টেরীর লেডি ম্যাকবেথকে তিনি কালের দরবারে অমর করে রেখে গেলেন। মনস্তাত্ত্বিক শিল্পী লেডি ম্যাকবেথের অন্তলোকের লালসা, স্বন্দরভাবে ফুটিয়ে তুলেছেন। লেডি ম্যাকবেথ হুহাতে মাথার উপর মুকুটটি তুলে ধরে বলেছেন :

আনসেক্স মি হিয়ার, এণ্ড ফিল মি

ফ্রম দি ক্রাউন টু দি টো

টপ ফুল অফ ডায়ারেস্ট ক্রুয়েলটি

ছবিটির অপরিণীম সৌন্দর্য ও ব্যক্তিত্ব তুলনাহীন।

বিতর্কমূলক নাটক হ্যামলেট বহু প্রতিভাবান শিল্পীকে প্রভাবিত করেছিল। ড্যানিয়েল ম্যাকলিস, হ্যামলেটের ‘প্রে সিন’ অবলম্বনে একটি স্বন্দর ছবি এঁকেছিলেন। শেক্সপীয়রের বিষয়বস্তু অবলম্বনে অঙ্কিত ছবিগুলির মধ্যে এটি অত্যন্ত জনপ্রিয় হয়েছিল। দৃশ্যসজ্জায় ম্যাকলিস ছিলেন অপ্রতিদ্বন্দ্বী শিল্পী। সাহিত্যধর্মী চিত্রাঙ্কনের যুগে ছবিটি একটি মহৎ সৃষ্টি হিসাবে প্রশংসা অর্জন করেছিল। এই ছবির জন্মেই ম্যাকলিস ইতিহাসে অমর হয়ে থাকলেন।

উনবিংশ শতাব্দীর ইংলণ্ডের চিত্রজগতে এক পরিবর্তনের ঢেউ এসেছিল। গতানুগতিকতা থেকে মুক্ত হয়ে শিল্প সৃষ্টিতে নতুন ধারায় প্রবর্তনার জন্মে একদল বিদ্রোহী শিল্পী ক্লাসিকাল পদ্ধতি ছেড়ে রোমান্টিকতার আশ্রয় নিয়েছিলেন। তাঁদের কাছে দাস্তে, শেক্সপীয়র গেটে, বায়রণ স্কটের সাহিত্য এক নতুন আবেদন নিয়ে ধরা দিয়েছিল। তাঁদের একমাত্র কথাই ছিল : ‘হু উইল ডেলিভার আস ফ্রম দি গ্রীকস এণ্ড রোমানস?’

ইউজিন দেলাক্রুয় ছিলেন এই নতুন ভাবধারার শিল্পী। তাঁর চিত্রের কাব্যিক গুণ ও অলংকরণের ঐশ্বর্য সর্বকালের শিল্পীর দ্বিধার বস্তু। তিনি ছিলেন রঙের শিল্পী। তাঁর বর্ণবিভ্রাস ছিল অসাধারণ, অতুলনীয় ও অর্থপূর্ণ। এই নিঃসঙ্গ মানুষটির জীবন ছিল বিচিত্র। সারাদিন দাস্তে, শেক্সপীয়র ও বায়রণের সাহিত্যে মগ্ন থাকতেন। হ্যামলেট, ফস্ট ও রোমিও ছিলেন তাঁর প্রিয় চরিত্র। তাঁর বিবাদক্লিষ্ট চরিত্রের সঙ্গে কোথায় যেন হ্যামলেটের চরিত্রের মিল ছিল। ১৮২১ সালের এক স্বকৃত প্রতিকৃতিতে তিনি নিজেকে প্রিন্স হ্যামলেটের কালো পোশাকে উপস্থিত করেছেন। তিনি তাঁর ডায়েরিতে লিখেছিলেন : ‘এজ ইট ইজ মাই ইমাজিনেশান স্কাট পিপলস্ মাই লিচিউড, আই চুজ মাই কম্পোনি’। হ্যামলেটই ছিলেন তাঁর সঙ্গী। হ্যামলেটের বহু

দৃশ্য তিনি এঁকেছিলেন। সবকখানি চিত্রেই তিনি অন্তর্দৃষ্টি ও তন্ময়তার সারচর রেখেছেন।

দেলাক্রয় যখন পারিতে তাঁর নিঃসঙ্গ স্টুডিওর অন্তরালে বসে শেক্সপীয়র, দান্তে ও বায়রণ থেকে একের পর এক ছবি এঁকে চলেছেন সেই সময় ফোর্ড ম্যাডক্স ব্রাউন সেখানে ছিলেন। দেলাক্রয়ের জীবন ও শিল্প তাঁকে প্রভাবিত করেছিল। ব্রাউন নিজে ছিলেন বিদ্রোহী শিল্পী। তাঁকে ঘিরে রসেটি হান্ট, মিলে প্রমুখ প্রি-রাফাইলাইট ভ্রাতৃ সংঘের বিদ্রোহী শিল্পীগোষ্ঠী চিত্রকলায় আমূল পরিবর্তন আনার চেষ্টা করেছিলেন! রসেটি ছিলেন এই প্রাণ-গন্ধার ভাগীরথ। ব্রাউন, কিং লিয়ারের বিষয়বস্তু অবলম্বনে প্রি-রাফাইলাইটদের মূখপত্র জার্মের জন্তে ষোলটি রেখাচিত্র এঁকেছিলেন। এই ছবিগুলির সৌন্দর্যে আকৃষ্ট হয়ে হেনরি অভিং সমস্ত ছবিগুলিই কিনে নিয়েছিলেন। এই রেখা-চিত্রগুলির কয়েকটি পরবর্তীকালে ব্রাউন চিত্রায়িত করেছিলেন। ১৮৪৮-৪৯ সালে অঙ্কিত লিয়ার এণ্ড কর্ডেলিয়া চিত্রটিকে তিনি বিশিষ্ট স্থিতি বলে মনে করতেন। কিং লিয়ার যে মুহূর্তে কর্ডেলিয়াকে পরিত্যাগ করছেন এবং ফ্রান্স কর্ডেলিয়াকে বলছেন—

“ফেরারেস্ট কর্ডেলিয়া দাউ আর্ট

মোস্ট রিচ বিয়িং পুওর

মোস্ট চয়েস, ফোরসেকেন, এণ্ড

মোস্ট লাভড্ ডেসপাইসড।”

—ব্রাউন তাঁর এক অনবদ্য চিত্রে সেই মুহূর্তটিকে রূপায়িত করেছেন।

ব্রাউন কিছুকাল রসেটির গুরু ছিলেন। ব্রাউনের কিংলিয়ার পর্যায়ে ছবিগুলি রসেটিকে আকৃষ্ট করেছিল। রসেটির কাব্যিক সত্য রাফাইলের পূর্ববর্তী শিল্পীদের শুদ্ধসত্ত্ব, ঐচ্ছিক ভাবের অম্লগামী ছিল। কিটসের প্রকৃতিপ্রেম, দান্তের রূপদী মেজাজ ও শেক্সপীয়রীয় সাহিত্যের উজ্জল পরিসরে তাঁর শিল্পীমন সজীবিত ও বিধৃত হয়েছিল। রসেটি ছিলেন প্রি-রাফাইলাইট আন্দোলনের নেতা। প্রি-রাফাইলাইটদের মানসলোকের উপর নাট্য-সম্রাট শেক্সপীয়র প্রচণ্ড প্রভাব বিস্তার করেছিলেন। বিশেষত হ্যামলেট নাটকখানির বিতর্কমূলক ও বিগূঢ় দার্শনিকতার আবেদনই ছিল সর্বাপেক্ষা অধিক।

রসেটি হ্যামলেট নাটকের তৃতীয় অঙ্কের প্রথম দৃশ্য অবলম্বনে একখানি ছবি এঁকেছিলেন—‘হ্যামলেট এণ্ড ওকেলিয়া’। হ্যামলেটের মনের অন্তর্দ্বন্দ্ব এই ছবিটিতে এত সার্থকভাবে ফুটেছে যার ভুলনা হয় না। হ্যামলেটের মত

চরিত্রকে চিত্রে ফুটিয়ে তোলা যে কত শক্ত, তা উল্লেখের প্রয়োজন রাখে না। রসেটির এই ছবিখানি এক অনবদ্য সৃষ্টি।

প্রি-রাফাইলাইট শিল্পী-গোষ্ঠীর অগ্রতম শক্তিশালী ও তরুণ শিল্পী জন এভারেট মিলে ওফেলিয়ার মৃত্যু-দৃশ্যটিকে চিত্রে রূপায়িত করেছিলেন। স্বচ্ছ, টলটলে জলে ওফেলিয়ার স্নানর দেহটি আকর্ষণীয় নিমজ্জিত, মুখখানি জেগে আছে উদ্ভূত। গলায় ছলছে ফুলের মাল', অভিসারিকার সাজে সেজে ওফেলিয়া চলে গেছে তার অনন্ত অভিসারে। ফুলে ঢাকা তার দেহ। চারিদিকের কুঞ্জবীথি ফুলে ফলে ছেয়ে গেছে। একটি উইলো'র ডাল অবনত হয়ে ওফেলিয়ার মাথা স্পর্শ করেছে। শেক্সপীয়রের অমর কবি-কল্পনার সার্থক কাব্যিক রূপায়ণ :

There is a willow grows aslant a brook
That shows his hoar leaves in the glassy stream
Their with fantastic gatlands did she come
Of crow flowers, nettles daisies and longpurples

... ..

Her clothes spread wide
And mermaid like, awhile they bore with her up

... ..

Till that her garments, heavy their drinks

Pulled the poor wretch from her melodies lay to muddy death,

ছবিখানির উপযুক্ত বহির্দৃশ্য সংগৃহীত হয়েছিল সারবিটানের কাছে টেমস নদীর বন্ধ জলা অংশ থেকে। সিলে ও হাণ্ডি খুঁজে বের করেছিলেন জায়গাটি। স্থানটির প্রাকৃতিক সৌন্দর্য শেক্সপীয়রের বর্ণনার সঙ্গে সম্পূর্ণ মিলে গিয়েছিল। ওফেলিয়ার মডেল হয়েছিলেন মিস এলিনর সিডাল—যিনি পরে রসেটির স্ত্রী হবার সৌভাগ্য অর্জন করেছিলেন। সিডাল ঘণ্টার পর ঘণ্টা মিলের স্টুডিওতে বাথটাবে আকর্ষণীয় জলের তলায় শুয়ে থাকতেন। শিল্পী একদিন জল গরম করে রাখতে ভুলে গিয়েছিলেন। সিডাল সেদিন ঠাণ্ডা জলেই ঘণ্টার পর ঘণ্টা অবগাহন করে রইলেন। সেদিনের সেই অত্যাচারের ফলে তাঁর স্বাস্থ্য ভেঙ্গে পড়েছিল এবং তিনি অকালে মৃত্যুবরণ করেছিলেন। সিডালের মৃত্যু রসেটির জীবনে দারুণ আঘাত এনেছিল। তাঁর মাদকব্যব

সেবন ও নানাবিধ অভ্যাচারের শোকসন্তপ্ত রসেটিও অকালে ঝরে গিয়েছিলেন। মিলের এই ছবিখানির সঙ্গে ইতিহাসের এক চরম ট্রাজেডির স্মৃতি জড়িত হয়ে আছে। শেক্সপীয়র ওফেলিয়ার ছবির মাধ্যমে ঊনবিংশ শতাব্দীর বিদ্রোহী শিল্পীগোষ্ঠীর কাছ থেকে শেক্সপীয়র প্রীতির চরম মূল্য আদায় করে নিয়েছিলেন।

প্রি-রাফাইলাইট গোষ্ঠীর অন্যতম নিষ্ঠাবান, ব্যয়োজ্যেষ্ঠ শিল্পী হোলম্যান হাণ্ট শেক্সপীয়রের দ্বারা প্রভাবিত হয়ে কয়েকখানি ছবি এঁকেছিলেন। মেজার ফর মেজারের তৃতীয় অঙ্কের প্রথম দৃশ্যে ইসাবেলা ক্লাডিয়ামকে বলেছেন :—

“ও, ওয়ার ইট বাট মাই লাইফ

আই উড থে। ইট ডাউন—

ফর ইওর ডেলিভারেন্স

এজ ফ্রাঙ্কলি এজ এ পিন।”

হাণ্ট, ইসাবেলা ও ক্লাডিয়ামকে এই বিশেষ মুহূর্তে তাঁর চিত্রে ধরে রেখেছেন। ‘টু জেন্টলমেন অব ভেরোনাস’র শেষ দৃশ্যে ভ্যালেন্টিন যেখানে বলছেন : কাম, কাম, এ হ্যাণ্ড ফ্রট আইদার, সেই দৃশ্যটিকে সম্পূর্ণ প্রি-রাফাইলাইট আদর্শে হাণ্ট রূপায়িত করেছেন। সিলভিয়ার মডেল হিসাবে তিনি সিডালকে ব্যবহার করেছিলেন। বহির্দৃশ্য এঁকেছিলেন কেণ্টের নোয়েল নামক স্থানে অবস্থিত লর্ড এমহাস্টের স্মরণ্য উত্থানে।

দীর্ঘ দুই শতাব্দী ধরে বহু খ্যাতিমান শিল্পী শেক্সপীয়র থেকে তাঁদের চিত্রের বিষয়বস্তু ও অঙ্গপ্রেরণা সংগ্রহ করেছেন। এঁরা সকলেই হয়ত লক্ষ্যভেদ করেছিলেন, কিন্তু ‘ব্লস আই’ খুব কম শিল্পীরই সৌভাগ্যে ঘটেছে। বিংশ শতাব্দীর প্রথম পাদে বিশ্বযুদ্ধ পৃথিবীর বৃকে ধ্বংসের তাণ্ডবস্বাক্ষর রেখে চলে যাবার পর, সাহিত্য ও চিত্রকলায় নতুন চিন্তা ও নতুন আঙ্গিকের পদধ্বনি শোনা গেছে। শিল্পে কিউবিজম, ইম্প্রেসানিজম, ফিউচারিজম, ভাউটিজম, পোস্ট-ইম্প্রেসানিজম, মর্ডানিজম, প্রমুখ বিভিন্ন ইজম-এর সংমিশ্রণ ঘটেছে। কিন্তু শেক্সপীয়রের সৃষ্টির পরিধি এত বিশাল ঐশ্বর্য এতই বিপুল যে যুগ যুগ ধরে তিনি সকল মতবাদের শিল্পীরই চাহিদা মেটাতে পারবেন। তাঁর সৃষ্টি-গন্ধার সব ঘাট থেকেই ঘট ভরে নিতে বাধা নেই। একই দৃশ্যকে তাঁরা বিভিন্ন দৃষ্টিকোণ থেকে, বিভিন্ন আঙ্গিকের মাধ্যমে যুগের দরবারে উপস্থাপিত করে নিজেদের ধন্য মানবেন! তবে সেই ১৭৮৯ সালের এক সন্ধ্যার পলমনে, বয়ডেল শেক্সপীয়র

গেলারির উদ্বোধন অনুষ্ঠানে অন্ডারম্যান জন বয়ডেল যে-কথা বলেছিলেন, তা
সর্বকালের প্রণয়নযোগ্য :

“that it should always be remembered that our great dramatic Bard possessed powers which no pencil can reach : for such was the force of his creative imagination that though he frequently goes beyond Nature, he still continues to be natural ; and seems only to do that which Nature would have done had she overstepped her usual limits. It must not then be expected that art of the painter can ever equal the sublimity of our poet. The strength of Michael Angello united to the grace of Raphael would have laboured in vain—for what pencil can give to his airy beings a local habitation and a name ?”



নগেন ভেবেছিল একটু তাড়াতাড়ি অফিস থেকে বেরিয়ে ভিড় ভাঙার আগেই বাস, ট্রাম, ট্যাক্সি, মিনি, হাতের কাছে যা পায় তাইতেই চেপে বসবে। কিছু কেনাকাটাও ছিল। এক প্যাকেট ভাল বিস্কুট, মিষ্টি আপেল, লেবু, বেদানা ইত্যাদি। আজকাল অফিসপাড়াতেও ফলপাকড় ভালই পাওয়া যায়। অফিসের প্রায় দোরগোড়াতেই ফলের বাজার। স্বতরাং চিন্তার কিছু নেই। কিন্তু শেষ মুহূর্তে একটা বিল এসে পড়ায় সমস্ত হিসেব গুণগোল হয়ে গেল। বিলটা করে দিয়ে না গেলে কাল আবার ক্লিয়ারেন্সে দেরি হয়ে যাবে।

বেয়ারা চা দিয়ে গিয়েছিল। চায়ের কাপে চুমুক দিতে দিতেই নগেন এত কাজ করছিল। চারটে প্রায় বাজতে চলেছে। আধ ঘণ্টার মধ্যে বেরোতে না পারলে অফিসপাড়া ছেড়ে বেরোতে ঘণ্টা দুয়েক লেগে যাবে।

সেই সাড়ে চারটেই বেজে গেল। নগেন যখন বাইরের রাস্তায় পা রাখল তখনই বাসে ট্রামে ভিড় শুরু হয়ে গেছে। তার খেয়াল ছিল না, ময়দানে আজ আবার কিসের একটা সভা আছে। এতক্ষণে হয়তো দিকবিদিক থেকে মিছিল আসতে শুরু করেছে। মিছিল মানেই জ্যাম। একবার জ্যামে পড়ে গেলে হাঁটা ছাড়া আর কোনো উপায় থাকবে না।

নগেন দ্রুত ফলবাজারের দিকে এগিয়ে গেল। এখন বাছবিচারের আর বেশি সময় নেই। আপেল কেনা সহজ কাজ নয়। কোন আপেল যে টক হবে, কোন আপেল মিষ্টি, ওপর দেখে বলা শক্ত। জীবনে দরদস্তুর করে কিছু কেনা নগেনের কৌশলে লেখেনি। যা দাম বললে তাই। কোন্ড স্টোরজের লেবু, দেখলেই বোঝা যায়। কেমন একটা ফ্যাকাসে, ফোলা ফোলা, অ্যানিমিক রোগীর মতো চেহারা। গায়ে বিন্দু বিন্দু শিশিরের ফোটা। বেদানার দেখা পাওয়া গেল না। সময় কম, কোথায় খুঁজবে! টাকা দিয়েছিল নগেন, ফেরতপয়সা না গুনেই পকেটে ফেলে দিল। অত হিসেব-নিকেশ তার পোষায় না। মাঝে মাঝে মনে হয়, তার মনের আসনে এক সম্রাট বসে আছে, ছোটখাটো ব্যাপারে যার কোনো নজর নেই। এইভাবেই নগেনের জীবন চলে আসছে।

বুকে ফলের ঠোঙা চেপে ধরে নগেন নেতাজী স্মৃতি রোড ধরে বি. বা. দি. বাগের ট্রাম টার্মিনাসের দিকে এগোলো। ট্রাম পেয়ে গেলে মন্দ হয় না। তবু একটু পরিচ্ছন্নভাবে যাওয়া যায়। টার্মিনাসে এসে নগেন তার ভুল বুঝল। ট্রামের বোধহয় অনেককণ দেখা নেই, ভিড় দেখেই বোঝা যায়। নগেন ট্রামের আশা ছেড়ে শাটল ট্যাক্সির সন্ধানে দৌড়ল। বেঙ্গল চেষ্টারের কাছে ট্যাক্সি পাওয়া যায়। দূর থেকে নগেন দেখল একটা ট্যাক্সি বেরিয়ে যাচ্ছে। আফশোস হল। একটু আগে চেষ্টা করলে এইটাতাই হয়তো জায়গা পেয়ে যেত।

মোড়ের কাছে দাঁড়াতে না দাঁড়াতেই ব্র্যাবোর্ণ রোডের দিক থেকে আর একটা ট্যাক্সি বাক নিল। নিলে কি হবে কিছু লোক যেন সব সময় মুখিয়ে থাকে। পাঁচ-ছজন উর্ধ্বশ্বাসে গাড়িটার দিকে দৌড়ল। অল্প সময় হলে নগেন ওই লাঠালাঠির মধ্যে যেত না। কিন্তু তার উপায় ছিল না। স্বভাব-বিরুদ্ধ কাজই তাকে করতে হল।

ট্যাক্সিটার দিকে নগেন মরিয়া হয়ে এগিয়ে গেল। জীবনে যা কখনো করেনি তাই আজ করল। একজন বৃদ্ধ ভদ্রলোককে প্রায় ধাক্কা মেরে ফেলে দিয়ে সামনের সিটে বসে পড়ল। নিজেকে তার ভীষণ অপরাধী মনে হল। বুদ্ধের মুখের দিকে তাকাবার সাহস হল না। মুখ নিচু করে আপেলের ঠোঙার গায়ে কি একটা লেখা রয়েছে সেই দিকে চেয়ে রইল। কোনো শিশুর হাতের আঁকা ছবি। কি যে আঁকতে চেয়েছিল, গাছ কিংবা নদী অথবা কোনো রাজপথ। নগেনের পাশে যে ভদ্রলোক বসেছেন, দ্বিগুণ চেহারা। ভদ্রলোক ভাত্রের গরমে প্রচুর ঘেমেছেন। কি একটা সেন্ট মেথেছেন, ঘামের গন্ধের সঙ্গে মিশে নগেনের নাকে লাগছে। ভদ্রলোকের কোলে রাখা ব্রিফকেস নগেনের হাঁটুতে চেপে আছে। আর একদিকে পাঞ্চাবী ড্রাইভারের কাঁধের সঙ্গে তার কাঁধ সঁটে গেছে। ডান উরুতে গিয়ারের গোল মাথাটা লাগছে। নগেন প্রায় স্যাণ্ডউইচ হয়ে গেছে। অল্প সময় হলে সে এই অস্বস্তিকর পরিবেশ থেকে নেমে যেত। আগে কত দিন এমন ঘটনা ঘটেছে, বাসে বা ট্রামে টিকিট কেটে কিছুদূর গিয়ে সে জায়গা ছেড়ে নেমে গেছে। জীবনের কোনো পরিস্থিতিতেই সে অস্বস্তি বরদাস্ত করতে পারেনি। অশান্তিও সে চায় না। দু-দশ মিনিটের যাত্রাপথে সহযাত্রীর সঙ্গে বসা বা দাঁড়ানো নিয়ে হৈ হৈ করার চেয়ে নিজেকে মুক্ত করে নেওয়াই ভাল। এইভাবে সরতে সরতে সে হয়ত-জীবন থেকেই সরে গেছে। গোলাপেরও যে কাঁটা থাকে এই সত্যকে

অস্বীকার করে বসে আছে। নগেনের হঠাৎ খেয়াল হল যে বুদ্ধ ভদ্রলোককে সে যত্ন ধাক্কা মেরেছিল, তার পাশে বসে থাক। মোটা ভদ্রলোকও নিশ্চয়ই তাঁকে প্রচণ্ড ধাক্কা মেরে এই আসন সংগ্রহ করেছেন। ভদ্রলোকের জ্ঞান তার করুণা হল, সেই সঙ্গে তার নিজের অপরাধবোধটাও যেন খানিক হালকা হয়ে গেল। পৃথিবী জুড়ে ধাক্কা খাবার লোকের যেমন অভাব নেই, ধাক্কা মারার লোকেরও অভাব নেই। ধাক্কা যে থাকে সে নগেনের হাতে না খেলেও অন্য কারুর হাতে থাকে।

নগেনের মনে হল এখন সে একটা সিগারেট খেতে পারে; কিন্তু সিগারেট সে ধরাল না। এই রুদ্ধশ্বাস পরিবেশে একটা সিগারেট হয়ত তাকে তৃপ্তি দেবে কিন্তু ধোঁয়া আর ওড়া ছাই অগ্ন্যাগ্নি যাত্রীর অস্ববিধের কারণ হয়ে দাঁড়াবে। অগ্নের সম্পর্কে বেশি সচেতনতা নগেনের চরিত্রের একটা গুণ না দোষ সে ঠিক বুঝতে পারে না। তবে এটা সে বুঝেছে এর ফলে তার নিজের জীবনের বৃত্ত ক্রমশই ছোট হয়ে আসছে। পরিসর খুব সীমিত হয়ে পড়ছে। জীবনের হিসেব মেলাবার মতো বয়স এখনও তার হয়নি। এখনও তার সামনে অনেকটা পথ পড়ে আছে। অসহ্য গরমে আর চাপে ডান দিকের রগের কাছটায় ভার বোধ হচ্ছিল। সন্ধ্যার দিকে মাথাটা হয়ত ধরবে। মাথার চিন্তাটাও নগেন মন থেকে ঝেড়ে ফেলে দিল। যখন ধরবে তখন দেখা যাবে।

বাইরে তাকিয়ে দেখল গাড়ি তখন পার্ক স্ট্রীটের মুখে লাল আলোয় ঠেকে গেছে। আর কিছুক্ষণ পরেই সে নেয়ে পড়বে। বুকপকেটে হাত দিয়ে খুঁচরো টাকা আছে কিনা দেখে নিল। দশ টাকার নোট থাকলে আবার কিছুক্ষণ চেঁচা নিতে দেরি হয়ে যাবে। মনে পড়ল খুঁচরো টাকা আছে, আপেল কেনার সময় সে একটা দশ টাকার নোট ভাঙিয়েছিল। ফেরত টাকা আর খুঁচরো সব একসঙ্গে না গুণেই সে বুকপকেটে ফেলে রেখেছে। এই অভ্যাসটা তার আর গেল না। না গুনে পয়সা ফেরত নেওয়া। এই অভ্যাসের জন্তে সে কতবার মল্লিকার কাছে কথা শুনেছে। বছবার পয়সার গোলমাল হয়েছে। স্বভাবটা তার আর কিছুতেই শোধরাইল না। নিজে খুব একটা বড়লোক নয় কিন্তু জীবনের কতকগুলো ব্যাপারকে তার মিডল ক্লাস মেনটালিটি বলে মনে হয়। মাঝে মাঝে তার মনে হয়, মনের আসনে যেন কোনো সম্রাট বসে আছে। সেই সম্রাট হয়ত তার জীবনের সঙ্গে সঙ্গে এত দিনে বৃদ্ধ হয়ে পড়েছে কিন্তু তার প্রত্যাপ এতটুকু কমেনি।

শাকুলার বোডের মুখটায় নগেন ট্যান্সি থেকে নেমে পড়ল। নামবার

সময় কাপড়ের পায়ের দিকটা গাড়ির একটা কিছুতে লেগে একটু ছিঁড়ে গেল। তার বেশিরভাগ কাপড়ের পাড় আর পাঞ্জাবির পকেট এই ভাবেই ছিঁড়ে। তার মানে এই নয় যে সে অসতর্ক। বৎ ঠিক তার উল্টো, সব ব্যাপারেই সে একটু বেশি সতর্ক। আপেলের ঠোঁড়টা বৃকে চেপে ধরে এগোতে গিয়েই খেয়াল হল, সে একটা ভুল করেছে। এক প্যাকেট ভাল বিস্কুট কেনার কথা ছিল। চকোলেট কিনতে হবে না কারণ চকোলেট বা চোখা মিষ্টি জাতীয় কোনো কিছু খাওয়া বারণ হয়ে গেছে। একটু পিছিয়ে গেলেই বড় একটা দোকান রয়েছে কিন্তু দেরি হয়ে যাবে। নগেন এদিক-ওদিক তাকিয়ে রাস্তা পার হল।

পশ্চিমের আকাশে একখণ্ড শরতের মেঘ উঠেছে। পাড়ে সোনালী জ্বরির কাজ। সারাদিনের প্রচণ্ড ভ্যাপ্সা গরমের পর একটু ঠাণ্ডা বাতাস সবে বইতে শুরু করেছে। গাড়িতে ওই ইঞ্জিনের গরম আর ঠাসাঠাসি বসে থাকার পর বাতাসটা নগেনের বেশ ভালই লাগছিল। রগের যন্ত্রণাটাও যেন একটু কমল। পড়ন্ত বেলার রোদটা অবশ্য সমানে মুখে এসে পড়ছিল। তবে এদিকটায় গাছপালা বেশি বলে তেমন অসহ্য লাগছিল না। সিগারেট খাবার ইচ্ছেটা আবার প্রবল হল। নগেন কিন্তু সিগারেট খেল না। সময়ের সঙ্গে জীবনে সে এভাবে কখনো ছোটেনি। মনে আছে, সময়ে ট্রেন দ্বার ভয়ে সে কতবার বাইরে যাবার স্বপ্নে ছেড়ে দিয়েছে। অফিসে কখনো তার সময়ে খাওয়া হয়নি। এ নিয়ে প্রথম প্রথম কিছু গোলমাল হলেও পরে অফিস বুঝেছিল এই লোকটির আশার যেমন সময় নেই যাবারও তেমনই সময় নেই। কাজের ব্যাপারে ও একাই একশ। এমন লোককে সময়ের বাঁধনে বাঁধা চলে না। সময় বুঝি তাই এখন প্রতিশোধ নিচ্ছে। নগেন নিজের মনেই বলল, কিছু পাখি খাচায় বাঁধা পড়ে কিন্তু স্বপ্নে গেলেই কেটে বেরিয়ে যায়। দেখা যাক আমারও দিন আসবে।

পি. জি.-র সামনে পৌঁছে নগেন চট করে একবার ঘড়িটা দেখে নিল। আধ ঘণ্টার ওপর ভিজিটিং আওয়ার্স শুরু হয়ে গেছে। ঠিক ওঠার সময় অফিসে ওই বিল ঢুটে না এলে তার এই আধ ঘণ্টা সময় নষ্ট হত না। নগেন মনে মনে হিসেব করে দেখল এখনও প্রায় দশ বছর তাকে চাকরি করতে হবে। যত দাপটেই চাকরি করুক, যত স্বাধীনতাই থাক না কেন, চাকরি ছাড়া সে অন্য কিছু করতে পারত। স্বাধীন কিছু। বাবসা-ট্যাবসা কিংবা শিল্প। অনায়াস জীবনের লোভেই সে চাকরি নিয়েছিল। টাকা-পয়সার ব্যাপারটা চিরকালই সে কম বোঝে। কোনোমতে দিন চলে গেলেই

সম্ভট। অ্যামবিশানটা তার বরাবরই একটু কম। চাকরি-জীবনেও যে পথে চললে মানুষ উন্নতির শেষ সীমা ছুঁতে পারে, সে রাস্তায় নগেন রেসের ঘোড়ায় মতো দৌড়তে চায়নি। জীবনসংগ্রাম কথাটা সে সব সময়েই খুব আলতোভাবে উচ্চারণ করেছে, জীবন নিয়ে রসিকতা করেছে, ঠাট্টা করেছে কিন্তু সিরিয়াস হতে পারেনি। এই ব্যাপারে বাবার চরিত্রের সঙ্গে তার মিল আছে।

পি. জি.-তে ঢোকান মুখে এখন আর তেমন দর্শনার্থীর ভিড় নেই। সকলেই ঢুকে পড়েছেন। সকলেই এখন রোগীদের বিছানার পাশে গিয়ে বসে পড়েছেন। লম্বা সিঁড়ির ধাপে ধাপে কয়েকজন হাসপাতাল কর্মী অলসভাবে বসে আছেন। একজন সিস্টার শাড়ির সামনের দিকটা অল্প একটু তুলে সাবধানে নেমে আসছেন। মুখে একটা বিষন্ন ক্লাস্তির ছাপ। ডিউটি বোধহয় শেষ, স্টাফ কোয়ার্টারের দিকে হেঁটে চলেছেন। ভদ্রমহিলার অলস হাঁটার ভঙ্গির দিকে নগেন এক মুহূর্ত চেয়ে থেকেই দ্রুত সিঁড়ি ভেঙে ওপরে উঠে গেল। বেশ বুঝতে পারে, যে কোনো মধ্যবয়সী মহিলার মধ্যে সে এখন মল্লিকাকে খোঁজে। কেন জানে না, তার ধারণা হয়েছে, পৃথিবীর কোথাও আর একটা মল্লিকা থাকা অসম্ভব নয়। মল্লিকাব চেহারা যেন ক্রমশই সে ভুলে আসছে, অস্পষ্ট হয়ে আসছে। কোনো তরুণীকে দেখলেই সে আজকাল মাঝে মাঝে তাকায়, মল্লিকার সেই অল্প বয়সের চেহারাটা যদি হঠাৎ খুঁজে পায়—প্রথম যেদিন মল্লিকা এসেছিল তার ঘর করতে। তারপরই হঠাৎ তার খেয়াল হয় কোনো মহিলার দিকে এইভাবে তাকিয়ে থাকা খুবই অশোভন। নগেন চোখ ফিরিয়ে নেয়। এমন যদি হত, জীবনের স্বস্থর মুহূর্তদের ইচ্ছেমত আবার ফিরিয়ে আনা যেত! একই জীবনে একাধিকবার প্রবেশ করা সম্ভব হত!

নগেন বোধহয় একটু অসুস্থমনস্কই হয়ে পড়েছিল। তা না হলে এতটা চমকে ওঠার কোনো কারণ ছিল না। হাসপাতালের পরিবেশের সঙ্গে সে ইতিমধ্যেই পরিচিত হয়ে পড়েছে। কত ধরনের অসুখ থাকতে পারে, কত ধরনের মৃত্যু, হাসপাতালে না এলে তার জানা হত না। ওয়ার্ডে ঢোকান মুখেই প্রশস্ত লবিতে ঘটনাটা ঘটল। আর একটু হলে ট্রলিটার সঙ্গে তার ধাক্কাই লেগে যেত। জমাদাররা ওয়ার্ড থেকে আপাদমস্তক সাদা চাদর ঢাকা একটা মৃতদেহ মর্গের দিকে নিয়ে চলেছে। মৃত্যুকে এত অনায়াসে বহন করা একমাত্র হাসপাতালেই সম্ভব। এখানে মরতে মরতে মানুষ মরণটাকে একদম শেষ করে দিয়েছে। নগেন ঘাড় ঘুরিয়ে দেখল, সাদা চাদর ঢাকা ট্রলিটা তখন অনেক দূরে পথের বাকি এগিয়ে গেছে। নগেনের সামনের

দিকটা পশ্চিম, সেই পশ্চিমের কোনো একটা স্বাইলাইট বেয়ে পড়ন্ত বেলার রোদ গুটিগুটি নেমে এসে মেঝের উপর হামাগুড়ি দিয়ে সেই মৃত্যুর পেছনে পেছনে এগিয়ে গেছে। সোনালী পথে মৃত্যু এমনভাবে গড়িয়ে গেল, নগেনের মনে হল, মৃত্যু যেন সোনালী আঙনের আঁচল উড়িয়ে চলে গেল। জীবনে মৃত্যুকে সে খুব কাছ থেকে দেখেনি যেমন দেখছে এই কয়েক বছর। যখন মা মারা গিয়েছিলেন তখন সে খুব ছোট, বোধহয় তখন তার বয়স বছর তিনেক। বাবা এখনো জীবিত। কানীয়াসী। প্রথম মৃত্যু যা সে খুব কাছ থেকে দেখল তা হল মল্লিকা। মল্লিকা যখন মারা গেল তার মাথাটা ছিল নগেনের কোলে। মল্লিকা এমন সহজে হাসতে হাসতে চলে গেল—অনেকটা কপূরের মতো। নগেনের হাতেই ছিল, হঠাৎ দেখল নেই। নগেন তখনও কথা বলছিল, মল্লিকা কিন্তু ছিল না। কত কথাই যে বলছিল সেদিন নগেন! একটানা সাতদিন বৃষ্টির পর সেদিনই একটু রোদ উঠেছিল।

নগেন আর মল্লিকা যে ঘরে থাকত, সেটা একতলায়। ঘরের পশ্চিমে একটা ছোট বাগান ছিল। রোদ আসার জন্তে ঘরের সমস্ত জানালা সেদিন খুলে দিয়েছিল নগেন। ঘরটা পূর্ব পশ্চিমে লম্বা ছিল, উত্তর দক্ষিণে কিছুটা ছোট। নগেন খাটটাকে রেখেছিল পশ্চিম ঘেঁষে উত্তর দক্ষিণে লম্বা করে। দক্ষিণে মাথার দিকে একটা বড় জানালা ছিল, উত্তরে পায়ের দিকেও একটা ছোট জানালা ছিল। পশ্চিমের জানালাটা দক্ষিণের মতোই বড়। পশ্চিমের জানালাটা সব সময় খোলার প্রয়োজন হত না কারণ দক্ষিণ থেকে প্রচুর বাতাস এসে উত্তরের জানালা দিয়ে বেরিয়ে যাবার পথ করে নিত। পূর্বেও একটা একপেশে জানালা ছিল। নগেনের নির্দেশ ছিল শোবার ঘরে যেন অজস্র ফার্নিচার না থাকে। শোবার ঘর হবে ছিমছাম, পরিষ্কার-পরিচ্ছন্ন। একটা ড্রেসিং-টেবিল একপাশে থাকে থাক। একটা ছোট ওয়ার্ডরোব। গোটা কতক ভাল ছবি দেয়ালে, একটা ক্রচিসম্পন্ন ক্যালেন্ডার। পায়ের তলায় ঘরের খোলা অংশে একটা ছোট কার্পেট পাতা যেতে পারে।

ঘরটা নগেন যেমন চায় সেই ভাবেই সাজানো ছিল। মাথার দিকের দেয়ালে ছিল মার ছবি, তার ঠিক তলায় ছিল তাদের একমাত্র মেয়ে উষার একটা ছবি। ছবিতে উষা বসে ছিল। পায়ের দিকের দেয়ালে ছিল তাদের বিয়ের পর তোলা স্বামী-স্ত্রীর ছবি। এই ছবিটা নিয়ে মল্লিকার সঙ্গে তার মাঝে মাঝে ঝগড়া হত। নগেন বলত, 'স্বামী-স্ত্রীর নেকা নেকা ছবি ঝুলিয়ে রাখাটা খুব ক্রচির পরিচয় দেয় না, ওটা খুলে রাখ।' মল্লিকা রেগে

যেত, 'তোমার সব কথা মানতে রাজী আছি এই কথাটা ছাড়া, যখন আমি থাকব না, দেখবে এই ছবিটার মূল্য তখন কত বেড়ে যাবে।' নগেন কোনো উত্তর দেয়নি, মনে মনে ভেবেছে মেয়েদের বিশ্বাসের কি জোর? মল্লিকা কি করে ভাবল যে, সে-ই আগে যাবে, আর নগেন মল্লিকার স্মৃতি নিয়ে বাকি জীবনটা বসে থাকবে! ভালবাসার এদিক-ওদিক হতে কতক্ষণ! মল্লিকা বেঁচে থাকতে থাকতেই নগেন তো অল্প কোনো প্রলোভনে জড়িয়ে যেতে পারে! পুরুষরা যে কোনো সময়েই এক নারীতে সন্তুষ্ট নয়, সে তথ্য কি মল্লিকার অজানা! নগেন সেদিন হেসেছিল, মেয়েরা সব সময়েই কেমন নিঃসঙ্গ। সহজেই কেমন ভেবে নিতে পারে আমৃত্যু সংসারে তার একারই আধিপত্য থাকবে, আর কেউ অংশীদার এসে জুটে যাবে না। নগেনের মনে আছে এই ছবিটা নিয়ে একবার কেলেঙ্কারির একসা হয়েছিল। কি একটা ব্যাপারে কথা কাটাকাটি হতে হতে দুজনেরই রাগ চরমে উঠেছিল। নগেনের মুখ কসকে বেরিয়ে গিয়েছিল, 'তোমার ওই মুখ আর আমি দেখতে চাই না।' 'বেশ, তাই হবে,' মল্লিকার চোখ দুটো তখন অভিমানে চিকচিকে হয়ে উঠেছে। মল্লিকা সেই দিনই বাপের বাড়ি চলে গিয়েছিল। নগেন বাধা দেয়নি। কেন সে খোশামোদ করবে? মেয়েছেলের অত বাড়ি ভাল নয়।

একদিন গেল, দু'দিন গেল মল্লিকার কোনো খবর নেই। নগেন দিনের বেলায় মল্লিকার অভাব তেমন বুঝতে পারত না, কাজে কাজে হৈ-হট্টগোলে কেটে যেত। সন্ধ্যার পর বাড়ি ফিরলেই নিজেকে ভীষণ নিঃসঙ্গ মনে হত। চা খেত, বসে বসে বই পড়ত। তারপর যত রাত বাড়ত মল্লিকার কথা মনে পড়ত—সে এখন কি করছে? হয়ত সিনেমায় গেছে কিংবা বোনেদের সঙ্গে হৈ হৈ করছে অথবা ওদের বাড়িতে বিত্ত বলে যে চ্যাংড়া ছেলেটা প্রায়ই আসে তার মজার মজার কথা শুনে হেসে গড়িয়ে পড়ছে। মল্লিকার কথা ভাবতে ভাবতে নগেন এমন একটা মানসিক অবস্থায় এসে পড়ত যাকে বলা চলে ঈর্ষা আর অভিমানের ঘনীভূত মিশ্রণ। খাবার টেবিলে রাধুনী কখন খাবার চাপা দিয়ে রেখে গেছে। সে সব খাবার ঠাণ্ড হয়ে গেছে। অ্যাশট্রেতে একের পর এক সিগারেটের শেষ অংশ জ্বলছে। মাথার উপর আলোর কাছে ধোঁয়ার একটা ক্লিক আঁচল উড়ছে। রাত্রির এমনিই একটা নিজস্ব দুর্বলতা আছে। সেই সময় মানুষের মনের আনাচ-কানাচ থেকে প্রবৃত্তিরা সর্বস্বপ্নের মতো একে একে বেরিয়ে আসতে থাকে। নগেন ধরেই নিল, মল্লিকার সঙ্গে তার সমস্ত সম্পর্ক শেষ হয়ে গেছে। মল্লিকা শুধু স্বার্থপর নয়, সে এত দিন

ধরে শুধু অভিনয় করে এসেছে! ভাবনাটকে কিছুক্ষণ নাড়াচাড়া করার পর সেটা একটা সত্যের চেহারায় সেই মধ্যরাতে নগেনের সামনে দাঁড়িয়ে বলল, ‘তুমি ঠিকই ভেবেছ।’ নগেনের সমস্ত রাগ তখন সেই ছবিটার উপর গিয়ে পড়ল। তার মনে হল ছবিটা একটা প্রচণ্ড উপহাস। নগেন সেই রাতেই ছবিটা দেয়াল থেকে সরিয়ে ফেলল।

পরের দিন সকালে নগেন অফিসে গিয়ে দেখল, তার ছোট সৎস্বামী বিষ্ণু উন্টো দিকের চেয়ারে বসে আছে। নগেন একটু দেরিতে অফিসে আসে বিষ্ণুর বোধহয় জানা ছিল না। নগেনকে দেখে একমুখ বিরক্তি নিয়ে বিষ্ণু চেয়ার ছেড়ে উঠে দাঁড়াল। হাতে বই খাতা দেখে নগেন বুঝল বিষ্ণু কলেজে যাবার পথে এসেছে। নগেন বলল, ‘কতক্ষণ এসেছ, আমি একটু দেরিতেই আমি, বলবস।’ বিষ্ণু কোনো রকমে চেয়ারে নিজেকে একটু ঠেকিয়ে রাখল মাত্র। জামাইবাবুর অহরোধ ঠেলতে পারল না অথচ তার বোধহয় খুবই যাবার তাড়া আছে। বিষ্ণু বসতে বসতে বলল, ‘দিদি যদি বলে দিত আমি প্রথম ক্লাসটা ‘করে আসতুম।’ নগেন মনে মনে একটু অসন্তুষ্ট হল। এতই যদি তাড়া তোমার, আসার কি দরকার ছিল! মল্লিকার উপর রেগেই ছিল, সেই রাগটাই আবার ঘুলিয়ে উঠল। তোমারই বা কি দরকার ছিল তোমার অনিচ্ছুক ভাইকে আদিখ্যেতা করে অফিসে পাঠাবার! নগেন অনেক কষ্টে নিজেকে সংযত করে নিল। কিছু রুঢ় কথা মুখে এসেছিল, বলল না, শুধু বলল, ‘তোমার দিদির ব্যাপার আমি জানি না, তোমাকে এখানে পাঠাবার কি দরকার ছিল?’

বিষ্ণু চেয়ার ছেড়ে উঠে দাঁড়িয়ে বলল, ‘দিদির খুব জর, আপনি সন্ধ্যার দিকে পারলে একবার যাবেন।’

‘জর? কবে থেকে?’

‘যেদিন আমাদের ওখানে গেল সেদিন রাত থেকে। ডাক্তার বলছেন জরটা সাধারণ নয়।’ নগেন শুরু হয়ে কিছু সময় বসে রইল। নগেন কিছু বলছে না দেখে বিষ্ণু একসময় তার বই খাতা টেবিল থেকে তুলে নিয়ে বেরিয়ে গেল। বিষ্ণু চলে যাবার অনেকটা পরে নগেনের খেয়াল হল, তার অনেক কিছু প্রশ্ন ছিল, অনেক কথা জানার ছিল, বিষ্ণুকে এক কাপ চা খাওয়ানো উচিত ছিল। নগেনের এই সব খেয়াল হতেই তাড়াতাড়ি উঠে লিফটের কাছে গেল। না, বিষ্ণু ততক্ষণে নেমে গেছে।

সন্ধ্যার সময় নগেন একটা ট্যাক্সি ধরে গড়িয়ায় কাছে শশুয়বাড়িতে গেল। বাড়ি তখন প্রায় ফাঁকা। সকলেই তখন বাইরে। দরজার মুখে ছোট শালী

ফুলির সঙ্গে দেখা হল। সেজেগুজে তাড়াতাড়ি কোথায় ছুটছিল। গানের ক্লাস-ট্রাসে। নগেনকে দেখে একটু থমকে দাঁড়িয়ে বলল, ‘জামাইবাবু! বাব্বা, এত দিনে মনে পড়ল! যান ভেতরে যান, আমি এখুনি আসছি।’ অল্প সময় হলে নগেন হয়ত একটু রসিকতা করত। স্বস্তরবাড়িকে নগেন ভীষণ ভয় পায়। হজোড়ে বাড়ি। অনেকটা মেলবাড়ির মতো। নিচের তলায় এক-ঘর ভাড়াটে, তারা আবার অবাঙালী। কর্তার বড়বাজারে দোকান। ভক্ত-লোকের স্ত্রীটি মোটালোটা গায়ে-গতরে। সব সময় পান-জর্দায় পুরুপুরু ঠোঁট ছুটি লাল। ভক্তমহিলার সারাদিন কোনো কাজ নেই। তারস্বরে রেডিও খুলে বসে থাকেন। সারা বাড়ি অষ্টপ্রহর হিন্দী গানে গমগম করছে। উপরের তলায় স্বস্তরমশাইদেব পরিবাবো যেন এই পবিবেশের ছোঁয়া লেগেছে। উচু গলায় কথা, উচু হাসি, যখন-তখন মেয়েদের বাইরে যাওয়া কিংবা চক্ষি-শ-ঘণ্টা বাইরের ছেলেদের বাড়িতে আড্ডা নগেন অপছন্দ করে। সেই কারণে মল্লিকা মাঝে মাঝে এলেও নগেন পারতপক্ষে আসতে চায় না।

ঘোরানো সিঁড়ি দিয়ে আস্তে আস্তে উপরে উঠতে উঠতে নগেন একটু আশ্চর্য হল। নিচে রেডিও বাজছে না, উপরে হৈ-হৈ হচ্ছে না। হল কি! সিঁড়িতে একটা মুহূ আলো জ্বলছে। এ বাড়ির সিঁড়ির বাষট্টা প্রায়ই চুরি হয়ে যায়। নগেন ভেবেছিল মল্লিকার ঘরে সেই মহাচ্যাংড়া বিস্মটাকে দেখবে থাকে দেখলে তার পা থেকে মাথা অবধি জ্বলতে থাকে। অথচ এ বাড়ির সকলে বিস্ম বলতে অজ্ঞান।

দোতলার বারান্দায় নগেন কাউকে দেখতে পেল না। সারা বাড়িতে যেন হাসপাতালের নিস্তব্ধতা। এমন তো কখনো হয় না। বারান্দার একেবারে দক্ষিণমুখে শেষ ঘর থেকে একটা আলোর রেখা বাইরে লুটিয়ে পড়েছে। দরজার পর্দাটা মাঝে মাঝে হাওয়ায় উড়ছে। নগেন সেই আলো লক্ষ্য করে এগিয়ে গেল। ঘরের সামনে এসে মনে হল ভেতরে কেউ আছে। নগেন একটুকুপ ইতস্তত করে পর্দা সরিয়ে ঘরে ঢুকলো। মল্লিকাই শুয়ে ছিল, মাথার কাছে সারদা বলে কপালে হাত বুলিয়ে দিচ্ছিল। সারদা এ বাড়ির অনেক দিনের স্বাধীনী। নগেনকে ঘরে দেখে সারদা মাথার কাপড় দিয়ে খড়মড় করে উঠে দাঁড়াল। নগেন জিজ্ঞেস করল, ‘কেমন আছে?’ সারদা দরজার পাশে জড়সড় হয়ে বলল, ‘জরটা এই সন্ধ্যার দিকেই বাড়ে, আজও বেড়েছে।’ মল্লিকা আচ্ছন্নের মতো পড়ে ছিল, নগেনের গলা পেয়ে কোনো রকমে চোখ মেলে তাকাল, হাতের ইশারায় নগেনকে বিছানার পাশে এসে বসতে বলল।

সারদা ততক্ষণ বেরিয়ে গেছে ।

ঘরে একটা মুহূ আলো জ্বলছিল । ঘরের সমস্ত জানলা হাট খোলা । এ দিকটা বেশ খোলামেলা, হাওয়া থাকলে উড়িয়ে নিয়ে যায় । মল্লিকা একটা চেক চেক ফিকে নীল রঙের শাড়ি পরে শুয়েছিল । মাথার চুল এলো করে রেখেছে । বালিশ ঝাঁপিয়ে খাটের পাশে লুটিয়ে পড়েছে । মল্লিকার চুল আর চোখ ছিল দেখার মতো । মল্লিকার এই অসহায় কৰুণ অবস্থা দেখে নগেনের চোখে তখন জল এসে গেছে । মল্লিকার একটা হাত নিজের মুঠোয় নিয়ে নগেন ধরা গলায় মল্লিকা বলে ডাকল । মল্লিকা উত্তরে তার হাত দিয়ে নগেনের চুল, মুখ, চিবুক স্পর্শ করল, তারপর খুব আন্তে আন্তে জিজ্ঞেস করল, ‘কখন এলে ? আর একটু কাছে সরে এস ।’ নগেন মল্লিকার খুব কাছে সরে গিয়ে বলল, ‘এই তো, এইমাত্র এলাম ।’

‘সোজা অফিস থেকে ।’

‘হ্যাঁ, সোজা ।’

‘বাস্ তুমি এসে গেছো, আমার ভাবনা কি ! দাঁড়াও, চায়ের ব্যবস্থা করি ।’

নগেন মল্লিকাকে চেপে শুইয়ে দিল, ‘পাগল না কি । তুমি কোথায় যাবে ! চা যখন হবার তখন ঠিকই হবে ।’ জ্বরে মল্লিকার গা পুড়ে যাচ্ছে । ফর্সা কপালের ওপর রক্ত চুলের কয়েকটা গুচ্ছ ঝুলে এসেছে । রঙের পাশে নীল শিরা উঠেছে । মল্লিকার চোখ দুটো এমনিই সাগরের মতো নীল । জ্বরের তাপে চোখ দুটো ছলছলে । নগেনের ইচ্ছে করছিল মল্লিকার মার কথা জিজ্ঞেস করে, কিন্তু করল না । নগেন না জিজ্ঞেস করেও জানে মল্লিকার মা কোথায় ? ভদ্রমহিলা সারা জীবন শুধু সিনেমা, থিয়েটার, যাত্রা, বেড়ানো, এ-সভা ও-সভা নিয়েই রইলেন । ছেলে-মেয়েদের ঝগড়া কোনো দিনই সামলাতে হয়নি । স্বামীর প্রতি কি কর্তব্য করেছেন তা তাঁর স্বর্গত স্বামীই জানেন । মল্লিকা তার মাথা নগেনের কোলে রাখল ।

তার পরের দিনই নগেন মল্লিকাকে বাড়ি নিয়ে এল । নগেন জানত শ্বশুরবাড়িতে মল্লিকার চিকিৎসা হবে না । আর সেই যে মল্লিকার শরীর ভাঙল, সে শরীর আর পুরোপুরি শোধরালো না । নগেনের সঙ্গে মল্লিকার বয়সের পার্থক্য দশ-বারো বছরের বেশি ছিল না, কিন্তু মল্লিকা স্বভাবে এত ছেলেমানুষ ছিল আর নগেন এত সংবেদনশীল ছিল, নগেনের মাঝে মাঝে মনে হত মল্লিকা তার স্ত্রী নয়, মেয়ে । মল্লিকার অস্থির সময় নগেন কতদিন

মাঝরাতে ছাদে গিয়ে পায়চারি করতে করতে চোখের জল ফেলেছে। তারা-ভরা অনন্ত আকাশের দিকে তাকিয়ে ঈশ্বরের অস্তিত্ব অনুভব করতে চেয়েছে, মল্লিকার জন্তু প্রার্থনা করেছে। মনে মনে বলেছে, মল্লিকার সমস্ত অসুখ তার শরীরে চলে আসুক।

নগেনের প্রার্থনা ঈশ্বর শুনেছিলেন কিনা জানা নেই। তবে মল্লিকা অসুস্থ শরীরের সঙ্গে অনেক দিন যুঝেছিল। ডাক্তার বলেছিলেন, কিড্‌নীর অসুস্থ সহজে সারে না। তবে আজকাল বহরকমের অ্যান্টি-বায়োটিক্স্ বেরিয়েছে। রোগের সঙ্গে একটা বোঝাপড়া করা একেবারে দুঃসাধ্য কিছু নয়। মল্লিকার বেঁচে থাকার প্রচণ্ড ইচ্ছে ছিল, বেশ সাজিয়ে গুছিয়ে সংসার করার সখ ছিল। ইচ্ছে ছিল, মেয়ের পর একটা ছেলে হোক। নগেনের ক্ষমতায় যা ছিল তাই দিয়ে সে মল্লিকার জীবনের সাধ মেটাতে আগ্রাণ চেষ্টা করেছে, কিন্তু ঈশ্বরের হাতে যা ছিল তার উপর নগেন কিংবা মল্লিকার কোনো হাত ছিল না।

শেষটায় মল্লিকা বুঝতে পেরেছিল প্রদীপে তেল ফুরিয়ে আসছে। কোথাও যাবার আগে মানুষ যেমন অনেক কাজ সেরে যেতে চায় মল্লিকাও সব সেরে যেতে চেয়েছিল। কেমন একটা ছেলেমানুষী। এ যেন কয়েক দিনের জন্তে চেঞ্জে যাওয়া, মাসখানেক পরে আবার ফিরে আসা। নগেনকে দিয়ে বাজার থেকে কাপড় আনিয়ে উদ্ধার একগাদা জামা করেছিল। যেখানে যত জামা ছিল, সমস্ত জামার টিপকল বোতাম লাগিয়েছিল। বাড়তি এক সেট করে দরজা জানলার পর্দা, সোফার ঢাকা তৈরি করেছিল। সমস্ত উলের জামা কাপড় কেচে রোদে দিয়ে পরিষ্কার করে রেখেছিল। যেখানে যত ছেঁড়া ফুটো ছিল সব সেলাই কিংবা রিপু করেছিল। নগেন এবং উদ্ধার জন্তে বয়েম বয়েম আচার তৈরি করেছিল। রান্নাঘরে যেখানে যত কোটো, ভার ছিল সব ঝক-ঝকে পরিষ্কার করে সাজিয়ে সাজিয়ে রেখেছিল। নগেন সারাদিন অফিসে থাকত আর সেই সময় মল্লিকা একলা বাড়িতে এই সব করে বেড়াতো। শেষ উদ্ধার জন্তে নতুন ডিজাইনের একটা সোয়েটার বুনছিল সেটা আর শেষ করতে পারেনি। প্রায় শেষ হয়ে এসেছিল, আর কয়েকটা দিন সময় পেলে কাঁটা থেকে নেমে যেত। এখনও সেই সোয়েটারটা কাঁটা জড়ানো অবস্থায় প্র্যাকটিক্যাল খামে পড়ে আছে।

মল্লিকা যত্নের পায়ের শব্দ শুনেতে পেয়েছিল ঠিকই, কেবল তার গতিটা বুঝতে পারেনি। নগেনও না। একটানা সাতদিন বর্ষার পর রোদ উঠতে দেখে নগেন একটু খুশি হয়েছিল। মল্লিকার অরটাও হঠাৎ ছেঁড়ে গেল।

দুপুরে মল্লিকা একটু স্থপ খেল, কয়েক কুচি ফল। বেশ খিদে ছিল সেদিন, হাসি হাসি মুখ করে ছেলেমানুষের মতো বলেছিল, ‘আর কিছু পাব না!’ নগেন একটা বড় ভাল সন্দেশ দিয়েছিল। মিষ্টি কম। মল্লিকা খুশি খুশি মুখ করে খেয়েছিল। দুপুরটা বেশ ভালই কাটিছিল। মল্লিকা এই সময়ে একটু গান শুনতে চাইল। তার সেই প্রিয় দুটি রবীন্দ্র সংগীত। ‘যেতে যেতে একলা পথে,’ আর ‘এই কথাটি মনে রেখো’। পশ্চিমের জানলা দিয়ে বাগানের গাছের পাতার ফাঁক খুঁজে এক চিলতে রোদ মল্লিকার পায়ে এসে পড়েছিল। পায়ের গোড়ালিতে বাসি আলতার ছোপ। মল্লিকার পা দুটো ছিল ভারি সুন্দর। পাতলা পাতলা, লাল টুকটুকে। গোড়ালি দুটো ছিল মসৃণ যেন মোম-ঘষা। অস্থে ভুগে ভুগে পা দুটো ফ্যাকাশে হয়ে গিয়েছিল। সারা চেহারায় একটা অসুস্থ হলদে ছোপ পড়েছিল। রোদটা পায়ের পাতা থেকে ক্রমশ শাড়ি বেয়ে হাঁটুর দিকে উঠে আসছিল। তার মানে সূর্য একটু একটু করে পশ্চিমের আকাশে গড়িয়ে পড়ছিল। মল্লিকা সেদিন একটা সুন্দর হলদে শাড়ি পরেছিল। নগেন বুঝতে পারছিল মল্লিকার আবার জ্বর আসবে! হাতের চেটো, পায়ের পাতা বরফের মতো ঠাণ্ডা হয়ে আসছিল।

মল্লিকার চুলে হাত বোলাতে বোলাতে নগেন বলছিল, পুজোর পর নীতের মুখটায় মল্লিকা একটু সুস্থ হলেই নগেনরা মধুপুরে গিয়ে, বিয়ের পর তারা যে বাড়িটায় উঠেছিল সেই বাড়িটাতেই উঠবে। সেই নরেন্দ্র ঘটক রোড ধরে তখন যেমন দুজনে হাঁটতে হাঁটতে সেই উঁচু জায়গাটায় চলে যেত যেখানে বিশাল বিশাল থামগুলা গোটাকতক বাড়ির ভয়াবশেষ পড়ে আছে, ঠিক সেই জায়গাটায় তারা তিনজনে ঘাবে। বাড়িগুলোর যে কটা থাম দাঁড়িয়ে ছিল এই কয়েক বছরে সবই হয়ত গুয়ে পড়েছে। জায়গাটাকে মনে হয় যেন রোম। কোনো কালে কত মানুষের কোলাহলে এই সব বাড়ি হয়ত সরগমর থাকত। আজ তারা কোথায়! নগেন মল্লিকাকে জিজ্ঞেস করছিল তার সেই সাক্ষাৎকার কথা মনে পড়ে কি না, যার তলা দিয়ে কুল কুল করে জল বয়ে যেত, ঝাঁক ঝাঁক টিয়া পাখি উড়ত কিংবা তাদের বাড়ির বাগানের সেই বেদীটা যার চার দিকে গন্ধরাজ গাছ ফুলে ফুলে সাদা হয়ে থাকত। কথা বলতে বলতে নগেনের মনে হচ্ছিল বারোটা বছর যেন এই সেদিনের কথা। জীবন যেন বড় দ্রুত ফুরিয়ে গেল। বেশ যখন জমিয়ে জাঁকিয়ে বসতে গেল তখনই দেখল আসন্ন ভেঙে আসছে, সব কটা প্রদীপ তেলের অভাবে নিবু নিবু।

কথা বলতে বলতে নগেনের মনে হল, একাই বকে যাচ্ছে। মল্লিকা কিছুই

বলছে না, যেন বড় বেশি স্থির, শরীরটা যেন বড় বেশি এলিয়ে দিয়েছে। আর ঠিক তখনই নগেন আবিষ্কার করল মল্লিকা নেই, মল্লিকা কখন নিঃশব্দে চলে গেছে। চোখ দিয়ে একটু জল গড়িয়ে গাল বেয়ে নেমে গেছে। হয়ত কিছু বলতে চেয়েছিল, হয়ত তখন সে মধুপুরে নগেনের সঙ্গে ঘুরছিল এমন সময় একটা কষ্ট একটা কিছু দলা পাকিয়ে গলার কাছে উঠে এল, মল্লিকা হয়ত একটু জল চাইত কিন্তু সে কিছুই করতে পারল না। নগেনের হাতে এইভাবে একটা পোষা ময়না মারা গিয়েছিল। অনেক কাল আগে। ছেলেবেলায়।



ওয়ার্ডে ঢুকে নগেন দেখল, দূরে কোণের বেড়ে উঁকা শুয়ে আছে। মাথার নিচে কোনো বালিশ নেই। অনেকটা শবের মতো ছপাশে হাত রেখে চিত হয়ে উঁকা শুয়ে আছে। ঠিক এইভাবে একভাবে তাকে তিন মাস শুয়ে থাকতে হবে। তিন মাসের মাত্র কয়েকটা দিন পার করতে পেরেছে। উঁকা কি খুঁসিয়েছে! না, এই বিকেলে সে ঘুমোবে না, চোখ বুজে চুপটি করে শুয়ে আছে।

নগেন আপেলের ঠোঙাটা বেডের পাশের অ্যালুমিনিয়াম-মোড়ামিটসেফের উপর রেখে আস্তে ডাকল, 'উঁকা'। উঁকা চোখ মেলে তাকাল। করুণ একটু হাসল। নগেন খুব সাবধানে শব্দ না করে একটা টুল টেনে নিয়ে বিছানার ধারে বসল। একটা হাত আলতো করে উঁকার কপালে রাখল। ভিজ্জে ভিজ্জে দু-একটা চুল কপালে জড়িয়ে আছে। না, জ্বর নেই। নগেন চোখ তুলে সিলিংয়ের দিকে তাকাল। একটা পাখা খুব ধীরে ঘুরছে অনেক উঁচুতে। উঁকার মুখের কাছে ঝুঁকে নগেন ফিস ফিস করে জিজ্ঞেস করল, 'কেমন আছ?'

'ভাল। তুমি কেমন আছ?'

'আমি! আমি ভাল আছি মা।'

'ঠিক সময়ে খাওয়া-দাওয়া করছ তো?'

উঁকার কথায় নগেন চমকে উঠল। এ যেন মল্লিকার গলা! মেয়ে অনেকটা মার মতো দেখতে হয়েছে। মেয়েরা মায়ের মতো দেখতে হলে না কি দুঃখ পায়।

নগেন মেয়ের মাথায় হাত রাখল, 'তোমার এখানে কোনো অসুবিধে হচ্ছে না তো? যে লোক তোমার দেখাশোনার জন্তে রেখেছি সে ঠিক মতো দেখছে তো!' নগেন এ ছাড়া আর কোনো কথা খুঁজে পেল না। উঁকা ঘাড় না ফিরিয়ে বাবার দিকে চোখ ফেরাল। চোখ দুটো বড় করুণ, বড় অসহায়। উঁকা একটু হাসল, 'আমার ভীষণ কষ্ট হয়। এইভাবে চিত হয়ে শুয়ে থাকা। এখানে তো সবই সময়ে বাধা। সময় পেরিয়ে গেলে সব কিছুই হাতের বাইরে।'।

মেয়ের কথায় নগেন খুব অবাক হল। এইটুকু মেয়েই কেমন গম্ভীর। সময়ের কথাটা নগেনের কাছে খুব অর্থবহ মনে হল। সময়ের বাইরে একটা কিছু চলে গেলে হাত বাড়িয়ে তার আর নাগাল পাওয়া যাবে না। নদীর প্রথর স্রোতে কুটোর মতো ভেসে যাবে। প্রতি মুহূর্তে বর্তমান টুকরো টুকরো হয়ে অতীতে চলে যাচ্ছে। নগেন জোর করে দার্শনিক চিন্তা থেকে তার মনকে সরিয়ে নিয়ে এল।

‘তোমার জন্যে আপেল এনেছি। বিস্কুট তাড়াতাড়িতে কিনতে পারিনি। চকোলেট ডাক্তারবাবু তোমাকে খেতে বারণ করেছেন।’

উদ্ধা খুব উদাসভাবে বলল, ‘তাতে কি হয়েছে! এমনিই আমার খুব একটা খাবার ইচ্ছে নেই।’ উদ্ধা যেন কেমন উদাস হয়ে পড়েছে। জীবন সম্পর্কে তার যেন কোনো উৎসাহই নেই। কত দূর থেকে যেন তার কথা ভেসে আসছে, হাওয়ায় ভেসে আসা বৃষ্টির গুঁড়ির মতো। বয়সের তুলনায় উদ্ধাকে যেন বেশি বয়স্ক মনে হয়। দুর্ঘটনাটার পর সে যেন অত্যন্ত অন্তর্মুখী হয়ে গেছে।

হাতে একটা চাট নিয়ে সিস্টার ঘরে এলেন। উদ্ধার জ্বর দেখবেন। ওষুধ খাওয়াবেন। সিস্টারের সৌম্য চেহারার মধ্যে নগেন উদ্ধার মাকে খুঁজলেন। ভদ্রমহিলা মেয়েটাকে যদি দেখেন, একটু যত্ন করেন! হাসপাতালের নিয়ম অনুসারে একটু পরেই নগেনকে চলে যেতে হবে। আস্তে আস্তে নদীর জলের মতো রাত বাড়বে। সমস্ত ওয়ার্ড নিরুন্ম হয়ে আসবে। চড়া আলোগুলো একে একে সব নিভে যাবে। হাওয়ায় ভাসবে ইথার আর ডিসইনফেকট্যান্টের গন্ধ। তখন উদ্ধা সম্পূর্ণ একা। দু হাতের দুটো চেটোই তার উরুর মাংসের মধ্যে ঢুকিয়ে সেলাই করে দেওয়া হয়েছে। প্রাঙ্গিক সার্জারির এই নাকি রীতি। ভাবলে খুবই ভয়াবহ মনে হয়, খুবই নৃশংস, বস্ত্রপাদায়ক। সিস্টার উদ্ধার জ্বর দেখতে দেখতে নগেনকে বললেন, ‘আপনার মেয়ে কিন্তু কিছুই খেতে চায় না। এই বকম করলে ক্রমশই দুর্বল হয়ে পড়বে। আপনি ওকে খাবার কথা বলে যান।’

‘জ্বর আছে?’

‘খুব সামান্য।’ সিস্টার চার্টে সময়ের খোপে জ্বর লিখে চার্টটা উদ্ধার মাথার কাছে ঝুলিয়ে রাখলেন। নগেন এতক্ষণ সিস্টারের দিকে তাকিয়ে ছিল। সিস্টার আপেলের ঠোঙাটা মিটসেফের উপর থেকে সরিয়ে রাখতে রাখতে নগেনকে বললেন, ‘একটা চিকনি কিনে আনবেন। উদ্ধার চিকনিটা

কাল থেকে পাওয়া যাচ্ছে না। চুলে জট পাকিয়ে গেছে, আঁচড়ে দিতে হবে। একটা মেডিকেটেড শ্যাম্পু আনতে পারলে ভাল হয়।’

নগেনের মনে পড়ল মল্লিকার একটা রূপো-বাঁধানো চিকনি ড্রেসিং টেবিলের উপর হেয়ারব্রাশে লাগানো আছে। মল্লিকার চুল ছিল অঙ্কুত। চুল খুলে দিলে টেউয়ের মতো কোমর ছাড়িয়ে ভেঙে পড়ত। সেই চুলই সংস্কারের সময় কি রকম ফুর ফুর করে জ্বলে গেল সবার আগে। উদ্ধার এখনই এক মাথা চুল। নগেন বলল, ‘আমি টাকা দিয়ে গেলে আপনি কিনে আনাবেন?’ সিস্টার বললেন, ‘কোন আপত্তি নেই।’ নগেনের মনে হল সবই যেন সেদিনের কথা, জানলার ধারে বসে মল্লিকা উদ্ধার চুল আঁচড়ে বিহুনি করে দিচ্ছে। নগেন একটু দূরে বসে একটা বই কি ম্যাগাজিনের পাতা গুলটাচ্ছে কিংবা চা খাচ্ছে। সেইসব মুহূর্ত সময়ের স্রোতে ভেসে গেছে, আর ধরা যাবে না কিছুতেই।

‘তুমি খাওয়া বন্ধ করে দিয়েছ কেন উদ্ধা?’

‘আমার যে একদম খিদে পায় না বাবা। সারাদিন শুয়ে থাকলে তোমরও ওই রকম হত।’

‘তা হলেও কিছু তো খেতে হবে, তা না হলে দুর্বল হয়ে পড়বে। তোমার কি খেতে ভাল লাগে বল, আমি কিনে আনব।’

উদ্ধা চোখ না খুলেই বলল, ‘আমি নিজে হাতে খেতে পারি না, আমাকে খাইয়ে দেয়, আমার ভীষণ ঘেন্না করে।’

নগেন এইটা এতক্ষণ ভেবে দেখেনি, সত্যিই তো, উদ্ধা নিজের হাতে খেতে পারে না। একমাত্র মা খাইয়ে দিলে খাওয়া যায়, অন্য কেউ খাইয়ে দিলে অস্বস্তি হওয়া খুবই স্বাভাবিক। নগেন বুঝল, বিস্কুট না এনে সে খুব ভুল করেছে। শুকনো বিস্কুট মুখের কাছে ধরলে তবু খাওয়া যায়। চিকনি আর শ্যাম্পু কেনার টাকা দেবার সময় সে সিস্টারকে বিস্কুটের টাকাও দিয়ে যাবে। কাছাকাছি বাজারে ভাল বিস্কুট অবশ্যই পাওয়া যাবে।

দুর্ঘটনাটার পর থেকে নগেন যখনই উদ্ধার মুখোমুখি হয় তখনই সে দেখেছে তার মনের ভিতর একটা অপরাধবোধ মাথাচাড়া দিয়ে ওঠে। নগেন কি রকম আড়ষ্ট হয়ে যায়। কথা ফুরিয়ে আসে। কতদিন সে মনকে বুঝিয়েছে, নিয়তি বলে একটা জিনিস আছে। যখন যা ঘটায় তা ঘটবেই। কেউ আটকাতে পারবে না। কিন্তু মন কিছুতেই বুঝতে চায় না। সে যদি চায়ের জলের কেটলিটা তুলে নেবার পর হিটারটা নেভাতে তুলে না যেত তাহলে সেই

নগেন হিটারে উদ্ধা অগ্রমনস্থ হাত দিতে পারত না। লাল লাল পাকানো কয়েলে উদ্ধার ওই নরম কচি কচি হাত ওভাবে দৃষ্ট হত না।

দৃষ্টটা নগেন এখনও চোখ বুজলে দেখতে পায়। সেদিন রবিবার। দুপুরে দুজনে একসঙ্গে স্নান করেছে, ভাত খেয়েছে। বিছানায়, ঘর অন্ধকার করে, পাখার তলায় দুজনে খানিক গড়িয়েছে। নগেন ঘুমোতে পারেনি, এপাশ ওপাশ করে উঠে পড়েছে। উদ্ধা ঘুমিয়ে পড়েছিল।

মল্লিকা থাকতেই নগেন অনেক কাজ নিজেই করে নিত। ছেলেবেলায় রামকৃষ্ণ মিশনে লেখাপড়া করার ফলে এবং প্রথম বয়সেই মা মারা গিয়েছিলেন বলে নগেনের নিজের কাজ নিজে করা শিক্ষা হয়েছিল। মল্লিকা চলে যাবার পর তো কোনো কথাই ছিল না। রান্না ছাড়া টুকিটাকি সব কাজই তাকে করতে হত। তা ছাড়া কাজের মধ্যে থাকলে মল্লিকার কথা ভুলে থাকা যেত। রান্না করার জন্তে রাঁধুনী ছিল, কিন্তু মল্লিকার কাজগুলো কে করবে! সংসার যত ছোটই হোক, কাজের শেষ নেই। উদ্ধার দেখাশোনাও একটা বড় কাজ। তার স্নান, খাওয়া, জামা ছাড়ানো, পরানো, বিছানা করে দেওয়া, জলখাবারের ব্যবস্থা করা, বেড়াতে নিয়ে যাওয়া, গল্প করা, খেলা করা। মল্লিকা একটা ভাল কাজ দিয়ে গেছে, যে কাজে চব্বিশ ঘণ্টাই বাস্তব থাকে যায়। উদ্ধাকে ঘিরেই এখন নগেনের যত স্বপ্ন! ভবিষ্যত মানেই উদ্ধা!

সিঁড়ির তলায় লম্বা একটা টেবিলের উপর ছিল পাওয়ার প্রাণ। সেই পাওয়ার প্রাণের সঙ্গে জোড়া ছিল বড় একটা হিটার। লম্বা টেবিলটা সময় সময় রান্নার টেবিল হিসেবে ব্যবহার করা হত। চায়ের ব্যাপারটা মল্লিকার সময় থেকেই এই টেবিলেই হত। নগেন কেটলিতে জল চাপিয়ে ছিল। জল ফুটে যাবার পর নগেন কেটলিটা নামিয়ে নিয়ে রান্নাঘরে চলে গিয়েছিল। যাবার আগে অস্ফাট দিন সে হিটারটা নিভিয়েই দিয়ে যেত। এই ব্যাপারে, সে সব সময় খুব সাবধান। কিন্তু সেদিন না নেভাবার দুটো কারণ ছিল, প্রথমত উদ্ধাকে সে ঘুমোতে দেখেছে, দ্বিতীয়ত উদ্ধার দুখটা সে তখনই বসাতে আসছিল, এমন সময় দুখটানাটা ঘটে গেল। উদ্ধা সময়ের সেই ভগ্নাংশে ঘুম থেকে উঠে প্রথমেই কেন যে হিটারের দিকে গেল নগেন এখনও বুঝতে পারে না। কেটলিতে চামচে মেনে চা ভিজিয়ে, দুখের প্যানটা হাতে নিয়েছে কি নেয়নি, এমন সময় মর্মান্তিক চিংকার। নগেন প্রথমে হতবাক হয়ে গিয়েছিল। তীব্রবেগে টেবিলের দিকে দৌড়ে গিয়ে দেখল, উদ্ধা মেঝেতে পড়ে আছে, কচি হাত দুটো পুড়ে ঝলসে গেছে। শকও বোধহয় খেয়েছিল, কারণ হিটারটা

শর্টসার্কিট হয়ে পুরো লাইনটা ফিউজ হয়ে গিয়েছিল। পাকানো পাকানো লাল কয়েলের আকর্ষণে, না হিটারের উপরেব সুইচটা অফ করতে গিয়ে, কি কারণে যে উল্কা দু'হাত দিয়ে হিটারটা ছুঁয়েছিল তা আজও অজ্ঞাত।

ঠিক এই রকম একটা ভয়াবহ দুর্ঘটনার জন্তে নগেন প্রস্তুত ছিল না। লাইনটা উল্কার স্পর্শে ফিউজ না হলে, উল্কা হয়ত মারাই যেত! পড়ে রইল দুধ, পড়ে রইল খোলা ঘর-দোর, নগেন মেয়েকে কোলে নিয়ে প্রথমেই দৌড়ল ডাক্তারখানায়। তখন আর ডাক্তার কোথায়! উল্কার বলমানো হাতের দিকে তাকিয়ে কম্পাউণ্ডার বললেন, এখনই হাসপাতালে নিয়ে যান। স্থানীয় হাসপাতালের মাঝে যা ছিল তাঁরা তা করলেন। বোতল খানেক রক্ত দিতে হল। উল্কা বেশ বড় ধরনের শক খেয়েছিল। রক্তের লোহিত কণিকা সব জল হয়ে গিয়েছিল। স্থানীয় হাসপাতালে মাসখানেক থাকার পর হাতের ঘা একটু সুস্থ হল, উল্কার শরীরেও কিছু বল এল। ডাক্তারবাবু বললেন, বিকৃত হাত প্রাস্টিক সার্জারির মাধ্যমে স্বাভাবিক অবস্থায় আনা যেতে পারে।



নগেন ঘড়ির দিকে তাকিয়ে দেখল বড় জোর আর মিনিট পনের সে উদ্ধার কাছে বসতে পারবে। তাঁর হাসপাতালে নিয়ম অনুসারে ওয়ার্ড ছেড়ে বেরিয়ে যেতে হবে। স্বয়ং ইতিমধ্যে দিগন্তের তলায় পৃথিবীর ওপরের দেশে ভোরের আকাশে আলো দেবার জন্যে ঢলে পড়েছে। রেস কোর্সের উপর থিকথিক করে অন্ধকার জমছে। বাইরে একটা ঝাঁকড়া গাছের উপর অশ্রুপাখি দিনান্তের গান গাইছে। নগেন যেন নতুন কোনো কথা খুঁজে পাচ্ছে না। উদ্ধার কপালে হাত রেখে আস্তে আস্তে বলল, ‘ডাক্তারবাবু বলেছেন তোমার হাত আবার আগের মতো সুন্দর হয়ে যাবে। আর তো মাত্র কয়েক দিনের কষ্ট, এর পর তুমি ছাড়া পেয়ে যাবে।’ উদ্ধা চোখ না খুলেই বলল, ‘বাবা, আমার সেই ঝাউ গাছটা বেঁচে আছে?’ নগেনের ঝাউ গাছটার কথা কিস্ত তখনই মনে পড়ল। হুজনে রথের মেলা থেকে গাছটা কিনে এনে বাগানের পূর্বদিকে বসিয়েছিল। উদ্ধার খুব সখের গাছ। তার কোনো বন্ধুর বাড়িতে এই গাছ দেখে খুব ভাল লেগেছিল। উদ্ধা নিজের হাতে রোজ বিকেলে রোদ পড়লে গাছটার গোড়ায় জল ঢালত। নগেন অনেক দিন গাছটা দেখেনি, জলও দেয়নি। বেঁচে আছে কি মরে গেছে তাও বলতে পারবে না। নগেন একটুকুণ চুপ করে থেকে মিথ্যে কথাই বোধ হয় বলল, ‘তোমার গাছ ভাল আছে মা।’ উদ্ধা মিথ্যেটা বুঝতে পারল কিনা নগেন জানে না। উদ্ধা একটু হেসে জিজ্ঞেস করল, ‘আমার মুনীয়া পাখিরা?’ একটা বড় খাঁচায় ছিল। নগেন রোজ সকালে কাঁকড়া দানা দেয়। একটা পাখি যে সেদিন মরে গেছে সে কথা উদ্ধাকে না বলাই ভাল বোধ হয়। নগেন একটু উচ্ছ্বাসের ভাব করে বলল, ‘ও: ফার্স্ট ক্লাশ আছে। সবকটাই খুব চম্ভায়ফুল। কেবল মাঝে মাঝে একটা দুটো পাখি তোমাকে খুব খোঁজে।’

‘তুমি ওদের রোজ খেতে দাও?’

‘বাঃ, দেবো না, তুমি যে ওদের ভার আমার ওপর দিয়েছ।’

নগেনের যেন নিজেকে উপহাস করতে ইচ্ছে করল। মল্লিকাও তো উদ্ধার

তার নগেনকে দিয়ে গিয়েছিল। নগেন সে দায়িত্ব কি সুন্দর পালন করেছে! উদ্ধা আজ তারই সামনে হাসপাতালের বেডে শুয়ে আছে। উদ্ধার তো এই মুহূর্তে কলকণ্ঠে খেলার মাঠ থেকে বাড়ি ফেরার কথা! উদ্ধার তো একটু পরেই পড়তে বসার কথা! নগেনের সাক্ষ্য গৃহকোণ উদ্ধার উচ্ছ্বাসে, হাসিতে, অস্থিরতায় ভরপুর থাকার কথা! নগেন তার দায়িত্ব কি সুন্দর পালন করেছে!

নগেন বলল, ‘এইবার তাহলে আমি উঠি মা?’ নগেন আন্তে আন্তে চেয়ার ছেড়ে উঠল। উদ্ধা সেই একই ভাবে শুয়ে থেকে বলল, ‘আমি তাহলে কবে ফিরবো বাবা?’ নগেন মেয়ের কপালে খুব সাবধানে একটা চুমু খেয়ে বলল, ‘আমি আজ ঘাবার সময় ডাক্তারবাবুকে জিজ্ঞেস করব!’ নগেন ধীরে ধীরে ওয়ার্ড ছেড়ে বেরিয়ে এল। দীর্ঘ করিডর এপাশ থেকে ওপাশে চলে গেছে। সিস্টার কোথায়? অনেক দূরে করিডরের শেষে, সোজা আলোর তলায় সাদা শাড়ি পরা দুজন মহিলা দাঁড়িয়ে। মাথায় হেলানো সাদা কাপড়ের টুপি। নগেন এগোচ্ছে সোজা লম্বা পা ফেলে। জীবন থেকে জীবনে সে হেঁটে চলেছে একে একে দরজা খুলে আর বন্ধ করে। মল্লিকার জীবন থেকে বেরিয়ে এসে উদ্ধার জীবনের পাশ দিয়ে পথ করে সে কোথায় চলেছে তা একমাত্র চলার দেবতাই জানেন।

হ্যাঁ, নগেন ঠিকই ভেবেছে। দুজন মহিলার একজন সেই সিস্টার যাকে চিকিৎসা আর স্প্রুজর জন্যে টাকা দিতে হবে। নগেন প্রথম থেকেই দেখছে, এই ভদ্রমহিলা তার সঙ্গে অভ্যস্ত ভাল ব্যবহার করেন। নগেনের মনে পড়ল অনেক দিন আগে তার একজন পরিচিত জ্যোতিষী কোণ্ঠী দেখে বলেছিলেন, ‘সে নাকি প্রমদাকুল হইতে সুখী হইবে।’ তার মানে মেয়েরা তাকে পছন্দ করবে। কেন করবে তা সে জানে না তবে একথা ঠিক, কোনো মহিলা কখনও তার সঙ্গে দুর্ব্যবহার করেননি। মল্লিকাই কি তাকে কম দিয়েছে! তার জীবনের, চরিত্রের শ্রেষ্ঠ সম্পদ একে একে এক একটি অলঙ্কারের মতো তাকে খুলে খুলে দিয়েছে। তারপর সম্পূর্ণ নিঃশ্ব হয়ে, রিক্ত হয়ে তার আকাশে যুত নক্ষত্রের মতো অন্ত গেছে।

সিস্টার হাত পেতে টাকা নিতে নিতে বললেন, ‘আপনাকে সব সময় এত বিষণ্ণ দেখি কেন? অত ভাববার কি আছে? মেয়ে আপনার মানখানেকের মধ্যে ঠিক হয়ে যাবে। ভারি মিষ্টি মেয়েটি।’ নগেন একটু হাসবার চেষ্টা করে বলল, ‘আমি কি একটু আর. এম. এস-এর সঙ্গে দেখা করব?’

‘কেন ?’

‘একটু ভিজেন্স করতুম উদ্ধা কেমন এগোচ্ছে, হাত দুটো ঠিক হবে কিনা !’

‘আর. এম. এস-কে ভিজেন্স করতে হবে না, আমিই বলছি, উদ্ধা ভাল প্রোগ্রেস করছে, সব ঠিক হয়ে যাবে। বরং চলুন আপনাকে একটু চা খাওয়াই।’

‘চা ! চা এখানে পাবেন কোথায় ?’

‘সব আছে, সব আছে। হাসপাতালই আমাদের সংসার। এখানে কি নেই !’

নগেন একটুকু চুপ করে বইল, একটু যেন ইতস্তত, অনেকক্ষণ জলতেষ্টা পেয়েছে, এক কাপ চা, নিতান্ত মন্দ প্রস্তাব নয়। নগেন এক ধরনের উদ্ভাসিত হাসি হেসে, অনেকটা আত্মসমর্পণের ভঙ্গীতে বলল, ‘চলুন।’ নগেন সিস্টারের পিছন পিছন একটা ছোট অফিস-ঘরে প্রবেশ করল। ঘরে একটা ছোট টেবিলের চারপাশে কয়েকটা চেয়ার। টেবিলের উপরটা কাঁচ দিয়ে ঢাকা। কয়েকটা গুয়ুথের শিশি, একটা এনামেল ট্রের উপর ইঞ্জেকশানের এমপুল্‌স্‌, হাইপোডারমিক সিরিঞ্জ। ঘরের আর এক পাশে একটা লম্বা টেবিল, টেবিলে একটা গ্যাসবার্ণার, কয়েকটা ল্যাবরেটরি ইকুইপমেন্ট। সিস্টার একটা চেয়ার টেনে নিয়ে নগেনকে বসতে বললেন। নগেন মুহূ হেসে বসল। এতক্ষণ নগেন যে শক্তি নিয়ে ঘুগছিল, সেই শক্তি যেন হাওয়ার মতো বেবিয়ে গেছে। একটা চোপসানো বেলুনের মতো হাত পা ছেড়ে চেয়ারে বসল।

কোণের লম্বা টেবিলে গ্যাসবার্ণার সোঁ সোঁ শব্দ করছে। চায়ের জলও বোধহয় প্রায় ফুটে এল। নগেনের সামনে একটা বিশাল খোলা জানলা তারের জাল দিয়ে দেয়া। বাইরে রাতের আকাশে শহরের আলো পড়েছে। মাঝে মাঝে ট্রামের আওয়াজ কানে ভেসে আসছে। কাপের গায়ে চামচের আওয়াজ শোনা যাচ্ছে। নগেন না তাকিয়েও বুঝতে পারছে সিস্টার চা তৈরিতে ভীষণ ব্যস্ত। মেয়েদের কাজ বদলার একটা নিজস্ব ভঙ্গী আছে। কাজে ব্যস্ত মেয়েদের দেখতে নগেনের ভীষণ ভাল লাগে। নগেন কত ছুটি দিনে বাড়িতে বসে মালিকার কাজ মুখ হয়ে দেখেছে। মাথায় একটা সাদা কাপড় বেঁধে কুল ঝাড়ছে, কখন উঁচু চেয়ারে দাঁড়িয়ে একটা ছবি পেড়ে নগেনকে বলেছে, ‘বলে বলে দেখছ কি, একটু ধরতে পার না।’ নগেন তাড়াতাড়ি এগিয়ে গেছে। মালিকা তখন গোড়ালি উঁচু করে ছবিটা হুক থেকে খুলে শরীরের ভারসাম্য বাপতে না পেরে একদিকে টলে গেছে। নগেন ছবিটা না ধরে

মল্লিকার সন্ধ কোমরটা জড়িয়ে ধরে ছবিসমেত মল্লিকাকে কোলে করে মেঝেতে নামিয়ে এনেছে। মল্লিকা উচ্চতায় নগেনের চেয়ে ইঞ্চি দুয়েক কম ছিল। মল্লিকার সেদিনের চেহারা, সেদিনের স্পর্শ আজও নগেন মনে রেখেছে। কপালে মূক্তোর দানার মতো বিন্দু বিন্দু ঘাম। সিঁহুরের টিপটা অল্প একটু ঘষে গেছে। দু-একটা চুল কপালের ঘামের সঙ্গে জড়িয়ে গেছে। নাকের উপর অল্প একটু ঝুল জড়িয়ে আছে। জোরে জোরে নিশ্বাস নেবার ফলে বুক ওঠা-নামা করছে। নগেন সেদিন নিজেকে সামলাতে পারেনি। একটু চপলতা করে ফেলেছিল যা তার স্বভাববিরুদ্ধ। এদিক ওদিক তাকিয়ে মল্লিকাকে একটা চুমু খেয়েছিল। মল্লিকাকে পাজাকোলা করে বিছানায় নিয়ে গিয়েছিল। ঘামে ভেজা ধুলো শরীরের গন্ধ নিয়েছিল। ছাড়া পেয়ে মল্লিকা ভীষণ রেগে গিয়েছিল, তুমি একটা অসভ্য গুণ্ডা, নিজের কাপড় গুছোতে গুছোতে বলেছিল, ‘যত বয়েস হচ্ছে তত ছেলেমানুষী বাড়ছে তোমার।’ নগেন হাসতে হাসতে বলেছিল, ‘গালাগাল দিয়েছ যখন তখন তোমার ফাইন হবে, শিগগির এক কাপ চা খাওয়াও।’

সিস্টার চায়ের কাপটা নগেনের সামনে টেবিলে নামিয়ে রাখতে রাখতে বললেন, ‘কি যে অত ভাবেন সব সময়! আপনার বোধহয় মেলাকোলিয়া হয়েছে, দাঁড়ান আপনারও চিকিৎসা করতে হবে।’

নগেন প্রথমে চমকে উঠেছিল। নিজেকে সঙ্গে সঙ্গে সামলে নিয়ে একটু হাসার চেষ্টা করে বলল, ‘আমার স্বভাবটাই এই রকম, একটু বিষণ্ণ মতো, মনে হয় লিভারের ট্রাবল আছে।’

‘লিভার আমি মেরামত করে দেবো, এখন দয়া করে চা খেয়ে নিন।’

নগেন তাকিয়ে দেখল, শুধু চা নয়, সঙ্গে দুটো ভাল বিস্কুটও রয়েছে। সিস্টার এক কাপ চা নিয়ে নগেনের মুখোমুখি বসলেন। প্রথম কয়েক মিনিট দুজনে নীরবে চায়ে চুমুক দিয়ে গেলেন। তারপর নগেনই প্রশ্ন করল, ‘আপনি কি হাসপাতালেই থাকেন, কোয়ার্টারে?’ সিস্টার চায়ের চৌকটা গিলে নিয়ে বললেন, ‘না না, ডিউটি শেষ হলে আমি চলে যাই। আমার বাড়ি হাজরার কাছে, সেখানে আমার বাবা মা থাকেন।’

নগেনের আরো কিছু ব্যক্তিগত প্রশ্ন করার ইচ্ছে ছিল, কিন্তু না, অভদ্রতা হবে ভেবে শুধু ‘ও’ বলে হাসি হাসি মুখে সিস্টারের দিকে তাকিয়ে রইল। ছেলেবেলায় মা মারা গিয়েছিলেন বলে নগেন চিরকালই স্নেহের কাড়াল। কেউ কেউ একটু স্নেহ করলেই সে গলে যায়। সিস্টারের ব্যবহারে নগেনের তরল

স্নেহ ইতিমধ্যেই তাঁর প্রতি গড়াতে শুরু করেছে। এতক্ষণ একটা মথ জানলার আলিতে বসে ছিল, সেটা হঠাৎ উড়তে উড়তে গ্যাসবার্ণারের দিকে চলে গেল।

নগেন খুব ক্লেশ গলায় সিস্টারকে অসুখের কথা জানাল, ‘আমার মেয়েটাকে আপনি একটু নিজের মতো করে দেখবেন, এই হাসপাতালে কে কার বলুন, মা-মরা মেয়ে, ওর মনটা একদম ভেঙে গেছে।’ সিস্টার তাঁর চায়ের কাপটা ঠোঁটের কাছাকাছি ধরে রেখে নগেনের দিকে স্থির দৃষ্টিতে কিছুক্ষণ তাকিয়ে থেকে বললেন, ‘আমি জানি, আপনার মেয়েকে আমি প্রথম দিন থেকেই ভালবেসে ফেলেছি, এত মিষ্টি স্বভাব, দেখবেন ও জীবনে সুখী হবে।’

‘ভবিষ্যৎ বড় অনিশ্চিত, এখনই কিছু বলা যায় না, আর মানুষই নিজের নিজের ভবিষ্যৎ তৈরি করে এটাও বোধহয় ঠিক নয়, ভাগ্যকে মানতেই হয়।’ নগেন নিজের জীবনের ঘটনা থেকেই কথাটা তুলল। ‘ভাগ্যকে আমি অস্বীকার করছি না, আমার নিজের জীবন দিয়ে তা বুঝেছি, তবে কি জানেন মানুষের মুখে কিন্তু ভবিষ্যতের ছায়া পড়ে’, সিস্টার কথা বলতে বলতে খালি চায়ের কাপ টেবিলে নামিয়ে রাখলেন। নগেনের মনে হল, সিস্টারের মুখটা যেন ক্রমশ বিষন্ন হয়ে আসছে। মানুষ যতই হাসিখুশি থাকার চেষ্টা করুক, নদীর মতো জীবন অনবরতই পলি ফেলতে ফেলতে এগিয়ে চলেছে। সেই পলিতে বালির কণার মতো বিন্দুবিন্দু স্থখ চিকচিক করলেও বাকিটা শুধু প্রবাহের ক্রেশ আর ভাঙনের ভগ্নাবশেষ। নগেনের চা অনেক আগেই শেষ হয়ে গেছে। ঘরের আলোটা তেমন জোর নয়, কেমন যেন মৃদু নিশ্চিন্ত বিষন্ন। সিস্টার বোধহয় তাঁর অতীত জীবনের কথা ভাবছিলেন। অলংখ্য জীবনের বিশাল স্রোতধারায় ব্যক্তিজীবন প্রায়ই হারিয়ে যেতে চায়; কিন্তু কখনো কখনো দুর্বল মুহূর্তে স্বতন্ত্র সত্তা বেরিয়ে আসে, অসুখ করে, মিছিলের মুখে তখন বিষন্নতার ছায়া ঘনিয়ে আসে। এ যেন আকাশ! যে আকাশে সূর্যের খেলা, সেই আকাশেই আবার মেঘের ঘন অন্ধকার।



হাসপাতাল থেকে দিনের শেষে যে দর্শনার্থী বেরিয়ে এলেন, সেই বোধহয় নগেন। হাসপাতালের বাইরে এসে নগেনের বেশ ভাল লাগল। এতক্ষণ শুধু রোগ, রোগী, ডেটল, ইথার, বিষমতা, মৃত্যুচিন্তা, বিশাল ঘর, উঁচু ছাদ, মুহূ চাপা আলো, লম্বা করিডর, ছায়া ছায়া মানুষ, অন্ধকার কোণ সব মিলিয়ে তাকে যেন চেপে ধরেছিল। বাইরের রাস্তায় নেমে নগেন যেন একটা গতি পেল। ফুটপাথ থেকে রাস্তায় পা দিতে যাচ্ছিল, একটু বোধ হয় অস্বাভাবিক হয়েছিল, একটা ট্যাক্সি গা বেঁধে ছশ করে ছুটে গেল রেস কোর্সের দিকে, তার পেছনেই দৌড়ল একটা মোটর সাইকেল, তার পেছনে একটা বাস, একের পর এক গাড়ির মিছিল শুরু হয়ে গেল। এতক্ষণ বোধ হয় মোড়ের লাল আলোয় সব আটকে ছিল, সবুজে ছাড়া পেয়েছে। নগেনের রাস্তা পার হওয়া হল না। বহুক্ষণ সিগারেট খাননি। এইবার একটা সিগারেট ধরানো যেতে পারে ভেবে নগেন পকেটে হাত দিয়ে প্যাকেটটা পেল না। দেশলাইটা রয়েছে, প্যাকেটটা নেই। কোনো সময় ভুলে সিগারেটসমূহ প্যাকেটটাই সে কেলে দিয়েছে। আজকাল এই রকম ভুল প্রায়ই হচ্ছে। মনটাকে সে আর কিছুতেই বশে আনতে পারছে না, অবস্থা ঘোড়ার মতো কোথায় যে ছুটছে।

নগেন সিগারেটের খোঁজে ভিক্টোরিয়ার দিকে এগোলো। এখনও তেমন একটা রাত নয়নি। তাছাড়া ভিক্টোরিয়ার কাছটা মাঝরাত অবধি জগজমাট থাকে। আইসক্রীম, ফুচকা, ভেলপুদী, সিদ্ধির মালাই, মসলা পান, ফুলের মালা, সারি সারি প্রাইভেট গাড়ি, হাসি, গান, প্রসাধনের উগ্র গন্ধ, সব মিলিয়ে ভিক্টোরিয়া যেন একটা দীপের মতো কলকাতার জীবনসমূহে ভাসছে। নগেন জীবনে উচ্ছ্বাসের দিকটা প্রায় এড়িয়েই গেছে। সব সময়েই তার প্রবণতা ছিল একটু গভীরে বাবাব। যেখানে মেলা, যেখানে কলরব যেখানে উল্লাস সেখান থেকে নগেন সব সময় সরে আসতে চেষ্টা করে।

নগেন দিড়ি বাঁচিয়ে একপাশে এমটা গাছের তলায় দাঁড়িয়ে সিগারেট ধরাল। মাঠের দিক থেকে ভিজে ভিজে হাওয়া আসছে। পাড়ানো গাড়ির সারি থেকে একটা ছোটো চলে যাচ্ছে, আবার নতুন গাড়ি এসে ঢুকছে।

অন্ধকার মাঠের কোনো কোনো অংশ থেকে কখনো হাসি, কখনো গান উঠছে। বৃষ্টিতে ঘাস ভিজে না থাকলে নগেন হয়ত কিছুক্ষণ মাঠে গিয়ে বসত। বাড়ি বাবার তেমন কোনো তাড়া নেই। কি হবে তাড়াতাড়ি শুষ্ট বাড়িতে ফিরে গিয়ে।

কিছু দূরে এক সিমেন্ট বীধানো বেঞ্চি খালি হল। নগেন ধীর পায়ে হেঁটে গিয়ে একপাশে সাবধানে বসল। ফাঁকায় একটু বসতে পেরে তার খারাপ লাগছিল না। এদিকটা একটু অন্ধকার অন্ধকার থাকায় মাথার ওপর তারা-ভরা আকাশ বেশ স্পষ্ট হয়ে উঠেছিল। ছেলেবেলায় নগেনের একটা প্রিয় অভ্যাস ছিল, দিগন্তের কাছাকাছি কোনো নিঃসঙ্গ তারা বেছে নিয়ে, সেই তারার দিকে একদৃষ্টে তাকিয়ে থাকা। তাকিয়ে থাকতে থাকতে চোখ জলে ভরে আসত, আকাশের একপ্রান্তে একটা শুভ্র জ্যোতির্গগ্ন মেঘের মতো কি ভেসে উঠত। নগেনের মনে হত তার দৃষ্টি যেন প্রসারিত হয়ে পৃথিবীর শেষ সীমা পর্যন্ত পৌঁছে গেছে। সাধারণ দৃষ্টিতে যা দেখা যায় না এমনি সব বাড়ি, গির্জা, পাহাড়, মন্দির, মসজিদ, উত্তান সে দেখতে পাচ্ছে আকাশের প্রান্তসীমায়।

নগেন অনেকদিন পরে আবার সেই পুরনো খেলায় মেতে উঠল। পশ্চিম আকাশে একটা উজ্জল তারা জলজল করছে, সেই তারার দিকে একদৃষ্টে তাকিয়ে নগেন সেই সিমেন্টের বেঞ্চিতে বসে রইল। হাতের সিগারেট হাতেই পুড়ে ছাই হল। আগের অভ্যাস নষ্ট হয়ে গেছে, একটু তাকাতে না তাকাতেই চোখে জল এসে গেল, চোখ জালা জালা করে উঠল। অথচ মনে আছে ছাত্রজীবনে একটা নির্জন মন্দিরে কালী মূর্তির দিকে এক দৃষ্টিতে তাকিয়ে তন্ময় হয়ে বসেছিল, এমন সময় ছুটি মেয়ে প্রণাম করতে এসে তার স্থির চোখের দিকে তাকিয়ে ভয়ে ছুটে পালিয়ে গিয়েছিল।

চোখের জল মুছে নিয়ে নগেন আর একটা সিগারেট ধরাল।

এখন সে একটু নিশ্চেষ্ট হয়ে বসতে পারে। মনটাকে মুক্ত পাখির মতো আকাশে উড়িয়ে দিতে পারে। এখন তার করার মতো বিশেষ কোনো কাজ নেই। এমন কি সে কিছু ভাববেও না। এই এক বছরে সে অনেক ভেবেছে, সারা জীবনের ভাবনা যেন একবারে ভেবে নিয়েছে। হাওয়ার রাস্তার উপর দিয়ে একটা আইসক্রীমের কাপ খড় খড় করে গড়িয়ে গেল। আইসক্রীমের কাপটা গড়িয়ে যেতেই নগেনের অনেক দিন আগের পুরনো ঘটনা মনে পড়ল।

মস্তকা তখন সবে বোঁ হয়ে তাদের বাড়িতে এসেছে। নগেনের হাত থেকে তখনও ছুরো-বাঁধা লাল স্কুতো খোলা হয়নি। বিয়ের সিকের পাখাবি

তখনও হাঙারে ঝুলছে। মল্লিকার বেনারসী তখনও কেচে বাসে ওঠেনি, তখনও খাটে পাতা আছে রেশমী জামিম। ফুলদানীতে রজনীগন্ধার স্তবক থেকে একটি দুটি ফুল বরে গেলেও বাকি ফুল সারা বাড়িতে বিয়ে বিয়ে গন্ধ ছড়ানো। নগেনের ছুটি তখনও শেষ হয়নি। নগেন মল্লিকাকে নিয়ে বেড়াতে বেরিয়েছিল। দুপুরেই বেরিয়ে ছিল খাওয়াদাওয়ার পর। বেরোবার আগে নগেন বাবার অহুমতি নিতে ভোলেনি। প্রথমটা নগেন একটু ইতস্তত করেছিল। বৃদ্ধ মাহুশকে বাড়ির পাহারার রেখে যেতে তার একটু সঙ্কোচ হচ্ছিল। যদি কিছু ভাবেন। যদি ভাবেন বৌ নিয়ে স্ফুর্তি করতে চলেছে। বিয়ের পর থেকেই নগেনের বাবা কেমন যেন গম্ভীর হয়ে গিয়েছিলেন। নগেনের সঙ্গে সারাদিনে বা দু-চারটে কথা হত তাও যেন কত দূর থেকে উদাস ছাড়া ছাড়া ভাবে। নগেনের বাবা বোধ হয় ধরেই নিয়েছিলেন ছেলে পর হয়ে গেছে। নগেন কিন্তু সব সময়েই শক্তিত হয়ে থাকত। বাবার সঙ্গে তার দীর্ঘদিনের অন্তরঙ্গ সম্পর্কে সে ফাটল ধরাতে চায়নি। নগেন ভেবেছিল তাদের ছোটখাটো স্বন্দর সংসার আরো স্বন্দর হয়ে উঠবে। গানে, গল্পে, হাসিতে, হাল্লাড়ে জীবনের দিন তরতর করে বয়ে যাবে। ভাবনার সঙ্গে বাস্তবকে মেলানো গেল না। ফুলশয্যার পরের দিন থেকেই বোঝা গেল নগেনের বাবা দূরে সরে যেতে চাইছেন। একটা ব্যবধানের পাঁচিল তুলতে চাইছেন। মল্লিকার বিরুদ্ধে তাঁর স্পষ্ট কোনো অভিযোগ ছিল না, তবে মল্লিকা যে পরিবার থেকে এসেছে সেই পরিবার সম্পর্কে তাঁর একটা প্রচ্ছন্ন ঘৃণা ছিল। তিনি নিজেকে ছিলেন অস্বমুখী। আর মল্লিকায় ছিল বহিমুখী। মল্লিকাকে কিছুতেই তিনি অন্তরঙ্গ হবার সুযোগ দিলেন না। মল্লিকা নগেনের বৌ হতে পারে কিন্তু তাঁর পুত্রবধূ হবার কোনো যোগ্যতাই যেন মল্লিকার ছিল না। মল্লিকার অপরাধটা কি বোঝার আগেই মল্লিকার বিচার হয়ে গেল। সব নতুন সংসার পাততে এসে মল্লিকার অতশত বোঝার কথা নয়। সব জীরই যেমন স্বামীর সঙ্গে এখানে ওখানে ঘাবার বাসনা থাকে, মল্লিকারও ছিল। মল্লিকার চাপে পড়েই নগেন সেদিন বেরিয়েছিল। তার নিজের তেমন বেরোবার ইচ্ছে ছিল না। নগেন অহুমান করেছিল এই বেড়াতে যাওয়া নিয়ে পরে একটা অশান্তি হওয়া খুব বিচিত্র নয়। মল্লিকার অহুরোধ রাখতে সে অনেকটা মরিয়া হয়েই বেরিয়ে পড়েছিল, যা থাকে বরাতে অনেকটা এই ভেবেই।

নগেন আর মল্লিকা প্রথমে চৌরঙ্গি পাড়ায় একটা দিনেমা দেখেছিল।

তারপর খেয়েছিল কি একটা চীনে রেস্তোরাঁয়। আউটিংটা এখানে শেষ হলেই হয়ত ভাল হত; কিন্তু মল্লিকা তা হতে দিল না। এত তাড়াতাড়ি শেষ হলে কি চলে! একটু এদিকে ওদিকে না বেড়ালে ব্যাপারটা বড় সংকীর্ণ হয়ে যায়। মল্লিকার চাপে পড়ে সঙ্কোচ মুখটায় হুজনে ভিক্টোরিয়ার কাছে চলে এল। মাঠ ভেঙে ভেঙে একটা নির্জন জায়গায় গিয়ে তারা বসল ঘাসের উপর পা ছড়িয়ে।

সেদিন কোন জায়গাটায় তারা বসেছিল! নগেন একবার ঘাড় ঘুন্নিয়ে দেখায় চেষ্টা করল। অনেক দিন আগের কথা। তবু নগেনের মনে হল অঙ্ককার মাঠের ওই পশ্চিম কোণে এখন যেখানে আলোকিত পুলিশ আউট-পোস্টটা হয়েছে, ওই রকম কোনো একটা জায়গায় বোধহয় বসেছিল। নগেনের ইচ্ছে হল জায়গাটা একবার দেখে আসে। অঙ্ককার, তাতে ক্ষতি কি! ঘাস না হয় একটু জলে ভেজা, তাতেই বা কি? নগেন সিমেন্টের বেঞ্চি ছেড়ে উঠে দাঁড়াল। উঠে দাঁড়ানোর সঙ্গে সঙ্গে নগেনের মাথাটা যেন ঝবৎ ঘুরে গেল। অল্প সময়ের জন্তো চারিদিক যেন অঙ্ককার হয়ে এল। তবে কি তার লো-প্রেশার হয়েছে? হতে পারে। খাওয়াদাওয়া শুধু কম হচ্ছে না, ভীষণ অসময়ে হচ্ছে। শরীরের স্বত্ব নেবার লোক চলে গেছে। কে আর তাকে মেরে ধরে খাওয়াবে। এখন সে সম্পূর্ণ স্বাধীন। স্বেচ্ছাচারী হতেও বাধা নেই। শরীর নিয়ে ভাববার ব্যয়স অনেক দিন চলে গেছে। মাথা ঘোরটা সামলে নিয়ে নগেন একটা আক্কেপের হাসি হাসল। সে, কি ভীষণ সৌখীন ছিল। দাড়ি কামাবার জন্যে সেভিং ক্রীম ব্যবহার করত, ব্যবহার করত 'লোশান আফটার সেভ।' দিশী ব্লেড হলে চলত না। বাজার খুঁজেখুঁজে বিলিভী ব্লেড বোগাড় করত বেশি দাম দিয়ে। বিলিভী সাবানের সখ ছিল। ভাল সেট না হলে চলত না। সপ্তাহে দুবার চুল শ্যাম্পু করত, চুলে ব্যবহার করত তৈলহীন ক্রীম। সেই জীবনরসিক নগেনের এখন কি অবস্থা!

নগেন মাঠ ভেঙে ঘাস মাড়িয়ে পুলিশ আউট পোস্টের দিকে এগোতে লাগল। অঙ্ককারে এদিকে-ওদিকে অনেক জোড়া-মুতি মাঠময় ছড়িয়ে আছে। নগেন সেইসব সারিধোর দৃশ্য গ্রাহ্য করল না। তার এক মাত্র লক্ষ সেই জায়গাটা যেখানে বহুদিন আগে সে আর মল্লিকা এমনি এক রাতে পাশাপাশি বসেছিল। পুলিশ আউটপোস্টের প্রায় কাছাকাছি এসে নগেনের মনে হল কে যেন তার কানেকানে বলছে, নগেন, অতীতকে কিয়িয়ে আনা যায় না। এই মাঠ, এই ঘাস, এই পরিবেশ তোমার জীবন থেকে অনেক দূরে চলে গেছে,

এখানে বারি বলে আছে তাদের বসতে দাও, বিরক্ত কোরো না। জীবন বহুতা পানির মতো এগিয়ে চলেছে, অধ্যায় থেকে অধ্যায়ে চলে যাও, এখানে এই মুহূর্তে তুমি বড় বেমানান। নগেন যেন নিজের ভুল বুঝতে পেরে ভীষণ লজ্জা পেল। সে একবার থমকে দাঁড়াল। এতক্ষণ অন্ধকারে চলার ফলে তার চোখ সয়ে গেছে। পশ্চিম আকাশে একটা সাদা মেঘ উঠে, মাঠে চাপা আলো ছড়িয়ে দিচ্ছে। নগেন সেই আলোতে দেখল কিছু দূরে একটি মেয়ে একটি ছেলের কাঁধে মাথা রেখে ঘনিষ্ঠভাবে বসে ছিল, ছেলেটি নগেনকে পুলিশ ডেবেই হোক, কিংবা অস্ত্র কিছু ভেবে তাড়াতাড়ি মেয়েটিকে দূরে সরিয়ে দিল। মেয়েটির খোঁপায় জড়ানো যুঁই ফুলের গোড়ের মালা অন্ধকারে স্পষ্ট দেখা যাচ্ছে। গছ ভেসে আসছে নাকে, নগেন নিজেকে খুব বিব্রত মনে করল। তখনই সে ফিরে চলল যে দিক থেকে এসেছিল সে দিকে। এখানে, একা নগেনের স্থান নেই, সঙ্গে কোনো মল্লিকা থাকা চাই।

নগেন আবার ফিরে এল সেই সিমেন্টের বেষ্টিতে। হয়ত আর একটু বসে যেত কিন্তু বেষ্টিটা ইতিমধ্যেই এক অবাঙালী পরিবার দখল করে নিয়েছে। তারা হাসছে, হৈ হৈ করছে, ট্রানজিস্টার চটুল হিন্দীগান বাতাসে ছড়াচ্ছে। দলে একটি কম বয়সের মেয়ে আছে, তার উচ্ছ্বাস যেন সবচেয়ে বেশি। তার বুক থেকে বারেরবারে লাল সিঙ্কের শাড়ির আঁচল খসে খসে পড়ছে। সংক্ষিপ্ত কাঁচুলির পাশ দিয়ে শুভ্র শরীর ভেসে উঠছে। মেয়েটি তার যৌবন দিয়ে জায়গাটিকে ভরপুর করে রেখেছে। মেয়েদের যৌবন পুরুষকে যেন জীতদাস করে রাখে। মেয়েটির সঙ্গে নগেনের একবার চোখচোখি হল। মেয়েটি কিছু গ্রাহ্যই করল না। সে তখন কি একটা মজার কথা শুনে শরীর ছলিয়ে হাসছে। তার কানের পাথরের চুল যত ছলছে তত চিকচিক করছে।

নগেন পথে পা বাড়াল। তার মনে পড়ল মল্লিকাও সেদিন ক্ষণে ক্ষণে এইভাবে অকুসুম হেসেছিল। নগেন ফুলের মালা কিনে খোঁপায় জড়িয়ে দিয়েছিল বলে খুব রেগে গিয়েছিল—‘ওই সব মালাটোলা জড়ালে নিজেকে বারবধু বলে মনে হয়। মালা পরাতে চাও তো ঘরে চল। এই সব ব্যাপার রাস্তাঘাটে বড় লজ্জা হয়ে যায়।’ মল্লিকার একটা অভূত অভিজাত্য ছিল, ব্যক্তিত্ব ছিল। চপলতা যতটুকু দেখা যেত, তা যেখানে-সেখানে যার তার সামনে নয়, বিশেষ পরিবেশে, বিশেষ কয়েকজনের সামনে। মল্লিকা চুল থেকে মালা খুলে হাতে জড়াল, ফলে দেয়নি কারণ মল্লিকা জানত নগেন বড়

অভিমানী। মল্লিকা আর নগেন পাশাপাশি হাঁটছিল হাড় ধরাধরি করে। গল্পে গল্পে তারা বুঝতেই পারেনি রাত কত হয়েছে কিংবা পশ্চিমের আকাশে ঘনঘোর ঝড়ের মেঘ জমেছে। চৌরঙ্গি রোডের উপর ট্রান্সমিটপেজ আসতে আসতে বিশাল ঝড় উঠল। রাত বত বাড়তে থাকে আলোগুলোও জোর হতে থাকে। প্রথম ঝড়ে ধুলোর কুণ্ডলীতে আলো ঝাপসা হয়ে গেল। বত বগা পাতা, ঠোঁড়া, আইসক্রীমের খালি কাপ নগেন আর মল্লিকার চারপাশ দিয়ে গড়াতে গড়াতে চলেছে। মল্লিকা তখন নগেনের বুক মুখ লুকিয়েছে। হাওয়ায় তার শাড়ির আঁচল হু-হু করে উড়ছে। ধুলো ঝড়ের পেছন পেছন এল বড় বড় ফোঁটায় বৃষ্টি। মল্লিকা একটা কচি কলাপাতা রঙের শাড়ি পরেছিল, জলে ভিজ্ঞে আস্তে আস্তে শাড়ির রঙটা গাঢ় হল। শরীরের সমস্ত ভাঁজ ও রেখা স্পষ্ট হয়ে উঠল। চুল থেকে মোমের মতো সাদা ময়ূর্ণ জলের বিন্দু কপালে নামল। নাকের ডগায় জল, চোখের পাতায় জল। সময় তখন মধ্যরাতের দিকে গড়িয়ে চলেছে। রাস্তা প্রায় জনমানবশূন্য। শুধু বৃষ্টি, অসংখ্য ঘোড়ার খুবের মতো এক দিক থেকে আর এক দিকে দৌড়ে চলেছে। ট্রামের দেখা নেই, মাঝে মাঝে এক একটা বাস সমস্ত জানলা বন্ধ করে না থেমে সোজা চলে যাচ্ছে। একটা দুটো গালি ট্যাক্সি গেল। নগেন থামাবার চেষ্টা করল, থামল না। মল্লিকা তখন মরিয়া হয়ে ট্রাম লাইনের জমা জলের উপর দিয়ে রাস্তায় গিয়ে দাঁড়াল। মল্লিকার তখনকার সেই সিন্ধু চেহারা দেখে নগেন অবাক হয়ে গিয়েছিল, তার বৌ অত সুন্দর! মল্লিকার একবাবের চেষ্টাতেই ট্যাক্সি থামল। নগেন জানত থামবে। মল্লিকার তখনকার সৌন্দর্যে পৃথিবী পর্যন্ত তার গতি একবার থামাত তাকিয়ে দেখবার জন্তে। সর্দারজী তো থামাতে বাধ্য।

নগেন চমকে উঠেছিল, হঠাৎ তার কানের কাছে কেউ এত জোরে হেসে উঠবে সে ভাবেনি। দুটি অবাঙালী ছেলে, ছোটপুট, শরীরের আয়তন অস্বাভাবিক হালি। নগেন অস্বস্তিক্ষ ছিল বলেই বোধ হয় চমকে উঠেছিল। অতীতের কথা ভাবতে ভাবতে নগেন ট্রাম রাস্তায় চলে এসেছে। এতক্ষণ তার কোনো খেয়ালই ছিল না। গাড়ি চাপা পড়েনি এই তার ভাগ্য। সেই রাতের চিন্তায় সে এত ভাবনায় ছিল, তার মনে হচ্ছিল প্রকৃতই সে বৃষ্টিতে ভিজছে আর একটু দূরে দাঁড়িয়ে মল্লিকা ট্যাক্সি থামাবার জন্তে হাত তুলছে। তার চুল রাস্তার আলো পড়ে কপোর মতো চকচক করছে। তার শাড়ির রঙ জলে ভিজ্ঞে গাঢ় হয়েছে, পায়ের নজ্জের সারার ভিজ্ঞে লেগে জড়িয়ে গেছে, বৃষ্টির দানা

নাচছে চারপাশ ঘিরে। নগেন অশ্রুমনস্ক মাথায় হাত দিল ভিজে চুল থেকে জল ঝেড়ে ফেলবে।

ধর্মতলার দিকে একটা ট্রাম যাচ্ছিল, নগেন উঠে পড়ল! ট্রামটা খালিই ছিল। অনেক রাত হয়েছে। শেষ বাস পাবে তো। নগেন জানলার ধারে বসল। অন্ধকার ময়দানের পাশ দিয়ে ট্রাম হু-হু করে ছুটে চলেছে। ঠাণ্ডা হাওয়ায় ঝাঁপটা লাগছে চোখে মুখে কপালে। ট্রামের টিকিট দেবার ভুলে পকেট থেকে পয়সা বের করতে গিয়ে নগেন দেখল রুমালটা নেই। মনে পড়ল রুমালটা পেতে সে বেকিতে বসেছিল, ওঠার সময় খেয়াল ছিল না, রুমালটা বেকিতেই পড়ে আছে। অনেক রাত অবধি রুমালটা নির্জনে পড়ে থাকবে, হাওয়ায় ওড়াউড়ি করবে, তারপর এক সময় স্থিতির মতো হারিয়ে যাবে।

হঠাৎ নগেনের মাথায় একটা অদ্ভুত ছেলেমানুষী চিন্তা এল। মানুষ মারা যাবার পরও তার আত্মা ভালবাসার জন কিংবা জায়গা ছেড়ে যেতে চায় না। এমনও তো হতে পারে ভিক্টোরিয়ার মাঠে আরো গভীর রাতে, মাঠ একেবারে জনশূন্য হয়ে গেলে, তারারা আরো অনেকটা পশ্চিমে হেলে গেলে, বাতাস আরো ঠাণ্ডা হয়ে এলে মল্লিকা সেই জায়গাটা কলাপাতা রঙের শাড়ি পরে হুঁভাজ করা হাঁটুতে হাত রেখে চুপ করে আকাশের দিকে তাকিয়ে বসে থাকে। মল্লিকার ভীষণ বাঁচার আকাঙ্ক্ষা ছিল। সেই আকাঙ্ক্ষা নিয়ে সে হয়ত বসে থাকে একটা শরীরের আকৃতি নিয়ে। তারপর রাত যত ভোরের দিকে এগিয়ে চলে সেও গুঁড়ো গুঁড়ো কুয়াশার মতো আকাশ আর জমির মাঝে একটা আঁচলের মতো তুলতে তুলতে সূর্য-সীমায় মিলিয়ে যেতে থাকে। হয়ত মল্লিকা এখনও কোনো কোনো রাতে চৌরঙ্গি রোডের উপর দাঁড়িয়ে হাওয়ায় আঙনে আঁচল উড়িয়ে গাড়ি ধামায়। হয়ত মধ্যরাতে হাসপাতালে নিশ্চর ওয়ার্ডে সে উদ্ধার মাথার কাছে এসে বসে।

নগেন যখন বাড়ি ফিরল তখন রাত প্রায় এগারোটা। সারাদিনের পর খুব ক্লান্ত লাগছিল। মাথাটা ভারি। পা দুটো যেন চলছে না। যে রাস্তা করে তাকে বলাই আছে দেরি দেখলেই সে যেন তালা দিয়ে চলে যায়। নগেনের কাছে আর একটা চাবি থাকে, কোনো অসুবিধে হয় না। নগেন চাবি খুলে অন্ধকারে অনুমান করে করে সুইচবোর্ডের দিকে এগিয়ে গেল। ক্রমশই অন্ধকার সয়ে এল। অম্পট সে সবই দেখতে পাচ্ছে, চেয়ার, টেবিল, বুককেস, মেঝের পাতা কার্পেট, দোতলার ওঠবার সিঁড়ির ধাপ। অন্ধকারের

আয়োজনটা আলো জ্বলে চুরমার করে দিতে ইচ্ছে করছিল না। নগেন ঢোকবার দরজাটা বন্ধ করে, আলো না জ্বলে, জানলার ধারে একটা মোড়া টেনে নিয়ে বসল। পাঞ্জাবিটা চেয়ারের পিঠে খুলে রাখল। নিজেকে অসম্ভব নিঃসঙ্গ লাগছিল নগেনের। এক সময় ছিল যে সময় নগেন বাড়ি ফিরত কত উৎসাহ নিয়ে, কত আকর্ষণ নিয়ে। দরজায় তিনবার মুছু টোকা দিলেই মল্লিকা দরজা খুলে দিত হাসি মুখে, হাতের জিনিসপত্র ধরে নিত। বসে একটু জিরোতে না জিরোতেই এক গেলাস জল এগিয়ে দিত, বেশি রাত না হলে চা আর পাপড় ভাজা।

সেই অঙ্ককার সাক্ষানো ঘরে বসে নগেন যেন অহুভব করছিল, মল্লিকা অস্পষ্ট শরীরে ঘর থেকে ঘরে, প্যাসেজে, সিঁড়িতে, সর্বত্র ছড়িয়ে রয়েছে। বাতাসে হাঙ্গা হয়ে ভাসছে তার চুলের গন্ধ, চুড়ির শব্দ। জীবনের যে সব মুহূর্তে মল্লিকা সবচেয়ে আহত হয়ে ছিল সেই মুহূর্তগুলো যেন বড় বেশি মনে পড়ছে। সেই বিব্রত মুখ, সেই জলভরা চোখ। উপায় থাকলে স্নেটের লেখার মতো মল্লিকা চলে যাবার আগে সে জল দিয়ে সব কিছু মুছে দিত।

মল্লিকা প্রথম আঘাত পেলে সেদিন, যেদিন তারা দুজনে ভিক্টোরিয়ার কাছ থেকে ভিক্ষে ট্যান্ডিতে বাড়ি ফিরল। রাত তখন প্রায় এগারোটা। গাড়িতে নগেন ট্যান্ডির ভাড়া মেটাতে মেটাতে বলছিলেন, ‘ভীষণ রাত হয়ে গেল, দেখ আবার কি হয়।’

মল্লিকা কাপড় গুছোতে গুছোতে বলল, ‘আমাদের দোষে তো আর হয়নি, বৃষ্টি এসে গেলে আমরা কি করতে পারি।’ মল্লিকাকে পিছনে অঙ্ককারে রেখে নগেন বন্ধ দরজার কড়া নাড়ল, একবার, দুবার, তিনবার, চারবার। ওপর থেকে কোনো সাড়া নেই। মল্লিকা বলল, ‘বৃদ্ধ মাছুষ, বাদলায় হয়ত ঘুমিয়ে পড়েছেন।’

নগেন বাধা হয়েই বেশ জোরে জোরে বার কয়েক কড়া নাড়ল। এবার কাজ হল। সিঁড়িতে চটির আওয়াজ ক্রমশই নিচে নেমে এল। চটির আওয়াজ এমন একটা জিনিস যা থেকে মানুষের মেজাজ অহুমান করে নেওয়া যায়। মেয়েদের হাতের চুড়ির শব্দও তাই। নগেনের বাবা শব্দ করে দরজা খুলে দিলেন। মুখ মেঘগম্ভীর, চোখের চাহনি তেরছা ক্রুর প্রতিহিংসা-পরায়ণ। নগেন এই দৃষ্টির সঙ্গে পূর্বপ্রতিষ্ঠিত। এ হল ঝড়ের পূর্বাভাস। এ ঝড়ের চেহারা কি দাঁড়াবে বলা শক্ত। নগেন আগেও দেখেছে সারা

সংসারে একটা তাওব শুরু হয়ে যায় এবং কি চালে কে কে কাত হবে তা একেবারেই অজ্ঞান করা যায় না।

নগেনের বাবা দরজা খুলে দিয়ে একপলকে পুত্র ও পুত্রবধূকে দেখে নিশ্চয় সবগে সিঁড়ির দিকে চলে গেলেন। নগেন কিছু বলার ও জিজ্ঞেস করার সুযোগ পেল না। নগেনের বাবা দোতলা থেকে খুব কাটা কাটা করে বললেন, ‘স্মৃতি করার সময় স্মৃতি তো করবেই তবে শরীরটা বাঁচিয়ে। তোমার জী যে ক্যামিলির মেয়ে তার কাছ থেকে আমি শালীনতা আশা করি না তবে বাড়াবাড়টা একটু রয়ে সয়ে। এইটুকু জেনে রাখবে “স্বধর্ম নিধনং শ্রেয়, পরোদ্যম ভয়াবহ।” নগেন দরজার পাশে দাঁড়িয়ে ছুঁড়ে মারা মন্তব্য বিনা প্রতিবাদে হজম করার চেষ্টা করল। পেছনেই একেবারে গা ঘেঁষে দাঁড়িয়ে ছিল মল্লিকা। নিচু হয়ে জুতো রাখছিল। সে যখন উঠে সোজা হয়ে দাঁড়াল, দুজনে মুখোমুখি, কান্নার মুখে কোনো কথা নেই। মল্লিকার চোখ জলে চির্কাচক করছে। নগেন ভেবে পেল না কি ভাবে সে মল্লিকাকে শান্ত করবে। মল্লিকাহ প্রথমে কথা বলল, ‘দেখ ওনার খাওয়া হয়েছে কিনা? সত্যিই তো আমরা খুব দেরি করে ফেলেছি। বৃদ্ধ মাহুদ, এতক্ষণ একা বাড়ি আগলে ছিলেন, তাই হয়ত রেগে গেছেন। তোমাকে আর কোনো দিন বেড়াতে যাবার কথা বলব না।’

প্রচুর খোশামোদ, মার্জনা ভিক্ষা, কোনো কিছুতেই নগেন তার বাবার মন টলাতে পারল না। তাঁর সেহ এক কথা, ‘আমার যথেষ্ট ব্যয় হয়েছে, আমি একটা নিয়মে চলে এসেছি, নিয়মে থাকতে চাহ, বেশি রাতে আমার খাওয়া চলে না, আমার জন্মে ভাবতে হবে না, ব্যয় হয়েছে, যাবার সময় হয়েছে। যাও, তোমরা খাওয়া-দাওয়া করে শুয়ে পড়, তোমাদের এখন তাড়াতাড়ি শোবার দরকার।’ শেষ কথায় যে হাঁদিত ছিল তা শুনে নগেন স্তম্ভিত হল। মনে পড়ল কয়েকদিন আগেই নগেনের বাবা তাঁর কোনো এক আত্মীয়কে বলছিলেন, ‘আজকালকার মেয়ে আর কত ভাল হবে, সায়্যা দেখিয়ে ধুম ধুম করে সায়্যা বাড়িতে ঘুরে বেড়াচ্ছে, বাজারের মেয়েছেলের সঙ্গে তফাত কোথায়।’ নগেন কথাটা কোনো ক্রমে শুনে ফেলেছিল। মল্লিকাকে সেই দিনই সাবধান করে দিয়েছিল, ‘তোমার সায়্যাটা একটু তুলে পোরো যেন কাপড়ের তলা থেকে লেগে না বোরিয়ে থাকে।’ নগেনের কথা শুনে মল্লিকা খুব অবাক হয়েছিল। নগেন এইটুকু বুঝল, মল্লিকার সঙ্গে তার বাবার সম্পর্ক কোনো দিনই সহজ হবে না। তার বাবা ভীষণ একটা কমপ্লেক্সে ভুগছেন।

নগেন কথা না বাড়িয়ে আস্তে আস্তে নীচে নেমে এল। মল্লিকা সিঁড়ির শেষ ধাপে মুখে উৎকর্ষা মেখে দাঁড়িয়েছিল—‘না উনি কিছু খাবেন না, রাত হয়ে গেছে’।

‘সে কি গো! এরচেয়ে কত রাতে উনি খেয়েছেন। এই তো কয়েক দিন আগে গান বাজনায়ে বসেছিলেন সেদিন তো প্রায় রাত বারোটায় খেলেন।’

‘কি বলব বল? সে দিনে আর আজকে অনেক তফাত।’

‘এক কাজ কর, কিছু মিষ্টি আছে, মিষ্টি আর জল দিগ্ধে এস, সারা রাত না খেয়ে থাকবেন!’ নগেন সিঁড়ির প্রথম ধাপে আলোর তলায় অনেকটা হাল ভাঙা নৌকোর নাবিকের মতো হতাশ হয়ে দাঁড়িয়ে রইল। আলোর কাছে শব্দ করে একটা বাতুলে পোকা উড়ছিল। মল্লিকা একটা বড় কাঁচের ডিশে চারটে সন্দেশ, পরিষ্কার একটা গেলাসে এক গেলাস জল এনে সাবধানে নগেনের হাতে তুলে দিল। মিষ্টি হাতে নগেন উপরে উঠে দেখল বাবা দরজা বন্ধ করে আলো নিভিয়ে শুয়ে পড়েছেন। নগেন ডাকল, বন্ধ দরজায় হাতের চাপ দিয়ে যুঁহু শব্দ করল, কোনো ফল হল না। বেশি শব্দ কিংবা ডাকাডাকি করতে ইচ্ছা করল না। নগেন ধীর পায়ে সিঁড়ির ধাপ গুনে গুনে নেমে এল। মল্লিকা ব্যাপারটা বুঝেছিল। সেও আর বেশি বাড়াবাড়ি করার পক্ষপাতি ছিল না। সেদিন আর কারুর খাওয়া হল না। নগেনের বেশ খিদে পেয়েছিল। মল্লিকারও পাওয়া স্বাভাবিক। একে একে সব আলো নিভল। দুজনে পাশাপাশি কোনো কথা না বলে অনেকক্ষণ ভ্রঞ্জে শুয়ে রইল। এক সময় মল্লিকার কপালে হাত রাখতে গিয়ে নগেন অস্থব্ধ করল মল্লিকা নিঃশব্দে কান্দছে, তার চোখ দিয়ে জল গড়িয়েছে। সে রাতে নগেনের অসম্ভব রাগ হয়েছিল। যে পিতার জন্তে সে ছেড়ে-বেলা থেকেই তর্ক-পান থেকে চুন খসার স্বযোগ পর্যন্ত দেয়নি, জীবনে পিতার অহুমতি ছাড়া কোনো কাজ করেনি, এমন কি একা একা কখনও বেড়াতে যায়নি বা দিনেমা পর্যন্ত দেখেনি, মিয়ের আগে পর্যন্ত একই বিছানায় শুয়েছে, অস্থখে মেয়েদের চেয়ে নিপুণ হাতে সেবা করেছে তার বিনিময়ে সে এই ধরনের ব্যবহার একেবারেই গ্রহণ্যসা করেনি। সেদিনের সেই অপমানের প্রতিশোধ নেবার জন্তে নগেন একটা অদ্ভুত রাস্তা বেছে নিল। ই্যা, সে এইবার মতি্য মতি্যই ক্ষুণ্ণি কববে। লাগা রাত ধরে সে একটা উন্নত পণ্ডিত মতো নারীসঙ্গ করবে। ভাল ছেলে। চরিত্রবান ছেলে। সমস্ত পুরনো ধারণা সে চুরমার করে দেবে। জীবনকে সে

স্বার্থপরতার মতো ভোগ করবে। মল্লিকা নগেনের এমন চেহারা আগে কখনো দেখেনি। মল্লিকা বুদ্ধিমতী মেয়ে। সেও বুঝেছিল, নগেন যা করছে তার অধিকাংশই আরোপিত। প্রচণ্ড চেষ্টা করেই সে কামনার মূহু শিখাকে একটু অগ্নিকুণ্ডে পরিণত করতে চাইছে। রাত ভোর হয়ে এল, প্রথম পাখি ডেকে উঠল। দুটি দেহ তখন সম্পূর্ণ ক্রান্ত। অনিশ্চিত একটা ভয়ঙ্কর ভবিষ্যৎকে সামনে রেখে নিতান্তই প্রাকৃতিক কারণে তারা ঘুমিয়ে পড়ল।

১

অন্ধকারে বসে বসেই নগেন একটা সিগারেট ধরাল। নগেনের হাত বেশ কাঁপছে। উত্তেজনা কাঁপছে না দুর্বলতায়, নগেন ঠিক বুঝতে পারল না। পায়ের দিকে দু-একটা মশা কামড়াচ্ছে। এদিকে গাছপালার জন্তেই বোধহয়, মশা একটু বেশি। বাড়ি একেবারে নিস্তব্ধ। বাইরের জগৎও ঘুমিয়ে পড়েছে। বহুদূর থেকে একটা সানাইয়ের শব্দ ভেসে আসছে। শব্দটা মাঝে মাঝে আসছে আবার হারিয়ে যাচ্ছে। দরজার বাইরে ফলসা গাছের একটা ডাল মাঝে মাঝে হাওয়ায় দরজা ছুঁয়ে যাচ্ছে। খাবার ঘরে, রান্নাঘরে কিংবা সিঁড়ির তলার লম্বা টেবিলে একটা ইঁদুর মাঝে মাঝে খড় খড় করছে। সারা বাড়িতে এখন একটি মাত্র শব্দ। দোতলায় একটা গুয়াল-ক্লক আছে। নগেনের বাবা পছন্দ করে কিনে দোতলায় তাঁর ঘরের বাইরে ঝুলিয়েছিলেন। সেই ঘড়িটার টিক্ টিক্ শব্দ সারা বাড়িতে ছড়িয়ে পড়েছে। নগেন ছাড়া বাড়িতে ঘড়িটাই যেন জীবন্ত। দোতলার ঘরে বাবা থাকতেন। তিনি চলে যাবার পর ঘরটা বন্ধই থাকে। নগেন সপ্তাহে একদিন শুধু উপরে ওঠে, ঘড়িটায় দম দেবার জন্তে। মাসখানেক তো ঘড়িটা বন্ধই ছিল।

প্রায় বারোটা বাজল। নগেনের কিছুই খেতে ইচ্ছে করছিল না। তবে শোবার আগে তাকে স্নান করতেই হবে। সারাদিনের ধুলো ঘামে সারা শরীরে একটা অস্বস্তি। সিগারেটের শেষ অংশটা জানলার বাইরে ফেলে দিয়ে নগেন উঠে দাঁড়াল। অন্ধকারে এখন সে সবই দেখতে পাচ্ছে। সুইচ টিপে আলো জ্বালাতেই, আলো যেন প্রচণ্ড আক্রোশে অন্ধকারের উপর ঝাঁপিয়ে পড়ল। নগেন চোখ বুজিয়ে ফেলেছিল। চোখ খুলতেই টেবিলের উপর একটা চিঠি পড়ে আছে দেখল। নগেন অবাক হল, কার চিঠি! কেউ তো তাকে চিঠি লেখে না! তাকে চিঠি লেখার লোক কোথায়! নগেন খামটা হাতে তুলে নিল। হাতের লেখা দেখে ঠিক বুঝতে পারল না, কার চিঠি! খামটা সাবধানে খুলে চিঠিটা বের করল।

চিঠিটা লিখেছে তার শালী ফুলা। নগেন আশ্চর্য হল। নগেনের সঙ্গে স্বত্তরবাড়ির সম্পর্ক চিরকালই ছাড়া ছাড়া। মল্লিকার মৃত্যুর পর সমস্ত যোগাযোগই প্রায় বিচ্ছিন্ন হয়ে গিয়েছিল। হঠাৎ আবার ফুলার চিঠি কেন? ফুলা লিখেছে, সামনেই তার এম. এ. পরীক্ষা, সে একটু নির্জনে মাস খানেক পড়াশোনা করতে চায়। তাদের নিজেদের বাড়ির পরিবেশ জামাইবাবু ভালই জানেন। সেদিক থেকে জামাইবাবু বাড়ির পরিবেশ লেখাপড়ার পক্ষে খুবই অমুকুল। অতএব সে আগামীকাল থেকেই জামাইবাবুর বাড়িতে এক মাসের জন্তে এসে থাকতে চায়। জামাইবাবুর এতে আপত্তির কোনো কারণ থাকতে পাবে না জেনেই অমুমতির অপেক্ষায় না থেকে সে সটান চলে আসছে। নগেন চিঠিটা টেবিলে ফেলে রাখল। ফুলার সঙ্গে তার কুটম্বিতার সম্পর্ক স্তত্রাং আপত্তির কিছু থাকলেও মুখ ফুটে বলতে পারবে না। নগেন এর বেশী আর কিছু ভাবতে পারল না। সারা দিনের পর তার মাথা ঝিমঝিম করছে। এখন বিছানায় গিয়ে সটান শুতে পারলেই হয়।

নগেন ব্যক্তিগত জীবনে কত পরিস্কার পরিচ্ছন্ন তা তার বাথরুম দেখলেই বোঝা যায়। একেবারে ঝকঝকে তকতকে। সে রোজ সকালে নিজে হাতে বাথরুম পরিষ্কার করে। শাওয়ারের তলায় দাঁড়িয়ে সে একটু আরাম বোধ করল। এতক্ষণ তার মাথার ব্রহ্মতালুতে যেন হাতুড়ি ঘা পড়ছিল। চোখ জ্বালা করছিল। ভাতের পড়ন্ত বেলার রোদ তাকে প্রায় পুড়িয়ে দিয়েছে। ভাল বিলিতি সাবানের অভ্যাসটা নগেন এখনও বজায় রেখেছে। মধ্যরাতের নিস্তব্ধ বাড়িতে শাওয়ারের হিস হিস শব্দ নগেনের কেমন ভৌতিক মনে হল। বহুযুগের ওপার থেকে কোনো বন্ধ দরজা খুলে একরাশ মূর্তি হুড়োহুড়ি করে বেরিয়ে আসছে। নগেনের সারা শরীর বেয়ে ঠাণ্ডা জলের প্রবাহ কুলকুল করে পায়ের তলা দিয়ে নেমে বাথরুমের নর্দমা দিয়ে বেরিয়ে চলেছে। চোখের ওপর দিয়ে যখন পাতলা জলের ধারা নামছে তখন বাথরুমের আলোটা কেমন অদ্ভুত ঘোলাটে হয়ে উঠছে। নগেনের মাঝে মাঝে মনে হচ্ছিল সে যদি এই অবস্থায় হঠাৎ মারা যায় তা হলে কি হবে! বাথরুমের একদিকের দেয়ালে হেলো থাকবে তার উলঙ্গ শরীর। সারা রাত ধরে তার মৃত শরীর বেয়ে অক্ষুন্ন জল গড়িয়ে যাবে। ভোরের সঙ্গে সঙ্গে বাথরুমের জোয়ালো আলোটা ফ্যাকাশে হয়ে যাবে। জল জমতে জমতে ক্রমশ তার শরীর ডুবিয়ে দেবে। বৃষ্টির জলে বালতি ভরে এলে যেমন শব্দ হয় সেই রকম একটানা শব্দ উঠবে।

নগেন মুখটা উচু করে শাওয়ারের তলায় কিছুক্ষণ ধরে রাখল। প্রথমে সে চোখ দুটো বুজিয়ে রেখেছিল, মুখটা একটু সরিয়ে নিয়ে চোখ খুলতেই বাথরুমের উচু তাকের শেষ কোণে কিসের ওপর নজর পড়ল। চোখে জল থাকায় প্রথমে বুঝতে পারছিল না কি ওটা। শাওয়ার বন্ধ করে একটু এগিয়ে যেতেই বুঝতে পারল, কয়েকটা চুলের কাঁটা। আশ্চর্য! এতদিন নজরে পড়েনি কেন? মল্লিকার চুলের কাঁটা। শেষ যেদিন স্নান করেছিল সেদিন হয়ত খুলে রেখেছিল। তারপর ভুলে গিয়েছিল। কাঁটা কটা হাতে ভুলে নিয়ে নগেন বাথরুমের বাইরে এসে বাথ ম্যাটের উপর দাঁড়াল। কাঁটা-গুলোয় তখনও মাথার তেল লেগে আছে। নগেন নাকের কাছে এনে ঘ্রাণ নিল। খুব ফিকে জবাকুসুমের গন্ধ পাওয়া যায়। নগেন এতক্ষণ খেয়াল করেনি, সে সম্পূর্ণ উলজ। গায়ের জল মুছতে ভুলে গেছে। গায়ের জল প্রায় শুকিয়ে এসেছে। মাথার চুল থেকে তখনও ফোঁটা ফোঁটা জল পড়ছে। তোয়ালেটা মাথায় জড়িয়ে উলজ নগেন বাথরুমের দরজা বন্ধ করে সমস্ত আলো নিভিয়ে শোবার ঘরে চলে এল। এখন সে একটু ঘুমোতে চায়। কাঁটাগুলো ষড় করে ড্রেসিং টেবিলের ওপর রাখল। কাঁটাগুলো রাখতে গিয়ে সেই রূপো-বাঁধানো চিকনিটা একবার দেখতে ইচ্ছে করল। চিকনিটা আরশির তলায় একটা ব্রাশে গাঁথা ছিল। নগেন চিকনিটা হাতে ভুলে নিল। চিকনিটার রূপোর অলঙ্করণের সঙ্গে একটা লম্বা চুল আটকে রয়েছে। শেষ মল্লিকা যেদিন মাথার চুলের জট ছাড়িয়েছিল সেই দিনই হয়ত অনেকে চুলের সঙ্গে এই চুলটা আটকে গিয়েছিল। সেই থেকেই কিভাবে যেন চুলটা রয়ে গেছে সকলের দৃষ্টি এড়িয়ে।

কোঁকড়ানো চুলটার দিক তাকিয়ে নগেন অনেকক্ষণ তন্ময় হয়ে বসে বইল। চোখের সামনে তার অনেক দিনের অনেক পুরনো দৃশ্য ভেসে উঠল। ড্রেসিং টেবিলের সামনে বসে মল্লিকা চুল আঁচড়াচ্ছে, দাঁতে চুলের কিতে চেপে শক্ত করে গেঁটি বাঁধছে। শোবার আগে পায়ের আঙুলের ওপর ভর দিয়ে গোড়ালি ভুলে দরজার ছিটকিনি আঁটকাচ্ছে। ঘরের একপাশে সরে গিয়ে নগেনের দিকে গেছেন ফিরে ব্রাউজটা পিঠের দিকে টেনে এনে ব্রেসিয়ার খুলে দু'খাঙুলে কিতে ধরে আলনায় আলগোছে ছলিয়ে দিচ্ছে। খাটের একপাশে বসে পাপোশে পা মুছে জোড়া পা দুটি হুরিয়ে বিছানায় ভুলে নিচ্ছে। নগেন চুলটা সবসময় খামে ভরে ড্রেসিং টেবিলের ড্রয়ারে ভরে রেখে দিয়ে আলো নিভিয়ে দিল।

বালিশে মাথা রেখে ভাল লাগল না। চুল ভীষণ ভিজ। ভাল করে

মোছা হয়নি। যদি না হয়। মাথার তলায় হাত রেখে মাথাটা বালিশ থেকে একটু উঁচু করে রাখল। একটা দুটো হাই উঠল। ঘুম কি সহজে আসবে! চোখ বুজিয়ে সে গুনতে শুরু করল, এক, দুই, তিন, চার, পাঁচ...। বাইরের লম্বা টেবিলে ইঁদুর খুটখুট করছে। দক্ষিণের হাওয়ায় পূর্বের দেয়ালে ঝোলানো একটা ক্যালেণ্ডার খসখস করছে। বাইরের অন্ধকার সিঁড়িতে একটা মর্চ করে শব্দ হল, কেউ হাঁটু ভেঙে উঠতে গেলে যেমন হয়। এই শব্দটা বোজাই হয়। কেন হয়, নগেন জানে না। নগেন গুনছে, পঞ্চাশ, একাল্ল, বাহাল্ল...।

নগেন সে রাতে অদ্ভুত এক স্বপ্ন দেখল। স্বপ্ন কোথায় শুরু হল তা মনে পড়ে না তবে যে অংশটুকু মনে ছিল, তা এই রকম : সবে বোধহয় রুষ্টি হয়ে গেছে। নগেন একটা সবুজ ভিক্ষে মাঠের উপর দাঁড়িয়ে আছে। সামনেই একটা আলোকগুস্ত থেকে জোরালো আলো ঠিকরে পড়ছে। হাত খানেক দূরে একটা জল জমে আছে। সেই জলের পাশ থেকে অজস্র প্রজাপতির মতো এক ধরনের পোকা ফড়ফড় করে আলোর দিকে উড়ে যাচ্ছে। তাদের ডানায় আলো কাঁপছে। নগেন চুপ করে দাঁড়িয়ে সেই দৃশ্য দেখছে। হঠাৎ কে যেন দূর থেকে বলে উঠল, দাঁড়িয়ে পড়লেন কেন, চলে আসুন। নগেন জলটাকে পাশ কাটিয়ে আলোকিত সেই মাঠ থেকে একটা উঁচু অন্ধকার জায়গায় উঠে এসে দেখল কিছুদূরে একটু নীচুতে ত্র-সারি ট্রামলাইন পাতা রয়েছে। আলো থেকে অন্ধকারে এসে সে যেন কিছুই দেখতে পাচ্ছে না অথচ তাকে লাইন পেরোতে হবে। কানে ভেসে আসছে তারের উপর ট্রামের ট্রিলির ঘর্ষণের আওয়াজ। নগেন আনন্দে ট্রামলাইনের উপর পা রাখতেই, একটা ট্রামের হেডলাইটের আলোতে তার চোখ বলসে গেল। সে আর এক পাও না এগিয়ে লাইনের ওপরেই দাঁড়িয়ে পড়ল। ট্রামটা ধীরে ধীরে একেবারে তার গায়ের কাছে এসে থেমে পড়ল। আর ঠিক সেই মুহূর্তে অন্ধকার থেকে কে যেন বেরিয়ে এসে তার হাত ধরে লাইনের ওপারে নিয়ে গেল। নিয়ে যেতে যেতে বলল, 'ইস, এখুনি যে চাপা পড়তেন! আপনি দেখছি খুব ক্লান্ত। একটু বিশ্রাম করা দরকার। দাঁড়ান দেখি।' নগেনের সামনেই বিশাল এক বাড়ি। দেয়ালে একটা ছোট্ট দরজা, বন্ধ। একটু উঁচুতে একটা ছোট জানলা খোলা। দরজার সামনে টুলে একজন দরওয়ান বসে আছে। সাদা জামা পরা লোকটি এগিয়ে গিয়ে দরওয়ানকে কি যেন বললেন। ভদ্রলোক ফিরে এসে নগেনকে

বললেন, দরওয়ান রাজী হয়েছে, ওই ছোট দরজাটা চুপিচুপি খুলে দেবে, আপনি টুক করে ঢুকে পড়ুন।

নগেন অন্ধকারে হাতড়ে সেই দরজা দিয়ে একটা মাঝাধি ঘবে এসে ঢুকল। ঘরে একটা চাপা আলো। আলোর উৎসটা নগেন খুঁজে পেল না। ঘরটাকে সে খুঁটিয়ে খুঁটিয়ে দেখল। কী সর্বনাশ! এ যে এক মহিলার ঘর। ঘরের কোণে একটা আনলায় শাড়ি, পেটিকোট, ব্লাউজ, ব্রা ঝুলছে। ঘরের একপাশে একটা তারে শাড়ি শুকোচ্ছে। শাড়িটার রঙ টকটকে লাল। শাড়ির পাশেই রয়েছে টকটকে লাল রঙের একটা ব্লাউজ, তার পাশেই রয়েছে ধবধবে সাদা রঙের একটা ব্রা। ঘরের আর এক কোণে এলোমেলো ভাবে পড়ে সাদা একজোড়া হাইহিল জুতো। বিছানার চাদরটা এলোমেলো। আর বিছানার ঠিক মাঝখানে একটা গাঢ় কমলালেবু রঙের রেশমের পেটিকোট ছাড়া রয়েছে। বিছানার উপর দাঁড়িয়ে কেউ কোমরের ফাঁস আলগা করে দিলে যেমন পায়ের কাছে ভাঁজে ভাঁজে খুলে পড়ে ঠিক সেই ভাবে। সাদা ধবধবে দুটো দড়ির মাথা একপাশ দিয়ে বেরিয়ে এসে থাটের পাশে ঝুলছে।

নগেনের ভীষণ ভয় করছিল। ভদ্রমহিলা যদি এখুনি এসে পড়েন কী হবে! ভয় পেয়ে যদি চিৎকার করে ওঠেন! চারদিক থেকে যদি লোকজন দৌড়ে আসে! তাহলে কী হবে! ছি ছি কী লজ্জা! নগেন এই সব ভাবতে ভাবতেই গুনগুন করে গান গাইতে গাইতে একজন মহিলা সেই ঘরে এসে ঢুকলেন, পরনে তাঁর নার্সের পোশাক। মাথায় একটা ছোট সাদা টুপি। টুপির পাশ দিয়ে একরাশ কালো চুল পিঠ ছাপিয়ে কোমর পর্যন্ত নেমে গেছে। ভদ্রমহিলাকে দেখে নগেনের শরীর ভয়ে হিম হয়ে গেল। মহিলা কিন্তু নগেনকে দেখতে পেয়েছেন বলে মনে হল না, অথচ নগেন ঘরের মাঝখানে জলজ্যান্ত দাঁড়িয়ে। মহিলা একে একে সব পোশাক ঘরের এদিকে ওদিকে অবহেলায় ছুঁড়ে ছুঁড়ে ছড়িয়ে দিলেন, তারপর সম্পূর্ণ নিরাভরণ অবস্থায় অনেকটা ব্যালে নাচের মতো করে ঘরের এক দিক থেকে আর একদিকে বার কয়েক ঘাওয়া-আসা করলেন। সেই ঘাওয়া-আসার সময় তাঁর মাথার চুল উড়ে উড়ে নগেনের মুখে বৃকে ঝাপটা লাগল। নগেন এক সময় ভয়ে, লজ্জায়, চোখ বুজিয়ে ফেলেছিল। কী আশ্চর্য! নগেন কি তাহলে অদৃশ্য! অদৃশ্য কথাটা মনে হতেই নগেন সাহস করে চোখ খুলল। আর চোখ খুলেই দেখল মহিলা বিছানার ওপর দাঁড়িয়ে সেই ছেড়ে-রাখা রেশমের পেটিকোটটা পরছেন, গলায় ঝলছে একটা ফুলের মালা। কিন্তু এ কি! এ মহিলাকে তো সে চেনে!

অনেক দিন না দেখলে কি হবে ! এই তো তার ফুলা । ফুলা এত সুন্দর হয়েছে ! নগেন ‘ফুলা’ বলে ডাকতেই চারদিক থেকে কারা যেন হো হো করে হেসে উঠল ।

হালির প্রচণ্ড শব্দে নগেনের ঘুম ভেঙে গেল । ঘর সম্পূর্ণ অন্ধকার । তবে অন্ধকার অনেক তরল হয়ে এসেছে । বোধহয় একটু পরেই ভোর হবে । ঘরে একটা জোনাকি চুকেছে । চারদিকে এলোমেলো উড়তে উড়তে আরশির উপর গিয়ে বসেছে । কাছাকাছি কোনো একটা বাড়িতে কার কোলের ছেলে ককিয়ে ককিয়ে কাঁদছে । স্বপ্নটা এত জীবন্ত ! চোখ খুলে বাস্তব জগতে ফিরে আসতে নগেনের বেশ কিছুক্ষণ সময় লাগল । একটু সামলে নেবার পর নগেন প্রথমেই অহুভব করল, সে কিছু না পরেই শুয়েছিল । মাথায় যে তোয়ালেটা জড়ানো ছিল, সেটা দলা-পাকিয়ে বালিশের একপাশে পড়ে আছে । মাথার উপর পাখাটা বনবন করে ঘুরছে ।

নগেন বিছানায় উঠে বসল । তোয়ালেটা বালিশের পাশে থেকে তুলে নিয়ে খাট থেকে নেমে দাঁড়াল । প্রথমেই সে তোয়ালেটা কোঁমরে জড়িয়ে নিয়ে নিজের নগ্নতাকে ঢাকল । পাথার হাওয়া শীত শীত লাগছে বলে পাখাটা আগে বন্ধ করল । একবার বাথরুমে যেতে হবে । আলো জ্বেলে অন্ধকারকে আর বিত্রস্ত করল না । আলো না থাকলেও সব কিছু সে স্পষ্ট দেখতে পাচ্ছে ।

এই রকম একটা অদ্ভুত স্বপ্ন দেখার কারণ কি ? এ কি কোনোরকম একটা মনস্তাত্ত্বিক বিকার ! ভাবতে ভাবতে নগেন ভোরের ঠাণ্ডা হাওয়ায় আবার ঘুমিয়ে পড়ল । ঘুম ভাঙল প্রচণ্ড জলের শব্দে । পূর্ব দিকের জানলা দিয়ে সূর্যের কিরণ তেরছা হয়ে ঘরের মেঝেতে পড়ে খাটের তলা অবধি গড়িয়ে গেছে । নগেন খড়মড় করে উঠে বসল । এত প্রচণ্ড জলের শব্দ কোথা থেকে আসছে । নগেন কান পেতে শুনল, শব্দটা আসছে বাথরুম থেকে । শেষ রাতে যখন বাথরুমে গিয়েছিল তখন বোধহয় কলটা খুলে রেখে এসেছিল । ভোরে জল এসেছে, সেই জল এতক্ষণ ধরে পড়ছে । নগেন তাড়াতাড়ি গিয়ে কলের মুখটা বন্ধ করল । বাথরুমের সামনে একটা নরম লম্বা পাপোশ পাতা থাকে । পাপোশটা কি রকম এলোমেলো হয়ে কুঁচকে আছে । কি করে এরকম হল ! নগেনের মাথায় এল না । এ সব ব্যাপারে সে ভীষণ খুঁতখুঁতে । যতই ঘুমচোখে উঠে বাথরুমে যাক, পাপোশটার এই অবস্থা সে নিজে করেছে বলে মনে হল না । কলের মুখটাও কী সে খুলে রেখেছিল !

বিন্দু নগেনদের বাড়িতে প্রায় একষুগ ধরে কাজ করছে। প্রায় ঘরের লোক হয়ে গেছে। মধ্যবয়সী নির্ব্বাট মাছুষ। ঘোবনে বিয়ে হয়েছিল বোধহয়। নিজের ঘরসংসার আর করতে হয়নি। অন্ত্রের ঘর সামলেই জীবন কাটিয়ে দিল। নগেন যা দেয় তাইতেই তার একার জীবন মোটামুটি চলে যায়। মল্লিকার সময় সে রাতেও এই বাড়িতে থাকত। মল্লিকা চলে যাবার পর নগেনই রাতে থাকতে নিষেধ করে দিয়েছে। বিন্দুর ঘোবন ঘাই ঘাই করেও এখনও শরীরে আটকে আছে। বলা যায় না রাতে নগেনের বাড়িতে থাকলে পাঁচ কথা উঠতে পারে। বিন্দু বেশ গুছিয়েই ঘরসংসার করে। নিজের লোকও বোধহয় এত সামাল দিয়ে চলতে পারত না।

সকালের চা নগেন বরাবরই একটু বেশি খায়। কাপে কুলোয় না বলে বিন্দু গেলাসেই চা রেখে গেল। বিন্দু পিছন ফিরে চলে যাচ্ছিল, নগেন তাকিয়ে দেখল শাড়ির পেছন দিকটা ছেঁড়া। ছেঁড়া শাড়ি পরেছে কেন? শাড়ি নেই নাকি?

‘বিন্দু, শোন!’

বিন্দু যেতে যেতে ফিরে এল। ‘কি বলছেন?’

‘তোমার শাড়ি নেই?’

বিন্দু মুখ নীচু করে দাঁড়িয়ে রইল।

‘বুঝেছি, যাও।’ বিন্দু জড়োসড়ো হয়ে চলে গেল পাশ কাটিয়ে। শাড়ির ছেঁড়া দিকটা যে পিছনে পড়েছে তা খেয়াল করেনি। ছি ছি!

নগেন চা খেতে খেতে ঠিক করল, মল্লিকার বহু আটপোরে শাড়ি আলমারিতে পড়ে আছে, তার থেকে বেছে খান দুয়েক বিন্দুকে দিয়ে দেবে। কাগজওয়ালা জানলা দিয়ে খবরের কাগজটা আচমকা ফেলায় নগেন চমকে উঠেছিল। কাগজটা মেঝেতে যেমন পড়েছিল সেই ভাবেই পড়ে থাকল। কাগজটা তোলায় নগেনের তেমন কোনো উৎসাহ দেখা গেল না। সে ভাবছিল, ফুলা যদি সকালেই এসে যায় ভাল হয়। তা হলে ফুলাকে বিন্দুর জিন্মা করে দিয়ে সে একটু নিশ্চিন্তে অফিসে যেতে পারে। ফুলা এলে সকালেই আসা উচিত। যত বেলা বাড়বে, রোদ চড়বে। তার নিজেরই কষ্ট। বেশি রাতেও আসা উচিত নয়। দিনকাল খুবই খারাপ। চা খাবার পর নগেন অন্ত্রাশ্রয় দিন হয় একটু কাগজ পড়ে, না হয় দাড়ি কামাতে বসে। আজকে সে কাপড়ের আলমারি খুলে বসল। আলমারিটা অনেকদিন খোলা হয়নি। খুলতেই কেমন একটা ঠাণ্ডা হাওয়া বেরিয়ে গেল। নগেন আলমারিতে

ওডোরমা দিয়ে রেখেছিল, জেসমিন, কি রোজ যা হয় একটা কিছু হবে। সেই গন্ধটাও সারা আলমারিতে কাপড়-জামার সঙ্গে জড়াজড়ি করে ছিল। নগেন বেছে বেছে খান কয়েক ডুবে শাড়ি বের করল। এ শাড়িগুলো মল্লিকা নিজে পছন্দ করে কিনেছিল। নগেন আর একটা শাড়ি খুঁজে খুঁজে বের করল। সে শাড়িটা বেশ মিহি, কচি কলাপাতা রঙের। কোনো একটা বিবাহ-বার্ষিকীতে নগেন নিজে পছন্দ করে কিনে এনেছিল। মিহি শাড়িটা সে ফুলাকে দেবে বলে বের করল। এত শাড়ি জমিয়ে রেখে লাভ কি! সবই তো ভাঁজে ভাঁজে লাট থেয়ে যাবে। ফুলা এলে আরো কয়েকটা শাড়ি সে ফুলাকে পছন্দ করে নিতে বলবে।

নগেন আলমারি বন্ধ করে বিন্দুকে ডাকল। বিন্দু তখন রান্নায় ব্যস্ত ছিল। আঁচলে হাত মুছতে মুছতে দৌড়ে এল, ‘কিছু বলছেন দাদাবাবু?’

‘শোন, ছেঁড়া কাপড় আর পরবে না, এই নাও, দুখানা শাড়িতে আপাতত চালাও, পরে আরো কয়েকটা পাবে।’

বিন্দু শাড়ি দুখানা হাত পেতে নিতে একটু ইতস্তত করল। বিন্দু জানে, এ শাড়ি মল্লিকার। সে বৌদিকে এই শাড়ি পরে বহুদিন দেখেছে। এখনও চোখ বুজলে সে মল্লিকাকে যেন চোখের সামনে দেখতে পায়। বিন্দু সংস্কার মাথা তুলে দাঁড়াল।

‘বৌদির শাড়ি আমি পরব দাদাবাবু! এ আমি পারব না।’

‘তুমি ভুল করছ বিন্দু। শাড়ি, শাড়ি। শাড়িগুলোকে আলমারিতে পচিয়ে কোনো লাভ আছে! তুমি বেশ ভালই জান এ বাড়িতে তুমি ছাড়া শাড়ি পরার আর দ্বিতীয় কোনো লোক নেই। আমি তোমাকে নতুন কিনে দিতে পারতুম, কিন্তু এত শাড়ি নষ্ট হবে!’ নগেন শাড়ি দুটো বিন্দুর অনিচ্ছুক হাতে ধরিয়ে দিল। প্রভু-ভূত্যের সম্পর্ক মাহুষের অবচেতনায় অদ্ভুত এক জটিলতার সৃষ্টি করে রাখে। যতই আপনজন করে নেবার চেষ্টা কর বারে বারেই সম্পর্কের মাঝখানে একটা সঙ্কোচের পাঁচিল তৈরি হয়।

বিন্দু শাড়ি দুটো বুকে চেপে ধরে কিছু সময় দাঁড়িয়ে রইল, তারপর চলে যাবার আগে নগেনকে জিজ্ঞেস করল, ‘আপনি কি আর একটু চা খাবেন?’ নগেন সকালে যতক্ষণ বাড়ি থাকে সেই সময় সে বার কতক চা খায়। চা খেতে তার ভালো লাগে। বিন্দুর প্রস্তাবে সে না করতে পারল না। যদিও এই একটু আগে চা খেয়েছে। টেবিলে এখনও খালি গেলাস পড়ে আছে। বিন্দু ইতিমধ্যেই শাড়ির ছেঁড়া দিকটা ঘুরিয়ে পরে নিয়েছে। এবার তাকে

পাশে হেঁটে নগেনের সামনে থেকে সরে যেতে হল না।

সারাটা সকাল নগেন ফুলার জন্তে অপেক্ষা করে রইল। ফুলা কিন্তু এল না। আর দেরি করলে অফিস যাওয়ার কোনো মানে হয় না ভেবে, নগেন বিন্দুকে সব বলে, ফুলা এলে কি করতে হবে সব জানিয়ে অফিস যাবার জন্তে বেরিয়ে পড়ল। সারাটা পথ যেতে যেতে সে শুধু ফুলার কথা ভাবল, যদি রাস্তায় দেখা হয়ে যায়। কিন্তু না, পথে দেখা হল না। ফুলার কোনো কাণ্ডজ্ঞান নেই। সকালে এলে কি ক্ষতি হত!

নগেন মোড় থেকে বাসে উঠে পড়ল। বাসে বসে বারে বারে তার শেষ রাতের স্বপ্নটাই মনে পড়ল। কেন সে ফুলাকে স্বপ্ন দেখল। ফুলার চিঠিটা পড়ে, সে কি ফুলার কথা ভাবছিল। হতে পারে মন এমন একটা দুরন্ত বস্তু, কখন সে কোন পথে ছোটে! হঠাৎ ফুলার চিন্তা ভুলে উদ্ধার কথা মনে এল। উদ্ধা এখন হাসপাতালের বিছানায় শুয়ে কি করছে কে জানে? এমন একটা সকাল, পূজা প্রায় এসে গেল, নতুন জামা পরে কেমন প্রজাপতিব মতো ছুটবে বাগানে গাছের ফাঁকে ফাঁকে। তার বদলে হাসপাতালে আবদ্ধ!

নগেন অফিসে মোটামুটি একটা সম্মানজনক পদে প্রতিষ্ঠিত। তার অধীনে আরও অনেকে কাজ করেন। শমিতা তাদের মধ্যে একজন। মেয়েটি সবে কাজে যোগ দিলেও বেশ বুদ্ধিমতী এবং কাজের মেয়ে। কাজকে সে ভয় পায় না। বয়স বেশী নয় কিন্তু সব সময়েই বিষয় করণ, নগেনের ধারণা সাংসারিক জীবনে শমিতা স্বধী নয়। পৃথিবী থেকে স্বখ বস্তুটা কি উধাও হয়ে গেল! মানুষ আছে, সভ্যতা আছে, ভোগ আছে, নেই কেবল স্বখ। ইদানীং নগেন লক্ষ্য করে দেখে প্রতিটি মানুষ কেমন যেন বিমর্ষ! সবই করছে অভ্যাসে। কোথাও যেন প্রাণের যোগ নেই। সব জীবনই যেন কেমন শুকিয়ে আসছে।

অফিসে আসার পর থেকেই নগেন বড় একটা ফিগার ওয়ার্ক নিয়ে পড়েছে। এসব কাজ নগেন অন্তর্দিন নিমেষে করে ফেলে। আজকে যে কি হয়েছে; বারে বারে চেষ্টা করেও মেলাতে পারছে না। শেষে বিরক্ত হয়ে শমিতাকে ডেকে বলল, দেখ তো কি হয়েছে। আমার আজ আর মাথা চলছে না, ততক্ষণ বুদ্ধির গোড়ায় একটু খোঁয়া দি। শমিতা যুচ্চ হেসে নগেনের টেবিল থেকে দম-দেয়া পুতুলের মত ভঙ্গী করে কাগজগুলো তুলে নিয়ে গেল। শমিতাকে নগেন আজ পর্যন্ত প্রাণথলে একটু হাসতে দেখেনি। কিছু বলার নেই, যার যেমন অভ্যাস!

নগেন বেশ আয়েস করে একটা সিগারেট ধরিয়ে চায়ের অর্ডার দিল। শমিতা চা খাবে কিনা জিজ্ঞেস না করে তার জগ্গেও এককাপ আনতে দিল। নগেন জানে জিজ্ঞেস কবলেও শমিতা কখনই হ্যাঁ বলবে না। তার চেয়ে এক কাপ চা আনিয়োঁ তার সামনে ধরে দিলে না খেয়ে পারবে না। নগেন একটা জিনিস ভেবে অবাক হল, হঠাৎ সে এত বেশি ফুলার কথা ভাবছে কেন ভোরের স্বপ্ন? ফুলার চিঠি! না অগ্ন কোনো কারণ! অগ্ন কারণ আর কি হতে পারে! শমিতা কাগজপত্র নিয়ে অনেকক্ষণ টেবিলের সামনে দাঁড়িয়ে ছিল। নগেনকে চিন্তামগ্ন দেখে কিছু বলতে সাহস পায়নি। নগেনের চা এদিকে প্রায় জুড়িয়ে জল। শমিতা সাহস করে ডাকল, ‘নগেনদা আপনার চা।’ নগেন চমকে উঠল, ‘ও চা দিয়ে গেছে। তোমার টোটালটা হয়ে গেছে, নাও দাঁও।’ নগেন হাত বাড়িয়ে চায়ের কাপ বাঁচিয়ে শমিতার হাত থেকে বড় বড় কাগজের স্টিপগুলো নিজের দিকে টেনে নিতে নিতে বলল, ‘তুমি চা খেয়েছো!’ শমিতা উত্তরে মাথা নাড়ল। নগেন বলল, ‘ঠিক আছে এখন আর কিছু করার নেই, তুমি বস, এইবার আমি সব করে নিতে পারব।’ শমিতা আস্তে আস্তে তার আসনে ফিরে গেল। শমিতার মধ্যে একটা অজুত ধীর স্থির ভাব আছে, যা নগেন অগ্ন কোনো মহিলার মধ্যে সাধারণত দেখেনি। অফিসে আরো অনেক মহিলা আছেন, যাদের চপলতায় অফিস সারা দিনই মুখর। শমিতাই একমাত্র ব্যতিক্রম।

চা-টা একচুমুকে শেষ করে নগেন সব কাগজগুলো টেনে নিয়ে বসতে যাচ্ছে ঠিক সেই সময় বিহু এল। নগেন বিহুকে লক্ষ্য করেনি। বিহু একেবারে টেবিলের সামনে দাঁড়িয়ে ‘জামাইবাবু’ বলে ডাকতে সে অবাক হয়ে মুখ তুলে তাকাল। ‘বিহু তুমি’!

বিহু চেয়ার টেনে নিয়ে বসতে বসতে বলল, ‘আপনার সঙ্গে ভীষণ সরকার।’

‘আমার সঙ্গে!’ নগেন বেয়ারাকে ডেকে দুকাপ চা দিতে বলে কাগজপত্র ভাঁজ করে রাখল। বিহু বলল, ‘হাঁ আপনার সঙ্গে।’ অনেকদিন পরে নগেন বিহুকে দেখছে। আগের চেয়ে স্বাস্থ্য অনেক ভালো হয়েছে। ঝাঁকড়া ঝাঁকড়া বড় বড় চুলে বিহুকে বেশ স্তম্ভর দেখাচ্ছিল। বিহুর মুখটা একটু মেয়েলী ধরনের, বেশ মিষ্টি। নগেনের সঙ্গে বিহুর কি প্রয়োজন থাকতে পারে? নগেন তো স্বস্তির বাড়ির কোনো ব্যাপারেই কখনও মাথা ঘামায়নি। বিহু শেষ চুমুক দিয়ে চায়ের পেয়ালাটা নামিয়ে রাখতেই নগেন জিজ্ঞেস করল,

‘বল, কি বলছিলে?’ বিহু চারপাশে একবার চোখ বুলিয়ে নিয়ে বলল, ‘এত লোকের সামনে বলা ঘাবে না। বাইরে কোথাও চলুন না।’

নগেন একটু অবাক হল, কি এমন ব্যাপার যে অফিসে বসে বলা যায় না। নগেন চেয়ারটা আস্তে আস্তে উঠে দাঁড়াল, ‘ঠিক আছে চলো! আমাদের একটা রিক্রিয়েশন ক্লাব আছে, এগন সেখানে কেউ থাকবে না, চল সেখানে বসেই কথা বলা ঘাবে।’ নগেনকে অনুসরণ করে বিহু অফিস থেকে বেরিয়ে এল। নগেন বেরোবার সময় শমিতাকে বলে এল, সে এখনি আসছে।

ক্লাবে এ সময়ে কেউই থাকে না। ভিড় আরম্ভ হবে আর একটু পরে। ঘরের মাঝখানে বিলিয়ার্ড টেবিল, একটা ফেন্টের চাদবে ঢাকা কোণে অনেক দূরে টেবিল টেনিসের টেবিল পাতা। ঘরের আর একপাশে মাহুর ঢাকা একটা চৌকির উপর ক্যারামবোর্ড। নগেন আর বিহু সেই চৌকির উপর বোর্ডটাকে একপাশে সরিয়ে রেখে সাবধানে বসল, ‘বল কি বলছিলে?’

বিহু প্রথমে একটু ইতস্তত করে জিজ্ঞেস করল, ‘ফুলা কি আপনাকে চিঠি লিখেছিল?’

‘হ্যাঁ, কেন বল তো?’

বিহু কিছুক্ষণ চুপ করে রইল। আঙুল দিয়ে ক্যারামবোর্ডের উপর আস্তে আস্তে শব্দ করল কয়েকবার। তারপর খুব মৃদু গলায় বলল, ‘ফুলা খুব অসুস্থ।’

‘অসুস্থ মানে। তার তো আজ আমাদের বাড়িতে আসার কথা! আমি ভেবেছিলুম সকালেই আসবে।’

‘ফুলার আর কোথাও ঘাবার মতো অবস্থা নেই।’

‘সে কি! আমাকে চিঠিতে লিখেছে, সামনে পরীক্ষা, একটু নির্জনে লেখাপড়া করার জন্তে আমাদের ওখানে আসবে। কি হয়েছে ফুলার?’

বিহু এবারেও চুপ করে রইল, যেন কি একটা বলতে চায় অথচ বলতে পারছে না। শেষে একসময় বলল, ‘ফুলার মাথাটা কি রকম গোলমাল হয়ে গেছে। আবোলতাবোল কথা বলছে। যাকে-তাকে যা-তা বলছে। একদম ঘুমোতে পারছে না। সারারাত জেগে থাকে। কখনও গান গায়, কখনও আবৃত্তি করে। সব সময় সেজেগুজে থাকে। আপন মনে হাসে। আর মাকে দেখলেই ভীষণ রেগে যাচ্ছে। মাকে একদম সহ্য করতে পারছে না।’

‘কি আশ্চর্য! এ রকম হবার কারণ?’

‘কারণটা তো আমরাও বুঝতে পারছি না, হঠাৎ এই রকম হল।’

‘কি করবে ভেবেছো, কাকে দেখাচ্ছ?’

‘এখনও দেখানো হয়নি। আমরা প্রথমটা তো ব্যাপারটা বিশ্বাস করতেই চাইনি। এখন দেখছি ফুলা আর স্বাভাবিক অবস্থায় নেই। তবে একটা ব্যাপার, অনবরতই সে আপনাকে দেখতে চাইছে, কেবল আপনার কথা বলছে।’

‘আশ্চর্য! আমার সঙ্গে শেষ তার কবে দেখা হয়েছে মনে পড়ে না। এক বছরও হতে পারে, দু বছরও হতে পারে। অথচ আমার কথা বলছে।’

‘আমার মনে হয়, আপনি যদি আজ একবার আসেন বড় ভাল হত, আপনার সঙ্গে পরামর্শ করে তারপর যা হয় একটা কিছু করা যাবে।’

‘কেন তোমার দাদা?’ নগেন প্রশ্নটা হঠাৎই করে ফেলল। হয়ত বিষ্ণুকে একটু আঘাত দেবার ইচ্ছে ছিল। স্বস্ত্রবাড়ির কোনো ব্যাপারেই নগেনকে কখনও কোনো কথা কেউ জিজ্ঞেস করেনি। মল্লিকাকে পার করে দিয়ে সকলেই নিশ্চিন্ত ছিল। নগেন যে বাড়ির বড় জামাই, তারও যে একটা প্রাপ্য সম্মান থাকতে পারে, স্বস্ত্রবাড়ির কাকুর মাথায় এ কথা কখনও ঢোকেনি।

বিষ্ণু এবারে খুবই বিব্রতের মতো মুখ করে বসে রইল। বিষ্ণুর মুখ দেখে নগেনেব মনটা খাবাপ হল। নিজের উপরেই রাগ হল, কি দরকার ছিল প্রশ্নটা করার! বিষ্ণু কিছু উত্তর দিল, ‘দাদা আজ মাসখানেক হল আলাদা হয়ে গেছে। আলাদা বাড়ি ভাড়া করে উঠে গেছে। আমরা এখন খুবই অসুবিধের মধ্যে আছি।’

নগেন এতটা আশা করেনি। সমীরণ প্রথম থেকেই একটু অসুস্থ রকমের ছিল, তবে একেবারে আলাদা হয়ে যাওয়া ভাবেনি। বিষ্ণু উঠে দাঁড়াল। সোজা হয়ে দাঁড়ালে বিষ্ণুকে বেশ লম্বা দেখায়। ‘তাহলে আজকে আপনি সন্ধ্যার পর আসছেন বলে ধরে নিতে পারি’—বিষ্ণু যেতে যেতে বলল।

নগেন বলল, ‘নিশ্চয়ই, হাসপাতাল থেকে বেরিয়েই তোমাদের গুখানে চলে যাব।’

বিষ্ণু তিনটে নাগাদ চলে গেল। নগেন আরো দেড় ঘণ্টা পরে অফিস থেকে বেরোবে। অফিসে সকলেই তাকে অঙ্ক করে তার নিষ্কলুষ চরিত্রের জন্তে, তার সহজ স্নন্দর আন্তরিক ব্যবহারের জন্তে। অফিসের চেয়ারে ফিরে এসে নগেন কিছুতেই আর কাজে মন বসাতে পারল না। শমিতাকে ডেকে বলল, ‘আজ আমার মনটা ভীষণ চঞ্চল হয়ে আছে, কিছুই করতে পারছি না, যা পার তুমি কর, কোনো রকমে চালিয়ে নাও।’

শমিতা হয়ত কোন প্রশ্ন করত কিন্তু ভীষণ ভদ্র মেয়ে, কান্নার ব্যক্তিগত ব্যাপারে কৌতূহল প্রকাশ করা অশোভন ভেবেই চূপ করে রইল। শুধু চোখে রইল একটা প্রশ্ন, একটা আশ্বাস, তাতে কি হয়েছে, আমরা তো রয়েছি। শমিতা ধীরে ধীরে নগেনের টেবিল থেকে সমস্ত কাগজ সরিয়ে নিয়ে চলে গেল।

পরপর দু'কাপ চা খেয়েও নগেন ফুলার ব্যাপারটার কোন কুলকিনারা করতে পারল না। ফুলার কি এমন হল যে সে মানসিক স্থিতি সাম্য হারিয়ে ফেলল! কি এমন আঘাত! কোনো প্রেম! প্রেম কথাটা মনে হতেই নগেনের মনে পড়ল, সে যেন অনেকদিন আগে রেস-কোর্সের কাছে ফুলার কাছে ফুলার মত কাকে একটা স্বাস্থ্যবান ছেলের স্কুটারের পেছনে বসে যেতে দেখেছিল। মেয়েটি ছেলেটির কোমর দু'হাতে জড়িয়ে ধরেছিল। ছেলেটি খুব জোরে স্কুটার চালাচ্ছিল আর গান গাইছিল। নগেন তখন অতটা গ্রাহ্য করেনি। ফুলা তো ফুলা, তাতে নগেনের কি যায় আসে। এখন মনে হচ্ছে সেই জোয়ান হিপি-চুল স্মৃতিবাজ ছেলেটাই ফুলার বর্তমান অবস্থার কারণ নয় তো? বলা যায় না আজকালকার ছেলেমেয়েদের 'ফ্রি-মিক্সিং' সব সময়ে ভাল ফল দেয় না। কিন্তু বারে বারে নগেনের নাম করার কি কারণ! কে জানে, কোথাকার জল কোথায় গিয়ে দাঁড়ায়! নগেনের মনে হল সে যেন ক্রমশই নানা ঘটনায় জড়িয়ে পড়ছে। সেই বাঘের অবস্থা। বনের পথে যেতে যেতে আঠা-মাখানো পাতায় পা আটকে গেল, সেই একটা পা ছাড়তে গিয়ে আর একটা পা গেল, শেষে পাতায় গড়াগড়ি, সারা গায়ে পাতা, বাঘমশাই বন্দী।

নগেন অত্যাগত দিনের চেয়ে কিছু আগেই বেরিয়ে পড়ল। উদ্ধার কাছে যাবার আগে কিছু কেনাকাটা করতে হবে। বেশ ভাল বিস্কুট কোনো বড় দোকান থেকে আজ তাকে কিনতেই হবে। চুল বাঁধার ফিতে কিনতে হবে। একটা পাউডার কেনা দরকার। ভাল সন্দেশ কিনতে হবে। নগেন মনে মনে একটা লিস্ট তৈরি করে রাস্তায় নেমে পড়ল। সারাদিনই আজ আকাশ পরিষ্কার। মেঘ ভাসছে এখানে ওখানে, ছেঁড়া ছেঁড়া, ছাড়া ছাড়া।

ধর্মভার কাছাকাছি এসে নগেন দেখল একটা বড় মিছিল বেরিয়েছে। মহিলাদের মিছিল। সুদূর গ্রাম থেকে মহিলারা শহরে এসেছেন মিছিল করে প্রতিবাদ জানাতে। কোনো মহিলার কোনো কোলে শীর্ণ সন্তান। এরা বেঁচে থাকাও কি কষ্টের, কি সমস্তার! মিছিলটার জন্তে নগেনকে অনেকক্ষণ অপেক্ষা করে থাকতে হল। মিছিল যারা পরিচালনা করছেন তাঁদের সাজপোশাক

ওরই মধ্যে বেশ ভাল, চেহারা শহুরে ধোপ-দুর্লভ। নগেনের হাসতে ইচ্ছে করল, রাজনীতিও কিছু মানুষের এক ধরনের ব্যবসা, বেঁচে থাকার ধরন। এক একটা কারণ ধরে কিছু মানুষকে ছাগলের মতো তাড়িয়ে নিয়ে বেড়ানো। এতে মিছিলের মানুষদের কি উপকার হয় জানা নেই তবে মিছিল যারা তৈরি করেন তাঁদের অবশ্যই কিছু হয়।

নগেন রাস্তা পার হবার আশা ছেড়ে, মিছিলের সমান্তরালে হাঁটতে শুরু করল। মিছিলে চলতে চলতে একটি ছোট্ট মেয়ে অনবরতই তার মাকে বিরক্ত করছে, জল খাব। মেয়েটির মা শুনেও শুনছে না, নির্বিকার হেঁটে চলেছে, যেন নেশাগ্রস্ত। শিশুদের কষ্ট নগেন সহ্য করতে পারে না। শিশু কেন, যে কোনো মানুষের কষ্ট দেখলেই নগেনের হৃদয় কাঁদে। মনের খাঁজে খাঁজে জল জমে ওঠে। নগেনের একবার খুব ইচ্ছে হল মেয়েটিকে একটা কোন্ড ডিক্সস কিনে দেয়। কিন্তু উপায় নেই, মিছিল চলতেই থাকে, মিছিল থামে না।

নগেন ভেবেছিল সে বেশ সকাল সকালই হাসপাতালে পৌছতে পারবে ; কিন্তু মিছিলের জগ্রে সেই দেরি হয়ে গেল। ভিজিটিং আওয়ার্স শুরু হয়ে যাবার প্রায় মিনিট পনের পরে নগেন হাসপাতালে ঢুকলো। বুকের কাছে একগাদা প্যাকেট। রুক্ষ চুল কপালের কাছে হাওয়ায় দুলছে। গালের পাশ দিয়ে ঘামের ফোঁটা নামছে। মুখটা মোছবার উপায় নেই, দুটো হাতই জোড়া।

উদ্ধার অবস্থার কোনো পরিবর্তন নগেনের চোখে পড়ল না, পড়ার কথাও নয়। যা হবার তা সকলের চোখের অন্তরালে উদ্ধার দুই জাহুর মধ্যে হচ্ছে। ধীরে ধীরে হাতের পুড়ে যাওয়া বিকৃত আঙুলগুলোয় মাংস ধরছে। অদৃশ্য কোনো মৃৎশিল্পী যেন প্রতিমার কাঠামোয় একটু একটু করে মূর্তিকার প্রলেপ দিয়ে চাঁপার কলি আঙুল তৈরি করে চলেছে! একদিন হাতের পাতা দুটো যখন সহসা মুক্তি পাবে তখন নগেন অবাক হয়ে যাবে, দশটি খেত চাঁপার খেলা চলবে তার চোখের সামনে।

উদ্ধার মাথার সামনে টাঙানো জ্বরের চাটটার উপর নগেন একবার চোখ বুলিয়ে নিল। সকালে নর্মাল, দুপুরে সামান্য একটু থাকছে, আবার রাতে নর্মাল হয়ে যাচ্ছে। দুপুরে রোদের উত্তাপে, শরীরের মধ্যে অস্বস্তিকর ভাবে দুটো হাত ঢুকে থাকার ফলেই বোধ হয় শরীরের তাপ সামান্য বাড়ছে।

নগেন উদ্ধার পাশে বসে একটা বিস্কুট খাওয়াবার চেষ্টা করল, ‘অনেক দিন তোমাকে নিজের হাতে কিছু খাওয়াইনি। একটা বিস্কুট তোমাকে আজ খেতেই হবে।’

উদ্ধা মুহূ হাসল। হাসলে তাকে সুন্দর দেখায়, গায়ে ছোট্ট একটা টোল পড়ে। সিস্টার উদ্ধাকে আজ সুন্দর করে সাজিয়ে দিয়েছেন। কপালে ছোট্ট একটা কুমকুমের টিপ। মাথার সামনে একটা নীল রিবনের ফুল। চুল শ্যাম্পু করা হয়েছে। রেশমের মতো নরম, ফুর ফুর করে উড়ছে। একটা ওয়ুথ ওয়ুথ গন্ধ নাকে লাগছে। নগেনের হাত থেকে উদ্ধা আস্তে আস্তে একটা বিস্কুট, একটা সন্দেশ খেল। ফিডিং কাপ থেকে একটু জল।

এতক্ষণ সিস্টার বোধহয় অগ্নি কোথাও কাছে ব্যস্ত ছিলেন। ছুটতে ছুটতে এলেন। মুখে সেই অটেল হাসি। ‘কেমন দেখছেন মেয়েকে?’

নগেন না হেসে পারল না, ‘বেশ ভালই দেখছি, আপনি সুন্দর করে সাজিয়ে দিয়েছেন, তবে এই শুয়ে থাকার কষ্টটা তো আমরা কেড়ে নিতে পারব না।’

সিস্টার উদ্ধার মাথার সামনে খাটের বাজুতে ভর দিয়ে দাঁড়িয়ে দাঁড়িয়ে কথা বলছিলেন, একটা হাত উদ্ধার চূলে খেলা করছে, ‘সে তো ঠিকই, এই চিকিৎসার এই বড় কষ্ট। তবে কি করা যাবে বলুন, ভাগ্য।’

‘ভাগ্য আপনি মানেন?’

‘মানি না আবার? আমার নিজের জীবনটাই তো ভাগ্যের খেলা।’ সিস্টার কথাটা বলেই কেমন যেন বহুশ্রম্য নীরবতার মধ্যে চলে গেছেন। বোঝা গেল জীবনের কোথাও একটা প্রচণ্ড আঘাতের ক্ষতকে ভোলার চেষ্টা করেও ভুলতে পারছেন না। সব সময় কাজ আর হাসি দিয়ে একটা আবরণ সৃষ্টি করে রাখতে চাইছেন।

নগেন প্রসঙ্গ পাল্টে নিল, ‘আমার সময়টা গত এক বছর থেকে মোটেই ভাল যাচ্ছে না, একটার পর একটা বিপদ আসছে, মাঝে মাঝে মনের বল হারিয়ে ফেলছি।’

সিস্টার উদ্ধার মাথা থেকে হাতটা তুলে নিয়ে ইশারায় নগেনকে উদ্ধার থেকে কিছু দূরে জানলার পাশে ডেকে নিলেন, তারপর খুব ফিস ফিস করে বললেন, ‘মা মারা যাবার পর ছোট্ট ছেলেমেয়েদের এই রকম বিপদ ঘায়, তখন খুব সাবধানে রাখতে হয়। মায়েরা অগ্নি জগতে গিয়েও নিজের ছেলেমেয়েকে কাছে টেনে দিতে চায়।’ কথাটা শুনে নগেন খুব অবাক হল। তার মানে

মল্লিকা উদ্ধাকে নিয়ে যেতে চেয়ে ছিল! মল্লিকা এত নিষ্ঠুর! বিদেহী
আম্মারা তো অনেক সময় ভালও করে সে শুনেছে, অনেক বিপদ থেকে
বাঁচিয়েও দেব, তবে...

নগেনকে চুপ করে থাকতে দেখে সিস্টার হেসে ফেললেন, 'এ সব আমাদের
মেয়েলী সংস্কার, আপনারা বিশ্বাস করবেন না, বিশেষত এই বিজ্ঞানের যুগে।
তবে আমার এই এতদিনের দীর্ঘ চাকরি জীবনে আমি অনেক কেস দেখেছি
এবং তাতে আমার বিশ্বাস আরো পাকা হয়েছে।'

নগেন বলল, 'আমার চুপ করে থাকার কারণ অল্প। আমি ভাবছি মেয়েরা
এত নিষ্ঠুর হয় কি করে?'

'নিষ্ঠুর বলছেন কেন, এটা হল অপত্য স্নেহ, ভালবাসার জিনিসকে তারা
ছেড়ে থাকতে পারে না, কি ইহলোকে, কি পরলোক।'

নগেন হাসল, 'জীবন বড় জটিল জিনিস, মৃত্যু আবার তেমনি রহস্যময়।
কোনোটাই ভাল করে বোঝা যায় না। আপনারা তবু কিছুটা বোঝেন।
আমরা তো গা বাঁচিয়ে জীবনের একপাশ দিয়ে হেঁটে গেলাম, মৃত্যুতে কি
আছে সে তো পরের কথা।'

সিস্টার বললেন, 'থাক, আর তত্ত্ব কথায় কাজ নেই, এখন চলুন চা খাই,
কাজের কথা আছে।' নগেনের চা খাবার খুব একটা ইচ্ছে ছিল না; কিন্তু
কেউ কিছু অহরোধ করলে সে ঠেলতে পারে না। নগেন এও বোঝে না
হাসপাতালে এত দর্শনার্থী আসে, অনেকেই কর্মীদের উদাসীন ব্যবহার সম্পর্কে
অভিযোগ করেন, অথচ নগেনের অভিজ্ঞতা সম্পূর্ণ অন্তরকম, দিনের পর দিন
সিস্টারের হাতে তৈরী চা খেয়ে সে বিদায় নেয়। একেই বলে ভাগ্য। কার
ভাগ্য। তার নিজের, না উদ্ধার।

চা খেতে খেতে সিস্টার বললেন, 'আপনার কাছে আমার একটা ব্যক্তিগত
অহরোধ আছে, বলুন রাখবেন?' নগেন এই ধরনের কথাকে ভীষণ ভয় পায়।
মহিলাদের অহরোধ কখন কোন দিক থেকে আসবে কি চেহারা নিয়ে, বলা
শক্ত। না শুনে কথা দেওয়া মুশকিল। তবু নগেন বলল, 'বলুন না, মাথো
থাকলে অবশ্যই রাখব।' নগেনের দিকে একটা বিস্মৃত এগিয়ে দিতে দিতে
সিস্টার বললেন, 'আমার ছোট বোনটা এম. এ. পাস করে বসে আছে, ওকে
একটা চাকরি করে দিতে হবে। আপনি চেষ্টা করলে অবশ্যই পারবেন।'

নগেন যেন হাঁফ ছেড়ে বাঁচল। খুব সাধারণ অহরোধ। নগেন খুব শাস্তভাবে
নরম গলায় বলল, 'আপনার অহরোধ, আমি নিশ্চয়ই রাখবার চেষ্টা করব,

তবে চাকরির বাজার আপনি নিজেই জানেন, আগের মতো সহজ নেই, হয়ত একটু সময় লাগবে।’

সামান্য কথাতেই মানুষ কত খুশী হয়। কোথায় চাকরি, কোথায় কি। শুধু চেষ্টা করে দেখব বলাতেই সিস্টার কত উৎফুল্ল! তাঁর মুখ দেখে নগেনের মনে হল তিনি যেন পূর্ব আকাশের দিকে তাকিয়ে সূর্যোদয় দেখছেন।

হাসপাতালের বাইরে এসে নগেন কিছু সময় ফুটপাথে চুপ করে দাঁড়িয়ে রইল। উদ্ভাকে দেখতে আসাটা ইদানীং অভ্যাস হয়ে গেছে, কিন্তু এইবার শক্ত কাজ করতে হবে। ফুলাকে দেখতে যেতে হবে। প্রথম চুশ্চিন্তা মাঝপথ থেকে বাসে ওঠা। অফিসের ভিড় কাটতে কাটতে সেই রাত দশটা। নগেন একটা সিগারেট ধরিয়ে কার্যপদ্ধতি ঠিক করতে লাগল। প্রথম সমস্যাটার কি সমাধান হবে! কি ভাবে সে যাবে। অনেক ভেবে সে ঠিক করল একটা ট্যাক্সিই করবে। অনেক টাকার ব্যাপার। কিন্তু কি করা যাবে! একবার তার মনে হল, যদি না যায় তাহলে কেমন হয়। কিন্তু না, ফুলা সম্পর্কে তার একটা কৌতূহল রয়েছে। কেন সে ফুলাকে অপ্নে দেখল? কেন ফুলা তার কথা বাবে বায়ে বলছে? কেন বিহু তার সঙ্গে ফুলা সম্পর্কে পরামর্শ করতে চাইছে?

অনেক কষ্টে নগেন একটা ট্যাক্সি পেল। এ অঞ্চলে সঙ্গে মহিলা না থাকলে ট্যাক্সি পাওয়া ভার। ট্যাক্সিটা কিছুদূর গিয়ে নগেনের বিনা অহুমতিতেই শাটল ট্যাক্সি হয়ে গেল। আরো কয়েকজন উঠে পড়লেন। সকলেই অপ্রকৃতিস্থ। বেসামাল হবার আগের অবস্থা। মানুষ আজকাল সহজেই নেশার শিকার। টাকার নেশা, তরলপদার্থের নেশা। নগেন কোনো রকমে সঙ্কুচিত হয়ে বসে পথটা কাটিয়ে দিল।

ফুলাদের নীচের তলার ভাড়াটেরা বোধহয় উঠে গেছে। একতলাটা অন্ধকার। সিঁড়িটাও অন্ধকার। উপরে কোথাও একটা আলো জ্বলছে। তার একটা আভা সিঁড়ির সবচেয়ে উপরের কয়েকটা ধাপে এসে পড়েছে।

নগেন ওপরে উঠে এসে, বিহু বিহু বলে কয়েকবার ডাকল। কোনো সাড়া পেল না। নগেন খুব বিপদে পড়ল। বিহু জানে সে আসবে অথচ কোথায় চলে গেল! নগেন আরো বার কয়েক ডাকল। কোনো সাড়া নেই। বাড়িতে কেউ আছে বলে মনে হল না। নগেন ভাবছে ফিরে যাবে, এমন সময় বিহু সিঁড়ি দিয়ে উঠে এল, হাতে একটা গেলাসে আধ গেলাসের মত চা।

বিহু সামনে এসে বললে, ‘জামাইবাবু, কতক্ষণ এলেন আমি দোকানে চা স্কিনতে গিয়েছিলুম।’ নগেন যেতে যেতে বললে, ‘আমি এইমাত্র এসেছি, কারুকে না দেখে ফিরে যাচ্ছিলুম।’

নগেন বিহুর ঘরে এসে বসল। ঘরটা কেমন যেন শ্রীহীন। ময়লা বিছানার চাদর। চারদিকে বই আর কাগজ ছড়ানো। মেঝেতে ধুলো, সিগারেটের টুকরো ছড়ানো। নগেন একটা হাতলছাড়া চেয়ারে বসল। বিহু চায়ের গেলাসটা টেবিলে রেখে নগেনকে জিজ্ঞেস কবল, ‘একটু চা খাবেন? নগেনের চা তেষ্ঠা পেয়েছিল, পাছে বিহু বিব্রত হয় এই ভেবে বলল, ‘না থাক, আমি এইমাত্র চা খেয়েছি।’ বিহু আর দ্বিতীয়বার অনুরোধ না করে চায়ে চুমুক দিল। এ বাড়িটা নগেনের কাছে চিরকালই রহস্যময় রয়ে গেল। বিহু দোকান থেকে চা এনে খাচ্ছে। বিহুর মা কোথায়। ফুলা কোথায় গেল!

নগেনকে প্রশ্ন করতে হল না, বিহুই বললে। বিহুর মা সন্ধ্যার শোতে সিনেমা দেখতে গেছেন। ফুলা তার নিজের ঘরে দরজা দিয়ে বসে আছে। সেই বিকেলে একবার বেরিয়েছিল। তারপর থেকেই ঘরে বসে আছে। নগেন একটু ইতস্তত করে বলল, ‘তাহলে আজকে আমি বাই কি বল?’ বিহু হাত নেড়ে বলল, ‘না না, আপনার সঙ্গে আমার দরকার আছে, আর আপনি ফুলাকে ডাকলে, আমার মনে হয় সে দরজা খুলে দেবে।’ নগেন আরো কিছু সময় সেই হাতলহীন পালিশ-চটা চেয়ারে বসে রইল। বিহু চুমুকে চুমুকে চা প্রায় শেষ করে এনেছে। নগেন বলল, ‘ঠিক আছে, তোমার চা খাওয়া হয়ে থাক, দুজনে এক সঙ্গেই খাব।’ টেবিলের উপর থেকে সেদিনের কাগজটা তুলে নিয়ে নগেন পাতা ওলটাতে লাগল। আজকালকার কাগজে খবর খুব বেশি থাকে না, থাকে অজস্র বিজ্ঞাপন। নগেন একটা কাপড়ের কলের বিজ্ঞাপন দেখছিল—একটি ছেলে অভুত একটা পোশাক পরে গাছের ডাল ধরে ঝুলছে, আর দূর থেকে একটি মেয়ে নেচে নেচে ছ হাত প্রসারিত করে ছেলেটির দিকে এগিয়ে আসছে।

বিহুর চা শেষ হল, অল্প একটু তলানি পড়ে রইল গেলাসে। গেলাসটার সারা গায়ে ছোপ ছোপ দাগ। নগেনের গা ঘিন ঘিন করে উঠল। এ বাড়ির সকলেই কি যত! জীবন সম্পর্কে সমস্ত উৎসাহই কি শুকিয়ে গেছে? বিহু বলল, ‘চলুন তা হলে খাওয়া যাক।’ ফুলার ঘর বারান্দার সব শেষে। সেই ঘরটা, যে ঘরে নগেন একদিন মল্লিকাকে অস্থস্থ হয়ে একা শুয়ে থাকতে দেখেছিল। এ ঘরটা কি অস্থস্থের ঘর। ঘরের দরজা ভেতর থেকে বন্ধ। কোনো লাড়া

শব্দ নেই। বিহু দরজায় কান পেতে কিছু শোনা যায় কি না দেখল, তারপর সোজা হয়ে দাঁড়িয়ে ভারি গলায় ডাকল, 'ফুলা'। দু-তিনবার ডাকার পর ঘরের মধ্যে চুড়ির শব্দ হল ; কিন্তু দরজা খোলার কোনো লক্ষণ দেখা গেল না।

তখন নগেন ডাকল, 'ফুলা, দরজা খোল, আমি এসেছি, আমি নগেন এসেছি।' ঘরে পায়ের শব্দ পাওয়া গেল। বিহু আর নগেন সোজা হয়ে দরজার বাইরে দাঁড়িয়ে রইল। ফুলা বন্ধ ঘর থেকে বললে, 'দরজা আমি খুলব, তবে একজনের জন্তে, ওই শয়তানটাকে সরে যেতে বলুন।' ফুলার কথা শুনে নগেন অবাক হয়ে বিহুর মুখের দিকে তাকিয়ে রইল কিন্তু বিহুর মুখে সে কিছুই পড়তে পারল না। বিহু হাত দিয়ে চোখের ওপর থেকে লম্বা চুলের রাশ সরাতে সরাতে বলল, 'ঠিক আছে, আমি চলে যাচ্ছি, আপনি কথা বলুন।'।

বিহু ত্রিশমীমানায় নেই শুনে ফুলা দরজা খুলল। ঘরের দরজা খুলতেই নগেনের চোখ ঝলসে গেল। ঘরের সবকটা আলো জ্বল জ্বল করে জ্বলছে আর সেই উজ্জ্বল আলোর সামনে দরজার চৌকাঠে দাঁড়িয়ে আছে ফুলা। তার দীর্ঘ শরীর একটু কুশ দেখালেও মুখ যেন অস্বাভাবিক উজ্জ্বল। চুল বাঁধেনি, পিঠ বেয়ে কোমরের কাছে ঘন হয়ে পড়ে আছে। শাড়ির রঙ গাঢ় নীল, তার উপর সাদা ডুরে। ফুলাকে এমনি দেখতে স্বন্দর আজ যেন আরো স্বন্দর দেখাচ্ছে। নগেন ফুলার দৃষ্টিতে কোনো অস্বাভাবিকতা খুঁজে পেল না।

ফুলাই প্রথমে কথা বলল খুব স্বাভাবিক গলায়, 'আম্নন, ভিতরে আম্নন।' নগেন জুতোটা বাইরে খুলে আসতে চাইছিল। ফুলা বলল, 'জুতো পায়ে দিয়েই আম্নন, বাইরে রাখলে চুরি হয়ে যাবে।' ফুলার এই কথায় নগেন একটু অস্বাভাবিকতা খুঁজে পেল। বাড়ির ভেতর থেকে, কিভাবে জুতো চুরি হবে নগেন ভেবে পেল না। নগেন ঢুকতেই ফুলা ঘরের দরজা বন্ধ করে দিল। ফুলা দরজা বন্ধ করায় নগেন একটু অস্বস্তি বোধ করল। ফুলা যদি বন্ধ ঘরে খুব অস্বাভাবিক হয়ে ওঠে তা হলে নগেন কি করবে!

ঘরে ফুলা বোধহয় একটা ধূপ জ্বলে রেখে ছিল, স্বন্দর গন্ধে ভরে আছে। এক কোণে টান টান করে বিছানা পাতা, পরিষ্কার চাদর, পরিষ্কার টেবিলের ঢাকা, সমস্ত ঘর স্বন্দর নিখুঁত করে সাজানো। নগেন ঘরের চেহারা দেখে খুব অবাক হল। যে এত স্বন্দর করে ঘর সাজাতে পারে তাকে অস্বাভাবিক বলা যায় ক্লেমন করে! দরজা বন্ধ করে ফুলা জানলার ধারে বসে নগেনের দিকে

তাকিয়ে মুহ মুহ হাসছে। নগেনকে অবাক হতে দেখে ফুলা বলল, ‘খুব অবাক হয়েছেন তাই না ?’

‘তা একটু হয়েছে। আমি সকাল থেকে ভাবছি, এই আসবে, এই আসবে, অফিসে এসে বিছুর কাছে অল্প কথা শুনলুম।’

ফুলা হাসল। হাওয়ায় তার চুল উড়ছে, শাড়ির আঁচল উড়ছে। কপালের মাঝখানে সাদা টিপে মুখটা ভারি মিষ্টি দেখাচ্ছে। ফুলা বললে, ‘ওই তো যাবার আয়োজন সব প্রস্তুত, আজই আপনাব সঙ্গে চলে যাব।’ নগেন তাকিয়ে দেখল ঘরের এক কোণে একটা হালকা স্টুটকেস। ফুলার যাবার কথা শুনে নগেনের সন্দেহ হল, ফুলা তাহলে প্রকৃতই মানসিক সুস্থতা হাবিয়েছে। তা না হলে হঠাৎ এই ধরনের কথা বলবে কেন ? ফুলা বোধহয় নগেনের মনের কথা অনুমান করতে পেরেছিল। সে হেসে বলল, ‘এ বাড়ির কাকুর কথা বিশ্বাস করবেন না, এখানে গভীর চক্রান্ত চলেছে, আজ আপনার সঙ্গে এই যে বেবিয়ে যাব আর এ বাড়ির চৌকাঠ মাড়াবো না।’

নগেন ফুলার কোনো কথাই মাথামুণ্ড বুঝতে পাবল না। হঠাৎ মনে হল সে যেন কোনো বহু ন্যাটকেব মাঝখানে রঙ্গমঞ্চে এসে প্রবেশ করছে। সে এবার পবিত্রভাবেই ফুলাকে জিজ্ঞেস করল, ‘ব্যাপারটা কি ? আমি তোমাদের কাকুর কথাই বুঝতে পাবছি না।’

ফুলা ধরা গলায় বলল, ‘আপনাব মতো জগৎছাড়া লোক জগতের নোঙবামি কি করে বুঝবেন ? দিদি আপনার হাতে পড়ে বঁচে গিয়েছিল, বেশি দিন ভোগ করতে পাবল না এই যা দুঃখ।’ নগেন অবাক হয়ে দেখল ফুলা কাঁদছে। বড় বড় দুঃখোখ বেয়ে জলের বিন্দু নামছে। নগেন এর আগে ষড়বার ফুলাকে দেখেছে তার বেদনার দিকটা কখনও দেখতে পায়নি। সব সময় তাকে উচ্ছল, হাসিখুশী দেখেছে। ফুলাব চোখের জল দেখে নগেন খুব অস্বস্তি বোধ করল। জীবনের এই সব মুহূর্তে মানুষের কি করা উচিত তার জানা নেই। নিজের স্ত্রী ছাড়া জীবনে কখন অল্প কোনো মহিলার সান্নিধ্যে সে আসেনি। স্ত্রী হলে কাছে টেনে নিয়ে শাস্ত করার চেষ্টা করা যেত। স্ত্রীর সঙ্গে এই ধরনের মুহূর্ত তার জীবনে বহুবার এসেছে। তাদের সংসারে মল্লিকাকে অনেক চোখের জল ফেলতে হয়েছে। সে আঘাত নগেনের দিক থেকে খুব কমই এসেছিল, এসেছিল নগেনের বাবার দিক থেকে। মল্লিকা চলে যাবার পর নগেনের এই একটিমাত্র সাধনা, নগেন খুব কমই তাকে আঘাত করেছে, নগেনের বিবেক নির্জন রাতে কখনই তার মুখোমুখি হয়ে বলবে না ‘নগেন তুমি নিষ্ঠুর ছিলে।’

নগেন তবু উঠে দাঁড়াল। একটু ইতস্তত করে জানলার ধারে ফুলার কাছে এগিয়ে গেল, তারপর তার ডান হাতটা ফুলার মাথায় খুব আলতো করে রেখে বলল, ‘তুমি কাঁদছ।’ ফুলা নগেনের বুকে মাথা বেখে হু হু করে কেঁদে উঠল। ঘরে সেই সময় অন্য কোনো তৃতীয় ব্যক্তি থাকলে নগেনের মুখের অবস্থা দেখলে কল্পনা বোধ করত। নগেন কিছুতেই সহজ হতে পারছে না, আড়ষ্টতা কাটাতে পারছে না। তার কেবলই মনে হচ্ছে সে হয়ত কোনো অপরাধ কবে ফেলেছে।

ফুলা তখন নগেনের বুকে মুখ গুঁজে দুহাতে তাকে জড়িয়ে ধরে ফুঁপিয়ে ফুঁপিয়ে কাঁদছে। নগেন ফুলাকে কখনই অন্যভাবে দেখেনি। ফুলাকে সে সব সময় ছোট বোনের মতোই ভালবেসেছে অথচ এই মুহূর্তে ফুলার সমস্ত শরীরের ভার নিজের উপর নিয়ে নগেন খুবই বিব্রত বোধ করল। আশ্বে আশ্বে তার চুলে হাত বুলোতে বুলোতে বলল, ‘ফুলা, শান্ত হও, আমাকে ব্যাপারটা বুঝতে দাও।’ ফুলাকে সাবধানে খাটের দিকে এগিয়ে নিয়ে এল। রাত্তার ধারের খোলা জানলার সামনে এই ধরনের দৃশ্য বড় মারাত্মক। নগেন ফুলাকে খাটের একধারে বসিয়ে দিল। বহুকণ ধরেই ঘরের সবকটা আলো একসঙ্গে জ্বলছিল বলে তার চোখে লাগছিল। একটা কম আলো রেখে সবকটা আলো নিভিয়ে দিল। এতক্ষণে ঘরটা বেশ স্নিগ্ধ লাগছে।

নগেন নিজের চেয়ারে বসার আগে ফুলার আঁচল দিয়ে ফুলারই চোখ মুছিয়ে দিল। ‘তুমি আমাকে পরিষ্কার করে বল ব্যাপারটা কি, আমি তোমার কি করতে পারি?’

‘সব পারেন, আপনি আমাকে নতুন জীবন দিতে পারেন।’ ফুলার গলা তখনও কাশা-জড়ানো।

নগেন ব্যাপারটা তাড়াতাড়ি শেষ করার জন্য বলল, ‘কি ভাবে?’

‘আমাকে গ্রহণ করে।’ ফুলার চোখ দুটো যেন অস্বাভাবিক চকচকে। ফুলার উত্তর শুনে নগেন স্তম্ভিত হয়ে গেল, এ কি কথা? এমন কথা তাকে শুনতে হবে সে স্বপ্নেও ভাবেনি। তার নিজের বয়স চল্লিশের দিকে চলেছে। ঘাড়ের কাছে দুটো-একটা চুলে পাক ধরেছে। মাথার সামনের চুল পাতলা হয়ে এসেছে। শরীর যত না ভাঙুক, মনটা একদম ভেঙে গেছে। মনে সব সময় কে যেন বেহালার ছড় টেনে চলেছে। এই রকম একজন আধবুড়ো স্বতন্ত্র লোক কেমন করে ফুলার মন দখল করতে পারে। ফুলা সত্যিই পাগল হয়ে গেছে। আর তা না হলে একটা প্রচণ্ড রকমের বড় আঘাতকে

সামলাবার জন্যে এই ধরনের আত্মহত্যার পথ বেছে নিতে চলেছে। নগেন ব্যাপারটাকে আর লম্বা করে নিতে পারল না। সে একটু কষ্ট হয়েই বলল, 'তুমি কি পাগল হয়েছ ?

‘হ্যাঁ, পাগল হয়েছি। আমাকে আপনার সংসারে স্থান দিতেই হবে।’

‘তা কি করে সম্ভব। আমি এমন কথা কখনও চিন্তা করিনি।’

‘আপনি না করলেও আমি করেছি। গত এক বছর ধরে করছি।’

‘এ ছাড়া তোমার অন্য কোনো অসুস্থতা থাকলে করতে পার আমি শুনব, আর তা না থাকলে আমি এখন উঠব।’

নগেন কথাটা বোধহয় একটু জোরে বলে ফেলেছিল, ফুলা পাথরের মূর্তির মতো বসে রইল। ফুলার চোখে আবার জল নেমেছে। নগেন মহা বিপদে পড়ল। এই ধরনের অদ্ভুত পরিস্থিতিতে সে কখনও পড়েনি। ফুলাকে শাস্ত করার জন্যে সে যুক্তিতর্কের রাস্তায় চলে দেখতে চাইল।

‘তুমি একটু বুঝে দেখ ফুলা, আমি একটা পঞ্চাশ বছরের বুড়ো, ঘাটের দিকে পা বাড়িয়ে বসে আছি। যা কিছু করবে ভেবেচিন্তে করবে। তোমার নিজের জীবনের একটা সাধ আহ্লাদ আছে তো !

‘আমার একটা সাধ, সে সাধ হল যাকে আমি শ্রদ্ধা করি তাঁর কাছেই জীবন কাটাতে চাই। অনেক হৈ হৈ করেছি। অনেক কিছু দেখেছি। দেখতে আমার বাকি নেই কিছু। এখন একটু শান্তি চাই, এখন একটু গভীরতা চাই। জীবনের গভীরতা আমি আপনার মধ্যেই দেখেছি।’

‘এসবই তোমার মনের বিকার। তোমার মতো শিক্ষিতা মেয়ে এত সহজে হেরে যাবে! হয়ত আঘাত পেয়েছ, তাতে কি ? বার্ষিকতার পেছনেই তো আসে সাফল্য। একটু অপেক্ষা করতে হয়, একটু ধৈর্য ধরতে হয়।’

ফুলা হঠাৎ নগেনের সামনে এসে দাঁড়াল, ‘আমাকে কি আপনি ছেলেমানুষ মনে করেন ? আপনি তো সব সময় আমার বাইরেটাই দেখেছেন, আমার ভেতরটা কি দেখার চেষ্টা করেছেন কোনোদিন ?’

‘তোমার ভেতরটা দেখার কোনো প্রয়োজন তো ছিল না ফুলা !’

‘এখন আমার অসুস্থতায় তা ভাবতে হবে। আমি আগে বলিনি, এখন সুযোগ এসেছে বলে বলছি।’

‘যা হবার নয় তুমি তাই ভাবতে বলছ। আমি একজনের স্বাধীনতাকে নিয়ে বাকি জীবনটা কাটাতে চাই। আমার জীবন কাটাবার নিজস্ব একটা ধরন আছে। তুমি হুঃখ পেলেও আমার কিছু করার নেই।’

‘নিশ্চয়ই আছে। আমি আপনার কাছে আত্মসমর্পণ করেছি, আর আমি জানি আপনি নিষ্ঠুর নন। আপনার হৃদয় আছে। একটা জীবন আপনাকে মধ্য পূর্ণতা খুঁজছে, তাকে আপনি ফেরাতে পারেন না।’

নগেন বেশ বুঝল ফুলা শুধু নিজের দিকটাই দেখছে। কথা দিয়ে যুক্তি দিয়ে সে নয়কে হয় করতে চাইছে। জীবন মৃত্যুর এক বছরের মধ্যে একটা লোক আবার বিয়ে করতে পারে না, চক্ষুজ্ঞা বলেও তো একটা জিনিস আছে তাছাড়া নগেন মল্লিকার শূণ্য আসনে আর কাউকে বসাতে প্রস্তুত নয় তারপর উদ্ধা। উদ্ধাকে সে কি বোঝাবে? না না, ফুলা সত্যিই তার স্বাভাবিকতা হাবিয়েছে! তা ছাড়া ফুলা নিজের জীবনের সিদ্ধান্ত নিয়ে কি করে নিতে পারে! তার মা আছে, ভায়েরা আছে। নগেন এখন পালাতে পারলে বাঁচে। ফুলাকে কোনো রকমে কাটাবার জন্য নগেন বলল, ‘ঠিক আছে, আমাকে একটু ভাববার, একটু প্রস্তুত হবার সময় দাও। তুমি বললে এক বছর ধরে ভাবছ! আমাকে অন্তত এক সপ্তাহ ভাবার সময় তো দেবে!’

‘সময়!’ সময় পেলেও আপনি কিছু করতে পারবেন না। আমি আপনাকে জানি। আপনি বহু ধরনের ‘কিন্তু’ আর ‘যদি’র পাল্লায় পড়ে আছেন! আমি আজই আপনার সঙ্গে যাব। আমাকে না নিয়ে গেলে আপনার মুক্তি নেই! আপনার উপর জোর করার অধিকার আমার আছে।’

নগেন বলল, আজ সকাল অবধি তোমাকে আমার বাড়িতে মাসখানেকের জন্যে পেতে আমার কোনো আপত্তিই ছিল না, কিন্তু এই মুহূর্তে তুমি আমার বাড়িতে যেতে চাইলে আমার আপত্তি আছে। আমি জেনেও কান্নার জীবন নিয়ে খেলা করতে পারবো না।’

ফুলা এইবার ফুঁসে উঠল, ‘আপনার জীবনে এখন জীবন প্রয়োজন আছে। আপনার সংসার ভেঙ্গে যেতে পারে না। সামনে এখনও অনেকটা পথ পড়ে আছে। সে পথে আমরা দুজনে চলতে পারি। তা ছাড়া উদ্ধার কথাও ভাবতে হবে। মাইনে করা লোকের কাছে কাজ পাওয়া যেতে পারে, স্নেহ ভালবাসা পাওয়া যায় না। আর স্বত্তির কথা বলছেন! স্বত্তির মতো বিশ্বাসঘাতক কিছুই নেই।’

‘আমি তোমার সব কথাই স্বীকার করছি। তবে আমাকে একটু ভাববার সময় দাও। উদ্ধাকে হাসপাতাল থেকে ফিরতে দাও।’

‘আমি তো এখনই কিছু করতে বলছি না। আমি ওখানে থাকতে থাকতে আপনি মনকে প্রস্তুত করার সময় পাবেন। অন্ত কোনো ভাবে গিয়ে সংসার

দখল করার আগে আমি খোলাখুলি কথা বলে নিতে চাই।’

‘বেশ তো। তার আগে আমি তোমার মার সঙ্গে কথা বলি নি।’

‘মা!’ ফুলা ঘেন ঘুণায় ফেটে পড়ল, ‘সংসারের কোনো ব্যাপারে মার কিছু বলার অধিকার নেই।

‘বেশ, বিছুর সঙ্গে কথা বলি।’

‘হ ইজ বিছুর’ ফুলা ঘেন আরো রেগে গেল, ‘বিছুর কে? এ বাড়ির ইট কাঠ পাথরের মতোই বিছুর একটা নিষ্প্রাণ পদার্থ।’

নগেন মহা বিপদে পড়ল। ‘কিন্তু এত রাতে যাবে কি করে?’

‘রাত? এর চেয়ে অনেক রাতে আমি অনেক জায়গায় গেছি। আপনি আমার সঙ্গে যাবেন। চলুন আমি প্রস্তুত।’ ফুলা স্টকেসটা হাতে তুলে নিল। নগেন ঘড়ি দেখল, রাত প্রায় সাড়ে নটা। ফুলা দরজা খুলে বেরিয়ে এল, পেছনে নগেন। ‘বিছুরকে বলে যাই। ফুলা হাত নেড়ে বলল, ‘কিছু প্রয়োজন নেই। কাকে বলবেন, ও তো সন্ধ্যা থেকেই ম্যানড্রেস্স খেয়ে পড়ে আছে।

ফুলা আর নগেন রাস্তায় এসে দাঁড়াল। নগেনের কিছুই ভাল লাগছিল না। ব্যাপারটা এতই অদ্ভুত এবং এর পরিণতি কি দাঁড়াবে বলা শক্ত। নগেনের মনটা তখন একেবারেই শূন্য হয়ে গেছে। সে আর কিছুই চিন্তা করতে পারছিল না।

প্রায় জনশূন্য রাস্তা। ফুলার মা তখনও ফেরেননি। একটা-দুটো খালি বাস দূরে মোড় ঘুরে চলে যাচ্ছে দেখল। দুজনে পাশাপাশি হেঁটে মোড়ের দিকে এগোচ্ছে। নগেন মোড়ের কাছে এসে একটা দোকানের সামনে দাঁড়াল। বাস আর আসে না! নগেন বলল, ‘তুমি এখানে একটু দাঁড়াও। আমি এগিয়ে দেখি ট্যাক্সি পাই কি না!’ নগেন দূরে পোলের দিকে এগিয়ে গেল। ফুলা পায়ের কাছে স্টকেস নামিয়ে রেখে দাঁড়িয়ে আছে। নগেন একটু এগিয়ে পোলের দিক থেকে একটা ট্যাক্সি আসতে দেখল। হাত দেখাতেই ট্যাক্সিটা থামল। নগেন উঠে বলল। নগেনকে উঠতে দেখে ফুলা পায়ের কাছে থেকে স্টকেসটা হাতে তুলে নিল। ট্যাক্সিটা ফুলার দিকে এগিয়ে আসছে। হঠাৎ গাড়িটা একটা পুরো বাঁক নিয়ে ঘুরে গেল উল্টো দিকে। ফুলা দেখল পেছনের লাল আলোটা ক্ষুদ্র পোলের মাথার উপর উঠে গড়িয়ে নীচে নেমে গেল। নগেন পেছনের সিট থেকে বাড় ঘুরিয়ে দেখল ফুলা স্টকেস হাতে লোভা দাঁড়িয়ে আছে। দোকানের আলোর তার দীর্ঘ চোরা

স্পষ্ট দেখা যাচ্ছে। গাড়িটা ঢালুতে নেমে যেতে ফুলা দৃষ্টিপথ থেকে হারিয়ে গেল।

ফুলাকে এইভাবে ফাঁকি দিতে পেরে নগেনের বেশ ভাল লাগছিল। এই শেষ দেখা। আর কোনো দিন না, এমুখো সে আর কোনোদিন হবে না। গাড়িটা কিছুদূর এগোতেই ফুলার মনের শূন্যতা নগেনের মনকে ছেয়ে ফেলল। কাজটা ভাল হল না। কোঁকের মাথায় নগেন খুব একটা অস্থায় করে ফেলেছে। মনের মধ্যে বিষণ্ণতার গুঁড়ি গুঁড়ি বাঁটি শুরু হল। নগেন হঠাৎ ড্রাইভারকে বলল 'গাড়ি ঘোরাও।' ড্রাইভার একটু অবাক হল, জিজ্ঞেস করল, 'কোন দিকে ঘোরাবো।'

যে দিক থেকে এসেছেন সে দিকেই চলুন, খুব জোরে চালান, ভীষণ একটা ভুল হয়ে গেছে।'

ড্রাইভার কি ভাবল কে জানে। গাড়িটা ঘুরে গেল। রাতের জনশূন্য রাস্তা, টপ স্পিডে গাড়ি চালাতে কোনো অসুবিধেই হল না। শোলের উপর উঠতেই নগেন সামনে দুঁকে দোকানটা দেখবার চেষ্টা করল।

'কোথায় যাব?'

'চলুন চলুন, সামনে এগিয়ে চলুন।'

'দোকানটার সামনে গাড়িটা এসে দাঁড়ালো। দোকান বন্ধ। রাস্তা অন্ধকার। কেউ কোথাও নেই। ফুলা যেখানে দাঁড়িয়েছিল সেখানে একটা চৌড়া পড়ে আছে। নগেন সেই অন্ধকার দোকানের সামনে শুরু হয়ে কিছুক্ষণ দাঁড়িয়ে রইল। উন্টো দিকে একটা অন্ধকার মতো জায়গায় ট্যান্ডিটা দাঁড়িয়ে পড়েছে। পেছনের লাল আলো রাস্তার খানিকটা অংশে একটা স্তব্ধ আশঙ্কায় মতো ছড়িয়ে গেছে। অন্ধকারে বসে ড্রাইভার একটা সিগারেট ধরিয়েছে। সিগারেটের আগুনে তার কপাল নাক ঠোঁটের কিছুটা অংশ আঁকা হয়েছে।

নগেন এখন কি করবে? ফুলা কি বাড়ি ফিরে গেল? নগেন একবার ভাবল খোঁজ নিতে যাবে, তারপর ভাবল ফুলা যদি ফিরে না গিয়ে থাকে তাহলে সে কি কৈফিয়ত দেবে। দোকানটা খোলা থাকলে সে জিজ্ঞেস করতে পারত। দোকানটাও বন্ধ হয়ে গেছে। ড্রাইভার সিগারেটের শেষ অংশটা রাস্তার ছুঁড়ে ফেলে দিল। কয়েকটা আগুনের ফুলকি উড়ল হাওয়ায়। ড্রাইভার জিজ্ঞেস করল, 'কি হল? যাবেন তো?'

নগেন চমকে উঠল। 'হ্যাঁ যাব।'

নগেন ধীরে ধীরে গাড়িতে এসে উঠল।

গাড়ি আবার পুরো একটা বাক নিয়ে পোলের উপর উঠে গেল। অনেক রাত হয়েছে। নির্জন রাস্তা দিয়ে গাড়ি ছুটেছে। ভিক্টোরিয়া পেছনে চলে গেল, ময়দান পেছনে পড়ে রইল, রইল চৌরঙ্গী। নগেনের বুকটা মূচড়ে উঠল। অন্ধকার গাড়ির পিছনের সিটে বসে নগেন সেই প্রথম অনুভব করল, তার মনের আসনে মল্লিকার জায়গায় ফুলা এসে বসেছে।



আপাতত আমার কোন কাজ নেই। বেশ ধীরেস্থে সিগারেটের প্যাকেট থেকে একটি সিগারেট বের করে ঠোঁটের ডগায় লাগালুম, হাতের তালু দিয়ে আড়াল করে একটিমাত্র কাঠি খরচ করে তাতে অগ্নি সংযোগ। মাথার উপর সজোরে পাখা ঘুরছে। এ কায়দাটা অনেকদিনের শেখা। বেশ লম্বা একটা টান দিয়ে একরাশ গোলাপী ধোঁয়া সিলিংয়েব দিকে ছুঁড়ে দিলুম। মনে হল ঐ ধোঁয়ার সঙ্গে আমার সমস্ত চিন্তা আর পরিবেশকে উড়িয়ে দিতে চাইছি। না, আমি এখন সেই কুড়ি বাই কুড়ি ফিগারড গ্লাস মোড়া, স্থনীতল একজিকিউটিভ ঘরে বসে নেই। আমি বসে আছি ভিজিটারস রুমে। সামনে সেন্টার-টেবলে ইলাস্ট্রেটেড উইকলীর পাতা হাওয়ায় উড়ছে। একটা মেয়ে তার শরীরের প্রায় অধিকাংশ অংশ অনাবৃত করে একটি বিশেষ ধরনের শাড়ি পরার কথা ঘোষণা করছে। আমি জানি এই মুহূর্তে মিস্ শীলা বিশ্বাস আমার এন্টি চেম্বারে বসে সুরু সুরু আঙুলে সেই সার্টিফিকেটটি প্রায় টাইপ করে ফেলেছেন। এরপর ঐ সুন্দর চোকো কাগজটি চলে যাবে মিঃ ব্রাউনের ঘরে। কালো কালিতে মোটা সই। বক্তব্য—পার্শ্ব ওয়াজ এ ব্রিলিয়ান্ট একজিকিউটিভ, হি উইল বি এন অ্যাসেট টু এনি কোম্পানী। হিজ সেলসম্যানশিপ হ্যাভ নো কমপেরিজন। তবুও মিঃ ব্রাউন খুব দুঃখের সঙ্গেই আজ থেকে আমাকে হাটাই করলেন। কারণ বিজনেস ডাল। হাই পেড একজিকিউটিভদের সরাতে হচ্ছে। কান্ট হেল্ল। কোম্পানী শিগ্গির পাতাড়ি গোটাবে। ল অ্যাণ্ড অর্ডার সিচুয়েশন অফুল, গভর্ণমেন্ট পলিসি নট এনকারেজিং। সো পার্থইউ গো। তুমি বিদেয় হও। তুমি সাত বছর ধরে বহুত সার্ভিস দিয়েছ। আমরা ভুলব না।

মিঃ ব্রাউন একটা সার্টিফিকেট না দিয়ে ছাড়বেন না। অন্য কোথাও চাকরি করতে গেলে প্রয়োজন হবে। এই মুহূর্তে আমার কোন কাজ নেই। আমি অবশ্য এখনও কোম্পানির অ্যাকাউন্টে একটা কোন্ড ড্রকস খেতে পারি। আভকের মতো সেই চকোলেট রঙের অ্যামবাসাভার আমাকে বাড়ি পৌছে দিতে পারে। অবশ্য আমি এর কোনোটাই চাইব না। পার্থ এখন নতুন

মাল্লখ। আজ দেড়টায় সে কোনো হোটেলের লাঞ্চ খাবে না। এক লক্ষ টাকার পেণ্ডিং অর্ডার তুলে দেবার জন্যে তাকে মাথা ঘামাতে হবে না। সে একটু পরেই পরম নিশ্চিন্তে ব্র্যাবোর্ণ রোড ধরে সোজা ধর্মতলার দিকে হাঁটা দেবে, বুক টান টান করে।

যদিও মুখে একটা হাসি হাসি বেরোয়া ভাব নিয়ে বসে আছি, খুব একটা আলগোছা ভাব; তাল তাল ধোঁয়া ঠোঁটটাকে সলু করে হাওয়ায় ভাসিয়ে দিচ্ছি; কিন্তু মনের মধ্যে একটা ফাঁকা আকাশ মাঝে মাঝে উকি দিচ্ছে; মনে হচ্ছে একটা নীমাহীন রাস্তার এক মাথায় একটা নিঃসঙ্গ মাতৃষের মতো দাঁড়িয়ে আছি। সামনে যেন একটা অতল খাদ একটি ধাক্কার অপেক্ষা, তারপর সেই নিরালস্য পতন...

মিস্ শেলী বিশ্বাস কি অনন্তকাল ধরে একটা ছোট্ট পার্টিফিকেট টাইপ করবে! একটা টেলিফোন কি থেমে থেমে সৃষ্টির শেষ দিন পর্যন্ত বেজে চলবে! ঐ কোণ থেকে পুলকেশ কি আমার দিকে আমৃত্যু তাকিয়ে থাকবে! সকাল এগাবটা থেকে বারটা অবধি নাটকের গতি ছিল অতি দ্রুত কিন্তু তারপর থেকে যেন অতি মন্থ। দশটা তিরিশ, পার্শ্ব সেন চকচকে অ্যামবাসাডার থেকে টুক্ করে নামলো। টুক্ টুক্ করে সিঁড়ি ভেঙে লিফট, লিফট থেকে নেমেই এয়ার-কণ্ডিশানড চেম্বার। ত্রিফকেন্স রাখল কোণে চকচকে ফর্দাইকা লাগানো বুককেসের উপর। টাইয়ের ফাঁস আলগা করে ঘূর্ণায়মান চেয়ারে বসল। একটা ফোন। বিটার অ্যাণ্ড বোর্ণের ডিরেক্টার ও-প্রান্তে। অ্যামেরিকান অ্যাকসেন্ট ইয়েপ, ইয়া। গত সন্ধ্যার আপ্যায়ন ব্যর্থ হয়নি? টোপ গিলেছে। এক লাখ টাকার অর্ডার, একটা বিরাট মাছের মতো জলে চকচক করছে। খরচ হয়েছে সর্বসাকুল্যে হাজার দু-এক। গ্র্যাণ্ডে দুটো সিট বুক করতে হয়েছে। ছটা থেকে নটা, তরল পদার্থের স্রোতধারা। তারপর কোলকাতার 'পশ' এলাকায় একটা ঘর বুক। সেখানে এনাক্কী না মীনাক্কী। ভাইটাল স্ট্যাটিসটিকস ৩৬-২৭-২৬। সুপার্ব। পার্শ্ব ইউ আর এ জিনিয়াস। কোথা থেকে যে ভূমি পাও? রিয়েলি আই হ্যাণ্ড এ চার্মিং ইভনিং। ইয়েস ওয়ান ল্যাখ। কিন্তু আমি তো অত অল্পে সন্তুষ্ট হই না। স্টাটস রাইট। বিগিন উইথ ওয়ান এ্যাণ্ড.....সাহেব কোটির কমে আমি ছাড়ব না। কটা এনাক্কী চাই তোমার। ইন্টারকম গৌ গৌ করে উঠল। বিটার অ্যাণ্ড বোর্ণকে ছেড়ে রিসিডার তুললাম। ইয়েস মনিং মিঃ ব্রাউন। কি ব্যাপার সাত লক্ষালে! ভেরি আর্জেন্ট। লিফটে কিঞ্চ

ক্লোর। মি: ব্রাউনের চেয়ার। এগারটা বেজে পাঁচ, হ্যাড এ কাপ অফ কফি।
সো আর্লি। এভরি টাইম ইজ কফি টাইম। কফিতে চুমুক। আলোচনা—
ল অ্যাণ্ড অর্ডার। ‘জাল বিজনেস’, ইত্যাদি ইত্যাদি। এগারটা ত্রিশ,
রিয়েলি আই অ্যাম সরি। কিন্তু আন অ্যাভয়েবল। পার্থ, তিন মাসের
মাইনে অর্থাৎ হাজার কয়েক টাকা, কিছু প্রভিডেন্টফাণ্ড ইত্যাদি নিয়ে পার্থ
ভূমি সরে পড়। ব্রাউন ব্রাদার্স তোমার মতো একটি শ্বেত হস্তিকে পুষতে
পারছে না। ইণ্ডিয়ান এস্টাবলিশমেন্ট থাকবে কি না জানি না। ইণ্ডিয়ান
ডিরেক্টার্সদের ‘হেড-এক’। পার্থ সেন চোখ তুলেছিল। ব্রাউনের মাথার
উপর পিছনের প্যানেলে যে সমস্ত চার্ট ঝুলছে তাতে সেল কার্ড কিন্তু ক্রমশই
উৎসর্গমুখী। সেই উৎসর্গমুখী গতি কি পার্থ সেনের জন্তে না পুলকেশ বিশ্বাসের
জন্তে না সেই সব মহিলাদের জন্তে—এনাকী, মীনাকী, ভাইট্যাল স্ট্যাটিসটিকস
৫৬-২৭-৩৬ সুপার্ব। পার্থ, ভূমি রিয়েলি একটা জিনিয়স।

কফির শেষ চুমুক একটু বিশ্বাস, তেতো, যেন কি বকম একটা। ব্রাউনকে
বলা যেত দেশের ‘লেবার ল’ আজকাল যথেষ্ট কড়া। সহজে কাউকে ‘স্মাক’
করা যায় না। কিন্তু না পার্থ’ ভূমি তো লেবারার নও। ভূমি একজন
একসিকিউটিভ। স্ট্রোসালিসটিক স্টেটে তোমার কোনো প্রোটেকশান নেই।
ব্রাউন, অথবা ডালমিয়া কিংবা পারেক কিংবা চৌধুরীদের কুশায় তোমাকে
বাঁচতে হবে। কিন্তু প্রকৃত কারণটা কি। কাল সন্ধ্যাবেলায় যে পার্থ সেন
গ্র্যাণ্ডে বসে বেলী ড্যান্স দেখেছে, মাঝে মাঝে কাটম্বাসের গেলাসে চুমুক
দিয়েছে, দাঁত দিয়ে পাইপ চিবিয়েছে, যে পার্থ সেন আজ কিছুক্ষণ আগেও
একটা চকচকে গাড়িতে হুস করে অফিসে এসেছে, ঠাণ্ডা ঘরে ঢুকেই পাশ
থেকে শেলী বিশ্বাসের বৃকের প্রোজেকশান দেখেছে, হঠাৎ তার পায়ের তলা
থেকে পাটাতন সরিয়ে নেবার মনেটা কি!

বারোটার সময় চোপসানো বেলুনের মতো সেন সাহেব নিজের ঘরে ফিরে
এসেছে। চোখে জল, মুখে হাসি। বোঝবার উপায় নেই মানুষটার মনের
খবর। অবশ্য ঠিক সেই মুহূর্তে শেলী বিশ্বাসকে আর ভালো লাগছিল না।
অন্যান্য চেরারের পাশে কিছু একটা সই করাতে এসে নিতম্বটা সামান্য ঘুরিয়ে
বখন হাত অথবা কাঁধ স্পর্শ করতো একটা আলাদা অজুত্ব হত। গায়ের
গন্ধের সঙ্গে দামী ফরেন সেন্টের গন্ধের মিলনে একটা সেক্স সেক্স ভাব আসত।
সিঙ্কের শাড়ি মাঝে মাঝে খুলে টেবিলের কোণায় লুটোতে চাইত। পুরো
বাপারটাই বেশ উদ্বেগপ্রণোদিত। পার্থ সেনকে একটু একটু প্রিয় করার

চেটে। আজ কিন্তু শেলী বিশ্বাস কেন, বিশ্বসুন্দরী এসেও যদি প্রেম নিবেদন করে পার্থ সেন প্রত্যাখ্যান করবে। কারণ সে শকড়! আপাতত বৈচে থেকেও মৃত। কারণ সে কর্মচ্যুত। মাসিক দেড় হাজার টাকার একটা শক্ত প্রতিশ্রুতি, একটা সুন্দর নরম উষ্ণ কোলের মতো নির্ভরযোগ্য উপার্জনের আশ্রয় থেকে আজ সে বঞ্চিত। ভিজিটার্স রুমের একটা কৃত্রিম পরিবেশ আর পাঁচটা সাধারণ মাল্লুষের মতো বসে থাকা। ঘেন চাকরির উমেদার। শ্রীপার্থ সেন—উর্দী পরা বেয়ারা হৈকে যাবে। ব্রীফকেস হাতে উঠে দাঁড়িয়ে কিংগার্ড গ্লাসের সুইং ডোর খুলে, বোর্ড অফ ডিরেক্টার্সদের ঘরে ঢুকতে হবে। হয়ত ইন্টারভিউ বোর্ডের সবাই বাঙালী; কিন্তু কথা চলবে ইংরেজীতে। মে আই কাম ইন। গুড মর্নিং। আর য়া পার্থ সেন। আচ্ছা আপনি তো ইঞ্জিনিয়ার। বলতে পারেন স্যুয়েজ খালের উপর একটা ব্রিজ বানাতে ক টন লোহা লাগবে। আর একজন প্রাশ্ন করবেন সঙ্গে সঙ্গে, ইঞ্জিনিয়ারিং সেলসের কৌশলটা কি। বিদেশে রপ্তানী বাড়াতে হলে কি করা উচিত। আর একজন—ক্যান ইউ সেল এন এসকিমো ইন দি অ্যান্টারটিক। পার্থ সেনকে নিয়ে পাঁচটা বেড়াল খাবা দিয়ে উল্টে পাণ্টে খেলবে। মাঝে মাঝে চিৎ করে দেবে। তারপর এক সময় খেলা শেষে স্তনৈক সভ্য প্রাশ্ন করবেন, এনি মোর কোন্টেনস? অন্তেরা বলবেন নো, জাটস অল। ঘর্মাক্ত পার্থ সেন মুক্তি পাবে।

পার্থ সেন একটু নড়ে চড়ে বসল। কি হচ্ছে কি? একটা ছোট্ট সার্টিফিকেট টাইপ করতে ক' বছর লাগে। শেলী বিশ্বাস, ইয়্যা আর বিয়েলি স্নো। এখন আর আমি তোমায় 'বশ' নই, তা না হলে তোমাকে বরখাস্ত করে দিতুম। অবশ্য তারপর কি হত বলা শক্ত। কারণ তোমাদের তুণে অনেক লক্ষ্যভেদী বাণ আছে। তার একটিতেই হয়ত তুমি আমাকে বধ করে দিতে পার। তোমার চাকরি পাবার কথা এখনও আমি ভুলিনি।

আমার ছুটার অ্যাকসিডেন্ট আর তোমার চাকরি ঘেন এক হুতোয় বাধা। সেদিন কি বার ছিল—রবিবার। সময়—সকাল নটা। স্থান—চৌরঙ্গী। পার্থ সেন, আমি পার্থ সেন, হলিডে মুণ্ডে চলেছি টিলে পাক্সামা আর পাক্সাবি পরে, ছুটারে। একটু অনামনক ছিলুম, অথবা গ্রহ। একটা ডবল ডেকারকে পাশ কাটিয়ে বেরিয়েছি, সঙ্গে সঙ্গে এক সর্দাবের ট্যাক্সির সঙ্গে পাশাপাশি একটু ঘনিষ্ঠতা। তারপর নাসিং হোম। কিছুদিন শুয়ে থাকা। কিছুদিন বিজ্ঞাম।

এমনি সেই একঘেয়ে কর্মহীন দিনগুলোয় একটা কিছু আকর্ষণ খুঁজে নিতে হয়েছিল। কি নাম ছিল সেই মেয়েটির—বেলা বিশ্বাস। স্বামী, ই্যা বেশ ভালই দেখতে, চটপটে। সাধারণ হাসপাতালের নার্সদের মতো সারা মুখে একটা উদাসীন ভাব মেখে সে ঘুরে বেড়াত না। এ নাসিংহোমে ষাড়া আসেন, তাঁরা ষাবার সময় বেশ মোটা অঙ্কের ফি কর্তৃপক্ষের হাতে তুলে দিয়ে যান। সুতরাং সার্ভিস সম্পর্কে সকলেই সচেতন। এ ছাড়াও বেলা বিশ্বাস বোধহয় তার জীবিকাকে ভালবেসে ফেলেছিল! পৃথিবীতে কিছু মেয়ে আছে ষাদের দেখলেই ভাল লাগে। কেমন যেন একটা নির্ভরতার ভাব আসে। মনে হয় বিনা চেষ্টাতেই তাদের মনের কাছাকাছি পাশাপাশি আসা যায়। মনে হয় একটু প্রশ্রয় দিলে কিন্তু বিশেষ একটা জায়গায় ভক্ততার এমন একটা সূক্ষ্ম পর্দা ঝোলে যেটাকে তুলে ঠিক ব্যাভিচারী হওয়া যায় না। খুব অপরিচিত অথচ যেন খুব পরিচিতর চেয়েও পরিচিত। নাসিংহোমের সেই দিনগুলোয় কথা ভাবতে গেলেই বেলা বিশ্বাসের আঁটোসাঁটো বর্ষার ঢলঢলে আকাশের মতো স্নিগ্ধ স্মৃতি মনে ভাসে।

শেলী বিশ্বাস, তোমাকে তোমার দিদির মতো দেখতে হলেও মনের দিক থেকে তুমি পুরো ব্যবসাদার। তোমার দিদির মুখে তোমাদের সব পুরনো একঘেয়ে কাহিনী অনেক শুনেছি। সেই দেশ বিভাগ। সেই শরণার্থী শিবির। সেই ভাইটার বিগড়ে ষাবার কাহিনী। সেই আত্মীয়দের ব্যাভিচারের ইতিহাস। মামা কিংবা কোন জামাইবাবু, অথবা কোন দূর সম্পর্কের দাদা। তোমাদের বাড়িতে উপকারীর মুখোশ পরে আসা যাওয়া। আসলে তারা সেই শেলী অথবা বেলা কিংবা অপর্ণা এই রকম কোন চরিত্রের বিশেষ কোন উপকারেই ব্যস্ত থাকত। এঁদের বদান্ততার কিছু উদ্ভূত ছিঁটেফোটা পরিবারের অন্তান্ত সভারা হয়ত পেতেন। সকলেই ব্যাপারটা বুঝতেন এবং যেহেতু এই সমস্ত যৌবনবতী মেয়েদের কল্যাণে দিনগুলো মোটামুটি অক্লেশে কেটে যেত সেই হেতু তাঁরা, মানে অভিভাবকরা অর্থাৎ সেই সব অসহায় মাহুষেরা অনেক কিছু জেনেও জানতেন না, বুঝেও বুঝতেন না।

শেলী, তোমাদের সেই উপকারী মামাকে না দেখলেও বেলার মুখে তাঁর কাহিনী এতবার শুনেছি যে আমি এখন কাগজে তাঁর একটা পোর্ট্রেট এঁকে ফেলতে পারি। তোমরা সেই বেলঘর না নিমতা কোনো একটা জায়গায় থাকতে। তোমাদের মামার হৃদয়, তোমাদের ব্যথায় বর্ষার আকাশের মতো

ভাবাকান্ত থাকত। অবশ্য তাঁরও একটা সংসার ছিল, ছেলে মেয়ে ত্রী আত্মীয়পরিজন ভরা। তাদের দুঃখ তাঁর মনকে তেমন নাড়া দিত না কারণ সে দুঃখগুলো ছিল খুবই পুরনো, বাসি ফুলের মতো মোটেই আকর্ষণীয় নয়। কিন্তু তোমাদের টাটকা দুঃখ ভোরের ভিজে ভিজে শেফালীর মতো তাঁর মনের জানলায় সব সময় ঢুলতো।

তোমার দিদি বেলা কেন আমাকে এত কথা বলেছিল আমি জানি না। চাকরী না ইন্টারভিউ অথবা কলকাতা দর্শন কিসের একটা নাম করে তোমার মামা একদিন বেলাকে নিয়ে তুলেছিল রিপন স্ট্রীটের একটা সাজানো ঘরে। একটি রাত। তোমার দিদি কলকাতা চিনত না। তোমার মামার গায়ে শক্তি ছিল। তোমার দিদির যৌবন ছিল। একফালি পরিচিত আকাশ রিপন স্ট্রীটের সেই ঘরে একটি চাঁদের খণ্ডাংশকে নিয়ে উঁকি দিচ্ছিল, সেইটুকু দৃশ্যই ছিল পরিচিত, বাকি অংশ অর্থাৎ সেই ঘব, বিছানা, পর্দা, এমন কি এতদিনের মামা সবই ছিল অপরিচিত। সেই ঘরে সেই রাতে তোমাদের মামা তোমার দিদিকে পৃথিবীর বাস্তব নগ্ন রূপ দেখিয়েছিল।

এই দীক্ষার ফলেই নার্সিংহোমে তোমার দিদিকে আমি এত হাঙ্কা, অনায়াস ছন্দে ঘুরে বেড়াতে দেখেছিলাম। কোনো ঘিধা নেই, কোনো সঙ্কোচ নেই। পৃথিবীতে পুরুষের সঙ্গে নারীর একটাই সম্পর্ক এ কথা এ সত্য বেলা যেন জীবন দিয়েই বুঝেছে। বাকিটা যা সবই ফাঁকি, একটা নিছক আবরণ, একটা স্নগার কোটিং, বেলা তা জানত। তার চোখের দিকে তাকালেই মনে হত সে যেন বলতে চাইছে, য়ে ঘাই বল আমি সবই বুঝেছি। ব্যাপারটা সেই ‘গিভ অ্যাণ্ড টেক্’। তুমি কিছু দাও আমিও বিনিময়ে কিছু দি। ভবের হাটে জীবনের বেসাতি। কেনা বেচা কর। কড়ায় গণ্ডায় পাওনা বুঝে নিয়ে সরে পড়। তোমার চাকরীর কথা সে আমাকে বলেছিল রাত নটার সময়। মাথার তলার বালিশ ঠিক করতে করতে সে একটু ঝুঁকে পড়েছিল। তার একটু বেশী ব্যবহৃত বুক আমার দৃষ্টির সামনে কিছু নিমন্ত্রণ জানাচ্ছিল। একটু যেন বেশী ঘনিষ্ঠ হবার ভজিতেই সে বলেছিল আমার বোনটার একটা চাকরী করে দেবেন? তার মামা, তার কাছ থেকে যে জিনিস জোর করে, গুণামী করে নিয়ে-ছিল, সেই তুরুপের তাসটি সহজে ছুঁড়ে দিয়ে সে তার বোনের চাকরীর কিস্তি মাত করতে চেয়েছিল।

নার্সিংহোমের নীল পর্দা-ঘেরা ঘরে মাসিক দেড় হাজার টাকা দামের পার্শ্ব সেন কিছু দেবতা ছিল না। বেলা বিশ্বাসের নিবেদন সে বুঝেছিল। হাত

বাড়ালে ঘটাখানেক হয়ত তার ভালই কাটত। কিন্তু পার্থ সেন ছিল ভীত। বলা যায় না পরে যদি কেউ ব্ল্যাকমেল করে। শুধু তাই নয়, বেলা বিশ্বাসের মামার সঙ্গে সে এক সারিতে আসতে চায় না। অহমিকা, প্রচণ্ড একটা আত্মমর্যাদা সে রাতে তাকে কোনো সহজ মহিলার শিকার হবার হাত থেকে রক্ষা করেছিল। শেলী বিশ্বাসের চাকরী সে রাতেই হয়েছিল। কার্ভত অ্যাপয়েন্টমেন্ট লেটার হয়ত তার তিন মাস পরে ছাড়া হয়েছিল।

মনে পড়ে সেই অ্যাপয়েন্টমেন্টের কথা। পার্থ তখন সব জয়েন করেছে অফিসে। দীর্ঘ বিশ্বাসের পর শরীরটা তখনও একটু ভারী ভারী। টেলিফোন বেজে উঠল। মিস্ বেলা বিশ্বাস। যার আন্তরিক পরিচয় পার্থ সেন আজ হুহু। কি বক্তব্য ছিল সেদিন। শুধুই কি কুশল আদান-প্রদান। কেমন আছে পার্থ। কত রোগীই তো আসে। সেই মুহূর্তে পার্থের ছেড়ে যাওয়া কেবিনে কোনো জয়ন্ত কিংবা কোনো অল্পম বেলার তত্ত্বাবধানে আরোগ্যের দিকে চলেছে। যারা আসছে যারা যাচ্ছে সকলেই কি বেলার হৃদয়বেলায় একটি করে চিরস্থায়ী স্থিতি রেখে যাচ্ছে। সকলকেই কি সে পরে টেলিফোনে দীর্ঘদিন ধরে জিজ্ঞেস করে—কেমন আছেন? না এক্ষেত্রে সেই একটি স্বার্থঘটিত ব্যাণার আছে—শেলী বিশ্বাসের চাকরী।

সেদিন সন্ধ্যায় মেট্রোর তলায় তিনজনে দেখা হল। বেলা, শেলী আর পার্থ। পার্থ যেন একটু কৃতজ্ঞ কৃতজ্ঞ, কৃতজ্ঞ ভাব দেখাতে চাইল। যেন বেলা তাকে পুনর্জন্ম দিয়েছে। ব্যবহারিক জগতে কৃতজ্ঞতা শুধু মুখে জানালেই হয় না। তা ছাড়া পার্থের একটা স্ট্যাটাস আছে। স্বতরাং সেই আলোক-শোভিত পার্কস্ট্রীট। কোথায় বসা যায় কিছুক্ষণ, একটু নির্জনে। পার্থ যে এখন ‘সেভিয়ার’। সে তখন এক হৃদয়বান সংঘমী পরোপকারী যুবকের ভূমিকায় অভিনয় করতে বাধ্য হচ্ছে। শেলীর চাকরী। একটি পরিবারকে আর্থিক সচ্ছলতার দিকে এগিয়ে দিতে হবে। তারা তিনজনে মুখোমুখি বসল ওয়ালডর্ফে। বেলা একটু সেজেছিল সেদিন। শেলীও নিজেকে যতটা সম্ভব আধুনিক করে তুলেছিল। বেলাকে যদিও প্রচুর ব্যবসায়ী মনে হচ্ছিল। শেলীকে কিন্তু পুরোপুরিই ব্যবসাদার মনে করতে অসুবিধা হল না। তার চাওয়া, চলা, কথা বলা থেকে নিজের স্নায়ুকে কৌশলে ছড়িয়ে দেবার কায়দা দেখে মনে হচ্ছিল—সে পুরোপুরি এই দশকেরই সন্তান। যে দশকে মাহুঘের হৃদয় একটি পাললিক শিলাখণ্ডে পরিণত হয়েছে। মন যেখানে শেওলাধরা মেঝের উপর কেবলই পিছলে যাচ্ছে। ঘুণধরা বাঁশের মতো মাহুঘের নীতিবোধ

গুঁড়ো গুঁড়ো হয়ে বারে যাচ্ছে। মাছুষের দাবীগুলো মজা নদীর বুকে বড় বড় পাথরের চাওড়ার মতো দৃষ্টিকটু ভাবে ফুটে উঠছে।

এর জন্তে শেলীকে পুরোপুরি দায়ী করা চলে না। দায়ী তার পরিবেশ, দায়ী সমাজ, যে সমাজে মাছুষের মেলামেশা নিত্যকালই স্বার্থের ঠোকাঠুকিতে পরিণত হয়েছে। বেলার সেদিন নাইট ডিউটি ছিল। তাকে ট্যাক্সি করে নাসিংহোমে পৌঁছে দেবার পর শেলী আর পার্থ একেবারে মুখোমুখি হবার সুযোগ পেল। কলকাতার রাজপথে ট্যাক্সির পিছনের সিটে পাশাপাশি কাছাকাছি। শেলীর মনের অবচেতনায় রয়েছে আজ রাতে পাশে বসে থাকা এই মাছুষটিকে সন্তুষ্ট করার উপর নির্ভর করছে তার চাকরী—তার জীবনের ভবিষ্যৎ। সমাজের যে স্তর থেকে সে এসেছে, সেখানে পুরুষকে খুশী করার জন্তে একটি অস্ত্রের ব্যবহারই প্রচলিত তা হল ঘোনতা। হয়ত বেলাও তাকে সেই রকম কোন নির্দেশ দিয়েছিল। ফলে পার্থ চেয়ে শেলীকেই সে রাতে বেশী ‘অ্যাগ্রেসিভ’ মনে হয়েছে। পার্থ সংযত সচেতন। বরং সময় সময় তার বেশ খারাপই লাগছিল। মনে হচ্ছিল—এই ধরনের একটা পরিস্থিতির মধ্যে না জড়ালেই হত। কেমন ঘেন বোরিং। মেয়েদের শরীর সে অনেক দেখেছে। কিন্তু তা বলে সে ‘নিম্ফোম্যানিয়া’য় ভুগতে প্রস্তুত নয়। ঘোনতার পায়ের তলায় সে তার উজ্জল ভবিষ্যৎকে লুটিয়ে দিতে পারবে না। অথচ শেলী তার বাইশ বছরের শরীরের সুস্বাদু ছাড়িয়ে দিতে চাইছে নানা ভাবে। নানাভাবে জাগাতে চাইছে পার্থর ‘অ্যাপেটাইট’। অনেকটা রাস্তা এই রকম একটা জ্বলন্ত অন্ধারকে ‘এসকর্ট’ করে নিয়ে যেতে হবে সেই বেলঘর অবধি। নিছক ভদ্রতার খাতিরে। মাঝে মাঝে একটা আদিম পার্থ মাথা চাড়া দিতে চাইছিল। বলছিল কানে কানে—ইডিয়েট, সুযোগ ছাড়ছো কেন এ তো তোমার স্নাঘ্য পাওনা। ঘোবন হল ফুল। ফুটেছে, গন্ধ ছড়াচ্ছে তুমি এখন তার স্নাঘ্য নাও। তুমি না নিলে অস্ত্র কেউ নেবে। বোকা হচ্ছে কেন। এই যে ওয়ালডফে পঞ্চান্ন টাকার বিল দিলে, এই যে ট্যাক্সির মিটারে ইতিমধ্যেই দশ টাকা কয়েক পরসী উঠেছে, এ সবই কি পরোপকারের খেসারত। একটু কাছে টেনে নাও। একটু আদর কর, ভাল লাগবে। দেখবে সন্ধ্যোটা মধুর লাগবে। তোমার বাঁচতে ইচ্ছে করবে। কাজে উৎসাহ আসবে।

শেলী বিশ্বাস, চাকরীটা তুমি পেয়েছিলে অনেক কম মূল্য দিয়ে। এই বাজারে একটা চাকরী। চারশো টাকা মাইনের একটা চাকরী খারাপ কি।

কিন্তু পার্থ সেন তোমার কাছে একটু কৃতজ্ঞতা চেয়েছিল। তুমি যে সার্টিফিকেটটা টাইপ করছ সেটা হয়ত টাইপ করার দরকার হত না। কিন্তু শেলী তুমি যতই প্রচুর থাকার চেষ্টা কর, পার্থ জানে ষড়যন্ত্রের ইতিহাসের শুরু কোথায় আব কারা আছে সেই ষড়যন্ত্রীদের দলে।

কি হল। এত দেবী কিসের। একটা ছোট্ট সার্টিফিকেট। তবে কি ব্রাউন আবার পুরো ব্যাপারটাই ভুলিয়ে দেখছে! পরিস্থিতিটা পর্যালোচনা করে সিদ্ধান্ত, কিছুক্ষণ আগের সিদ্ধান্তকে বাতিল করে দিতে চাইছে। মনে হচ্ছে পার্থ সেনের সাত বছরের অভিজ্ঞতা প্রতিষ্ঠানের পক্ষে নিতান্তই অপরিহার্য কিন্তু পুলকেশ কি ভাবছে। আমার দিকে যেন বেশ কৌতূহল নিয়েই তাকিয়ে আছে। সব কাজ ভুলে। পুলকেশ তুমি হয়ত সাময়িকভাবে জিতলে। তুমি কিছুদিন ব্রাউন ব্রাদার্সের খাতায় থাকবে। মাসের শেষে এখনও কিছুদিন চার অক্টোবর একটা চেক পাবে। তারপর তোমার সেই সমস্ত বদভ্যাসের পিছনে মাসের মাঝামাঝি সব উড়িয়ে দিয়ে বাকি মাসটা চালাবার জগে সেই সব অঙ্ককার রাস্তায় পা বাড়াবে, যে রাস্তায় টাকা হয়ত আছে কিন্তু শান্তি নেই।

পুলকেশ তোমার একটা স্থানর বাগান-ঘেরা বাড়ি আছে। তোমার একটা ছোট্ট নীল রঙের গাড়ি আছে। তোমার একটি রূপসী স্ত্রী আছে। আর তোমার আছে একটা সর্বস্বপ্ন স্বভাব। তোমার ঐ একেইকে চলা। ভোগের উপাদানের কাছে নিজেকে ক্রীতদাস করে রাখা, তুমি কি স্থখী? না টালু রাস্তায় একবার যখন গড়িয়েছ তখন গড়িয়েই চলবে, সেই অঙ্ককার খাদের দিকে। তুমি বেশ ভালোই জানো তোমার পথে আগে যারা হেঁটেছে তারা আজ কোথায়!

মনে পড়ে পুলকেশ, দীঘার সমুদ্রসৈকতে সেই 'মুনলাইট পার্টির কথা'। তোমরা সকলেই সজ্বীক গিয়েছিলে। বড় বড় কোম্পানীর একজিকিউটিভদের উদ্বাসিক অস্থায়ী কলরবে সে রাতে, সেই চন্দ্রালোকিত রাতে, সমুদ্র-সৈকত কলকিত হয়েছিল। অবশ্য তারপর অনেক ঢেউ, ঢেউয়ের পর ঢেউ এসে তোমাদের ফেলে আসা পাপ ধুয়ে দিয়েছে। আমি একলাই গিয়েছিলাম পুলকেশ। আমার স্ত্রী অপর্ণা যেতে চাননি আর সে না যাওয়ার আমি খুশীই হয়েছিলাম। তুমি হয়ত বলবে আমি একটা অনগ্রসর গেরো মানুষ, তোমাদের মর্ডান সোসাইটিতে অচল। পুলকেশ তাতে কিছু এসে যায় না কারণ আমি জীবনে গভীরতাকেই খুঁজেছি। খুঁজেছি শান্তি। যাক সে সব কথা। জীবনকে আমি আধীনভাবে খরচ করতে চেয়েছি বলেই, আমি অবাক হয়ে

দেখেছি স্বাধীনতা, পুরোপুরি স্বাধীনতা বোধহয় রূপকথার জিনিস। সমাজে, সংস্কারে, জীবিকায়, জীবনে মানুষ এমনভাবে বাঁধা পড়েছে যে এ সংসারকে, তখনতে হয়ত খারাপ লাগবে, আমি বলব ক্রীতদাসের সংসার।

পুলকেশ তোমার বাবা এই কোম্পানীর একজন ডিরেক্টর। তুমি তাঁর একমাত্র সন্তান। আমরা সকলেই কারুর না কারুর সন্তান আর সেইখানেই সেই ক্রীতদাস প্রথার শুরু। অন্তত আমার তাই মনে হয়েছে। তোমার বাবা যেভাবে জীবন কাটিয়েছেন তুমিও ঠিক সেই রাস্তায় চলতে গিয়ে হৌচট খাচ্ছ। একটা ‘স্ট্যাটাস’ের পিছনে রেসের ঘোড়ার মতো দৌড়াচ্ছো। তোমার পার্টি, তোমার গাড়ি, তোমার ফ্রিজ, তোমার রুম কুলার, তোমার বিদেশী মদ তোমাকে কিনে ফেলেছে। এর যে কোনো একটা না থাকলে তোমার লজ্জায় মাথা কাটা যাবে। তুমি যে সমাজে বিচরণ কর সেখানে মানুষের বিচার হয় তার বহিরঙ্গ দিয়ে। সুতরাং তুমি জন্মসূত্রেই ক্রীতদাসের তকমা পরে জন্মেছ।

কিন্তু আমি পার্থ সেন। আমি একটু পরেই বুক টান করে ব্র্যাবোর্ণ রোড ধরে ইন্টব। একটা ভীড় বাসে শরীর গলিয়ে দিয়ে অক্লেশে ফিরে যাব আমার ফ্ল্যাটে। কেউ যদি প্রশ্ন করে গাড়ি কি হল। বলব চাকরি গেছে। জীবনকে জীবিকার যে খাঁজে ঝুলিয়েছিলাম সে খাঁজ থেকে হড়কে সরে গেছে। তোমরা পায়রা দেখেছ, নীল আকাশে পাখা মেলে উড়তে, হঠাৎ কোনো এক খোপে এসে আশ্রয় নেয়। আপাতত আমিও উড়ছি, দেখি কখন আবার কোথায় বসে একটু জিরোবার অবকাশ ঘটে।

পুলকেশ, একটা হাইড্রলিক জ্যাক দিয়ে একটা বিকল গাড়ির মতো আমাদের উপরে উঠিয়ে দেওয়া হয়েছে, সেই উচু প্রাটফর্মে তুমি, আমি, অরুণাংশু, ব্রাউন, সিংহ, সবাই একটা জগৎ তৈরি করে বেঁচে থাকার চেষ্টা করছি। আসল জগৎ পড়ে রয়েছে তলায়, লক্ষ লক্ষ মানুষের দুঃখ-স্বপ্নের স্পন্দন নিয়ে। তোমরা আজ আমাদের মুক্তি দিয়েছ। আমি নেমে এসেছি পৃথিবীর নোনা মাটিতে।

আমি এই মুহূর্তে ব্রাউন ব্রাদার্সের ভিজিটারস রুমে বসে এত ভাবছি কেন! পুলকেশ অথবা শীলা কিংবা আমি, এরা কি এতই মহান চরিত্র? এদের কথা বারে বারে মনের শূন্যতায় কেন ভেসে উঠছে। শীলা সার্টিফিকেট টাইপ করতে যদি দেরি করে, ব্রাউন সই করার আগেই যদি লাঞ্চে চলে যায় তা বলে পার্থ ভিখারির মতো বসে থাকবে। যেমন পুলকেশ বসেছিল দীঘার সমুদ্রসৈকতে

শেষ রাতে। চন্দ্রালোকিত সৈকত সমাবেশ তখন বাউবনের বেলোপানায় পরিণত হয়েছে। চাঁদ অস্ত যেতে বসেছে পশ্চিমের ঝাপসা আকাশে। পুলকেশ তোমার স্ত্রী রাখী তখন ছিল বাউবনের কোলে, আর তুমি তখন মুখ ঘষছিলে তোমার থেকে অনেক নীচের সমাজের একজন সামান্ত স্টেনোগ্রাফার শীলা বিশ্বাসের ঘাড়ে। তোমার স্ত্রীকে তুমি টোপ হিসাবে ব্যবহার করে তুমি অনেক কই কাতলা ধরেছ, ক্যারিয়ারের ধাপে ধাপে সহজে উঠেছ। রাখীর যৌবন আর তোমার কর্মজীবন অদৃশ্য স্রোতায় বাঁধা। পুলকেশ তোমার অনেক চুরির নথিপত্র পার্শ্ব সেন জানে। জানে শীলা বিশ্বাসের সঙ্গে তোমার অনেক ব্যভিচারের কথা। বাউবনের প্রবাসজীবনে রাখী, তোমার স্ত্রী, একটি বিশেষ আকর্ষণ। তোমাদের চক্র অসুস্থ ছন্দে ঘুরুক। এই ঘর, এই প্রতিষ্ঠানে জমা থাক মানুষের নিজের হাতে তৈরি সেই সুন্দর নরকের কাহিনী। আপাতত আমি শেষবারের মতো সিঁড়ি ভেঙে নেমে চলি আমার পুরনো কর্মস্থল থেকে।

দিনের ঠিক এই সময়ে এমন হাঙ্গা মেজাজে মানুষের ভীড়ে মিশে অনেক-দিন ঘোরা হয়নি। ব্র্যাবোর্ণ রোড ধরে সোজা ডেলহাউসির চার্চকে ডানদিকে রেখে, লালদীঘির কোল ঘেঁষে চলেছি। সূর্য তখন পশ্চিম আকাশে সোনা ছড়াচ্ছে। এই রাস্তা দিয়ে সাত বছর ধরে যাওয়া আসা করছি; কিন্তু এত অন্তরঙ্গ ভাবে এই জনতার মিছিলে মিশে চারিদিক এত ভাল করে কোনদিনও দেখা হয়নি। মোটরের পিছনের আসনে নিজেকে ছেড়ে দিয়ে মাথায় একরাশ চিন্তা নিয়ে নিমেষে চলে যাওয়া আর এই ধীর পায়ে বেড়াতে বেড়াতে মানুষের দাক্ষা খেতে খেতে এগিয়ে চলায় অনেক পার্থক্য।

হঠাৎ মনে পড়ল আজ তো লাঞ্চ খাওয়া হয়নি। কিছু খেয়ে নিলে মন্দ হয় না। রাইটার্স বিল্ডিং-এর কোল ঘেঁষে বিকেলের বেপারীরা বসে আছে। কিছু কল। কোথাও টোস্ট আর ডিম। বিস্কুট। পান। সিগারেট। একটি ছোটখাটো চলমান রেষ্টোরাঁ। যোগলাই পরটা, কাটলেট। ধুলো উড়ছে। কিছু কিছু পথচারী এখনও কেনাকাটায় ব্যস্ত। এখনও অনেক মানুষের জটলা এইসব দোকান ঘিরে। পার্শ্ব সেন রাস্তার ধারের একটা কাটলেট খেয়ে দেখবে নাকি? না, একটু সঙ্কুচিত হচ্ছে। পরিবেশটা ভাল নয়। ঝাঁক, কিংবা ফুরি, কিংবা ম্যুলাক্জের পরিচ্ছন্ন পরিবেশ ছাড়া কোথাও খেতে তোমার ভাল লাগে না। অনেক দিনের অভ্যাস। কিন্তু এখন যারা ঐখানে দাঁড়িয়ে দাঁড়িয়ে নিলকোচে খেয়ে চলেছে ওরা কারা? চেনো না ওদের। একটু

স্বতন্ত্র তাই তো? নিম্নবিত্ত, মধ্যবিত্ত মাছুষের দল। তোমার সেই হাইড্রলিক জ্যাক দিয়ে উঁচু করা প্লাটফর্মের উপর থেকে তুমি এদের দিকে বহুদিন অচেনার দৃষ্টিতে তাকিয়ে দেখেছো। কিন্তু আজ তো তুমি সমতলে নেমে এসেছো। এখন তো এদের চেনা উচিত। এমনও তো হতে পারে জীবিকার জন্তে তুমিই হয়ত বসবে পথের পাশে দোকান সাজিয়ে আর এরাই হবে তোমার অন্নদাতা।

পার্থ সেন যদিও তুমি একটা বেপরোয়া ভাব নিয়ে চলেছ সোজা আপন মনে কিন্তু তোমার পা কাঁপছে। তুমি এখন লক্ষ্য স্থির করতে পারনি। শূন্যতাকে সামনে রেখে ভয়ে ভয়ে হাঁটছ। অনেক চিন্তা অনেক দ্বন্দ্ব তোমার শূন্য মাথায় গিজগিজ করছে। হাজার হাজার বেকার ইঞ্জিনিয়ারদের দলে তুমি আর একটা সংযোজন। তুমি ভাবছ ঠিক এত টাকা মাইনের চাকরি তুমি আর পাবে কিনা? যদি না পাও তুমি কি করবে? তোমার দায়িত্ব, তোমার জীবনযাত্রার ধরন কি করে বজায় রাখবে। চাকরীর উপর বড় বেশী নির্ভরশীল হয়ে পড়েছ তাই না?

সেই দীর্ঘদিনের সংস্কার অবশেষে জয়ী হল। পথের 'লাঞ্চ' আর খাওয়া হল না। মিশন রো'র মুখে এসে একটা ঠাণ্ডা কোকাকোলা খেতে খেতে মনে পড়ল অনেক কিছু কেনার কথা ছিল। কাল রাতে আমি আর অপর্ণা বসে বসে ফর্দ তৈরি করেছিলুম। বিবাহবার্ষিকী, আমাদের একমাত্র সন্তান সিদ্ধার্থের জন্মদিন মাত্র কয়েক দিনের ব্যবধানে। নিউ মার্কেট থেকে কিনতে হবে পর্দার কাপড়। হবি সেন্টার থেকে কিনতে হবে কিছু খেলনা। ডি. সি. এম থেকে কিনতে হবে শাড়ি। মহারাজা থেকে হ্যাটের কাপড়। তারপর সমস্ত কেনাকাটার শেষে এই পরিভ্রমের পারিভ্রমিক হিসেবে কিনতে হবে ফির্পো থেকে প্যাম্ফ্রী আর চকোলেট।

খালি বোতল ফিরিয়ে দিয়ে সিদ্ধান্ত নিলাম—কিছুই কিনব না। কারণ ঘর সাজানোর প্রয়োজন বোধ হয় হবে না। যে স্ট্যাটে আছি তার ভাড়া মাসে চারশো টাকা। বর্তমান পরিস্থিতিতে মাসে মাসে চারশো টাকা ভাড়া দেবার ক্ষমতা আমার হবে না। দ্বিতীয়ত ব্যাসকোট ছাড়া আমি চালাতে পারব না। সুতরাং পুরো ব্যাপারটা আবার পর্যালোচনা করে দেখতে হবে। আপাতত সমস্ত কেনা স্থগিত রইল। এমনকি এই মুহূর্তে নিউম্যানের দোকানের বাইরে দাঁড়িয়ে শোকেসে সাজানো আমার প্রিয় লেখকের লেখা বইখানিও কিনব না। যদিও বই কেনা আমার একটি প্রচণ্ড নেশা।

গ্রেট ইস্টার্নের আর্কেডের তলায় কিছুক্ষণ দাঁড়িয়ে থাকা যেতে পারে।

ব্রাউন ব্রাদার্সের তকমা এখনও গায়ে ঝুলছে। স্কাটেল্ড, বুটেড। টাই হুলছে গলায়, ফাঁসির দড়ির মতো। ‘জোড়িয়াক’, ‘জোড়িয়াক’। এখানে দাঁড়িয়ে একটা সিগারেট খেতে খেতে ভেবে নেওয়া যেতে পারে পার্থ সেনকে এবার কিভাবে পরিচালিত করা হবে। তাকে একটা ট্যান্সি চাপিয়ে সাত সকালে বাড়ি পাঠানো হবে। অথবা পাশেই ওয়াটালুতে বার অ্যামবারে বসিয়ে তাকে কয়েক পেগ জিন খাওয়ানো হবে—লাইম কর্ডিয়েল দিয়ে। অথবা তাকে কালিঘাটে মায়ের মন্দিরে নিয়ে যাওয়া হবে সফলের আশায়। সময় কাটানো যে এত সমস্তা হয়ে উঠবে আগে কখনও ভাবিনি। গ্রেট ইস্টার্নের দরজা দিয়ে জনৈক উদীয়মানা চিত্রাভিনেত্রী অতিরিক্ত মতপানে বেসামাল হয়ে একটি পাঞ্জাবী যুবকের কণ্ঠলগ্না হয়ে টলতে টলতে বেরিয়ে এলেন। পাঞ্জাবী যুবক অতি যত্নে তাকে একটি নতুন চকচকে ওপেল গাড়ির, পিছনের সিটে বসিয়ে দিয়ে, নিজে চালকের আসনে বসে হুস্ করে বেরিয়ে গেল। বোধহয় কোন উদীয়মান ব্যবসায়ী। এসব চরিত্র আমার খুব চেনা। কত আর, দিনে হাজারখানেক টাকার বাজেটে এই রকম কিছু মজা লোটা যায়? একজন বিখ্যাত ব্যবসায়ী রাম অবতার সিংহানিয়া আমাদের তাঁর সত্ত্ব নির্মিত নিউ আলিপুর বাড়িতে একটি আধুনিক কায়দায় সাজানো ড্রয়িং রুমে বসে, সিঁদ্বির সরবত খেতে খেতে বলেছিলেন—সেনসাব একটা ব্যবসা করুন। ভদ্রলোক ছ’মাস ভারতবর্ষে, আর ছ’মাস কন্টিনেন্টে থাকেন। বেশ রসিক মানুষ। বিদেশে ঘোরার ফলে আন্তর্জাতিক সংস্কৃতির কিছু হাওয়া গায়ে লেগেছে। বাড়িটি হালফ্যাসানের। সাজাবার ধরনটিও ইন্টারন্যাশানাল।

কিসের ব্যবসা আমি আর ভয়ে জিজ্ঞেস করিনি। কারণ আমি জানি ভদ্রলোক আমাদের কিছু সহপদেশ দেবেন। ঘণ্টাখানেক ধরে নিজের সাফল্যের কাহিনী শোনাবেন। মাঝে মাঝে আমাদের মতো শিক্ষিত বেতনভোগী মানুষদের জন্যে করুণার বন্যা বইয়ে দেবেন। কিন্তু সেই ট্রেড-সিক্রেটটি কিছুতেই বলবেন না। সেই গোপন রহস্য। ভারতবর্ষের মতো করভারপীড়িত দেশে কিভাবে কোটি কোটি টাকার গদীর ওপর সুখে গড়াগড়ি দেওয়া যায়। সর্বস্তরে কিভাবে শোষণ চালালে সুস্পষ্ট হয়ে ওঠা যায়। কতটা আত্মকেন্দ্রিক হলে শুধুমাত্র নিজের আর নিজের পরিবারের মানুষদের কথাই কেবল ভাবা যায়! সিংহানিয়ার দুই ছেলে আর এক মেয়ে বিদেশে। বাকি সবাই ভারতবর্ষের মতো দরিদ্র দেশে ভোগ আর বিলাসে লুটোপুটি খাচ্ছে।

সিংহানিয়া বা ঐ পাঞ্জাবী যুবকের মতো পার্থ সেন যদি একজন শিল্পপতি

হত, তাহলে, ঠিক এই রকম নিশ্চিন্তে, দিনের এই সময় গ্রেট ইন্টার্ন আর্কেডে দাঁড়িয়ে থাকতে পারত কি? রাতে তার বিবাহিত স্ত্রী অপর্ণাকে কি পানসে মনে হত না? সেই একই নারীদেহ তবুও কোনো চিত্রতারকা, নিদেন কোনো ডাকসাইটে গণিকাকে বিনিতি মদ গিলিয়ে কোনো প্রাইভেট ক্লায়ে প্রায়শই অসুস্থ রাত কাটাবার প্রয়োজন অনুভব করত। জীবনের একঘেয়েমি, বাবসার একঘেয়েমি, সবশেষে রাশি রাশি টাকার একঘেয়েমি ভুলতে এইসব উত্তেজনার আশ্রয় নিতে হয়। পৃথিবীর সমস্ত সম্পর্কে, সমস্ত মানুষকে অসং করে তোলার, ‘করাণ্ট’ করে তোলার মধ্যে একটা বৃশ্চিক দংশনের মতো জ্বালাদার আনন্দ আছে। টাকা যেন কোকেনের নেশা। আসক্তি বাড়তেই থাকে। সরকারী কর্মচারীদের ঘুষ দিয়ে, পরজাতিকে তার স্বপ্নের সংসার থেকে লোভ দেখিয়ে বের করে এনে, গণিকাদের সংখ্যা বাড়িয়ে, সমস্ত প্রতিষ্ঠানের পবিত্রতা নষ্ট করে সারা গায়ে ব্যাণ্ডের গুটি নিয়ে এক-একটি বিরাট ঘফ যেন হাসছে। কেবলই বোঝাতে চাইছে আমরা ভীষণ সুখী।

ট্রাম আর বাসগুলো আকর্ষণীয় মানুষ বোঝাই করে চলেছে। অফিস ছুটি হয়েছে। এখন ঘণ্টা দুয়েক আর কোনো কিছুতেই পা দেওয়া যাবে না। সিগারেট শেষ হয়েছে। আপাতত আর্কেড ছেড়ে এগোনো যেতে পারে। এখনই হয়ত পরিচিত কোনো পানীর সঙ্গে দেখা হয়ে যেতে পারে। যারা দিনের আলো নিভে গেলেই মন খারাপের ভয়ে তরল পদার্থে একটু মানসিক শক্তি খুঁজে বেড়ায়।

আমার এখনও মাঝে মাঝে প্রবীরের কথা মনে পড়ে। গত বছর সিরোসিস অফ লিভারে মারা গেছে। সে নাকি কোনো একদিন ভিড়ের মধ্যে একটি মেয়েকে দেখেছিল। হঠাৎ চোখাচোখি। সে চোখ নাকি জীবনে ভোলা যায় না। সে মুখের জন্তে নাকি দেশত্যাগী হওয়া যায়। সেই যে প্রবীরের মন খারাপ আরম্ভ হল। সব সময় যেন মন কেমন কেমন করছে! মনের আকাশে অনবরতই বৃষ্টি পড়ছে। বাদলা দিনের ঝাপসা স্বচ্ছকার। ট্রেন চলে যাওয়ার হু হু শব্দ। অতিরিক্ত রোমান্টিক হলে যা হয়। প্রবীর মদ গিলে গিলে, মদের ঘাসে নাকি সেই মুখের ছায়া দেখত, সিরোসিস অফ লিভারে মারা গেল।

আপাতত গ্রেট ইন্টার্নের কাউন্টারে দাঁড়িয়ে কিছু খাওয়া যেতে পারে। প্যাটিস অথবা প্যাস্ট্রি কিংবা ক্রিমরোল। ক্লে দেওয়া চোড়া থেকে খাবারের তাজা টুকরো খুঁটে নেবার জন্তে ফুটপাথের ছেলেদের মধ্যে কি ভীষণ কাড়া-

কাড়ি। অনেক আগে জীবন যখন শুরু করিনি। জীবন সম্পর্কে যখন ভীষণ একটা সংশয় ছিল তখন মনে হত জীবনকে যদি সমস্ত প্রকার পরিস্থিতির সঙ্গে খাপ খাইয়ে নেওয়াতে পারি তাহলে আব ভয়ের কিছু থাকে না। তখন মাথার উপর ছাদ আব নীল আকাশে কিছু তফাত থাকে না, তখন স্বকোমল শয্যা অথবা শক্ত পাথরে কিছু যায় আসে না। তখন সকালে ব্রেকফাস্ট, দুপুরে লাঞ্চ কিংবা বাতে ডিনারের বদলে যে কোনো রকম ব্যবস্থাই হাসি মুখে গ্রহণ করা চলে। আব ঠিক তখনই জীবনে পুরোপুরি স্বাধীন হওয়া যায়, নির্ভীক হওয়া যায়, বেপবোয়া হওয়া যায়। এই রকমই কোন এক মানসিক অবস্থায় আমি ছাত্রজীবনে একবার মধ্য কলকাতাব কোন এক ফুটপাতে রাত কাটিয়েছিলাম। প্রথমে ভয় ছিল হয়ত ফুটপাতেব কোনো প্রকৃত বাসিন্দা এসে আমাকে হটিয়ে দেবে। জায়গাটা ছিল এ. সি. মহম্মদ আলীর দোকানের সামনে বেস্টিক স্ট্রট আব মিশন বো'র সংযোগস্থল। একটা প্লাস্টিকের চাদর বিছিয়ে ঊট মাথায দিয়ে শুয়েছিলুম। প্রথমে একটা নেড়ি কুকুর এসে ছ-একবার শুঁকে চলে গেল। তারপর একটা রাস্তাব ছাড়া গরু মাথার কাছে এসে মৃত্ততাগ করে চলে গেল। শেষে রাত এগারটা নাগাদ এক বৃদ্ধ পেশোয়ারী মুসলমান এসে একটু দূরে বিছানা বিছিয়ে শুয়ে পড়ল। বৃদ্ধের সঙ্গে একটু বেশী রাতে আলাপ হয়েছিল। তপ্ত কাঁকনের মতো চেহারা, সাদা গৌরবাড়ি। গিলে করা সাদা পাঞ্জাবি, নীল কজা তোলা লুঙ্গি। শোবার আগে বৃদ্ধ একটু নামাজ পড়ে নিয়েছিল। তারপর এমন নিশ্চিন্ত আরামে শুয়েছিল, আমার মনে হচ্ছিল সে যেন কোনো প্রথম শ্রেণীর হোটেলে, পালকের গদীতে নিভৃত আরামে শুয়ে আছে। শেষ রাতের ট্রাম চলে গেল। রাস্তা ক্রমশই জনবিরল হয়ে আসছে। রাত বারোটার ওরিয়েন্ট সিনেমা থেকে একদল নরনারী বেরিয়ে জায়গাটাকে শেষবারের মতো কোলাহলমুখর করে বাকি রাতের স্তম্ভ নিস্তরূতার কোলে ছুঁড়ে ফেলে দিয়ে চলে গেল। সবশেষে এল ছুটি মাতাল। তারা গালাগাল দিতে দিতে টলতে টলতে চলে গেল। গণেশ অ্যাভিনিউ-এর দিক থেকে একটা ফুরফুরে হাওয়া উঠল। মহম্মদ আলি ম্যানসনের কোনো একটি তলা থেকে হাঙ্কা ঘুড়ুরের আওয়াজ ভেসে আসছিল। রাতের এমন স্বন্দর রূপ আমি কখনও দেখিনি। কিছু দূরে একটি টানা রিকশাওলা অঘোরে ঘুমচ্ছিল। ষ্ট্রাও রোডের গঙ্গার উপর থেকে ভেসে আসছিল স্টিমারের ভেঁ। ঘুম আসছিল না কিছুতেই। এমন সময় একটা চকচকে মোটর এসে দাঁড়াল। দরজা খুলে একজন স্বন্দর যুবক

বেরিয়ে এলেন। নেমে একবার এদিক-ওদিক তাকিয়ে সোজা ফুটপাথের যে অংশে সেই বৃদ্ধ মুসলমান শুয়েছিলেন সেই দিকে এগিয়ে এলেন। বৃদ্ধকে ঘুখ থেকে তুলে নমস্কার করলেন। যুবক বৃদ্ধের ছেলে। সেই রাতে বৃদ্ধের মৃৎ থেকে পবে যে কাহিনী শুনেছিলুম তা প্রকৃতই অদ্ভুত।

ছেলে ভট্টনকা বাঙালী আধুনিকাকে বিয়ে করেছেন। সেই মহিলা কিছুতেই বৃদ্ধ স্বত্ত্বকে বরদাস্ত করতে পারেন না। বৃদ্ধের তাতে কোন অভিযোগ নেই। তোমরা সুখী হও। আমার দিন তো শেষ হলই। আল্লা যখন ডাক দেবেন তখনই আমি প্রস্তুত। জীবনে ভোগ তো কম হল না। আর কেন, এবাব সব ছাড়াব পাল। বৃদ্ধ সারাদিন রাস্তায় ঘুরে রাতে এইখানেই আসেন শুতে। লক্ষপতিব শয্যা এই ফুটপাথ। বৃদ্ধ বলেছিলেন তোমাদের তুলসীদাস কি বলেছে জান বেটা—সব ছাড়োয়ে সব পাওয়ে। সব ছাড়লেই সব পাওয়া যায়। ছেলের সমস্ত অস্থান্য বিনয় ব্যর্থ হয়েছে। তাই সে রোজ মধ্যরাতে আসে পিতার আশীর্বাদেব আশায়। সে রাত আমার কেটেছিল বৃদ্ধের জীবন কাহিনী শুনতে শুনতে।

ফুটপাথ থেকে হাত দুয়েক ব্যবধানে দাঁড়িয়ে ক্রীমরোল খেতে খেতে জীবনের সেই একটি ফুটপাথ রজনীর কথা মনে পড়ে গেল। ফুটপাথে যারা সংসার পেতেছে তারা আমারই মত মানুষ, একই পৃথিবীর অধিবাসী কিন্তু আমাদের ভগৎ, বেঁচে থাকার ধরন সম্পূর্ণ আলাদা। আমরা নানা প্রয়োজন দিয়ে জীবনকে বেঁধেছি, জীবনকে জটিল করে তুলেছি। কিন্তু এরা বহু প্রয়োজনকে ছেঁটে ফেলেছে। জীবনকে দাঁড় করিয়েছে দুটি কি তিনটি প্রয়োজনেব উপর। তুলনায় এই সমস্ত মানুষের সংখ্যাই হয়ত ভারতবর্ষে বেশী। এদের শিক্ষা, সংস্কৃতিকে যদি ভারত-সংস্কৃতি বলে চালানো হয়, এরা যে ভাষায় কথা বলে তাকেই যদি জাতীয় ভাষার স্বীকৃতি দেওয়া হয়, ভাবা যায় না। আমার ছেলে সিদ্ধার্থকে যে ভাবে মানুষ করছি, তাতে সে পুরো-পুরি ভারতীয় বোধহয় নাও হতে পারে। তার কৃতি হবে মাজিত। তার সংস্কৃতি চালচলন হবে মাজা ঘষা। সে হবে সৌখীন, কিছু বিলাসী। যে কোন পরিবেশ তার প্রীতিকর হবে না। জীবনের যে 'র ফর্ম' আমরা দুপাশে দেখছি সিদ্ধার্থ হবে তার সম্পূর্ণ বিপরীত। আদর্শ কি তাহলে একটি আপেক্ষিক শব্দ?

এই ভাবতে ভাবতেই চলে এসেছি মেট্রোর তলায়। কি বই চলছে? 'লান ক্লাওয়ার'। হঠাৎ সিগারেটের দোকানের পাশে দাঁড়িয়ে থাকা একটি

মাজা চেহারার নীল শাড়ি জামা পরা মহিলা আস্তে আস্তে বলে—যাবেন নাকি? চমকে উঠলাম—কোথায়? কোথায় যাবার কথা সে বলছে? বল'ছ—সিনেমায়, না'হয় কোন রেস্টোরাঁয়, অব'ব মঘদানে লিংবা কোন ট্যাক্সি নিয়েও থানিক বেড়িয়ে আসা যায়, ডেড বোড বরে, ভিক্টোরিয়াকে বাঁধে রেখে বেস কোর্সকে পাক দিয়ে সোজা স্ট্রাও বোড বরাবর।

অনেকেই হয়ত এই রকম বেড়াতে যায়। তাদের স্ত্রীরা যখন জানলাব গরাদে মাথা রেখে আমার প্রতীক্ষায় দাঁড়িয়ে তখন তারা হয় সিনেমায়, নথ রেস্টোরাঁয়, অথবা ট্যাক্সিব পিছনেব সিতে। পকেটে হয়ত প্রেসক্রিপশান, ওষু'ব কেনা হয়নি। ছেলে অথবা মেয়ে জেগে বসে আছে বাবা কিয়বে। মা হয়ত ভাবছেন ছেলে আসছে না কেন? তা'বা তখন পাক খাচ্ছে গোল হয়ে। কাঁধের উপর মাথা রেখেছে রুক্ষ চুল ঘষা ঘষা চেহারার একটি মেয়ে। কিছু অশ্লীল রসিকতা, একটু নগ্নতা। জীবন যে সার্থকতায় ভরে উঠছে। না সুন্দরী, আমি পার্থ সেন তোমার খন্ডেব হতে পারছি না। অপর্ণা নামক তোমারই মত একটি মেয়ে আপাতত দক্ষিণের বারান্দায় আমার পথ চেয়ে বসে আছে। যদিও আমি একটা দুঃসংবাদ নিয়ে চলেছি। জানি না সে কি ভাবে নেবে।

আসা-যাওয়ার পথে তোমাদের মত চরিত্র আমি আগেও দেখেছি। তোমাদের প্রতি আমার কোন লোভ নেই, আছে অপরিণীম শ্রদ্ধা। জীবন থেকে ফুলের স্বপ্ন তোমরা ঝেড়ে ফেলে দিয়েছ। মকুভুমির স্বাদ নেবাব জন্যে তোমরা নিজেদের প্রস্তুত করেছ। তোমরা কি জীবনে স্বাবলম্বী। তোমাদের কেউ স্নেহ করে না, নিজেব বলতে তোমাদের কেউ নেই। এই ভীষণ শহবে তোমরা সাহসে বুক বেঁধে একলা বেরিয়ে পড়েছ। জীবনমৃত্যুর সঙ্গে ছুবেলা পাঞ্জা লড়ছ। এই মেট্রোর তলায়, এই রাতে আমার স্ত্রী অপর্ণাকে একলা ছেড়ে দিলে, সে কি কবত? ভয়ে দিশাহারা হয়ে যেতো। এরপর যদি কোন অপরিচিত মানুষ তার সঙ্গে ঘনিষ্ঠ হতে চাইত, তাহলে তো কথাই নেই। অথচ তোমরা এমনি কত ভীষণ ভীষণ মানুষকে নিষে অনায়াসে খেলছো। যেখানে গোলমাল দেখছো, সেখানে সাপের মত ছোবল দিয়ে প্রতিপক্ষকে কা'বু করছ। জীবনকে তোমরাই ঠিক ঠিক চিনেছ, জগৎকে তোমরাই ঠিক দেখেছ।

কাকে ডি মনিকোর সামনে দেখি বিভাস দাঁড়িয়ে। অনেকদিন পরে দেখা। আইনের ব্যবসায় চুল পাঁকিয়েছে। হাতে ব্রিফ কেস। চলমান

জনশ্রোতে একটা অনড় খুঁটির মতো দাঁড়িয়ে। বিভাসচন্দ্রের খবর কি? ঘেন কোনো রাজ্যে চলে গিয়েছিল। দেহটা ছিল ফুটপাথে, মন বিচরণ করছিল কোথায় কোন জগতে কে জানে? চমকে উঠল। প্রথমে চিনতে পারেনি তারপর—আরে পার্থ যে রে! বলে এমন সোরগোল তুলল, আশে-পাশের অপেক্ষমান মানুষেরা চমকে উঠল।

বিভাসচন্দ্র তোমার এই সময়ে এখানে দাঁড়িয়ে থাকার অর্থ কি? তোমার যে পেশা তাতে তো তোমার এক মিনিট সময়ও নষ্ট করা চলে না। সদা মক্কেল পরিবৃত্ত, আইনের বইয়ের পাতায় পোকার মতো বিচরণ, এই তো তোমার পরিচিত চেহারা। মেট্রোর তলায় কারা দাঁড়াবে? দাঁড়াবে প্রেমিক, প্রেমিকা, গণিকা, আগলার, ব্ল্যাকমেলার, বাসঘাত্ত্রী, বেঙ্গড়ে, নিকর্মা, ভবঘুরে।

বিভাসচন্দ্র বলল অকারণে নয়—ঐ ঞাথ। উন্টোদিকের ফুটপাথে গাছের তলায় একটা মেয়ে দাঁড়িয়ে। মোটামুটি সুন্দরী। নারীঘটিত ব্যাপার। ঠিক ধরেছিল। ভদ্রমহিলা একজন প্রখ্যাত কমাশিয়াল আর্টিস্টের স্ত্রী। ডিভোর্স মামলা ঝুলছে। ভদ্রমহিলাকে বাগে আনার চেষ্টা করছি। যদি ঠিক চরিত্রে একটা ফাটল আবিষ্কার করতে পারি আমার মক্কেল একটা ক্লিন ডিভোর্স পেয়ে যাবে।

বিভাসচন্দ্র, সব সহ হয়, সহ হয় না উকিলের গোয়েন্দাগিরি। এইসব কাজের জন্য অন্য একদল লোক আছে। বিভাসের হাত ধরে টানতে টানতে ‘অশোকায়’ নিয়ে গিয়ে তুললুম। ‘করিস কি,’ ‘করিস কি’? আর করিস কি! তোমার গোয়েন্দাগিরি আপাতত শেষ। কার একটা বউ গাছতলায় দাঁড়িয়ে আছে! কে কখন আসবে! আহুক না, ক্ষতি কি, তারপর কোথাও গিয়ে বসবে। এই জগতের ভূমি, আমি, রাজনীতে, সমাজনীতি, অর্থনীতি, এপিডেমিক, ডাক্তার, যুদ্ধবিগ্রহ, বেকারসমস্যা, রাজনৈতিক অনিশ্চয়তা সব ভুলে ঘণ্টাখানেক, ঘণ্টা দুয়েক একটা অন্য জগতে চলে যাবে। থাক না। নিজের স্ত্রী তো রইলই, নিজের স্বামী তো আছেই, তাদের সমস্ত অভাব অভিযোগ দাবীদাওয়া নিয়ে টানটান হয়ে। কেন বাবা কারুর স্বখে বাগড়া দিচ্ছ।

বয়! ছোটো ক্যাটলেট, ছুঁকাপ চা। চা না কফি? কফি। বেশ ছোটো এপ্রেসো। তারপর বিভাস! পেশা ভাল চলছে না। ঠিক কিনা। চললে ভূমি ঞা এই ছুটকো কেন নিতে না? কম্পিটিশান খুব বেশী। তা তো হবেই। বিশ্ববিদ্যালয়ের দরজা গলে প্রতি বছর রাশি রাশি ছেলে বেরোচ্ছে। সেই যে ওরা কি ঘেন বলে, হেঁকে হেঁকে নেচে নেচে—বাঁচতে গেলে লড়তে

হবে, এ লড়াই বাঁচার লড়াই'।

বিভাসকে কাটলেট চিবোতে চিবোতে আমার কেসটা খুলে বললুম। কোন লিগেল আকশান নেওয়া যেতে পারে? পারে। খরচ? মোটা খরচ। চলবে, অনেকদিন ধরে লড়তে হবে। রেজান্ট। পুনর্বহাল, অর্থপ্রাপ্তি অথবা শৃঙ্খলাগ। তোর কি সাজেশান? লেগে যাবো। আর তোমাকে আজই কিছু অ্যাডভান্স করব? এক পাল্লায় বন্ধুত্ব, অল্প পাল্লায় টাকা। টাকার দিকেই ঝুঁকতি বেশী। ভেরী গুড।

বিভাস যেন মাঝে মাঝে কেমন আনমনা হয়ে যাচ্ছে। মুচমুচে কাটলেট, গরম কফি কোন কিছুই যেন তাকে চালা করতে পারছে না। অবশেষে বিভাস ভেঙে পড়ল। পার্থ, ওই ভদ্রমহিলা অল্প কেউ নয় আমারই স্ত্রী। আমি ভাই একেবারে ভীম গাড্ডায় পড়েছি। বর্তমানে আমি গৃহত্যাগী। বিভাসের কাহিনী, প্রবৃত্তির কাছে মানুষের আত্মবিক্রয়ের কাহিনী। বিভাসের বর্তমানে দুটি বিবাহ। প্রথম স্ত্রী গাছতলায়, কার অপেক্ষায় কে জানে। বিভাস কালীঘাটে থাকে না। সে এখন নাকতলাবাসী। বিভাসের মুহুরীর মেয়ে তার দ্বিতীয় স্ত্রী। বিভাসের প্রথম স্ত্রী কেস করেছে। বিভাস প্রমাণ করতে চাইছে তার প্রথম স্ত্রী চরিত্রহীন।

বিভাস বলল—ভাই ভীষণ ফাঁদে পড়েছি। মুহুরীটা খুব কায়দা করে আস্তে আস্তে টোপ গিলিয়েছে, এখন তার ছিপে বড় মাছ। বেশ খেলিয়ে খেলিয়ে ভুসছে। তুমি টোপ গিললে কেন? আরে মাছের স্বভাবই তো টোপ গেলা। তা হলে আর ভুখ কেন? আসলে কি জানিস আমার দ্বিতীয় স্ত্রী মালাই চরিত্রহীন। তার চারে এখন অনেক মাছ, আমাকে ভুলেছে, বাকিগুলোকে খেলাচ্ছে। টোপ হল তার ভয়ঙ্কর যৌবন।

আইনের বই ঘাঁটতে ঘাঁটতে জীৱন যখন নীরস ঠিক তখনই ঐ বুড়ো মুহুরীর মেয়ে সোনালী মদের মত গ্লাস গ্লাস উত্তেজনা নিয়ে জীবনটাকে পুড়িয়ে দিলে। আমি এখন নিরুপায়। আমার কেরিয়ার যেতে বসেছে। আমি এখন একটা গভীর ষড়যন্ত্রের শিকার। আত্মহত্যা ছাড়া আমার আর কোন মুক্তির উপায় নেই।

মুক্তির উপায়, মুক্তির উপায়। গান গাইতে গাইতে আবার এগিয়ে চলেছি। বিভাস এখন একটা ভীড় বাসে চিঁড়েচেন্টা হয়ে তার নাকতলায় খোঁয়াড়ে চলেছে। সে এখন একটা প্রচণ্ড শরীরের শিকার। বেশ নেশাদার, বেশ জ্বালাদার। মাতাল মদ না পেলে যেমন পাগল হয়ে যায়, বিভাসের

বর্তমান অবস্থাও তাই। যে আশায় সে একটা হীন কুটির মহিলার কাছে নিজেকে বিক্রী করেছিল, সেই আশা এখন গাধার নাকের সামনে মূলের মতো ঝুলছে। বিভাগ চলেছে, চলেছে। বিভাগের স্থলের সংসারে আগুন লেগেছে।

হঠাৎ মনে হল আমি দিব্যদৃষ্টি লাভ করেছি। আমার আশপাশ দিয়ে যে সমস্ত মানুষ এদিক ওদিক দৌড়োচ্ছে, আমি যেন তাদের ভিতরটা স্পষ্ট দেখতে পাচ্ছি। এক একটি চলমান অ্যাকোয়ারিয়াম, ভিতরে নানা রঙের মাছ কিলবিল করছে, ছটকট করছে। ঐ সব নানা প্রবৃত্তি। সখ করেই যেন জিইয়ে রাখা হয়েছে, খাবার দিয়ে তোয়াজ করে। জীবন যেন সেই বিষাক্ত সাপ, আমরা জিভ এগিয়ে দিয়ে একটি করে ছোবল খাচ্ছি আর নেশায় বুঁদ হয়ে পড়ে থাকছি। হায় জীবন!

কিন্তু আমি চলতে চলতে কোথায় এসে পড়েছি।

চাঁদনি চৌক। বাবা! অনেকদিন পরে আসা হল এদিকে। পাকিস্টান, চৌরঙ্গী, থিয়েটার রোড, ফ্রী স্কুল স্ট্রীট এইসব জায়গাতেই ঘোরঘুরি সীমাবদ্ধ ছিল। আয় অল্পসারে মানুষ যেমন বাসস্থান নির্বাচন করে, সেই সঙ্গে কি তার বিচরণের জায়গাও নির্ধারিত হয়! হয়ত হয়। বড়লোক পাড়া, গরীব পাড়া, মধ্যবিত্ত পাড়া ইত্যাদি। রাত এখন সাতটা। চাঁদনীতে অজস্র মানুষের ভীড় বেশীর ভাগই ভাসমান মানুষ। অফিস ভাঙা বাড়িমুখে মানুষের দল। ধর্মতলার মুখ থেকে এদিকে ঠেলে এসেছে খালি যানবাহনের আশায়। রাস্তা জুড়ে মুসলমান বেপারীর দল। সিনেমা হলের সামনে কিছু জটলা। কিছু কিছু প্রমোদবিহারী। মতিশীল স্ট্রীটের মুখে আর একটি শ্রামবর্ণ মেয়ে কোনো রেস্তোরাঁয় দু'দণ্ড বসার পরামর্শ দিল। কিন্তু পার্থ সেন আবার প্রত্যাখ্যান জানাল। না সে আজ একলা বেড়াবে।

চাঁদনীতে যখন এসেছি, তখন একবার আমার সেই দূর সম্পর্কের আত্মীয়ের সঙ্গে দেখা করে গেলে কেমন হয়। চার নম্বর গেটের মধ্যে ঢুকে সোজা এগিয়ে যেতে হবে, তারপর বাঁ দিকের একটা স্ট্রুঁড়িপথ ধরে কিছুদূর এগোলেই দুটো বড় বড় দোকান। কিসের দোকান? বেডিং, স্ট্রীং, ম্যাটারেস, ছোবড়া ইত্যাদি। ৪৬ সালের দাঙ্গা কিছু কিছু মানুষের ভাগ্য কিরিয়েছিল। আমার এই আত্মীয়টি তাদের অন্ততম। এক মুসলমানের কাছ থেকে নামমাত্র মূল্যে এই দোকান দুটো কিনে চড়চড় করে ভাগ্যের সোজা সড়ক ধরে এগিয়ে চলেছে। দেশের ভ্রমিতে আধুনিক প্রথা চাক হুচ্ছে। লামাজান মাইনের চাকরি ছেড়ে

দিয়ে সব কটি ভাই এখন ব্যবসায় আর চাষবাসে। আমাকে কেন, এরা এখন দশ-বিশটা ব্রাউনকে কিনে ফেলতে পারে।

আমাকে দেখে একটু অবাক হবে। ভাববে কিছু ধান্দা করতে এসেছি। হয়ত ভাববে টাকা ধার করতে এসেছি। তবুও একবার যাব। নিজের অহঙ্কারকে খর্ব করার জন্তে। কে বলতে পারে, দিনকতক পরে হয়ত আমাকে ফেরি করতে বেরোতে হবে। সংসার তো আমাকে ছাড়বে না, চাকরি হয়ত আমাকে ছেড়েছে। সকাল বেলা পার্থ সেন, অপর্ণা সেন আর সিদ্ধার্থ সেন তিনটে পার্থীর মতো হাঁ করে যখন খাব খাব করবে, তখন তো আর নিশ্চেষ্ট বসে থাকা যাবে না। হাটে নামতে হবে ঝোলাঝুলি নিয়ে।

বিষ্টদা তখন টেলিফোনে লাথ পঞ্চাশ করছিল। আমাকে হাত নেড়ে ইশারায় বসতে বলল। বেশ মোটা হয়েছে, ঘোঁষন ঘেন ফিরে এসেছে। হাসি হাসি মুখ করে সেই একই রকম অভ্যর্থনা, যেন আমিও এক খদ্দের। সেই ফর্মুলায় বঁধা ভক্ততা, একটা কোকাকোলা, খুব একটা ঠাণ্ডা নয়। সেই কুশল প্রশ্ন, এ কেমন, সে কেমন, অমুক কেমন, তমুক কেমন। মাঝে মাঝে ফোন। জীবনটা যেন কেমন যান্ত্রিক। অল্পভূতিহীন একটা ব্যাপার। মুখ থেকে কথাগুলো কেড়ে নিলে, মনে হবে যেন নির্বাক চলচ্চিত্র দেখছি। আমি একটু আশার আলো দেখতে চেয়েছিলুম, ভেবেছিলুম, কোন ব্যবসার খবর নেব কিংবা চাষবাসের। ছেলেবেলা থেকেই শুনে আসছি বাণিজ্যেই লক্ষ্মীর বাস। ভেবেছিলুম বিষ্টদার পরামর্শে যে কয়েক হাজার টাকা পাব ব্যবসাতেই খাটাব। খাটেতে পারি শুধু তাই নয় একটা প্রথম শ্রেণীর প্রতিষ্ঠানে এক সময় সেলস্ একজিকিউটিভ ছিলুম। কিন্তু বিষ্টদাবুর ভাব দেখে বিশেষ কোন অন্তরঙ্গ কথা বলার উৎসাহ পেলুম না। উঠি তা হলে আজ।

কিন্তু কি জন্তে এসেছিলে! কেন আসতে নেই! নানা সে কি কথা, আবার এস পার্থ।

পার্থ আর আসবে না। পার্থ বুঝেছে মানুষ আর মানুষকে চায় না। মানুষ এখন একলা থাকতে চায়। কেবল কাজের সময় অল্প মানুষকে মনে পড়বে। ছেলেবেলায় মা ছড়া কাটতেন—ওরে শয়তান কাজের সময় কাজি, কাজ ফুরোলেই পাজি। কোন এক কবি সাম্প্রতিক কালে লিখেছেন, বোধহয় কোন সাহিত্য পত্রিকায় পড়েছি—

‘আমি মানুষ বড় ভালবাসি

আমার ক্ষেতে তাদের ঘাম রাখে

আমি তুলি সোনার ফল
 আমার গোলাঘরে খরে-খরে
 আমি মানুষকে জুড়েছি যন্ত্রে
 ক্ষেতে খামারে, আমার গৃহকর্মে
 মানুষ ছাড়া আমি পারি না থাকতে
 মানুষ ছাড়া আমি পারি না বাঁচতে
 আমি মানুষ ভালবাসি নিজের কারণে
 আমি মনুষ্যদরদী এক মহাশয়তান'

চাঁদনী থেকে বেরিয়ে দৌড় দৌড়। সোজা ময়দানের দিকে গ্রান্ট স্ট্রীট দিয়ে
 করপোরেশনের বাড়িকে বাঁয়ে রেখে সুরেন বানার্জি রোড ধরে মনুমেন্টের
 তলা। আর না, আর ঘোরাঘুরি নয়। এবার ঘাসের উপর হাত পা ছড়িয়ে
 দিয়ে একটু বসব। একটু চিন্তা করব। কি ঘটল, কি ঘটতে চলেছে।

জীবন শুরু করেছিলুম কবে সেই কোন সকালে। হলুদ রঙের ভূর্জপত্র
 সংস্কৃতে লেখা হয়েছিল, শুভলগ্নে, শুক্লপক্ষে, অমুকশ্র পূজা জাতবান। চারটে
 লাইন ইংরেজী প্রাসাদের মতো, অনেকটা কাটাকুটি খেলার ঘরের মতো,
 কোনো খোপে লং, কোনো খোপে ব্লু, শু, শ, কে, চ, ম। ঐ তো মাথার
 উপর গাঢ় কালো আকাশে গ্রহনক্ষত্রের ফুল ছড়িয়েছে। নীচে মাঠে বসে
 আছে পার্শ্ব সেন অমুকশ্র পূজা। অত দূর থেকে পার্শ্ব সেনের ভাগ্য নিয়ে
 খেলছে গুটিকতক গ্রহ। আরে মশাই আপনার ভাবনা কি ষষ্ঠে মঙ্গল,
 শক্রনাশ, একাদশে শনি, রাহু—টাকা মশাই পায়ে হেঁটে সিন্দুকে ঢুকবে।
 আর, অষ্টমে শুক্র, তথী, শ্রামা, শিখরা দশনা, বিহুধী ভাৰ্ঘা। মশাই রাজার
 কোণ্ঠী।

চা দেবো বাবু, আজক দেওয়া। ঝাল, মূড়ি, বাদাম। কল্যাণ, তুমি
 ভারি দুই, স্ফুটস্ফুট লাগছে না। পাশে, খুব কাছে একটি ছেলে, একটি
 মেয়ে, সেই চিরন্তন জুটি। ঐ অনন্ত আকাশ সাক্ষী, মিনতি আমি তোমায়
 ভালবাসি। যাও যাও, ওরকম অনেক শুনেছি, তোমরা ছেলেরা মশাই,
 ভ্রমরের জাত, ফুলে ফুলে মধু খাও। মাইরী বলছি তুমি ছাড়া জীবন অচল,
 তুমি আমার প্রবতারা, নয়নতারা।

গঙ্গার দিক থেকে ভিজে ভিজে হাওয়া আসছে। চৌরঙ্গীর আকাশে
 নিয়নের আলো কাঁপছে। জোড়ায় জোড়ায় আবছা মূর্তি ময়দানের এখানে
 ওখানে বসে আছে। হঠাৎ ঘেন নিজের কাছে ধরা পড়ে গেলুম। আমি বাড়ি।

না গিয়ে সারাটা দিন এদিক ওদিক সেদিক ঘুরে বেড়িয়েছি। এখন আটটা পাঁচ, আমি ময়দানে বসে, ঠাঁড়ে চা খাচ্ছি। ওদিকে আমার স্নসজ্জিত স্ট্র্যাটে, অপর্ণা সেজেগুজে, সারাগায়ে মিষ্টি গন্ধ ছড়িয়ে হয়ত রেডিওগ্রামে তার প্রিয় শিল্পীর কোনো গান শুনেছে। রান্নাঘরে কুকিং রেঞ্জের উপর প্রেসার কুকার মুরগীর মাংসের স্নগন্ধ ছড়াচ্ছে। খাবার টেবিলে পরিচ্ছন্ন ফুলতোলা টেবিলকুথ বিছানো হয়েছে। মাঝখানে ফুলদানীতে ইকুবানা প্রথায় ফুল সাজানো হয়েছে। ফ্রুট বোলে ফল সাজানো হয়েছে। ফ্রিজ জমছে পেস্তার কুলফী। সিদ্ধার্থ তার বড় পুতুলটা নিয়ে এই মুহূর্তে হয়ত তার কটে বসে খেলছে। অপর্ণা উৎকর্ণ হয়ে আছে—গাড়ির শব্দ পেলেই চমকে উঠছে—পার্থ এল। পার্থ কিন্তু আজ তোমাকে স্ট্যান্ট দেবে। কখন নিঃশব্দে সে সিঁড়ি ভেঙে তোমার পিছনে গিয়ে দাঁড়াবে তুমি টের পাবে না, চমকে উঠবে।

পার্থ তখনই তোমাদের কিছু বলবে না। যথারীতি সে ফ্রিজ খুলে একটা কোল্ড ড্রিংকস খাবে। সোফায় বসে একটা ইংরেজি ম্যাগাজিনের পাতা ওটাবে। তারপর চলে যাবে বাথরুমে। শাওয়ারে শরীর ভেজাতে ভেজাতে ভাববে, এই বিলাস আর কদিন। তারপর সে সেতার নিয়ে একটু টুং টাং করবে। তারপর সকলে মিলে খাবার টেবিলে চোকো হয়ে বসে রুটি, মাংস খাবে। অবশেষে কেশে গলা পরিষ্কার করে পার্থ বলবে, বেশ ভূমিকা করেই বলবে, মাহুষের পরীক্ষাই হল বিপদের দিনে। যে মাহুষ যে কোনো পরিস্থিতির সঙ্গে খাপ খাওয়াতে পারে সেই তো স্ত্রী। স্ত্রী টাকায় নেই, স্ত্রী পদমর্যাদায় নেই, বশ আর খ্যাতিতে নেই। স্ত্রী আছে মনে। এই ধর না আজ আমরা স্নসজ্জিত ঘরে ভোজ টেবিলে বসে যে আনন্দ পাচ্ছি, সেই একই আনন্দ যদি ফুটপাতে বসে পাই, তবেই না আমরা মাহুষ।

কিন্তু ময়দানে বসে এইসব সাতপাঁচ না ভেবে সোজা বাড়ি গেলেই তো হয়। ভয় কিসের! পরিস্থিতিকে নিজের অন্তকূলে আনতে হবে। ঘটনা-প্রবাহে ভেসে গেলে তো চলবে না। পার্থ সেন জীবন বড় সোজা জিনিষ নয়। জীবনকে চালাতে হলে জাহাজের ক্যাপটেনের মতো দক্ষতা চাই। এই মুহূর্তে, পাশে যদি অপর্ণা থাকত! দুজনে বসে থাকতুম পাশাপাশি, গুমোট ভাবনাদের নিয়ে, তারপর হয়ত শেষ ট্রেনে চড়ে হাওড়া থেকে চলে যেতুম রাঙামাটির দেশে। সেখানে মাধুকরী করে দিন চলত। লোকে বলত, কি স্ত্রী দম্পতি! সম্পর্কে কোথাও এতটুকু ফাটল ধরেনি। যেন হরগৌরী। সন্ধ্যাবেলা খঞ্নি

বাজিয়ে গান গাইতুম। বাঁধা বকুলের তলায় রোজ সন্ধ্যায় বসত ভাগবত পাঠের আসর। বকুল ঝরত একটি দু'টি করে। সমস্ত শরীর জুড়িয়ে যেত ঝির ঝিরে হাওয়ায়। প্রাচুর্য নেই শান্তি আছে। চাকচিক্য নেই গভীরতা আছে। অপর্ণা তুমি টেলিপ্যাথি বোঝ। এই মুহুর্তে তোমার নিউজালিপুর ক্র্যাটে রবীন্দ্রসঙ্গীত শুনতে শুনতে কি একটু আনমনা হয়ে যাচ্ছ? মনে হচ্ছে কি তোমাকে কেউ গভীরভাবে কামনা করছে। এখন তাহলে ওঠা শাক, কি বল পার্থসেন? চল এবার তোমাকে আশ্তে আশ্তে বাঙ্কিপৌছে দি। আজ আবার তোমার গাড়ি নেই। আজ রাত, পরিকল্পনার রাত। খাওয়াদাওয়া শেষ হবে। অপর্ণা এসে বসবে তোমার খাটে পা ঝুলিয়ে। তুমি তখন আশ্তে আশ্তে বলবে তোমার সব কথা, তাই না? তুমি বলবে, এই ক্র্যাটটা ছেড়ে দিতে হবে। বলবে জীবনযাত্রার মান নামাতে হবে। তুমি একটা জীবনের স্বাক্ষর ছবি আশ্তে আশ্তে আরো কালো গাঢ় রঙের পৌচ দিয়ে তুলে ধরবে।

কোনোদিনই তো শুধু হাতে বাড়ি ঢুকিনি। আজই বা তার ব্যতিক্রম হবে কেন। কিছু মিষ্টি কেন, কিছু ফুল। কাল সকালে তোমার ফুলদানী কি খালি যাবে! এখনও তোমার পকেটে কর কর করছে একশো কয়েক টাকা। ট্রামে নাইবা গেলে একটা স্যাটল ট্যাক্সি নাও।

এখন বেশ হাল্কা লাগছে। জানলার ধারে বসেছি। ভিক্টোরিয়ার পাশ দিয়ে সর্দারজী ছুটেছে। রাতের ভিক্টোরিয়া—এক অগ্নি জগৎ। ফুল, ফুচকা, আইসক্রিম, ভেলপুরী, আলোকিত পুলিশ আউটপোস্ট। রঙচঙে শাড়ি, নানা বর্ণের মাহুষের ইতস্তত ঘুরে বেড়ানো কেমন খুশী খুশী উৎসব উৎসব ভাব। এই সমস্তাগীড়িত কলকাতায় এ যেন এক আমোদের দ্বীপ। গো স্যাজ ইউ লাইক। নিমেষে ট্যাক্সি এই খুশীর দ্বীপকে পিছনে ফেলে ক্যাথিড্রালকে বাঁয়ে রেখে পি. জির পাশ দিয়ে আবার সেই পরিচিত, নিত্যকার কলকাতায় এসে পড়ল। হাতে ধরা রজনীগন্ধা, মুহূ গন্ধ ছড়াচ্ছে। পাশে দুই অপরিচিত ভ্রলোক ক্রমান্বয়ে কথা বলে চলেছে। বড়বাজারে না আলু-পোস্তায় মসলার ব্যবসা করে। কি একটা জিনিস কিছুদিন ধরে রাখলে কি ভাবে দাম বেড়ে গিয়ে স্বিগ্ণ মুনাকা দিয়ে যাবে তারই পরিকল্পনায় ব্যস্ত। মুখে মুহূ মদের গন্ধ। সামনের আসনে দুটি ছেলে কি একটি কমপিটিভ পরীক্ষার হুর্নতির বিষয়ে উত্তেজিত আলোচনায় মুখর। ট্যাক্সি যেন তিনটে ভিন্ন জগৎ নিয়ে উপস্থানে ছুটেছে নিউজালিপুরের দিকে।

অপর্ণা নামটা ছোট, বেশ মিষ্টি অন্তত আমার কাছে বেশ মিষ্টি। কোনো এক পাখী-ডাকা গ্রাম্য মধ্যাহ্নে, জীবন যখন শান্ত, লক্ষ্য যখন অস্পষ্ট, ‘কেয়িয়ারের’ নেশা যখন ঢোকেনি, সারা রাত যাত্রার আসরে বসে থেকেও যখন মনে হয়নি কি ভীষণ সময় নষ্ট হল, তখনই এই নামটাকে ভালবেসে ফেলেছিলুম। বিভূতিভূষণ বন্দ্যোপাধ্যায়ের বই পড়তে পড়তে ভাল লেগেছিল নামটিকে। অপর্ণা যার নাম তার চেহারা কেমন হতে পারে। পাতলা, ছিপছিপে, ধারালো, চোখা নাক, টানা চোখ, নিতম্ব অবধি লুটানো চুল, উজ্জল গৌরবর্ণ, লক্ষ্মীর মতো দুটি পা, ভারি শান্ত, সবচেয়েই যেন অবাক বিষয়। ওমা! তাই নাকি! ছোটোদের সঙ্গে ভারি ভাব। দিদি, মা, সগী সব মিলিয়ে মিশিয়ে এক বিষ্ময়কর কিছু।

মা এসে বললেন, মেয়ে দেখেছি পার্থ। এবার তোকে বিয়ে করতে হবে। আরে ছি ছি, এখনই বিয়ে, তাছাড়া আজকালকার ছেলে প্রেম না করে বিয়ে। জানা নেই শোনা নেই। আহা না হয় বিয়ের পরই প্রেম করবি। মেয়েটির ভাল নাম অপর্ণা। লেখাপড়া জানে, দেখতে ভাল, শান্ত স্বভাব, বাপের একমাত্র মেয়ে, ভাল বংশ, পয়সাকড়ি আছে। অপর্ণা, অপর্ণা, সেই নাম। হয়ত কল্পনার অপর্ণার সঙ্গে মিলতেও পারে। সত্যি মিলেছে? হুবহু মিলেছে। কি জানি ভাগ্যে কার কি আছে। মা চলে গেছেন। যাবার আগের দিন বলেছিলেন—পার্থ বড় শাস্তি নিয়ে যাচ্ছি রে, তোর কোন কষ্ট হবে না, বোমা বড় লক্ষ্মীমন্ত। তোরা স্বখে থাক।

মা কাল অবধি বেশ স্বখে ছিলুম। আজ বড় দুঃসংবাদ নিয়ে তোমার অপর্ণার সামনে দাঁড়াব। তুমি শক্তি দাও। জীবনকে আবার নতুন জীবিকার কোঠারে রাখতে হবে। সে কি সহজ কাজ? চার বছর আগে মা চলে গেছেন। আজ তাঁকে কাছে পেলে কি দারুণ হত? একটা প্রণাম করে আবার ঝাঁপিয়ে পড়তাম সমুদ্রের লোনা জলে। কিন্তু সেই অদৃশ্য লোক থেকে আমি জানি তোমার আশীর্বাদ ঠিকই আসবে।

আজ এত রাত হল তোমার। আমি দুপুরে তিনটের পর তোমার অফিসে ফোন করেছিলুম, বললে অনেকক্ষণ বেরিয়ে গেছ। কেন অপর্ণা তুমি হঠাৎ ফোন করেছিলে। জানই তো নানা কাজে আমাকে ছোটোছুটি করতে হয়। আমার চাকরি হল ফেরিওলার চাকরি, ভদ্র ফেরিওলা। মনে মনে বললুম—চাকরিটা গেছে। আজ গভীর রাতে তুমি যখন আমার খুব কাছে আসবে। ফিকে সবুজ আলো সিলিং থেকে নাইলনের মশারি বেয়ে পালকের

মতো। সাদা বিছানায় ছড়িয়ে পড়বে। তুমি আর আমি নিশ্চয় রাতে কাছাকাছি, পাশাপাশি। প্রাত্যহিক জগৎ বাইরে বহুদূরে যেন একটা স্বতন্ত্র ইঞ্জিনের মতো পড়ে থাকবে। অন্তর্দিন, অন্ত কোনো দিন, চার হাজার টাকার একটা প্রতিশ্রুতিকে, একটা স্বাচ্ছন্দ্যকে পিছনে রেখে, তোমাকে আলতো, আলগোছে বুকে তুলে নিতুম। তুমি একটা নরম কাবুলী বেড়ালের মতো একটা চার হাজার টাকা দামের পার্থ সেনের নিশ্চিন্ত বুকে আরামে পড়ে থাকতে। তোমার গায়ে স্নগন্ধ, কালো শ্যাম্পু করা চুলের ঢল ঢেউয়ের মতো ছড়িয়ে আছে। তোমার হাত প্রাত্যহিক কাজের ঘষায় কর্কশ নয়। তোমার পায়ের গোড়ালী মোমের মতো নরম সাদা। কিন্তু আজ? আজ এক অন্তর্জগৎ, কাল সকালে অন্ত এক সূর্য তোমাকে দগ্ধ করবে। আমি এখনই সে কথা বলতে সাহস পাচ্ছি না।

কি এত ভাবছ? তোমার চা জুড়িয়ে জল হয়ে গেল। তোমার বিস্কুট হাওয়া লেগে নরম হয়ে যাচ্ছে। ভাবছি অপর্ণা, এমন একটা কিছু ভাবছি, যার স্বাদ কিছু বিচিত্র, একটু বেশী ঝাঁজালো। আপাতত আমি একটু হাসব, একটু বেশী সহজ হব, একটু বেশী কথা বলব, বেশ প্রগল্ভ হয়ে বাবো। বেশ জলি চিয়ারজুল। তোমরা একটুও বুঝতে পারবে না, অন্তত শুভে বাবার আগে অবধি বুঝতে দেবো না—এতক্ষণ যে রাস্তায় গাড়ি ছুটিয়েছি, সেই রাস্তার শেষে রয়েছে একটা বিরাট খাদ।

চায়ে চুমুক দিতে দিতে আপাতত আমি সিদ্ধার্থের সারাদিনের ছুটুমির কথা শুনে চাই। কি কি করেছে সে, নতুন কি আবিষ্কার, নতুন কোনো কথা অথবা গান কিংবা কোনো খুশীর নাচ। না—সে আজ সারাদিন অসন্তক গভীর ছিল, যেন অন্ত কোনো সিদ্ধার্থ। তার খেলা পড়েছিল দূরে। হতে পারে আমি এতটুকু অবিশ্বাস করছি না অপর্ণা। শিশুরা তাদের বর্ষ ইন্ড্রিয় দিয়ে অনেক কিছু বুঝতে পারে। অনেক দূর দেখতে পায়। শিশুরা এক পবিত্র অলৌকিক জগৎ, একটা নিখুঁত রেডিও সেট, ঘটনাতরঙ্গ অবিভ্রান্ত আছড়ে পড়ছে। সিদ্ধার্থের টেলিভিশনে ধরা পড়েছিল ছুপরের ঘটনা। সিদ্ধার্থ খেলা করেনি, হয়ত শরীর ভাল ছিল না, পেটের গালযোগ, গ্রাইপ-ওয়াটার দিলে পারতে হবার। কিন্তু সিদ্ধার্থের জন্ত বোধ হয় একটু বেশী ভাবছি, তাই না। শিশুর খেলায়। খেলায় হাসে, খেলায় কাঁদে, খেলায় খেলে। তাই তো। ফুটপাথের মায়েরা বোধহয় এত ভাবে না। তাই না!

খালি কাপটা নিয়ে যেতে বল শব্দরকে। তুমি কি আরো কিছু বলবে

আমাকে অপর্ণা ? না কায়দা করে কাছাকাছি এসে বুঝতে চাইছ আমি মদ খেয়েছি কিনা ? আগে মাঝে মাঝে যা খেয়েছি মিসেস সেন সবই ব্রাউন ব্রাদার্সের পয়সায় ! পানীয় আপাতত আজই বেলা বারোটোর পর থেকে আমার কাছে অভ্যস্ত মহার্ঘ । রঙীন জল একটু খেয়েছি তবে সে শুধুই জল— এক বোতল রঙীন ঠাণ্ডা পানীয় ।

তুমি একটা চিঠির কথা বলতে চাইছ । আজ এসেছে । কোনো সুসংবাদ । লটারি পাওয়ার খবর । তবে ? আমার বোন আরতি এখানে এসে থাকতে চাইছে, তার এক ছেলে আর এক মেয়েকে নিয়ে । স্বস্তরবাড়ির গোলযোগ চরমে উঠেছে । প্রতাপ কাল তাকে মেরে বাড়ি থেকে বের করে দিয়েছে । কোনো এক বান্ধবীর বাড়িতে উঠেছে । চমৎকার ! চমৎকার যোগাযোগ ! কিন্তু অপর্ণা আমি কিছু বলার আগে তুমি কি বলছ শুনি । তোমার সামনেও এসেছে জীবনের পরীক্ষা । নিউ আলিপুরের সাজানো ফ্ল্যাটে, অপর্ণা, পার্থ আর সিদ্ধার্থর নিটোল সংসার । বেশ প্রাচুর্যের সংসারই বলা চলে । বেশ শান্তির সংসার । স্বস্তর শাওড়ীর সঙ্গে মানিয়ে চলার প্রশ্ন নেই । পার্থর আর কোনো ভাই নেই । সেই সংসারে বাড়তি তিনটে প্রাণ, তিনটে প্রাণীর একটি স্বতন্ত্র জগৎ আসবে । স্বাধীনতা একটু কমবে । সব সময়ে সব-কিছু করা যাবে না । নিজেদের অনেক জিনিস, অনেক কথা, অনেক ইচ্ছে যা এখন খুচরো পয়সার মতো চারিদিকে ছড়ানো পড়ে আছে তা গোপন করে রাখতে হবে । সিদ্ধার্থ, পার্থ আর অপর্ণার জগৎকে একটা অস্বচ্ছ আবরণে ঢেকে দিতে হবে । ব্যক্তিগত, অন্তরঙ্গ, অনেক কিছুকেই লুকিয়ে রাখতে হবে, নির্জন কোনো একটি স্বতন্ত্র পরিবেশের অপেক্ষায় । এই পরিবেশে অপর্ণা তুমি কি করবে ! তোমার স্বাধীনতা বিসর্জন দিতে পারবে ! না প্রাতাহিক কলহের মধ্যে দিয়ে পথ কেটে কেটে অবশেষে একদিন সম্পর্কের রঙীন কাচের গোলক চুরমার করে ভেঙে দেবে !

আমি কি বলছি জান পার্থ—এই অবস্থায়, তুমি না কর না । সত্যি বিপদে পড়েছে । অমাত্য স্বামীর ঘরে পড়ে পড়ে মার খাওয়ার চেয়ে চলে আসাই ভাল । স্নেহ দিয়ে যা পাওয়া যায় না, সম্পর্কের খাতিরে তা পেতে হলে আইনের সাহায্য নিতে হবে । অপর্ণা তুমি বলছ ? হাসিমুখেই বলছ ওরা আশ্বক ! পারবে তুমি এক সঙ্গে মিলেমিশে থাকতে ? পার্থ তোমার ভাবনার কি আছে ? তোমার বোন, সে কি আমার কেউ নয় । তার প্রতি কি আমার কোনও দায়িত্ব নেই ।

বল কি অপর্ণা ? এত তো আধুনিক কোন মহিলার কথা নয়। আধুনিক সমাজে মানুষ বাস করে ক্যাপসুলে। গাণ্ডী তাব সীমিত। মানুষে মানুষে সম্পর্ক খুবই সঙ্কীর্ণ। এই কি সেই অপর্ণা ? সবুজ ঘাসের গালচের উপর, জলের দিকে মুগ করে যে বসে থাকত আমার পাশে! জীবনের সেই বোমাস্টিক দিনগুলোয়! স্বপ্নবা নানা রঙের স্নাতায় জাল বুনে যেত আমাদের ঘিরে। আমরা তখন বিশ্ববিদ্যালয়ের পড়ুয়া। জীবন শুরু হয়নি। শুধুই পরিকল্পনা। বাগান কেমন হবে, ফুলের বেড কোথায় থাকবে, কোথায় ফোয়ারা, কোথায় ছুড়ি ঢাল। পথ। অপর্ণার বাবা ডাক্তার। অপর্ণা একমাত্র মেয়ে। পার্থ সেনের বাবা একজন অধ্যাপক। পার্থ সেন হাতে চলেছে চৌখস ইঞ্জিনিয়ার। জীবনের দিনগুলি সোনালী বালির মতো দুজনেরই মুঠোয় ধরা, খেয়াল-খুশীমত ঝুর ঝুর করে ঝরিয়ে দিলেই হয়। ঘাসের গালচে থেকে অপর্ণাকে তুলে এনেছিলাম নিউ আলিপুরের গালচে মোড়া ঘরে। পরিবেশ বাস্তব। সেখানে অপর্ণা গৃহিণী, সেখানে অপর্ণা মা। নানা সম্পর্কের স্নাতো দিয়ে সে বাঁধা। কর্তব্যের স্নান জালে সে একটা রঙীন মাকড়সা। দিন গেছে, দিন এসেছে। স্বামী-স্ত্রীর সম্পর্ক থেকে রোমান্সের বিন্দুগুলো জলের মতো ঝরে গেছে। দুজনে সহজ হয়েছি। দুজনের ভাল লাগা আর না লাগা বলতে শিখেছি। একটা বোঝাপড়ার সাধারণ প্র্যাটিকর্ষে দাঁড়িয়ে আমরা আমাদের জগৎ তৈরী করেছি। কিন্তু অপর্ণা সেই অভ্যস্ত জগতে তোমাকে যে ভাবে দেখেছি, চিনেছি বা তুমি আমাকে যে ভাবে দেখেছ, চিনেছ, তাই দিয়ে কি আমরা জোর করে বলতে পারি, যে কোনো পরিবেশেই আমরা নির্ভয়ে পাশাপাশি হাতে হাত রেখে হাসিমুখে হেঁটে যেতে পারব! তুমি তো বলছ! এর মধ্যে কোনো ফাঁকি নেই তো!

কিন্তু আমি তো তোমাকে আসল কথাটাই এখন বলিনি। সে কথা তুমি শুনে পাবে আর একটু বেশী রাতে, চারিদিক যখন নিশ্চল হয়ে আসবে, পৃথিবী যখন ঘুমিয়ে পড়বে তারা-ঝকঝকে আকাশের তলায়। আর সেই কথা শুনেও কি তুমি বলতে পারবে আরতি আনুক।

বেশ এখন আমরা রাতের খাওয়া শেষ করে নিতে পারি। কারণ বোজ আমরা এই সময়েই খাই, অন্তত সাত বছর ধরে খেয়ে আসছি। শেষবারের মতো তোমার রান্নার প্রশংসা আমি করব। হয়ত জীবনের আগামী দিনগুলোয় তুমি আর এই সমস্ত রাঁধবার স্তবোগ অনেক দিন পাবে না। কারণ গ্রাহুর্ঘের দিন শেষ হতে চলেছে। আসছে সংগ্রামের দিন। সেই সমস্ত ছায়া-ঘেরা

দিনে সূর্যের প্রতিভ্রতিকে পিছনে রেখে সংশয়ের ছায়াকে পাশে রেখে আমাদের এগোতে হবে। আলো তো আছেই তা না হলে ছায়ারা আসে কোথা থেকে? আর একটু পুড়িং খেতে পারি, তাই না অপর্ণা। আইনক্রীমের ট্রেটা ফ্রীজ থেকে আর একবার বেয় করে আন, হিম ধোঁয়া ছড়াতে ছড়াতে এক একটি কিউব তুলে দাও এই ভিশে। সময় সময় মনে হয় অনর্থক বিলাসিতার পায়ে নিজেকে বিকিয়ে দিয়ে পরিবেশের কাছে পরাধীন হয়ে পড়েছি। এই সুদৃশ্য ভোজ-টেবিল থেকে সব সরিয়ে নিয়ে খানকতক মোটা রুটি আর এক-হাতা তরকারি পরিবেশন করলে পার্থ সেনের কি খুব অসুবিধে হত। তোমার কি মনে হয় অপর্ণা সেন। না তুমি তো এখন এই সব ভাববার অবকাশ পাওনি। ল্যাম্পশেডের ছায়ায় তোমাকে এখন ভারি সুন্দর দেখাচ্ছে। পাতলা ঠোঁট দিয়ে চুমুকে চুমুকে খাচ্ছ গরম চকোলেট, তোমার প্রিয় পানীয়। তোমার ঐ আবেশ-জড়ানো চোখে রাজির সমস্ত মাধুর্য গাঢ় হয়ে এসেছে। তোমার দিকে তাকিয়ে যেন এই প্রতিজ্ঞাই করতে ইচ্ছে করে ছুঃখের আগুন যেন তোমাকে স্পর্শ না করে। পুরুষের সমস্ত বর্ম দিয়ে তোমাকে আগলে রাখতে হবে। তুমি যেন কোন মন্দিরের দেবী।

এইবার আর একটু পরেই সেই বাঁশী শুনতে পাব। বোধহয় কোন জাহাজের বাঁশী। আর আমরা রোজকার মতো এই পশ্চিমের বারান্দা থেকে উঠে যাবো শোবার ঘরে। এই তো আমাদের রুটিন। পশ্চিমের ঐ ফাঁকা মাঠ পেরিয়ে যে রাস্তা উত্তর-দক্ষিণে একখণ্ড তামার পাতের মতো পড়ে আছে—ঐ রাস্তা থেকে এই বাড়টাকে একটা আলো-বলমল জাহাজের মতো দেখায়। একটু পরেই একটি দুটি করে আলো নিভিয়ে নিভিয়ে আমাদের ক্ল্যাট অন্ধকারে মিলিয়ে যাবে। বিজ্ঞানের সময়। আগামী দিনের জন্তে শক্তি সঞ্চয়ের সময়। শোবার ঘরের জানলায় সিনেনের পর্দা হাওয়ায় দুলছে। স্বপ্নরা যেন ডানা মেলে উড়ে উড়ে আসছে।

অপর্ণা আজ শোবার আগে আমাদের একটু কাজ আছে। হাসছ। কোন কায়িক পরিশ্রম নয়। না না, কোন রবীন্দ্র সঙ্গীতের ফরমায়েরঙ্গও নয়। বল এইখানে চুপ করে। মনে হচ্ছে আমি যেন কোন এক বোয়িং প্লেনের পাইলট। অপর্ণা আমার যাত্রী। আমি বলছি। ফার্স্ট ইণ্ডর সিট বেস্ট। ইন এ ফিউ সেকেন্ডস উই আর ল্যান্ডিং। প্লেন নামছে, নামছে। জানি না টাচ ডাউন স্মুথ হবে কিনা! শেষ মুহূর্তে তলার চাকা আটকে গেলে, বেলি লেঞ্জিং হবে, একটু ঝাঁকুনি লাগবে। ফায়ার ব্রিগেড দৌড়ে আসবে প্রস্তুত হয়ে।

অপর্ণা আজ থেকে আমি সম্পূর্ণ বেকার। আমার চাকরি চলে গেছে। হাতে আছে মাত্র কয়েক হাজার টাকা। বিশ্বাস হচ্ছে না, মিথ্যে বলছি না। কাল থেকে আমাকে আর বেরোতে হবে না। কিন্তু জানো, আমাদের মাসিক খরচ প্রায় তিন হাজার টাকা। এই বাড়ি, এই ফোন, এই ফ্রীজ। কাল থেকে শুরু হবে এক নতুন দিন। কিছু অনিশ্চয়তা। কিছু হতাশা। এই পরিস্থিতিতে তুমি কি করবে।

কিছুদিন বাপের বাড়ি। ফ্র্যাটটা ছেড়ে দি, কি বল। উত্তর কলকাতা অথবা শহরতলির কোনো এক ভদ্র এলাকায় ছোটখাটো কম ভাড়ার একটা কি দুটো ঘর নেওয়া যাক। ফোনটা পরমেশ্বর নামে ট্রান্সফার করে দি। ব্যবসাদার মানুষ। ফোন ছাড়া চলে না। ফ্রীজটা বিক্রি করে দি। তারপর বেশ ঝাড়া হাত পা হয়ে দেখি নতুন কি করা যায়। এরপর আরতি আসতে চাইছে। কিন্তু অপর্ণা তোমার এসব সহ হবে না। চুংখের আগুনে ঝলসে যাবে। তুমি বরং কিছুদিন তোমাদের বাড়িতে থাক, যতদিন না আমি একটা কিছু যোগাড় করে উঠতে পারছি।

পার্শ্ব তোমার এই চাকরি বাবার খবর আমি আগেই পেয়েছি। তুমি নতুন কোনো খবর আমাকে দিতে পারলে না। আর তোমার কোনো পরিকল্পনাই আমি মানতে পারছি না। প্রত্যেকটা ব্যবস্থাই তোমার নেতিবাচক। এক—আমি বাপের বাড়ি যাব না। দুই, এ ফ্র্যাট ছাড়বো না। তিন—দিন যেমন চলছে তেমনি চলবে।

কিন্তু কিভাবে অপর্ণা! কোনো ম্যাজিক! কিংবা কিছু গুপ্তধনের সন্ধান পেয়েছ কি? পাওনি, তবে কিভাবে চলবে!

পার্শ্ব আমার বাবার পরিচিত কোনো পাঞ্জাবী ভদ্রলোক বলেছিলেন—বিপদের সময় বাঙালী যেমন খরচ কমিয়ে বিপদ কাটাতে চায়, পাঞ্জাবীরা ঠিক তার উল্টো। তারা খরচ ঠিক রেখে অল্প উপার্জনের রাস্তা খোঁজে। পার্শ্ব তোমার কি নেই? তোমার শিক্ষা আছে, স্বাস্থ্য আছে, তোমার দীর্ঘদিনের অভিজ্ঞতা আছে। তুমি বুদ্ধিমান। তোমার হাতে নেই নেই করে যে টাকা আছে, তার সঙ্গে আমার যা গয়না আছে সব মিলিয়ে স্বাধীন কিছু করার চেষ্টা করতে হবে। ভয় কি, পৃথিবীতে অল্প মানুষ কি ভাবে বেঁচে আছে! কটা লোক না খেয়ে পথের পাশে মরে পড়ে আছে?

কিন্তু অপর্ণা চাকরীর অবস্থা, ব্যবসার অবস্থা তো দেখছ। আমার মতো হাজার হাজার ইঞ্জিনিয়ার এদেশে বেকার। শিল্পে তাঁটার টান ধরেছে।

অনিশ্চিত রাজনৈতিক অবস্থা। মানুষের জীবন আজ বিশৃঙ্খল। এর মধ্যে তুমি আশার আলো কোথায় দেখলে ?

পার্থ আমি গণিতের ছাত্রী ছিলাম। আমি দেখছি আমার হাতে যে চারটি সংখ্যা আছে তার তিনটে জানা, সত্ত্বাং চতুর্থটি আমি যে কোনো মুহূর্তে জেনে নিতে পারি। পার্থ আমার জানা, অপর্ণাও আমার অচেনা নয়, পরিবেশ আমি জানি, আমি জমির উপাদান জানি, গাছ আমার চেনা, ফল কি ফলবে, তা কি আমি জানি না ?

তুমি বলছ একটা ব্যবসার ঝুঁকি নিতে ? সঞ্চিত যে কটা টাকা আছে তা একটা অজানা ভবিষ্যতের কালো জলে ছুঁড়ে দিতে ? এরপর সেই চারে যদি মাই না গাঁথে ? দিনের শেষে ক্লান্ত পার্থ, ফিরে আসবে খালি হাতে, ছিপ আর স্তুতো নিয়ে।

জীবনটাই তো ঝুঁকি পার্থ। এই মহাশূণ্ডে একটা গোলকের উপর অসংখ্য শক্তির মজির উপর নির্ভর করে বেঁচে থাকা। জয়সুত্রেই আমরা একটা অনিশ্চয়তার ভ্রূণ নিয়ে এসেছি। ভয় কিসের ? তুমি জান সমাজসেবার কাজে আমি বস্তিতে বস্তিতে ঘুরেছি। কত বিচিত্র জীবন আর জীবিকা দেখেছি। সকলেই বাঁচার জগ্রে লড়ছে। আমরাও লড়ব। এত সহজে হেরে গেলে চলবে না।

অপর্ণা, সাত বছরের চাকরি জীবন আমাকে একটু নির্ভরশীল, পরাধীন কবে তুলেছে। চাকরিজীবীর মনোবৃত্তি আমাকে ভীক করে তুলেছে; কিন্তু তোমার লাহমের আলোতে আমি পথ চিনে নেবো। যে সময়, যে বুদ্ধি পরের জগ্রে খরচ করেছি এখন তা খরচ করব নিজের জগ্রে। তুমি রইলে আমার পাশে, সবুজ গাছের ছায়ার মতো, এই ছায়াঘেরা দিনগুলোয় তুমিই হবে জলন্ত সূর্যের মতো।

পার্থ, পথে যখন নেমেছি, চলা যখন শুরু করেছি, শেষ অবধি যেতেই হবে। আমরা দুজনই প্রস্তুত। সিদ্ধার্থকেও তৈরী করতে হবে যাতে সে প্রচণ্ড স্বাবলম্বী একটা ঘাতসহ মানুষ হয়ে ওঠে। জীবনটাই বড়, জীবনের অল্পমুহুর্তটি কিছুই নয়। প্রয়োজন হলে আমরা এই পরিবেশ হাসি মুখেই ছেড়ে যাবো। কিন্তু এক ইঞ্চি হটার আগে আমরা রক্তাক্ত লড়াই করব।

তাহলে কাল থেকে শুরু হোক নতুন দিন। অপর্ণা, আমি ভেবে দেখলুম, আমার বিত্তে বুদ্ধিকে কাজে লাগিয়ে একটা ছোটখাটো কারখানা করব। আমাদের বরানগরে যে জমিটা পড়ে আছে সেইখানেই একটা শেড করে। কিছু

টাকা আমার আছে, আর কিছু টাকা জোগাড় করব।

তোমার পরিকল্পনা নিখুঁত তবে আমি কিছু যোগ করতে চাই। আগেই কারখানা নয়। তুমি এই নিউ আলিপুর ফ্যাটেই আমার সঙ্গে পার্টনারশিপে একটা কোম্পানী কর। প্রথমে কেনা বেচা। ব্রাউন ব্রাদার্সে তুমি যে সব জিনিস নাড়াচাড়া করতে তার বাজার তোমার জানা আছে। তোমার নিষ্ঠা আর সততা দিয়ে ঐ ঘুণ ধরা কোম্পানীকে তুমি পিছনে ফেলে রেখে প্রতি-যোগিতায় এগিয়ে যেতে পারবে; এ বিশ্বাস আমার আছে।

ইতিমধ্যে আমি বাড়িতে ছানে একটা পোলট্রি করব আর আমার মহিলা মিমিত্তির উৎপাদন বিভাগে ফল আর সজ্জি সংরক্ষণের কাজ চালু করে দেবো।

অপর্ণা, রাত বোধহয় অনেক হল। এস এবার একটু বিশ্রাম করা যাক। সারাদিন হাপরের মতো ফৌস ফৌস করে এবার একটু শান্তি।

এখন সব নীরব নিস্তর। সারা ঘর আবছা অন্ধকার। নেটের মশারীর মধ্যে তিনটি প্রাণীর স্পন্দনহীন দেহ। গভীর শান্তির কোলে। সব কিছু ছায়া ছায়া, বুককেস, খাট, লেখার টেবল, ড্রেসিং টেবল, দেয়ালের ছবি, ক্যালেন্ডার। হাঙ্কা হওয়ায়, হাঙ্কা পর্দা উড়ছে। এক জোড়া সুখী দম্পতিকে ঘিরে রাত বাড়ছে, নদীর জলের মতো, ঝিম ঝিম মিষ্টি রাত। একটি গানের কলি যেন ঘর ভরেছে, একটি সুগন্ধি ধূপ যেন গন্ধে ছেয়েছে। বহুদূর থেকে ভেসে আসছে স্তোত্রপাঠের শব্দ। মাঝ রাত্রে সারা পৃথিবী জুড়ে চলেছে পূজার আয়োজন। লক্ষ্য লক্ষ্য মাহুঘের হুং-হুংয়ের স্পন্দন নিয়ে পৃথিবী তার কক্ষপথে ঘুরছে, ঘুরছে। আলো আর অন্ধকার পরায়ক্রমে ঘুরে ঘুরে আসছে। অন্ধকারকে ভয় করি বলেই আলোর তপস্বী। দিন থেকে দিনে মাহুঘের জীবনকাহিনী বিস্তৃত, এর শেষ নেই, শুরু হয়েছিল কবে তাও জানা নেই। পার্ব আর অপর্ণা এখন ঘুমুচ্ছে সিদ্ধার্থকে পাশে রেখে। এই একটু বিরতি। আবার সেই সূর্য উঠার সঙ্গে সঙ্গে এ কাহিনীর শুরু হবে। আপাতত একটি গাঢ় রেশমী পর্দায় ঢাকা থাক রজন্যক। অভিনেতার ক্লাস্ত, দর্শকেরাও ভারাক্রান্ত।
